


**EZECHIELIS  
SPANHEMII  
DISSERTATIO DE  
PRAESTANTIA ET  
VSU...**

---

Ezechiel Spanheim, Josè Maria  
Fonseca de Evora, ...











# DISSERTATIO

ET VSV

## ANTIQVORVM.



ROMAE

Apud Blasium Deuersin, & Felicem Cefarettum

Typis Fabij de Falcho MDC. LXIV.

SVPERIORVM PERMISSV

*Bibliot.  
Bonclarici*



# CHRISTINAE AVGVSTAE.



*FFERO Tibi Opusculum, AVGVSTA, quod non alio, quàm tuo Nomine diuulgari oportuit. Neque enim susceptum illud magis fiducia tui patrocini, quàm auctoritate singularis exempli. Habet quippe commendationem illius Supellectilis, ad cuius decus & ornamentum nihil deesse amplius voluisti. Dum enim summum illi pretium constituis, effecisti omnino, ut in verà huius aris aestimatione, reliqua hominum iudicia cogantur tandem*

2 2 acquie-

acquiescere. Tanget enim multos verecundia tui fastigij; plures diuina ingenij tui magnitudo: ut retractare sententiam errore aut ignoratione conceptam, non modò securum, sed gloriosum etiam futurum sit. Adeo, ut nihil mihi sit potius ad suscepti argumenti tractationem, quàm ut aliquam tua huius mentis declarationem habeat hic liber. Mitto enim libenter dotes illas tuas, defixas in contemplatione aut curà rerum & disciplinarum grauissimarum, aliaque insolita Fastigij tui aut Sexus decora. Illa enim cùm nota prædicatione omnium linguarum ac ingeniorum, tum ipso opere conspicua, in clarissima luce versantur. At priuatam illam otij tui oblectationem, quâ iucundè soles recreari, non aequè forte omnes intelligant; cuius tamen contemplatione affici me aliquantò libentius, & commoueri mirum in modum non diffiteor. Sciat itaq; præsens atas, nec taceat postera, CHRISTINAM in relaxationem animi & curarum requiem, admittere frequenter hæc monumenta, quibus præclara prisca aui cùm memoria, tum elegantia continetur. Voluisti non semel, AVGVSTA, constare mihi rationem huius tuae voluptatis, quam paratam tibi & expeditam præbet Gaza illa tua verè Regia, beatâ Nummorum veterum copiâ & pari delectu mirabilis. Neq; enim Te mouent eorum voces, qui iacturam temporis, insaniam, morbum vocare solent hoc genus oblectamenti; quod ipsi

Par-

*Parthorum Regum more, in acuendis cuspidibus telorum, aut inani & fugitiuâ ponunt voluptate. Ludrica verò hæc tua, cupide ac diligenter versare æra spirantia, quæ Tibi fata Imperiorum, & clarorum hominum vultus ante oculos ponunt. Lata olim surgebat tellus, quum Dictatorum manibus colebatur. Quàm latior exsurgit huius Aeris præstantia; dum regali dextrâ æruginem illi abstergis, illudq; magnifice adeò à squalore & contemptu vindicas. Intelligis enim non lutum esse quod tractas, sed gemmas summi pretij, quo nomine hoc genus supellectilis vocat Iurisconsultus; quæ ideo conspicua sunt mundi tui ornamenta, quod lucem sapientiæ veteri ac virtuti commodant. Nec in ijs tractandis, alienâ certè aut ingrata frueris voluptate. Incidis enim passim in Titulos ac Imagines tuarum rerum, Liberalitates, Coronas, Triumphos, Victorias Germanicas, Captas & Restitutas Prouincias, Clausum Iani Templum, Gloriam sæculi, & quod Tibi magis adhuc proprium ac iure Tuum, REGEM DATVM, vel REGNA ADSIGNATA, nec aliena sed tua. Hæc enim singula magis Te adficiunt, quàm adspectus illarum Augustarum, quæ vix ullam Tecum, præterquàm huius cognominis habent communionem. Rides certè Diuis ibi adscriptas, tenui ut plurimum aut graui etiam gestorum famâ laborantes; ac Aeternitatis opinionem, Rogo aut Funeris*  
*pom-*

pompa , non vi mentis ignea , aut immortalitate operum consequutas . At inter tot Titulos ac Imagines tuæ gloriæ , non minus ille Te delectabit **RESTITUTORIS MONETAE** , magnis olim & optimis Caesaribus acceptus . Quæ enim tot Artes ac Disciplinas tuis auspicijs cultas pridem & illustratas nosti , idem quoque beneficium debere Tibi voluisti illam memoriam , quâ fama præclari factis , immo quadam eternitas constat . Huius beneficij tui interpretem hunc librum eo vultu excipies , quo sæpe Auctorem admisisti , leni ac sereno . Conscriptus ille non solum tuo nutu , sed GAZA tua opibus instructus se Tibi sistit . Neq; sic tamen dignus , qui Tibi versetur ante oculos , alio sub titulo , quàm exigui hereditariæ meæ erga Te Pietatis monumenti . Equidem illud ære perennius non ausim hic dicere , quod tenui adeò perennis aris commendatione defungitur . Quod ~~sileus opera~~ , remanebit mihi saltem amplissimum illud ex veteri formula solatium , **FACTVM EST DOMINA QVOD IMPERASTI** .

# LECTORI.



E causâ aut instituto huius Opusculi, nolo hîc tecum præfari , MI LECTOR . Vtrumque exposui in ipso Dissertationis vestibulo , quod hîc repetere parum videtur opportunum . Neque magis commendationem illi ambio , vllâ festinatæ operæ , quam satis opus ipsum arguet , excusatione . Nequidquam enim errori venia prætexitur , obtentu oblatæ cuiuscunque tandem errandi occasionis . Duo solum hîc paucis te volo . Vnum , factum instantis mei ab Vrbe discessus contemplatione , vt quam orsus sum telam non licuerit integram pertexere . Abrumpere itaque illam in medio fermè opere coactus sum , alibi maiori otio ac diligentia retexendam . Sequetur enim , Deo iuuante , Appendix altera , quâ Theologiam Gentilium , Consecrationes , Geographiam , Chronologiam , & Veterum Suppellectilem in re Nummaria , Vestitaria , & reliquo apparatu positam , ex ineditis plerisque priscorum Numismatum monumentis , illustrare sum aggressus . Nata enim nobis copiosa id genus Observationum seges , dum subinde hîc per otium Penus eiusmodi Nummaria sub adspæctum venit . Alterum quod te volo , Typos Græcos , quos hîc leges , paratam semper ad iuuandas litteras comitatem Eminentissimi Cardinalis FRANCISCI BARBERINI opportunè suppeditasse . Decrant enim Typographo , nec ijs carere permittebat instituti operis ratio . Hoc volui vt scires , ne Etruscos Mæcenates Vrbi aut Litteris deesse etiamnum censeas . Vale , MI LECTOR , & PRAESTANTIAM huius Mercis , non ex Institoris præconio , sed ex VSV eiusdem æstimare assuesce .

A P-


## APPROBATIONES

**V**Idi ac recensui diligenter iussu Reuerendissimi P.  
Hyacinthi Libelli S. P. Apostolici pro Magistri  
ego infrascriptus opusculum Ezechielis Spanhemij, cui  
titulus *Dissertatio de Præstantia & Vsu Numismatum an-*  
*tiquorum*, nihilque in eo nec à recta fide, nec à bonis mo-  
ribus alienum offendi. Cùm autem variæ, reconditæ-  
que eruditionis, & non vulgarium omnis antiquitatis  
mysteriorum plenum sit; multamque præferat ver-  
borum, ac sententiarum elegantiam & copiam; dignum  
omnino publica luce, & eruditorum cognitione iudico.  
Datum Romæ IX. KAL. Mart. anno M. DC. LXIV.


*Ita censeo ego Stephanus Gradius S. Indicis Consultor.*

*Imprimatur,*

Si videbitur Reuerendis. Patri Magistri Sacri Palatii  
Apostolici.



*O. Archiep. Patrac. Vicefg.*



*Imprimatur,*

Fr. Hyacinthus Libellus Sacri, & Apostolici Palatii  
Promagister.

DIS-



# DISSERTATIO

DE

PRAESTANTIA ET VSV

NUMISMATVM ANTIQVORVM.

OCTAVIO FALKONERIO

S. D.

EZECHIEL SPANHEMVS.



ROGASTI me aliquoties, pro nostra consuetudine, OCTAVI FALKONERI, vt quid de Nummis Veterum sentirem, litteris quoque tradere, non dubitarem.

OCCASIO  
DISSERTATIONIS.

Quum enim hac me prisci æui elegantia delectari non leuiter animaduertisses, ita de illius vel vsu, vel pretio differendi, non vna hic in Vrbe sese obtulit occasio; Præbuit verò illam sapius ipsa Nummorum, quos te vel comite, vel duce; nonnunquam inspexi; contemplatio; qua inter alia itineris Italici oblectamenta, oculos, ani-

A

mum-

numque, tanquam iucundissimo spectaculo, subinde licuit explere. Ea quippe contractatæcum necessitudinis ratio, & felicitas fuit; ut tum alias, tum hic quoque, illius te voluptatis sensus afficeret, quam longè maximam percipere me identidem prædicabam. Ibi verò, quod suadebas, ut eam diffundi latius paterer, facile sum assensus; qui, ut amantes solent, ijs quibus capiebamur illecebris, pretium apud omnes constare cupiebam. Ita factum, ut hic mihi ante oculos obuersari plurima confidentius affirmarem, quibus nullo negotio possem eos à sententia dimouere, qui omnem hanc operam, ut inutilem aut otiosam derident. At nescio quomodo, non à sententia quidem, sed à tumultuario scribendi proposito, maturior quædam consilij ratio reuocabat. Enimvero, ut ingenuè quod res est fatear, à ludibrio parum abesse iudicabam, si in ipsa luce, & sede huius industriæ, tot subactis in ea ingenijs, & quibus passim vniuersa, quos vocant, Antiquariorum natio assurgit, ego vsu longè, & peritia inferior, quidpiam de ea commentari aggrederer. Accedebat viatoris, hoc est à museo, chartis, omnique familiari scribendi supellectile exulantis ratio; quotidianæ & potiores forte interpellationes; publici, quod salutare propter viam nefas semper iudicavi, reuerentia; ipsa denique instituti itineris, ad capiendum, non ostentandum

dum ingenij cultum, salubrior quædam & opportuna recordatio. Ita non omittere quidem; sed premere omne illud propositum cogitabam, quò pudori tuo simul & meo consulerem, ni vis maior accessisset, quæ mihi omnem nouissimi huius consilij rationem excussit. Fas enim mihi sit, vno CHRISTINAE AVGVSTAE imperio, ab omni me reprehensionis molestia liberare, & in sola obsequij gloria, vniuersam huius tumultuariæ scriptionis, vt laudem, sic veniæ spem collocare.

Varia sunt, vt nosti, & quod crebrò accidit in æstimandis prisci æui reliquijs, tum longè quoque inter se discrepantia circa Nummos Veteres hominum iudicia. Alij in colligendis ijs assidui, nulli nec sumptui, nec diligentiae parcunt, vt luculentum quendam ex ijs vel numerum, vel delectum conficiant. Vnde postea eosdem, tanquam pici aurum suum asseruant; immo eorum possessione, non secus ac ingentis Thesauri custodia, efferre sese solent & oblectare. Alij verò, quibus geminam felicitatem, aut peculium domesticum non concessit, aut loci ratio inuidit, eosdem tamen ad ornamentum veteris elegantiae, aliquo vsu edocti, plurimum conferre non diffitentur. Maior autem pars, quod vltro fateor nec indignor, omnem hanc operam in coaceruandis, vel excutiendis id genus monumentis positam, vt inanem, aut

PROPOSITIO ET DIVERSITAS IUDICIORVM.

etiam importunam, longè à se abesse patiuntur. Horù verò duo sūt genera, Vnū corū, qui recētis solū monetæ auidi, veteris incuriosi, omnem Glauci, & Diomedis permutationem auersantur, & æreos aliquot, ac ærugine obsitos, splendidis aureis redimere, absouum, & inconsultum ducunt. Alterum eorum, qui de temporis potius, quàm pecuniæ iactura solliciti, vniuersam in Nummis id genus excutiendis contemplationem, & curam, vt omni tum delectatione, tum vtilitate vacuam, consultò prætermittunt. Ad eiusmodi verò sententiam, non vna quoque hos, vel ratio, vel causa impellit. Prior insita illa humanis, & frequentius maximis etiam ingenijs consuetudo dicam an labes, vt quæ ignorant, contemptu strenuè vlciscantur, & ea solū apud eos commendationem habeant, ad quæ illos, aut vitæ institutum, aut naturæ propensio traduxit. Diuersa rursus aliorum ratio est, qui vel vsu, vel opportunitate ad tractanda id genus monumenta destituti, non contemptu, sed mera ignorance reconditæ in ijs vtilitatis, in sequiorem sententiam de illis eorumque æstimatoribus adducuntur. Cum postremo hoc hominum genere, hic mihi rem esse, & in eorum gratiam, quidquid hoc est laboris suscipere, ingenuè hic in limine profiteor. Nec enim priorum arcæ, aut peculio, modum præferre vel debeo, vel possum; aut alias homines

mines, omnis remotæ Antiquitatis contem-  
tum professos, ad meliorem sententiam, vel men-  
tem potius reuocare in animum induxi. Minus  
quoque id mihi statutum hoc loco, vt potiores  
artes de manibus iuuentutis excuriam; aut hoc  
industriæ genus, vt necessarium vitæ instru-  
mentum, singulis hominum ordinibus, tractan-  
dum, & excolendum promiscuè suadeam. Vnus  
hic mihi scopus, vt præclaram antiquitatis par-  
tem à contètu, & eorum studiû, qui his pretium  
ponunt, à ludibrio vindicem; tum vt ab ijs, qui  
veteris elegantia, & eruditionis amore vel cul-  
tu ducuntur, egregiam, & laudabilem in ijs  
operam collocari posse, & debere, apertum ma-  
nifestumque faciam.

Atque vt hinc initium ducam, vnde Num-  
mis pretium continuò accedit, ipsa huius indu-  
striæ DIGNITAS, mirû quâ multiplici nomine  
se commendat. Si. *Antiquitatis* enim habenda  
hic ratio, quem non moueat clarissimis monu-  
mentis testata consignataque vetustas? Enim-  
vero non is ego sum, qui præsentium fastidio,  
veterum tantum desiderio tenear, & iacentes  
quasque ac sepultas vetustatis reliquias, pro re-  
conditis Thesauris, continuò habendas putem.  
Nimia hic nonnunquam fateor, aut superua-  
canea quorundam cura, quibus venusta om-  
nia quæ vetusta, & sola antiquitas aut rubigo  
pretium, non vsus aut elegantia conciliat. At

COMMEN-  
DATIO A  
DIGNITA-  
TE.

<sup>I</sup>  
Ob Antiquita-  
tem.

si Rudera tamen varia ; Columnæ ; Statuæ ; Lapides ; Vrnæ ; Pateræ , Fibulæ ; Lampades ; Simpula ; Annuli ; Tesserae ; aliaque veteris Romanorum vel Elegantiae , vel Supellectilis monumenta commendationem adhuc habent , quid de Nummis statuendum sit , in quibus non muta illa ferme aut mortua , sed spirans adhuc quasi , & rediuiua vniuersa sese offert Antiquitas , facile per se quisque potest arbitrari .

*Antiquitatis  
pretium apud  
ipso veteres .*

Magna utique , OCTAVI eruditissime , antiquitatis in omni hoc Monumentorum genere reuerentia , non huius solum , aut superioris ætatis , sed remotioris etiam cuiusque mentes incescit . Hinc Annales veterum euoluenti , tot passim sese offerunt studiosè quæsitæ iam olim , priscae omnis memoriæ vestigia . Qualia frequenter quidem legimus , Ossa Gigantum , Arma Heroum , Belluarum Membra , Victoriarum præmia aut instrumenta ; quibus vel Deorum Tempia , vel Prætoria Principum , vel elegantiorum hominum Atria passim exornabant . Apud Gaditanos Pygmalionis aurea Oliua ; apud Argiuos Atrei Phiala ; apud Arcadas Corium Apri Caledonij ; apud Delphos Pindari Sella ; apud Tingitanos Parma Antæi ; apud Olympicos Arca Cypseli ; apud Lacedæmonios Ouum Ledæ , aut Hasta Agesiilai ; apud diuersos Pelopis Ensis ; Teucris Baltheus ; Achillis Hasta ; Ensis Memnonis ; Timothei Cithara ; Torquis Hele-  
næ ;

næ; Iphigeniæ Gladius; Monile Euriphiles; alia-  
 quæ id genus diligenter, & religiose quasi as-  
 seruata leguntur, quæ ex Mela, Plutarcho,  
 Athenæo, Pausania, Philostrato, Dione, Gellio, li-  
 ceret hic pluribus commemorare. Ita ars cælan-  
 di apud Romanos, vbi paulatim exoleuisset,  
 Plinij tamen ætate, vt idem refert, vel *sola ve-* *lib. XXXIII.*  
*tustate censebatur.* Eadem antiquarum rerum *c. 12.*  
 cupiditate flagrasse, magnum Alexandrum, au-  
 tor Philostratus; quam in æmulo eiusdem Iu-  
 lio Cæsare agnouit Tranquillus, qui cum tra-  
 dit, *Gemmas, toreumata, signa, tabulas operis*  
*antiqui semper animosissime comparasse.* Qnod  
 studium etiam ad huius hæredem transijt, de  
 quo idem refert Historicus, illum Prætoriam sua *Sueton. in Aug.*  
 omiſſis ornamentis alijs, *rebus vetustate, & ra-*  
*ritate notabilibus excoluisse.* Quò spectasse etiam  
 obiter hic, obseruo, officium illorum *ἱεροποιοὶ*  
*ἱεροποιοὶ* seu Admirandis præpositorum, (quos vul-  
 go hodie Principum Antiquarios vocant) quo-  
 rum Pausanias in Arcadicis meminit, oecasio-  
 ne dentium Apri Caledonij, qui ab Augusto  
 ex Arcadia Romam delati, ijdem fortè, qui Pro- *Goth. lib. I.*  
 copij ætate Beneuenti adhuc visebantur. Adeo  
 ut quum alibi apud eundem Tranquillum legi-  
 mus, Augustum Antiquarios, & Cacozelos  
 pari fastidio spreuisse, non rerum, sed verbo-  
 rum antiquorum sectatores, quiuis facile apud  
 cum assequatur. Quæ obiter, nec aliena ab hoc  
 loco

loco à me referuntur, vt intelligant tandem, qui omne hoc rerum antiquarum studium, illiusque cultores vilipendunt, quibus, & quantis dicam scribant.

*Circa Num-  
morum Stu-  
dium.*

*Orat. XII.*

Quod verò hic potissimum agitur, inter tot res vetustate spectabiles, priorum ætatum Numismata locum iam olim haud ignobilem habuere. Hinc apud Dionem, oratorem illum & philosophum elegantissimum lego, Homerum antiquas voces nonnunquam adhibuisse,

*ὡς περ νόμισμα ἀρχαῖον ἐν θησαυρῷ ποδὶ τῶν δεινῶν*  
Sicut *NUMISMA* aliquod *VETVS* ex *Thesau-  
ro* quopiam domino carente depromptū. Ita eundem illum Augustum, vt omnia selectiori vetustatis memoria, sic Nummis etiam antiquis & exoticis delectatum, non obscure licet colligere; qui illo quoque munusculorum genere amicos suos solitus fuit nonnunquam prosequi. Vnde hac de re Tranquillus, *Saturnalibus*  
*Et si quando alias libuisset, modo munera diuidebat  
vestem Et aurum Et argentum; modò NUMMOS  
omnis notæ etiam VETERES REGIOS AC  
PEREGRINOS.* Ita vt hac ratione plures ad tractanda id genus monumenta inuitaret, ne de æui sui infelicitate vsurpari posset aliquando illud Symmachi, *Spektatorum VETERIS MONETAE solus supersum.* Præ reliquis autem, & instar omnium testis huius moris luculentus Iurisconsultus, qui Numismatum aureorum,

*lib. III. Ep. II*

&



& argenteorum VETERVM QVIBVS PRO *Pompon. D. de*  
GEMMIS vti solent, vsumfructum legari posse *usufruct.*  
definiuit.

Difficile verò hic fateor suam singulis *De Antiqui-*  
tot Gentium, & locorum Nummis ætatem, aut *tate Nummo-*  
Antiquitatis prærogatiuam, vni alteriue adsigna-  
re. Nec id agimus hoc loco. In Romanorum,  
aut Romani Orbis Nummis, res minus habet  
difficultatis, qui aut sub Cæsaribus, Imperato-  
rum vultu signati, aut stante Republica, præ-  
stantissimorum ciuium ætatem fermè præ se fe-  
runt. In Numinis verò Græcorum, & Asiati-  
corum, ante admissum Romani imperij iugum  
culis, res incerta, & minus vulgata, quum ma-  
gna eorum pars certis locorum insignibus, nul-  
la, aut obscura temporis nota fit distincta. At  
verò plurimos ex ijs, liberis adhuc Græcorum  
rebus, h. e. florente Persarum imperio. percus-  
sos, ex Nummis cum Macedonum aliquot,  
Philippo, & Alexandro vetustioribus; tum Græ-  
corum, qui antiquiorum Magistratuum nomi-  
nibus signati; præterea Siculorum aliquot vetu-  
stissimorum, liquidum mihi fit ac manifestum.  
Sed de his alias, & maiori cum otio. Nec enim  
de primæua Nummorum antiquitate nobis hic  
sermo, & an infra Palamedis tempora signatæ  
pecuniæ origo referri debeat, vt Philostrato in  
Heroicis placuisse nemini. Illud saltem hinc  
mihi facile, vt spero, largientur, non vsque  
B adeo

adeo contemnēdam, aut alibi facile obuiā videri affurgentem supra duo millia annorū vetustatē.

<sup>2</sup>  
*Ob Duratio-*  
*nem.*

Antiquitatis enim illam in Nummis prærogatiuam ac Dignitatem; *Duratio* certè eorundem maximè arguit. Nummos immortalitatis studium, & cura inuenit, sicut sepulchrorum monumenta, & Elogia, vt de ijs alicubi differentem Tullium nosti. Nec enim alia custodia aut rerum gestarum memoria fidelior, vt quod de litteris in genere Liuius, ad Nummos potiori quodam iure referre mihi liceat. Intellexere hoc (quod etiamnum hodie in publicis operibus, aut solennibus, sequior ætas feliciter æmulatur) quicunque propagandi ad posteros nominis immensa, & laudabili quadam cupiditate flagrarunt. Hinc vultus suos, aut res gestas, dignas seculorum memoria, Libris quidem, Columnis, Saxi, Tropæis, Tabulis, Statuis, sed tanquam ijs non confisi, Nummis quoque consignari voluerunt; vt certiori quodam æternitatis pignore, se suaque ab obliuione vindicaret. Quò spectat Ducis illius Græcanici apud Athenæum facinus, qui vbi nummos curasset spargi ad perpetuam memoriam, in campis, & ruinis Corinthi, tum demum tanquam voti iam reus, mori non dubitauit. Inde etiam crebræ illæ ac solennes, quæ occurrunt in Nummis veterū Formulæ, AETERNITATI AVGVSTI; AETERNÆ MEMORIAE; PERPETVI-

TA-

TATI AVG. ROMAE quoque AETERNAE, quibus, quam Diuorum honoribus, ac Templis nequidquam quærebant immortalitatem, his monumentis quodammodo sunt apud posteros consequuti.

Nec enim eos hic vel ratio, vel euentus fefellit. Alia quippe opera in eorum gloriam incisa vel erecta, præclara quidem illa, & diuturna, materiæ tamen aut temporum iniuria, breviori quadam annorum circumscriptione fuerunt oblitterata. Magnificæ quidem sunt illæ voces, quibus extructiones ciuibus pro Rep. defunctis decernendas statuit alicubi Tullius; *Erit igitur extructa moles opere magnifico, incisa litteræ diuinæ virtutis testes sempiternæ, ita pro mortali conditione vite immortalitatem estis consequuti.* *Durationis illorum Comparatio cum alijs Monumentis.*

Hæc ipsa tamen nonne demolita est, & obscurauit obliuio, inuidit aut aboleuit posteritas? *Templa, Theatra, Arcus, Tropea*, (vt paucis rem hic potissimum obuiam complectar) quot aut qualia hodie supersunt? Hæc enim, quæ non ad *Philip. XIV.* *temporiam moram*, vt Theatrum illud Scauri, de quo magnifice adeo Plinius alicubi loquitur, *Lib. XXXIV* *c. 15.* sed ad *æternitatis destinationem* erant erecta, vt male tamen pleraque spem illam æternitatis implerunt, quorum vix ruinæ aut vestigia ab aliquot iam seculis conspiciuntur. *Librorum veterum obnoxium tot iniurijs fatum, & deploratam sæpius, nec tamen satis vnquam lu-*

gendam iacturam, quis illiteratus adeò aut nescit, aut ita ferreus quotidie ahuc non ingemiscit? Alexandrina incendia, & notam Urbis calamitatem omitto; vel vna Photij Bibliotheca, quantum ab octingentis annis perierit monumentorum id genus, abundè testatum facit. *Pictura*, quæ vix seculorum aliquot edacitatem effugiunt, ita ad diuturnitatem memoriæ longè adhuc minus habent præsidij. Hinc obsoletas iam ævo suo insignes aliquot Græcorum pictu-

*In Attic. & Arcad.*

*In Frag. de Repub.*

ras, queritur non semel Pausanias, in ea vetustiorum operum, quam passim instituit, commemoratione. Vnde Tullius quoque Rempubli-  
cam suorum temporum, confert alicubi picturæ non solum euanescenti vetustate, sed coloribus etiam, & extremis lineamentis destitutæ. Apellis utique nomen novimus, opera ignoramus. Non illa Venus Anaduomene amatores amplius allicit; non Alexander ille cum fulmine, mortali Alexandro felicior; non miles eius Antigonus, alibi quàm in Nummis superstes; non alia denique decantata Parrhasij, Zeuxidis, hoc est præstantissimorum Artificum miracula oculos hodie nostros oblectant. Vix aliqua eorum vestigia Romæ supererant ævo Petronij, qui inspecta quædam id genus, ut singulare spectaculum commemorat: *Nam inquit, & Zeuxidis manus vidi, nondum vetustatis iniuria victas, & Protogenis rudimenta*. Fragmenta aliquot ten-

tenuia, & obscura picturæ veteris, quæ in Aldo-  
brandinis Hortis, Palatio Farnesiano, & apud  
summæ tum amplitudinis, tum comitatis virum  
Camillum Maximi, etiamnum occurrunt, dolo-  
rem potius, & desiderium, quàm voluptatem, &  
solatium spectatoribus adferunt. *Statuæ, Signa,  
Lapides, Marmora*, vt præstantia, & diuturni-  
tate materiæ, ad memoriam æternitatis compa-  
rata, sic propitio magis fato seculorum vim, &  
obliuionem temporum, elussisse videntur. Ha-  
bet adhuc fateor, in hoc genere Italia, & Ro-  
ma vel maximè, quò præclaram etiamnum &  
iucundam pristini decoris speciem aduenarum  
oculis subijciat. Laocoon Vaticanus iam Plinij  
tempore, pro supremo Artis conatu habitus;  
Hercules tum Farnesianus, tum Capitolinus;  
Venus Medicæ; Seneca & Gladiatores Borghe-  
siani; illa M. Aurelij statua Equestris; aliaque  
nonnulla singularis, & diuinæ cuiusdam præ-  
stantiæ opera, ad publicum stuporem, & exem-  
plum etiamnum supersunt. Sed præterquàm  
quod manca multa sint ex ijs & mutila, quot &  
quanta sunt, si cum veterum Statuarum nume-  
ro, & amplitudine conferantur? Meministi quid  
de earum fato disertissimus Orator & Consul,  
iam olim pronuntiarit; *Illæ autem aureæ, & in-*  
*numerabiles strage, & ruina publico gaudio litæ e-*  
*runt.* Hinc singulas statuas consecrari quidem  
vt æternas, obseruat alicubi Dio Chrysostomus, *Or. XXXVII.*  
sed

Plinius in Pa-  
neg.

*De vit. Constant. lib. 1. c. 3.*

*Lib. III.*

sed easdem cum vario fato, tum longinquitate temporis intercidere agnoscit. Quod ipsum præclare alicubi etiâ expressit Eusebius, qui hominibus ad solatium mortis, & æternitatis contemplationē quæsitæ Imagines, Statuas, ac Monumenta id genus commemorat; quæ tamen omnia caduca, & breui essent interitura. Vnde apud alterum Dionem Mæcenæ, Augustum ab aureis, & argenteis Statuis in suum honorem erigendis dehortatur, quod parùm illæ soleant esse diuturnæ. Non solum de Ioue Olympio Phidiæ, aut Venere Praxitelæ hic loquor; non de immensa illa Statuarum multitudine, quibus aut Urbis fora, aut Viæ publicæ, aut priuatorum Villæ splendebant; non de innumerabilibus illis Decorum simulachris, quæ eodem cum Dijs suis fato periere. Illos sidereos Colossos Solis, Neronis, Commodi, qui quo cælo propiores, æternitatis quoque spem minus dubiam habere videbantur, aut plane interiisse, aut eorum aliquot laceros, & dissipatos artus iacentes intuemur. Mitto direptas Urbis à Cōstantino Pogonato Statuas, aut certis quibusdam locis inclusam, & definitam earum copiam, alijs fermè gentibus inconcessam. Nummi verò integri magis, incorrupti, cùm materiæ beneficio, tum artis cōpendio; amplitudine verò locorum, in quibus eruuntur; numero præterea, & varietate longè hic præponderant. Tale equidem non hic vendi-

dito Monumentorum id genus, in quod vnum nihil flammis, nihil senectuti, nihil posteritati liceat. Sempiternum ea ratione dicimus, qua pro mortali vitæ conditione, fatalem terminum si non abolere funditus, in immensum saltem producere videtur. Adeo vt immortalem illam vitam, quam sibi nequidquam secundus augurabatur Ptolomæus, solam hætenus eidem Nummi præstiterint, in quibus ille se adhuc hodie conspiciendum præbet. Incredibilem alias Nummorum multitudinem, carie quoque, & casibus varijs consumptam, aut etiamnum sepultam non diffiteor, & si ad veterum signatam pecuniam subducatur, minimam illam, & contemnendam forte, Cl. Salmasio alicubi id asserenti lubens concedam. At si rursus eadem cum residuis alijs monumentis veterum conferatur; si Nummorum, qui in Europa, Asiaque, aut iam reperti, aut quotidie è terræ visceribus eruuntur, numerus reputetur; si antiquitatis eorundem ratio qualiscunque habeatur, incredibilem adhuc quandam, & prope infinitam illorum tum copiã, tum varietatem, omnes, qui vel mediocrè eorû vsû habent, mirari vltro, & fateri cogentur.

Nec Dignitatem illam Nummorum Argu-  
menti in ijs expressi Nobilitas minus arguit,  
vel ostentat. Sacram artem Statuariam vocat  
alicubi in descriptionibus suis Callistratus. SA-  
CRAM MONETAM verò, & Nummi ipsi  
con-

*Arben. Deip.  
l. XII.*

*Ep. 2. de Cru-  
ce.*

*3  
Ob Argumen-  
ti Nobilita-  
tem.*

continuo reclamant, & Constitutiones Principum abundè loquuntur. Hinc celebris illa lex Cornelia, aliaque solènia Statuta, perpetuo quodam Gentium consensu stabilita, quibus à temerarijs contrectatoribus & falsarijs, inimunes vindicantur. Hinc eadem Monetæ in Nummis veterum, quæ Aequitatis effigies, vt ex æquo religio vtriusque, & reuerentia traderetur. Mitto Iunonis etiam, & Apollinis Monetæ expressa, & adorata olim simulachra. Talem nempe Nummis venerationem Principum, ac Dominorum vultus ijs insculpti passim conciliant. Hæc scilicet inter alias dominationis artes à Regibus passim, & Cæsaribus admissa, vt *imago Principum subiectos videretur pascere per commercium*. Ita colendam eorum imaginem facile iidem credidere, quorum nutu, & auspicijs florens respublica, & incolumes priuatorum fortunæ seruabatur. Hinc *æternales illos vultus violare religio* quædam veterum (vtinam pariter omnium recentium antiquariorum) mentes inaccessit. Vnde ille apud Artemidorum Stratonicus, Regem vel Regis nummum calcare pro eodem flagitio reputabat. Capitale certè fuisse Tiberianis temporibus, apud Senecam, & Suetonium legimus, effigiem illius Nummo vel Annulo impressam, latrinæ aut lupanari intulisse. Quod egregiè illustrat ille apud Philostratum locus, qui doctorum virorum effugit diligentiam,

*Cassiodorus.*  
*lib. 6. Ep. 7.*

*Oneiroc. lib.*  
*II. c. 33.*

*Lib. I. de vit.*  
*Apollon.*



gentiam. vbi apud Aspendum Urbem Pamphiliæ impietatis nonnemo damnatus legitur, qui seruū verberibus affecerat ferētē forte drachmā argenteam, in qua expressa erat Tiberij effigies. Plures id genus omitto maiestatis postulatos, ob imaginem Cæsarum promiscuis vsibus violatam, cui etiam diademata sua & tiaras soliti olim subijcere Orientis Reges, vt non de vno Arfacida, ac Tigrane, narrāt rei Romanæ Scriptores. Hinc vultus Nummis signandi inter præcipua olim Maiestatis arcana receptum, quod Seuerum Clodio Albino singularis priuilegij loco concessisse, ac inter præcipuos honores matri Helenæ à Constantino exhibitos, refert Eusebius. Nec sacram tamen solum hanc prisca æui memoriam æterni illi vultus, vt alia quoque iisdem Nummis contenta arguere, & comprobare videntur. Religio veterum (vt paucis res prope innumerabiles complectar) & vniuersa sacrorum apud eos ratio; Ritus solennes Belli ac Pacis; Victoriarum vel Instrumenta vel Præmia, Gentium ac Urbium Heroes, & Insignia; Figuræ Virtutum aut Vitiorum symbolicæ; Anim alium, aut Plantarum nobiliorum Effigies; Fabricæ denique, & Opera publica, quasi ad memoriam æternitatis extructa. Ampla vtique, & digna materia, quam non ignobiles manus tractent!

Et certē vel hinc potissimum splendor, &

C

de-

Lib. 3. de vit  
Constant. c. 47.

Ob splendore,  
& Auctorita-

*et Nummos  
tractantium.*

decus quoddam peculiare huius Nummorum tractationis exsurgit. Quum enim pleræque aliæ Veterum laudabiles artes excolantur passim priuatorum studijs, nescio quomodo supra aliarum fastigium, hanc vel fors sua, vel Dignitas euexit. Adeo vt ex quo elegantiores quæq; artes, ac disciplinæ, è situ vetustatis erutæ, nitorem aliquem & cultum admiscere, nulla aut Candidatos nobiliores, aut patrocinium splendidius nacta esse videatur. Proluxum foret Cesarum, Regum, Principum, Illustrium Togatorum, & amplissimi cuiusque ordinis Virorum, nomina recensere, qui in Nummorum veterum delectum & curam, certatim quasi incubuere. Quot aut quàm luculenta exempla hæc vestra Italia, harum artium Parens & alitrix suppeditat? Ita quidem intelligo, extitisse Auorum vestrorum memoria, Domum MEDICAEAM, æternam illâ Musarû Hospitem, quæ vt humanitatem omnem, & eruditionem sinu suo excepit, & aluit, ita prima quoque suam veterum Nummis dignitatem adseruit. Non meum illud solùm, sed viri docti hac de re testimonium; Si Nummos antiquos in pretio primum habitos à Medicis contendero, nemo repugabit opinor. Fidem his adstruit Philippus Cominæus, testis vt alienigena, ita oculatus & exceptione maior, qui aliquot millium aureorum Numismatum, & argenteorum vim immensam suo

*Laurent. Pignor. Epist. Symbol. XVI.*

*Hist. l. VII. Cap. IX.*

suo tēpore iam à Medicæis collectâ, ac Italiæ in hoc genere præstantissimam refert. Hæsit eadem vel creuit potius, in FRANCISCO Magno Etruriæ Duce sollicitudo, sub quo congestus ille Nummorum veterum Thesaurus, quem inter Europæ primarios, summa cum voluptate Florentiæ ante biennium inspeximus. Hæret hæc eadem in LEOPOLDO Etruriæ Principe, qui vt omnium elegantiorum artium, ac disciplinarum amore, & patrocinio, ita Nummorum quoque veterum peritia singulari, ac delectu excellit. Nihil famæ hic damus, sed documentis ijs, quæ comitas eius fastigio non minor, nobis aliquotiens suppeditauit. Hanc Domus Medicææ gloriam feliciter æmulata est Domus ESTENSIS, Heroum an Musarum nescio vtrum felicior parens, quæ has cognatas veterû Cæsarû Effigies, suis quoque imaginibus inserendas credidit. ALPHONSVM certè Mutinæ Ducem, nuper admodum terris ereptum, meminisse collectos id genus à Maioribus Nummos, præclaros, & luculentos, summa cum peritiæ, & delectationis significatione, coràm mihi visendos exhibuisse. Geminum studiû in EVGENII IV. Purpurato Nepote, celebrauerat iam ante Aeneas Syluius, Pij II. nomine, & dignitate celebrior; *Antonius* inquit *S. Marci Cardinalis Eugenij Quarti Summi Præsulis Nepos*, incredibile est quàm multa Numismata veterum conqui-

Not. ad Ant.  
Panorm. A.  
popht.

*sierit Imperatorum & Principum, amator & hic  
 vetustatis est.* In huius quoque laudis societa-  
 tem venere superiori seculo, ALEXANDER  
 FARNESIVS, magnum Urbis decus, & IACO-  
 BVS BVONCOMPAGNI, q uorum studio,  
 & cura instructissima omni id genus supelle&ti-  
 le Musea, præcipua fama floruerunt, & florent  
 etiamnum. Nec inferior in hoc laudis genere  
 FRANCISCVS BARBERINVS, qui mino-  
 rem à dignitate, & rebus gestis, quàm à comita-  
 te incredibili, & optimarum quarumvis artium  
 cultu, splendorem fœneratur. Vt alios iam in-  
 ferioris quidem ordinis, magnæ tamen ampli-  
 tudinis, & exultationis viros omittam, supe-  
 riori seculo conspicuos, Sebastianū Erizzo  
 Venetum, Annibalem Caro Parmensem, Ca-  
 rolum Molsam Mutinensem, Vincentium Pi-  
 nelli Genuensem; Marchionem Niccolini, &  
 Carolum Strozza adhuc superstitem Florenti-  
 nos, & nuper Vrbi, ac Musis ereptum Cassia-  
 nū à Puteo, aliosque magno numero proprijs  
 iuxta ac his alienis veterum imaginibus insi-  
 gnes. Tres certè hic omittere non possum, &  
 genere claros, & Nummorum supelle&tile ac  
 peritia in Vrbe celebres etiamnum ac florentes,  
 Feliciam Rondinini, Parentis, & Filij purpura,  
 sed ingenij, sapientiæ, & eruditionis dotibus lōgè  
 magis fortunatā; Camillū Maximi, in quo anti-  
 quæ iuxta, & elegantes artes præclarum hospi-  
 tium,

tium, ac præsidium habent; & Franciscum  
Gottifredi, de quo plura dicerem, nisi hoc vnum  
sufficere videretur, quòd omnis Antiquariorum  
Natio fasces illi meritissimè submittat.

Nec extra Italiam vestra m, minus, aut splen-  
doris, aut dignitatis, hæc veteris æui memoria  
nacta esse videtur. ALPHONSVM illum mi-  
nus amplissimo regno, quàm optimis artibus  
celebrem, collecta per Italiam Cæsarum Nu-  
mismata, in eburnea arcula diligenter asseruasse,  
ijsque supra modum delectatum accepimus.  
Dignitate quidem inferiorem eadem dedit *Hi-*  
*spania*, sed quem religio foret præterire hoc lo-  
co, Antonium Augustinum Tarraconensem  
Archiepiscopum, quo nemo adhuc forte fe-  
licius has artes excoluit, aut lucem ijs, ac  
dignitatem suam luculentius adseruit. Alios  
quosdam dignatione præcipuos, vt Martinum  
Arragonensem Ducem Villæ Formosæ, & Fer-  
dinandum Velasco magnum nuper in Casti-  
lia Equitum Magistrum, addictos etiam huic  
elegantie, memorant docti aliquot Hispanie An-  
tiquarij. *Germania* RODOLPHVM II. & FR-  
DINANDVM II. CAESARES; LEOPOL-  
DVM præterea Archiducem proximè defun-  
ctum, præclaros vtique, & luculentos huius in-  
dustriæ vindices, & æstimatores vidit. Plures  
ex eadē Gente se offerūt, & supremi quidē Ord-  
inis Proceres, gemine laudis æmuli, ac inter alios

*Extra Italiam*

*Anton. Panor.  
apoph. Alfes.*

*vid. Musco de  
la Medall. Hi-  
span,*

duo



duo superstites, FRIDERICVS GVLIELMVS  
 BRANDEBVRGICVS, & CAROLVS LV-  
 DOVICVS PALATINVS, Electores; de quo  
 postremo plura diceré hoc loco, nisi in eo Prin-  
 cipis non solum, sed etiam Domini personam  
 reuererer. Hoc vnum modestissimè dicam, cum  
 collectam à Maioribus lautissimam Nummo-  
 rum veterum supellectilem, & noua subinde  
 accessione lucupletare, & præclarum his artibus,  
 vt omnibus alijs egregijs, & laudabilibus, præ-  
 tium inter paucos statuere. Accedit hodie in ea-  
 dē vicinia auitę Stirpis Princeps, DVRLACEN-  
 SIS Marchio, quę ab annis aliquot eadem circa  
 Nummos veteres cura, & sollicitudo feliciter  
 incessit. *Belgię* ARESCHOTANI Ducis, in col-  
 ligendis ijsdem operā, ac industriā singularem,  
 Lipsii præconio iam olim laudatam celebrauit,  
 vt ex edito, ac vulgato illorum Thesauro, cuius  
 licet æstimare. Læuinum etiam Torrentium  
 meritis, & dignitate non incelebrem, aliosque  
 eiusdem tractus, cum splendore munerum, aut  
 natalium, tum his artibus claros, vel ex Huberti  
 Goltzii testimonio, luculenter colligimus.  
*Gallia*, vt vetustiores mittam, Regium Princi-  
 pem, GASTONEM AVRELIANENSEM  
 florentem nuper his artibus, in easque seriò in-  
 cumbentem suspexit. Vt iam de Briennæ Co-  
 mite, Ioanne Triffano, & viris felicis memorię  
 Gulielmo Choul, Petro Petauio, ac Fabritio  
 Pei-



Peireskio aliquot præclaris in ea gēte, & amplif-  
 firmi Ordinis viris nihil dicam, qui in adseren-  
 da, & excolenda id genus vetustate, egregiam,  
 & luculentam operam posuere. *Britannia* quo-  
 que eiusdē glorię æmula, & CAROLVM Regē  
 nuper defunctum, hac omni veterum elegantia  
 se oblectantem, & BuKinganti Ducem, ac  
 Arundellii Comitem, primarios Regni viros;  
 Robertum item Cottonum, aliosque id genus  
 ex equestri ordine, huius antiquarię supellesti-  
 lis sedulos, & indefessos scrutatores, etiam nū  
 recordatur. Omnium verò instar hoc loco,  
 CHRISTINA AVGVSTA, quæ vt superiorū  
 ætatum decora, & artes, ita singularem quoq;  
 huius elegantię amorem, & peritiā, ex vltimo  
 Septentrione secum in Urbem inuexit. Quod  
 vt documentis aliis publicè, & benigna oris si-  
 gnificatione, mihi aliquoties priuatim aperuit,  
 ita incomparabilis in hoc genere Nummorum  
 Thesaurus, summo studio recens ab ea conge-  
 stus, ad memoriam posteritatis loquetur. Eant  
 itaque venusti, & elegantiores homines, qui  
 contemptu, & ludibrio has artes, vt minus deco-  
 ras, aut quasi in situ, & squallore versantes pro-  
 sequuntur. Si tantis enim ac tam splendidis no-  
 minibus, & exemplis non assurgunt, nihil certè  
 de huius industrię Dignitate, de sua verò existi-  
 matione aut verecundia, aliquantum fortè detra-  
 here censebuntur.

Nec

COM MEN-  
DATIO AL  
TERA A  
VOLVPTA-  
TE.

De Materia.

In Ioue Tra-  
goedia.

Nec inferiorem huic elegantiae veteri com-  
mendationem , incredibilis quaedam VOLV-  
PTAS conciliat , Quam innoxia enim illa , &  
multiplex ! quam suavis , & iucunda in Num-  
morum id genus contemplatione ; vel ipso ad-  
spectu prodit sese & ostentat ! Non hic ego  
illam intelligo , quæ ex *Materia* pretio vel pul-  
chritudine exsurgit , quæ alias vel sola in Num-  
morum tractatione , singulare quoddam habet  
lenocinium voluptatis. Festiua quidem illa apud  
Lucianum Mercurij sollicitudo , qui dubius in  
quodam confesso Deorum varij operis , & me-  
talli , an materiae vel artis prerogatiuam in iis  
spectaret , à Ioue responsum refert , æquiores  
quidem esse artis partes , auro tamen vel mate-  
riae primas tribuendas. Mitto hæc aucupia , qui-  
bus aut vulgus , aut cum vulgo sapientes animæ  
capiuntur , erectæ autem mentes moueri parùm  
consueuere . Nosti utique , quod fictiles olim  
Deos & Heroas , antiquissimi Maiores vestri  
eadem religione coluerint , qua eorum posteri  
aureos illos , æreos , & gemmeos quandoquæ  
( qualem Pompei imaginem in triumpho eius  
prælatam legimus ) sunt profecuti . Vnde ferrei  
antiquorum Laconum , aut coriacei etiam pri-  
scorum Romanorum Nummi , vix minorem  
hodie gratiam aureis & argenteis recentiorum  
temporum , apud veros harum rerum æstimato-  
res consequerentur . Quamuis nec amouenda sit

ab



ab hoc loco, vt indecora aut minus opportuna  
 omnis eiusmodi delectatio, dum vel Electri ve-  
 terem, vel Aeris illius Corinthii, quo ad insa-  
 niam vsque Romani veteres delectabantur, ob-  
 uia adhuc in Nummis materia nonnunquam  
 spectatur. Laudat alicubi Plutarchus æris in Sta-  
 tuis quibusdam colorem floridum, situi ac ru- *De Pyth. Ora-*  
 bigini non obnoxium. Talis vtique in hac ve- *culo.*  
 teri Nummorum suppellectile, cum singularis  
 cuiusdam venustatis laude, spectatores sæpius af-  
 ficit ac delectat. Ita vt hic quoque locum ha-  
 beat, quod de cælaris operibus iam olim agno-  
 uit Plinius, *vt alibi ars, alibi materia esset in pretio:* Lib. 33. cap. 1  
 immo vtraque etiam manifesta, & frequens in  
 hoc censu arguatur.

Potiores tamen partes illa Artis commenda- *Ob Artis Præ-*  
 tio sibi vindicat hoc loco, quæ vt in omni ele- *stantiam.*  
 gantiae genere spectabilis, ita hic quoque singu-  
 laris, & admiranda frequenter occurrit. Memi- *Orat. 37.*  
 nisti forte apud Dionem illum oris aurei, vt vo-  
 luptatem ex conspectu Statuæ Iouis Olympii  
 suauiter alicubi extollat; vt non homines so-  
 lum, sed bruta etiam illius spectaculo affici, im-  
 mo afflictis malorum obliuionem conciliari sta-  
 tuat; illamque virtutem incredibilem non au-  
 ro, vel ebori, ex quibus constabat illud Phy-  
 diæ miraculum, sed diuinæ cuiusdam artis præ-  
 stantiae continuò adscribat; *tale lumen,* (vt Ro-  
 manis cum verbis loquentem inducam,) & tan-

*ta gratia illi ab arte inerat.* Nec mirabitur vsque adeo, qui nouerit haud aliam contemplationem, non huius solùm , sed omnium retrò ætatum oculos vel mentes expleuisse lubentius , quàm vbi Ars suam cum Natura æmulationem , ad eiufdem non ruinam , vel interitum ; sed restaurationem quandam, & propagationem, omni opera conuertit . Vnde factum , vt felix illa huius almæ Parentis imitatio dicam , an prouocatio , ad summum fastigium paulatim euecta , in varias quoque similitudinum formas , plasticam ; statuariam ; picturam ; encausticam ; cælandi signandique artem , magno gentium consensu passim diffusa fuerit , & traducta. Quum verò in quouis huius memoriæ genere, singularis veterum vel industria , vel felicitas fuerit , hinc non immeritò quidquid ex eo penu ad nostra vsque tempora incolume transiit, summam iucundissimæ delectationis materiam præbet . In ea verò lauta, & beata supellectile , eò maiori quoque voluptate, aut admiratione continuò perfundimur , quò artis elegantiam maior quædam (qualis in Nummis occurrit) eiufdem subtilitas probat . Adeo vt non extra dubium sit omnino , quod apud Plinium iuniorem nuper legebam . Statuas , Signa, Picturas , hominum decoras , animalium quoque & arborum , nihil magis quàm amplitudinem commendare . Nec enim aut Timanthi Cyclops , aut Myrmecidis qua-

*Lib. Epist. 1.*

quadrigæ , aut Callicratis formicæ , aut Pauſii tabellæ , aliaque opera compendio minus quàm præſtantia artis , apud veteres celebrantur ; vel inferiorem mole ſua ſpectabilibus Signis & Tabulis æſtimationem, ſunt conſecuta . Protogenis tabulam magnæ quidem amplitudinis , & elegantiæ , illis tamen Apellis ſummę tenuitatis lineis potiſſimùm nobilitatam legimus ; & auctore eodem Plinio ſeniore , Phydiam nprn magis Iouis illius Olympii, aut Minervæ , ingentia ſimulachra , quàm in huius ſcuto Amazonum vel Gigantum cum Diis prælia expreſſa , & in ſoleis Lapitharum , & Centaurorum certamina commendarunt . Idem quoque Theodoro præſtantiſſimo artifice euenitię accepimus , *qui dum ipſe ſe ex ære fudit, præter ſimilitudinem mirabilem fama magnę ſubtilitatis celebratur* . Enimuerò ſupremos quaſi artis conatus illa opera haud immeritò iudicarunt , in quibus plus intelligitur reuera quàm pingitur , & vt eiſdem Auctoris verba huc detorqueam, quum ars ſumma ſit, ingenium tamen eſt ultra artem. Vnde Gigantum oſſa , aut Solis , vel Commodi Colofſea capita minus fortè hodie nos delectant , quàm expreſſa horum in Gemmis & Numiſmatibus, exigua quidem illa , & tenuia , ſed ſingularis cuiuſdam præſtantiæ ſimulachra . Hinc de illis idem Plinius : *Gemmæ ſuperſunt & in arctacoarctâ rerum nature maietas , multis nullæ ſui parte mirabilior* .

Lib. 36. cap. 5.

Plin. lib. 34. cap. 8.

Lib. 37. pro.

*In Phocion.*

Gemina verò planè hæc Nummorum laus , in quibus expressas iuxta , & coarctatas similitudines varias , singulari cum voluptate , & industriæ non vulgaris commendatione , periti huius arbitri & æstimatores passim contemplantur . Quò referri potest illud Plutarchi, ὥστε καὶ τὰ νομίσματος ἀξία πλείω ἐν ἑκῷ βραχυτάτῳ δυνάμει ἔχει , sicut Nummi etiam æstimatio magnam in exiguo pondere vim habet . Adeò vt in præstantiores ex iis Nummos , optimè meo iudicio cadat , quod de quodam Apellis opere olim dictum , *plura ostendere verius quam promittere* ; immo fortè quidquid de vocali Memnonis signo ; Hæctoris apud Ilienses statua spectatores ad tangendum prouocante ; Myronis aut Praxitelis operibus , tanquam spirantibus singulis ; apud Plinium aut vtrumque Philostratum lego , & de quibus in genere diuinus Vates ,

*In Iconibus.*

*Stabunt & parij lapides , spirantia signa .*  
Hanc laudem certè plurimi sibi vindicant ; etiamnum superstites Græcorum , & Siculorum vel inprimis , ac Italiæ vestræ , vt Neapolitanorum , Posidoniaton , Yeliton , & Tarentinorum Nummi , aliq; venustate non minus , quàm vetustate spectabiles . Romanorum verò ea laus adhuc potior , quorum Nummi ab Augusto ad Antoninorum vsque & Seueri etiam tempora , magna cum artis & elegantie admiratione , ac in omni metallorum genere varietate , intuentium

tium oculos oblectant . Infra eam ætatem elegantia illa , vt fateor , defecit, & vna quasi cum Imperio Romano consenuit ; ita vt ab vsibus alijs potius , quàm ab elegantia commendationem mereantur sequentium Cæsarum Numismata. Nec omni tamen voluptate spectatorem plane defraudant , qui delectum aliquem in ijs habendum meminerit , nec Nicomachum infeliciter fuerit æmulatus , *qui multas gemmas habuisse traditur , sed nulla peritia electas .* Perierat Plinij tempore æris fundendi scientia , immo ars quoque argentum celandi , nec minus proinde eodem auctore , attritis etiam & quæ discerni non poterant , celanduris pretium & voluptas illa ætate constabat .

Eandem tamen ex Nummis delectationem , præter Materiæ , aut Artis elegantiam , quam postremam non omnes forte perinde capiunt , tot *Illustrium Imagines* in ijs conspicuæ , mirum in modum augent , & extollunt . Nobilitata quidem legimus aliquot præstantissimorum Artificum opera , solis industriæ illecebris , nisi aliquis aut temulentæ mulieris , aut canis vel formicæ conspectui , nouum aliquod & singulare voluptatis genus inesse arbitretur . At quàm decoræ , nec alibi etiam obuiæ contemplationis speciem Nummorum Veterum tractatio , vel adspectus præbet ? Cūuenio hic ego te, OCTAVI iucundissime , vtrum suauius aliquod ex omni ve-

*Ob Imagines  
Illustrium.*

ni veterum Suppelle&tile spectaculum, aut mente possit fingi, aut oculis vsurpari, quàm omnis quasi memoriæ Heroas, & illos Orbis olim Dominos, Nummorum beneficio superstites, & spirantes videre; vultus saltem illorum & ora, post toti sæculorum decursum, coràm adhuc intueri. Rudera vtique varia, aut aliæ vetustatis reliquiæ, quæ certe non leuiter hic me delectant, præ hac tamen voluptate, vt ingenuè fatear, vilescere mihi quodammodo videntur. Legisti enim aliquoties, quæ anxia veterum cura & sollicitudo fuerit, vt præstantium Ciuium aut Decessorum suorum imagines domi haberent expressas; vt illo amissæ virtutis vel solatio, vel recordatione se oblectarent. Hinc illæ similitudines, quæ primò, teste Plinio, illustrem ob causam exprimi tantùm solitæ, propagatæ paulatim diffusius; ita vt clarorum hominum effigies in Atrijs, Liminibus, Cubiculis, Bibliothecis, alijsque publicis, & priuatis locis certatim tandem asseruarentur. Adeò vt honorem illi non Clientes solum Patronis, Magistris Discipuli, aut Maioribus Nepotes, sed priuatis etiam Principes frequenter exhiberent, quod Varroni ab Asinio Polliene primum tributum narrat Plinius, & laudabili dein æmulatione ab ipsis quoque Cæsaribus nonnunquam factitatum accepimus. Commemoratur certe inter alia Augusti decora, quod memoriam illorum

vīrorū

*Lib. 7. c. 30.*

*SNEION. in  
Aug.*

virorum, quibus Roma creuerat, impensè coluerit, & Statuis aliaque ratione renouari curauerit. Quæ magnorum hominum reuerentia, Alexandrum Seuerum longius adhuc prouexit, *Ael. Læpid. in Alex. Sen.* qui non solum Decessorum suorum, sed Ciceronis, Virgilij aliorumque id genus Semonum imaginibus, sacra etiam facere consueuerat. Haud minus flagrarunt hoc studio, duo clarissima litterarum & Urbis lumina, Varro & Atticus, qui præstantium Virorum imagines, libris suis complexi leguntur, ut posteris conspiciendi traderentur. Nec te effugit opinor, ut geminum illud studium in Capitone suo extollat alter Plinius: *Est, inquit, omnino Capitoni in usu Lib. 1. Epistol.* claros colere, mirum est qua religione, quo studio imagines Brutorum, Cassiorum, Catonum domi ut potest habeat. Immo non amicorum solum aut benemeritorum Ciuium, sed infensissimorum etiam hostium memoriæ pari ratione nonnunquam consultum liquet, qui non vnam Annibalis effigiem Romæ extitisse accepimus. Ita ut non mirum amplius videatur, quod de Epicuri, *Lib. 5. de Finib.* discipulis narrat alicubi Tullius, eos Magistri imaginem in Tabulis, Annulis, Poculis expressam habuisse.

Nec inanis utique ea Voluptas, quæ in magnorum hominum contemplatione posita, aut vacua pulcherrimo fructu censeretur. Consulere maiorum imagines Patum suum iubet alicubi

alicubi Tullius, ut virtutis incitamentum, & gloriae praeium. Vnde laudatus ille paulò ante Alphonsus, Cæsaris adpectu ex Nummis non oblectari se solùm mirum in modum, sed ad virtutem quoque continuò accendi prædicabat. Si claudicantis enim cuiusdam apud Syracusanos Statua, ita afficiebat spectatores, ut vlcis dolorem sentire viderentur, potior certè hic quædam voluptatis ratio, & commotio animorum aliquanto opportunior, in tot Heroum, quos Nummi exhibent, adpectu occurrit.

*De Finib. lib.  
5.*

Meministi differentem in Academiae spatijs Ciceronem (libenter enim Principis ingeniorum, tibi que familiaris auctoritate vtor, & exemplis) quantum affici solitus fuerit conspectu illorum locorum, in quibus clari homines multum fuerant versati. *Venit enim inquit, mihi Platonis in mentem, quem accepimus primum hic disputare solitum; cuius etiam illi hortuli propinqui, non memoriam solùm mihi afferunt, sed ipsum videntur in conspectu meo ponere. Hic Speusippus, hic Xenocrates, hic eius auditor Polemo, cuius ipsa illa sessio fuit, quam videmus. Fatetur etiam ibidem illud vsuuenire, ut acrior quædam, & attentior, ob memoriam locorum, de claris viris subeat cogitatio; & refert se Metapontum aliquando profectum, non ante ad hospitem diuertisse, quàm Pythagoræ locum, ubi vitam ediderat, eiusdemque sedem vidisset. Nec diuersum*



diuersum tale quid ad Urbem adeuntibus quotidie contingit, si qui veteris memoriae planè non sunt incuriosi, qui quod ille de Athenis, ita quocunque hic ingrediuntur, in aliquam historiam vestigium ponere non ignorant; Hic Scipio, hic Cæsar, curru Capitolium ingressi; hic Tullius pro Rostris perorabat. Quod si tamen res accuratius subducatur, quis non illud imitationis studium, quod in hoc ipso spectaculi genere requirit ibidem Tullius, contemplationi vultus eorundem hominum, potius quàm nudæ loci memoriae, aut sedilis adspectui tribuat? quorum alterum nullum rei gestæ vestigium, aut aliquam viri notitiam præbet, alterum ipsum Auctorem præclari facinoris; aut consilij, verè in conspectu ponit, *sic vultus sic ora ferebat*. Neque enim quempiam opinor, thorax vel equus fortis ducis inspecti (qui tamen ad victoriam momentum aliquod conferunt) ad bellicam virtutem accendet, ut ipsius ducis armati, & equitantis posita ob oculos effigies; neque etiam Pythagoræ sedes, ut sedentis eiusdem in Nummis habitus, sapientiæ amorem valebit excitare. Nec id diffitebitur omnino, qui expressam intuebitur in monumentis id genus, ipsam antiquæ clarorum hominum virtutis, & magnitudinis imaginem. Quo in loco subit me recordatio Phœnicij illius apud Philostratum, qui in Vi-

*In Heroicis.*

E ni-

nitoris cuiusdam descriptione, Palamedem, & reliquos belli Troiani Duces, quasi præsentes videre sese, & agnoscere prædicabat. At certè luculentius Nummi id præstant, in quibus non Athletas in Olympicis victores; non Rhetores, aut Sophistas; non de Vrbe solùm aliqua benemeritos Ciues, quibus statuas, aut imagines olim decretas, apud Pausaniam aliosq; legimus; sed clarissimos omnium iactatum Imperatores, populorum Duces, & conditores Gentium, licet etiãnum obseruare. Hic enĩm occurrunt, *Macedonum* Amyntæ, Philippi, Alexandri, Perdiccæ, Antipatri, Antigoni, Demetrii, Cassandri, Philippi posteriores, & Persei; hoc est præcipua Regum apud eos series; *Aegyptiorum* Ptolomæi dicti, Soteres, Philadelphi, Philopatores, Euergetes; *Syrorum*, ac *Phoenicium* Antigoni, Seleuci, Antiochi, Demetrii, Tryphones; ijque Soteres, Callinici, Nicatores, Dionysi, Magni, Dij, Epiphanes, Euergetes Commageni; *Pontii* vel *Bosphori* Mithridates Euergetes, & Eupatores, Pharnaces, Asandri; *Bithyniorum* Nicomedes, Prusiæ; *Cappadocum*, Archelai; Ariobarzanes; Ariarathes; *Thracum* Lyfimachi; Rhœmetalces; *Pergamenorum*, Philetari; Attali; *Siculorum* Hierones, Gelones, Dionysij, Agathocles, Hieronymi; *Epirotarum* Pyrrhi, Alexandri; *Carthaginensium* Amilcares, & Hannibales; *Cyreniarum* Ptolomæi; <sup>a</sup> *Numidarum* Iugurthæ; *Mau-*

Reges; &  
Duces in Num-  
mis.

<sup>a</sup> In Num-  
mis Sylla.

recta-

retanorum Iubæ; Sicyoniorum Arati; Carie Mau-  
 solis; Oesrenorum Abgari; Armeniorum Tigranes;  
 Paktiorum etiam Arsaces, & Vologesi. Inurba-  
 nus sitientē, & omnis expers innoxiae volupta-  
 tis, qui ad tot Regum, & augustorum vultuū  
 conspectum, tangi sese continuo intimi gaudij  
 sensu non agnoscit. De me equidem nemini,  
 ad insolitum me tanquam, & incredibile spe-  
 ctaculum exilijsse propemodum, quum id ge-  
 nus Heroas ac Duces, ex prisca Annalium me-  
 moria haud ignotos, in instructissimo talibus  
 maximi Principis musco, oculis mihi arbitrari  
 primum licuit. Mitto Semi Deos alios, ac antiqui-  
 ssimos Urbium Conditores aut Benefactores, Ca-  
 stores, Herculem, Minoa, Hectorem, Diome-  
 dem, Cyrum, Eurypilum, Byzam, Taran-  
 tem, Solymum, Cyzicum, Sofandrum, Perga-  
 num, Itholum, Tomum, Docimum, Nema-  
 sum, aliosque plures, quos *Heracleensium, Cno-*  
*siorū, Iliensium, Aetolorum, Cyrreum, Byzantino-*  
*rum, Tarantinorum, Cilicum, Cyzicenorum, Smyr-*  
*naorum, Pergamenorum, Sardoniorum, Tomitano-*  
*rum, Dotinensium, Neumafensium* nummi, mihi  
 aliquoties in Italia vestra inspecti, ad posterita-  
 tis memoriam etiamnum tradunt. Mitto præ-  
 terea clarissimas, & e Reginarum quidem serie  
*Foeminas*, Berenicen, Arsinoen, Philistidē Ama-  
 stridē, Cleopatram non vnam, & earum fastigio  
 minorem, nec minus tamen celebratam Sappho.

*In Thesauris  
 Numismatū  
 Ser. Elect.  
 Palatini.*

*Conditores,  
 aut Benefa-  
 ctors Urbium.*

*Femina Il-  
 lustres.*

*Legislatores.*

*Sapientes ;  
aut artibus  
clari.*

*Epist. ad  
Franc. Got-  
tosed.*

Nec enim sceptris solum , & rebus gestis incluy-  
tos, sed pacis etiam & ingenij artibus spectatos  
vultus , Nummi aliquot selectiores nobis exhi-  
bent . Ita priscos illos *Legislatores* , *Zaleucum* ,  
*Charondam* , *Pittacum* , *Lycurgum* , in vetusti-  
ssimis *Locrorum* , *Catanaeorum* , *Mytilenaorum* , &  
*Laconum* Nummis adhuc hodie videmus expres-  
sos. Nec minori certè voluptate afficient inspe-  
cti in Nummis *Samiorum* *Pythagoras* ; *Tarenti-*  
*norum* *Archytas* ; *Syracusanorum* *Archimedes* ;  
*Megarensium* *Euclides* ; *Laodicensium* *Dracus* ;  
*Mytilenaorum* *Alcæus* ; *Teiorum* *Anacreon* ; *Co-*  
*rum* *Hippocrates* ; *Colophoniorum* *Pytheus* ; *Ma-*  
*gnesium* quoque *Marcus Tullius* . *Ovidium*  
quin etiam & *Pollionem Menandri* cuiusdam  
*Parrasii* industria ad nostra vsque tempora , in  
duobus æreis nummis , feliciter transmi-  
sit ; quorum alterum in *CHRISTINAE AV-*  
*GVSTAE* Thesauro ; alterum te duce , apud  
*Feliciam Rondinini* , præstantissimam *Matro-*  
*nam* , inspexi ; quem etiam in nouissima *Nasonis*  
fui editione expressit *Vir eximius* , & huius an-  
tiquitatis studiosissimus , *Nicolaus Heinsius* no-  
ster . *Pollionis* quidem Nummum nomine *Ve-*  
*dij* signatum , non diffiteor à quibusdā ad *Augu-*  
*stum* referri ; quod nouissimè etiam *Petro Se-*  
*guino* , clarissimo *Gallia* antiquario , placuisse  
animaduerto ; quum ego tamen *Francisco Got-*  
*tofredi* , optimo talium arbitro , in alia disceden-

ti haud difficulter accedam. Nec enim mi-  
 rum, aut insolitum videri debet hunc ho-  
 noré Asinio Pollioni *Cæsarea* tributum quam  
 Urbem ab Herode magno conditam, vel re-  
 stauratam nouimus, quem Romæ Pollionis  
 hospitio vsum, & principem amicorum eundē  
 habuisse, apud Iosephū legisse memini. Home-  
 rum præterea hic mitto, quem *Amastrianorum*  
 aliquot, & *Chiorum* etiam Nummi, sed non  
 vno vultu exhibent, ita vt præ viri vetustate ad  
 artificis ingenium effectum, Plinio alicubi id  
 asserenti, fides omnino sit præstanda. Quod etiā  
 aliquot vetustioribus supra traditis Heroum aut  
 Philosophorum vultibus accidisse, haud imme-  
 ritò crediderim; qui morem illum non Romæ  
 solùm receptum ex Plinio noui, sed alibi etiam,  
 & Athenis quidem vsurpatum, vbi Aeschilis  
 imaginem in Theatro diu post eius obitum fa-  
 ctam, ex Pausania didici. Quod ipsum cla-  
 rius alias tangit eximius Ciceronis locus, vbi  
 argumentum à Deorum imaginibus petitū re-  
 fellens Academicus, ita vltèrius perstringit:  
*Nam quid est quod minus probari possit, quàm om-*  
*nium in me incidere imagines, Homeri, Archilochi,*  
*Romuli, Numæ, Pythagoræ, Platonis, nec ex for-*  
*ma qua illi fuerunt. Quomodo illi ergo, & quorum*  
*imagines? Orpheum Poetam docet Aristotiles nun-*  
*quam fuisse & hoc Orphicum carmen Pythagorei*  
*ferunt cuiusdam Cecropis. At Orpheus idest imago*  
*eius,*

*Goltzi nū-*  
*mus præfert*  
*Græcæ Ve-*  
*dus Pollio,*  
*Ser. Regina*  
*tantum Pol-*  
*lionis, vt ad*  
*Asinium Pol-*  
*lionem potius*  
*referri debeat*  
*a lib. 15. c. 13*

*lib. 35. c. 2.*

*In Atticis,*

*lib. 1. de Nat.*  
*Deor.*

*eius, ut vos vultis, in animum sæpe incurrit. Non piguit locum integrum adtulisse, quæ ante dies paucos, oblata fortè de hoc veterum more cum industrio antiquario controuersia, obiter adlegasse memini. Huc vero referri etiam debent Nummi illi ærei maximi, & rudioris ac minus vetusti operis, vulgò Contorniati Antiquarijs dicti; in quibus idem Homerus, Pythagoras, Socrates, Diogenes, Milo, Sallustius, Virgilius, Horatius, Seneca, Apollo Thyaneus, Apuleius, aliique id genus iam olim expressi occurrunt. Amouendi verò ex hac serie nouitij illi Nummi & moderni inuenti, Dido, Priamus, Menelaus, C. Marius, Scipio Africanus, Hannibal, Marcellus, Cicero, Virgilius, & Augustæ aliquot apud Aeneam Vicum depictæ, in quibus nempe, nec veri, nec vetustatis vlla sese offert commendatio. Quod vt obuium rei Nummariæ veterum vel leuiter peritis, non monerem hoc loco, nisi tyronibus, & minus exercitatis, fucum in his quotidie fieri, non semel animaduertissem. Hanc vero voluptatem, ex omni illa contemplatione ortam, vel Fuluij Vrsini Illustrium Imagines abundè prædicant, quorum pars præcipua ita è Nummis expressa, vt altera locupletior ex adductis obiter Græcorum aut Barbarorum vultibus, erui adhuc possit, & ad publicam elegantiam exponi.*

*Romani in  
Nummis.*

*Maiores autem vestros, illos terrarum Rectores*

res nonne hic passim, & frequentius etiam in Nummis spectamus? Illi sunt vtique, quorum conspectu cupidi talium maximè se oblectant; immo quorum beneficio Roma priscos *Ciuum* ac *Dominorum* vultus dememinisse non potest. Hinc illi contemplari etiamnum & agnoscere conceditur, magnanimos suos Iulios, Augustos, Traianos, Constantinos; truces Caligulas, Neronos, Domitianos, Caracallas; suspicaces Tiberios; mites Titos, Neruas, Antoninos; molles Othones, Commodos, Elagabalos; vniuersam denique Cæsarum feriem, familiam, indolem. Nec *Augustarum* adspectu minus fortè delectatur, dum obuiæ eidem in Nummis occurrunt erecti vultus Liuiæ, Octauiae; infausti Agrippinæ; inuerecundi Messalinæ, Poppææ, Faustinae; probioris Sabinæ, Mæsæ, Mammææ; & vt alterius Romæ fastigia hic non omittam, sanctioris adhuc oris Helenæ, & Eudoxiæ. Mitto primos *Conditores* suos, ac *Reges*, Romulum, Numam; Ancum Martium, Seruum Tullium; quorum priores ex ingenio artificum effictos, supra ex Tullio tradidi. At enim sequentium temporum, ac Reipublicæ decora, Nummi verè nobis repræsentant, Regulos, Marcellos, Scipiones, Seruilius; & libertatis ipsius Numina, Brutos, Catones, Cassios; & nominis magnitudinis pares Syllas, Marios, Pompeios; & Quirintium

*Cæsares.*

*Augustæ.*

*Reges.*

*Illustres.*

tium olim amores, Marcellos, Drufos, Germanicos; & Ciuium fastigio maiores Antonios, Lepidos, Agrippas, pari studio ac felicitate, qua olim ille supra laudatus iunioris Plinij familiaris, colere etiamnum ac domi habere conceditur. Adeo vt hoc demum impleuerint id genus Numismata, quod de Varronis opere has ipsas Illustrium Romanorum imagines complexo, augurabatur Plinius maior; *inuentione muneris etiam Dijs inuidiosus, quando immortalitatem non solum dedit, verum etiam in omnes terras misit, ut presentes esse ubiq: & claudi possent.* Quis verò tam inficetus adeò & inurbanus, qui leue id Nummorum beneficium arbitretur, aut pulcherrimæ voluptatis vsu carere, præclarum & consultum ducat?

lib. 35. c. 11.

Ob alia argumenta Nummorum.

Nec tot alia *prisci æni Vestigia*, quibus præter Effigies id genus, Nummi veniunt insigniti, leuiori gaudio spectatorem perfundunt. Hic enim non fus fortè aut pecus, vel ratis, aut nauis etiam rostrum solum sese offerunt; quibus notis signatos antiquissimos Romanorū Nummos accepimus. Longè potior voluptas ex Nummis florentis Reipublicæ, & sequentium temporum, quales hodie tractamus, exsurgit; quam præter commemoratam supra antiquitatis commendationem, argumenti varietas, & illecebræ abunde conciliant. Indignabatur quidem Zeuxis, quod argumēti nouitatem, non ar-

Lucian. in Zenxi.

tis



tis præstantiam in ipsius Tabulis laudarent spectatores, quorum vtrumque pari, vt iam intelligimus, iure, licet in Nummis id genus æstimare. Quid iucundius enim homini veteris memorię non planè incurioso, quàm priscos illos rerum dominos, modò sacra facientes cum omni sacrorum apparatu & supellectile; modò vota suscipientes pro salute Principum, aut imperij æternitate; modò distribuentes donatiua & congiaria; modò onera, & debita publica remittentes; modò Annonam procurantes; modò Circenses aut Seculares ludos, vario spectaculorum genere, celebrantes; modò Tempia, Portus, Thermas, Circos, Theatra, Vias, Aquæductus, Arcus, aliaque victura opera molientes aut ampliantes; modò peragrantes, & restituentes Prouincias; modò deducentes Colonias; modò Libertatem publicam adserentes; modò Abundantię, Felicitati, Lætitie, Securitati denique Temporum, varia ratione consulentes; omnibus denique Pacis artibus florentes, intueri? Quid suauius iterum, quàm eosdem militari gloria conspicuos, aut ad Expeditionem accinctos; aut proficiscentes ad Exercitum; aut adloquentes è suggestu milites; aut Fidei iusurandum abijs exigentes; aut Disciplinam restaurantes; aut captiuos Reges, & prostratas ad ipsorum pedes Prouincias ostentantes; aut Regna adsignantes; aut sublimes in triumphali

F cur-

curru, & à Victoria coronatos; aut gratulantem illis aduentum Romam, vel aliam quamvis Orbis partem; aut eosdem denique post impletum mortalitatis terminum, Diuorum honoribus decoratos intueri. Mitto varium adhuc spectaculum, quod insuper omnigena Nummorum Græcorum, & Romanorum supellex præbet, Deorum simulachra; Herculis labores; Urbium insignia; Fluviorum figuras; Prouinciarum effigies; Animalium formas; Plantarum imagines; Armorum genera; Legionum nomina; Vestium species; Coronas omnis generis; alia denique de quibus opportunior adhuc in sequentibus dicendi erit locus. Quis autem non gemina voluptate afficiatur, in contemplanda expressa tot pulcherrimarum, & reconditarum in Nummis rerum effigie, qua Lucianus olim Rhodi picturas in Porticu depictas aspiciens, tangebatur, *quam ex contemplatione*, inquit, *capiebam, heroicas illas fabulas memoria repetens.* Ego equidem, quid honesta sit ac suavis animorum remissio non intelligo, si illam non prouocat eiusmodi contemplatio, quæ res tot Annalium curam meritas, nobis aliquâto manifestius ob oculos ponit. Immo eò magis innoxia ex hoc monumentorum genere, quàm ex illis petenda, quò eiusmodi delectatio, turpi spectaculo fœdæ voluptatis, sœuitiæ, infaniæ eorundem temporû, & hominum quandoq, nō inquinatur.

Nec

*In Amoribus.*

Nec tamen laus sua illi cōtemplationi, ac de-  
 cus abunde constaret, nisi ex ea non solum  
 mirifica quædam oblectatio, sed **VTILITA-  
 T A S** etiam incredibilis emergeret. Hanc  
 enim Philosophiæ legem tradit eleganter The-  
 mistius, nihil omninò folius oblectationis gra-  
 tia perficere, sed vbiq̃ue cum eo quod iucun-  
 dum est, vtile quoque admiscere. Neque Sa-  
 pientis id solum, sed Artificum etiam proprium  
 agnoscit Tullius, qui negat Phidiam, Polycle-  
 tum, Zeuxidē suas artes ad voluptatē direxisse; &  
 alibi etiam has ipsas veteris memoriæ reliquias,  
 ad nudam earum notitiam transferre, vocat eu-  
 rioforum. Eam verò Vtilitatem, multiplex illa  
 tot rerum, quas modo enumeravi, in Nummis  
 Veterum supellex, & tot eximia consignatæ in  
 ijs vetustatis vestigia, vel me tacente, arguere  
 satis & prædicare videntur. Adeò quidem, vt  
 hæc res nemini possit esse dubia, nisi qui ea-  
 dem opera, omnem prisce æui notitiam aut su-  
 peruacuam, aut à se alienam putet. Immo eò  
 felicius huius studij vsum, & præstantiam quis-  
 que intelligit, quò interioribus veterum litte-  
 ris magis instructus, ad Nummorum id genus  
 tractationem accedit. Ita enim lucem omni  
 præclaræ, aut reconditæ Antiquitati; facem  
 Historiæ aut Geographiæ veteri; integritatem  
 mutilis vel corruptis Auctorum locis, non-  
 aliunde certius, aut luculentius peti fatebitur.

**TERTIA  
 COMMEN-  
 DATIO AB  
 VTILITA-  
 TE.**

*Orat. 12.*

*De Finib. l. 2.*

*De Finib. l. 5.*

IN GRAM-  
MATICIS.

Ac primò quidem ipsa sese offert Litterarum Doctrina, quocunque tandem *Technices*, aut *Exegetices* nomine, Grammaticorum filijs nuncupetur. Seu enim genuinas litterarum apud veteres formas ac ætates, seu earum vim & affectiones varias, seu ipsam vocum scriptiorem ac proprietatem consulamus, non aliundè nobis certius, quàm in Nummis aut Marmoribus antiquis, præsidium occurrit. Nec certè ratio hic aut euentus fallit. Subsidia quippe reliqua, dubiam semper transcriptorum Exemplarium fidem, hæc autem sola primigeniam Autographorum dignitatem præ se ferunt. Norunt preterea, qui scriptos veterum libros versant, quàm corrupti sint non solum, sed recentiores plerique, pauci admodum supra octingentorum aut mille ad summum annorum vetustatem assurgant. Pandectas Florentinos, Virgilium tum Medicæum, tum Vaticanum, Terentium Politiani iudicio omnium Codicum à se inspectorum antiquissimum, Versionem LXX. Interpretum, & Glossaria aliquot Bibliothecæ Palatinæ, magna quidem cum vetustatis veneratione, Florentiæ, & hic in Vrbe non semel inspeximus. At eosdem tamen infra Iustiniæni ævum (vt largiamur aliquot illi coætaneos, aut paulò forte vetustiores) longè certè infra Nummorum vetustatem, qui fermè hic deficiunt, exaratos, cuius obuium fit ac mani-

fe-

festum . Vnde sola quædam hic superest ad primæuam illam & incorruptam Nummorum , ac Lapidum auctoritatem prouocatio decretoria , Criticis & Grammaticis maiorum Gentium , haud semel feliciter vsurpata .

In tradendis certè aut explicandis *Litterarum* apud veteres *formis* , vnicum , & singulare occurrit monumentorum id genus beneficium . Nec leue illud esse reputandum , & doctissimo-  
rum huius æui Virorum , quæ in hac palestra se exercuit industria , & res ipsa loquitur . Hinc enim & indubiæ linguarum origines , & primæ litterarum formationes , & varia ætatum discrimina , & innumeri librariorum aut quadratariorum errores , aliaque recondita eruditæ vetustatis arcana feliciter eruuntur . Adeo vt quæ in hoc genere , ab eruditis aut præclarè reperta , aut timidè pronunciata , aut perperam etiam tradita , lucem continuò ex Nummis , aut emendationem mutuentur . Ita Alphabeti veteris Græcorum cum Phoenicio collatio à magnis viris instituta , procedet securius , vt singularum litterarum apices , & ductus originis suæ fidem faciant . Inde incautius loquutum patebit Virum Cl. in Notis ad Inscriptionem Herodis Attici , qui formas litterarum Græcarum semel à Ionibus receptas , perpetuò in eadem facie ad nostra vsque tempora mansisse , nihilque in ijs immutatum contendit . Atqui vel Græcorum  
Num-

*Clrca Formas  
litterarum  
Græcarum, &  
Latinarum.*

Nummos consulenti, non vna certè, sed diuersa variarum litterarum facies, ac pro ætatum discrimine, multiplex in ijs formarum mutatio & varietas occurret; dum non solum ꝑ pro Ε, sed ꝑ pro Ζητα, ꝑ pro η; C & Γ pro Σigma; ω pro maiusculo Ω, aliaq, id genus frequenter sese offerunt. Vt mittam quadrata □ pro Θητα, & □ pro Ομικρον quæ mihi in Nummis necdum obseruata, in marmoribus aliquot Farnesianis, & Magni Hetruriæ Ducis, non semel inspeximus. Antiquiores etiam Græcorum litteras, non numero solum, yt contendit eodem loco Cl. Salmasius, sed *forma* etiam ab hodiernis diuersas, præter vexatum de litteris Ionicis Herodoti locum, luculenta duorum testium auctoritate liceat mihi comprobare. Prior est Dio Chrysosthomus, qui in templo Iunonis Olympiæ visum à se raptum Helenæ insculptum refert, cum addita inscriptione, ἀρχαῖος γράμμασι exarata. Alter est Philostratus, qui antiqua Eretriorum apud Medos sepulchra, Græcis litteris, sed quales alibi non videntur, inscripta commemorat. Inde errare etiam patebit, qui ꝑ pro ξi apud veteres vsurpatū credidere, quum pro Ζητα (quod ab illustri Scaligero in accurato suo Diagrammate prætermissum) non in antiquissimis solum marmoribus Arundellianis, sed aliquoties in veteri Nummo ΚΥΓΙΚΗΝΩΝ, & in altero CHRISTINAE AVGVSTAE, in voce ΤΗΝΟ

NOC.

*Orat. XI.*

*De vit. Apol.  
lib. I.*

*Animad. ad  
Euseb. MDC,  
XVII.*

NOC, aliisque id genus legatur. Quod cautè tamen accipiendum, ne quis cum doctissimo Selden, alterum *Στλ* solenne, multò recentius putet; quum frequens illius vsus in antiquissimis Nummis, ΑΙΖΑΝΕΙΓΩΝ, ΖΕΦΥΡΙΩΝ, &c. passim occurrat. Falli præterea ex Nummis patet eruditos, qui C altero *Στγμα* vulgò vetustius statuunt, quod ex quodam Agathonis apud Athæneum loco, à Viris Cl. Ios. Scaligero in Eusebianis, & Isaaco Vossio ad Melam, eruditè iam obseruatum vidi. Nec id tam arcus Scythici argumento, quàm indubia testium fide, mihi fit manifestum, qui in ampla illa Græcorum Nummorum copia, & passim in antiquioribus obseruo, alterum verò C rarius ante Domitiani tempora vsurpatum, sequentium demum ætatum proprium & peculiare. Vnde malè vir doctissimus ad Ammianum C ab Agathone tanquam vetustum Græcorum *σῖγμα* designari credidit, aut Scaligerum reprehendit arguentem Ciaconium, qui Stibadium simile dixerat arcui Scythico. Stibadium enim nihil aliud quidem quàm illud *σῖγμα* sub C figura traditum, sed infra Agathonis ætatem vsurpatum, vt ad illud Poeta non respexerit illo apud Athenæum loco. E verò aliud *sigma* adhuc recentius, quamuis non solùm sub Philippo Imperatore, cuius Nummum adfert Scaliger, fuerit receptum, sed iam ante in aliquibus Antoninorum

Annot. ad  
Marcell. lib.  
22.

Nu-

Numismatibus occurrat . Lapsum verò hic patet eundem Scaligerum, qui S Latinorum, Græcorum etiam litteris insertum olim credidit, fide Nummi inscripti ΑΔΡΙΑΝΟΣ ΣΕΜΝΟΣ ΚΑΙCΑΡ. Atqui eadem ratione non illud S solum sed L R V, aliaque Romanis propria, inter solennes Græcorum litteras referre potuisset, quæ frequenter in Græcorum Nummis sub Cæsaribus cufis occurrunt, vt ΑΝΤΩΝΙΝΟΣ; ΛΙΟ; ΛΕΟΝ ΒΑΣΙΛΕΥS ΡΟΜΕΟΝ; ΕΥΡΥΠΥΛΑΟC; ΑΥΡΥCΤΟC; ΖΕΥS CΜΥΡΝΑΙΟC; aliaque id genus plurima . Factum id verò, non quod illæ litteræ in Alphabetum Græcorum essent vnuquam admissæ, (hoc enim omnes Nummi veteres constanter explodunt) sed ex frequenti vtriusque linguæ commercio & commixtione, & maximè Romani sermonis, simul ac imperij sub Cæsaribus amplitudine, Vnde non litteræ solum, sed voces integræ Romanorum cum Græcis mixtæ nonnunquam & confusæ, idque frequenter in Coloniarum Nummis, vt in ΚΑΡΡΗΝΩΝ sub Traiano Decio; ΚΟΛΑΥΡ. ΚΑΡ ΚΟΜΜ.Ρ.Ρ. in alio Iliensium, sub I. Cæsare ΒΙΞΝΕΩΚΟΡΩΝ in altero Claudij ΚΑΙCΑΡ. ΕΤ.Η. CΑΕSΑΡΕΑΕ. Idem quoque in lapidibus frequenter obuium, vbi præter crebras Romanorum voces periodi etiam integræ Græcis litteris expressæ, non semel leguntur . Ita vellet inuersum digamma à Claudio



dio receptum in Romano Alphabeto ; de quo Tacitus, Suetonius, & Quintilianus meminere ; in Nummo eiusdem Claudij occurrit, quem huius antiquariæ supellectilis strenuus indagator Petrus Seguinus nuper illustravit. Multa etiam id genus alia in Romanorum litteris possent ex Nummis erui, in quibus ex leui etiam litterarum discrimine A E & V ac similibus, de ipsa ætate plurimarum Inscriptionum, & omni scripturæ veteris ratione, securè potest pronuntiari. Vt iam mittam, V antiquam fuisse Romanorum litteram ; & C apud priscos Romanos G vicem serius recepti impleuisse, quod Gellius aliique tradidere, & Nummi maximè fidem faciunt, quod occupauit iam in suis Dialogis vir summus Antonius Augustinus.

Immo non Romanorum solum aut Græcorum litteræ, sed antiquiores etiam Phœnicæ, Circa litteras  
Phœnicum. illarum archetypæ, ex Nummis luculenter possunt illustrari. Tales utique occurrunt plurimi Punicis, aut Phœniciis litteris signati, tum in Africanis nummis Carthaginis, alijsque & Hispanicis præterea nonnullis ; tum Siculis Drepanorum, Panormitarum, Syracusarum, Dionysij; tum in Phœniciis Tyri, Sidonis, alijsque, quos partim Vrsini imagines, & Parutæ ac Leonardi Augustini Sicilia, partim maiori adhuc numero Principum, & Antiquariorum Thesauri asseruant. Ita vt ex ijs demum

pe;

petendum videatur , quæ forma Phœniciarum aut Punicarum litterarum olim fuerit ; an aliquod inter illas, Asiaticas nempe , & Africanas discrimen; an cum Samaritanorum litteris plane eadem ; quod à Viris longè doctissimis extra controuersiam poni video ; an denique Græcorum litteræ, Phœnicijs illis, vel Samaritanis planè similes , an verò longè diuersæ , vt Cl. Salmasio placuisse memini . Quum enim vix alia quod sciam, aut vetustiora veteris scripturæ Phœniciæ supersint vestigia, nec Moschi Sidonij, aut Sanchoniatonis Phœnicia monumenta liceat hodie consulere ; non immeritò horum Numismatum fide, tanquam præsentibus tabulis, de omni hac præclara , & recondita materia transigi posse videtur . Ex quibus itaque haud indubiè mihi liceat colligere , priscas Phœnicum litteras, ad Hebraicam magis, aut Chaldaicam, quam vocant formam , quàm ad Samaritanicam deflectere , multumque discriminis inter postremam hanc, & Phœniciam scripturam obuersari. Id vtique manifestum varios vtriusq; characteris Nummos excutienti , quales certè plurimos arbitrari mihi non semel, & exscribere etiam licuit . Vel fidem faciet vetustus nummus Sidonis , Phœniciæ olim Metropolis & alter Tyri in quo expressum ipsissimum Tyri in Sacra scriptura nomen qui an Hebræorum , vel Samaritanorum characteres referant , cui-

*In Thesaurorum  
magni Ducis  
Etruriae.*

cuius inspicienti obuium fiet ac manifestum. Nec arguet forte aliquis, post Alyriaci characteris usum ab Esdræ temporibus, ut vulgò existimant, apud Hebræos receptum, geminam quoque præscarum litterarum mutationem vicinis Phœnicibus potuisse quoque contingere. Præterquàm enim, quod & diuersa hic ratio vtriusq; gentis fuerit, nec minus id incurrit in doctissimorum virorum sententiam, qui ex hac ipsa Hebraici characteris mutatione, ab eo tempore immane aliquod discrimen inter Phœnicum, & Hebræorum litteras, Augustini etiam æuo existisse, credidere. Non diffiteor equidem Punicos Africæ, Siciliæ, aut Hispaniæ etiam Numos, à Phœnicijs Tyri, & Sidonis numismatibus, aut Hebræorum etiam vel Chaldæorum primævis litteris, diuersos characteres non semel præferre. Hanc differentiam vel mutationem, obseruasse iam olim animaduerto, doctum Hispanum, qui patriæ suæ antiquitates eruditè congeffit, & in eruendis Punicis eiusdem tractus litteris, non ignobilem operam posuit. Nec mirum utique, aut insolitum videri debet, decursu temporis, & locorum mutatione, Punicis litteris contigisse, ut earum figuræ apud barbaros interpolatæ, à prima origine non parùm descuerint; ita tamen ut non incommodè ex eadem possint illustrari. Id enim nouimus, cùm passim apud gentes alias cultiores vsue-

*Bern. Aldret.  
Antiquid. de  
Espan.*

*Thom. Reines  
de ling. Pun.*

*Thes. Ambros.  
Instruct.  
delle lingue  
straniere.*

nisse, tum Græcis ipsis in patrio solo contigisse, ut supra demonstraui. Ignorasse verò obseruo, hanc in Nummis superstitem Phœnicij, & Punici caracteris supellectilem, Virum Germanorum hodie eruditissimum, qui figuras litterarum Punicarum, & modum omnem scriptio- nis plane interijisse credidit, exceptis aliquot Carthaginensium Nummis. Sed maius ludi- brium debent, ij qui aut Tabulam Eugubinam apud Gruterum Punicis litteris exaratam, aut Punicas litteras ad lubitum effictas, vel è Græcis expressas nobis aliquoties obtrudere. Verùm hæc obiter, & ad alia properantes, qui supre- mum taliû arbitriû doctissimo Bocharto vltro deferimus, qui ad Punica illustranda omni alio ingenij, eruditionis, & solertiæ incredibilis, so- lo hoc Nummorum præsidio destitutus accessit. Ex quibus præterea adfertam sibi luculenter in præclaro opere Phœnicij sermonis, cum He- braico affinitatem probasset vltèrius, nec mino- rem primigenijs his, & genuinis illius linguæ reliquijs illustrandis, quàm sparsis, aut interpo- latis apud Græcos, & Latinos auctores vocibus eruendis, curam impendisset. Nec enim amo- uenda ab hoc loco Nummorum id genus vetu- storum, & optimæ quidem notæ auctoritas, cui in adferenda Samaritanici caracteris vetustate primas, & solas quasi partes vulgò solent tri- buere.

Quum

Quum enim Phœnicij, non solum, sed tum *Circa litteras*  
*Hebraici*, tum *Samaritani* etiam Nummi oc- *Hebraeorum,*  
currant, ex ijs controuersia non leuis de vtriusq; *& Samarita-*  
scripturæ antiquitate, & prærogatiua, inter ha- *norum.*  
rum litterarum principes agitari consuevit.  
Adcò quidem vt in eo, quod hinc pendet exa-  
mine, de sacro, & primæuo veteris Fœderis ca-  
ractere, pars vtraque ad Nummos continuò  
soleat prouocare. Horum certè fiducia Scaliger  
aliique prementes eadem vestigia, Villalpandus,  
Cappellus, Morinus, & Vuoltonus nouissimè  
in Apparatu Bibliorum Londinensium, ho-  
diernæ Samaritanorum scripturæ patrocinan-  
tur; immò omnem hanc litem veterum Num-  
morum, quos exhibent, fide omnino confe-  
ctam volunt. Memini equidem, quum ante  
tria lustra, puer etiamnum de illo argumento  
publicè aliquid post eximium Virum, Ioan-  
nem Buxtorfium, cum aliqua doctorum venia  
commentarer; Virum quendam doctissimum  
ad quem miseram præcocem illum foetum, vel  
solo Nummorum testimonio probari sibi im-  
pugnatam mihi Scaligeri, & Capelli sententiam,  
blandis alias litteris significasse. Quum tamen  
altera sententia à me tum adserta, præter ratio-  
nes, & auctoritates alias, Nummorum etiam  
veterum patrocinium obtendat; quum Sama-  
ritanorum (quales certè plurimos ab eo tem-  
pore hic in Vrbe, & Florentiæ inspexi alibi  
euul-

euulgandos) recentiores plerique videantur, aut dubiæ admodum vetustatis; & præterea antiqua Phœnicum in Nummis scriptura longius ab illis discedat, Hebraicę vix fermè dissimilis, iisdem adhuc, aut fortioribus etiam telis liceret fortè prius iudicium propugnare. Sed hoc iam non agimus, aut huius rei arbitrium magnis vtrunque auctoribus subnixæ, volumus hic nobis vindicare. Illud saltem hinc abundè manifestum, quæ singularis sit Nummorum veterum auctoritas, & prærogatiua, quorum testimonio de litteris Mosi à Deo traditis, & primæua, aut antiqua Veteris Instrumenti ante Esdras scriptura, visum est eruditis omne litis arbitrium deferre.

*Circa scriben-  
di rationem.*

Vnum præterea nec ingratum; vt opinor, Phœniciæ originis, non in litteris solum Græcorum, sed in *scribendi* etiam *ratione*, monumentum, lubet hic ex Nummis accersere. Notum Phœnices, vel teste Herodoto, iuxta morè Hebręis, Syris, Arabibus, alijsq; Orientalibus vsitatum, dextra sinistram versus litterarum ductus instituisse. Eandem quoque scripturæ rationem in antiquis aliquot Gothorum saxis, annotauit antiquitatis patriæ restaurator Olaus Vuormius. Id autem alias à Græcis omissum, vt motui naturali minus consentaneum, aut alijs de caussis, quas nihil attinet hoc loco commemorare. Antiquissima tamen illius Phœnici, moris vestigia nonnulla

*Litter. Run.  
cap. 5. & 25.*

ob-

obseruarunt iam eruditi, in ea Græcorum scriptura *βυσερφιδών* dicta, quæ ex parte eam referebat, & qua Solonis olim Leges, & Inscriptio quædam Olympica apud Pausaniam, descripta leguntur. Aliud præterea huius rei exemplum idem auctor mihi subministrat, qui antiquæ Agamnenonis Statuæ, nomen à dextra in *Eliac. 1:* læuam exeurrentibus litteris inscriptum fuisse alibi obseruat. Sed clariora adhuc hodie, & genuina eiusdem æmulationis argumenta sese offerunt, in antiquissimis aliquot Græcorum Nummis, & Siculorum vel maximè, in quibus, *ΣΑΛΕΙ* pro *Γελας*, *ΝΟΙΑ* pro *Ιουδαίων*, *ΝΩΙΑΤ* pro *Σελυσιώνων*, aliaque id genus Phœnicum more sinistrorsum non semel scripta leguntur. Hoc autem non temerè hic à me obseruari intelliget, qui præter Cadmæam litterarum Græcarum originem, Phœnices tot annos Siciliam inhabitasse, vel apud Thucydidem legit, adeò vt nullibi plura illius linguæ aut gentis supersint vestigia. Quod ipsum de hac insula Vir doctissimus in reconditæ eruditionis opere, alicubi affirmat; Itaque *Phœnicum ibi vestigia pene iam multa, quàm in ipsa Phœnice*. Alicubi quoque nonnulla eiusdem scripturæ exempla sese offerunt, vt in Nummo Ephesiorum Magni Ducis *ΝΩΙΕΦΕΣ* *ΕΦΕΣΙΩΝ*, & quibusdam id genus, quod casu etiam non-

In Præfat.  
Colon. Phæn.

nunquam potuisse contingere, haud difficulter largiar. Hinc saltem Nummos veterum tractantes, litterarum in ijs apices, & ductus diligenter excutere meminerint, ne quod aliquibus accidisse memini, pro Græcis litteris auersis, peregrinas nobis, & exoticas confidenter obtrudant. Quæ res etiam fefellit Virum de hac antiquitate optimè aliàs meritum, Iohannem Tristandum, qui in Nummo quodam Cæsareæ, *Coloniæ* illam pro Flauia, Alphæam dictam festiuè comminiscitur, errore ex litteris ΑΑΦ. in Nummo inuersis pro ΦΑΑ, seu Flauia; id enim nomen illi Vrbi adhæsisse, ob deductā in eam *Coloniæ* à Vespasiano, vt vel Plinius docere illum potuisset, & alij Nummi ostendunt. Nec absimili ratione, plurimos in tractandis Inscriptionibus Græcis versatos noui, dum vel in auersas id genus, aut inuersas etiam litteras incidunt, quales vel Eugubini Tabula subministrat, in quibus tradendis ad barbaras litteras parùm opportunè nonnulli confugerunt.

Com. Histor.  
T. II.

De priscis litteris aut Nummis Hispanicis.

Quo loco etiam de *priscis Gothorum*, aut *Hispanorum litteris*, non inutilis, aut iniucunda sese offert disquisitio. Quum enim plurimi Nummi tum ærei, tum argentei rudioris aliàs operis, & ignotis vt plurimùm litteris signati occurrant, & in Hispania vel maximè, hinc no, vna de iis occurrit Antiquariorum sententia.



tia . Antonius Augustinus præter Punicos. & *Dialog. 6.*  
 Gothicos Hispaniæ Nummos , aliquot ex ijs  
 veteri patriæ linguæ caractere exaratos credidit.  
 Olaus Vuormius diuersam sententiam ample- *Litter. Runic.*  
 xus , eisdem à Gothis in Hispania signatos , *cap. 10.*  
 & clara litteraturæ Gothicæ vel Runicæ argu-  
 meuta præferre existimat . At rursus viri docti,  
 qui non ita pridem in illustrandis Nummis *Vide Museo*  
 patrijs versati , Antonii Augustini prementes *de las Medall.*  
 vestigia , omnes id genus peregrinis aut bar- *Espan.*  
 baris litteris insculptos , priscis Hispanicis an-  
 numerant . Vnde quum apud Liuium , *argenti*  
*Oscensis* ; & *signati Oscensis* ab Osca antiqua *Lib. 34. &*  
 Vrbe Hispaniæ denominati , mentionem non *40.*  
 semel iniectam reperissent , Nummos illos ar-  
 genteos in Hispania obuios , in quibus passim  
 equus cum iaculo decurrens cernitur , pro illo  
 prisco *signato Oscensi* protulère . Rationes verò  
 quibus nituntur , petitæ aut e numero, & mul-  
 titudine Nummorum , qui in Hispania quoti-  
 die effodiuntur ; aut e caracteribus ignotis ; aut  
 e communi illo in iis Symbolo equitis decur-  
 rentis . Hæc autem , vt ingenuè fatear , per-  
 cussos quidem in Hispania Nummos id genus ,  
 sed non ab Oscensibus magis , quàm à Gothis  
 Hispaniæ per tot annos incolis , suadere mihi  
 & euincere videntur . Potior illa auctoritas ali-  
 quanto , meo iudicio , quam ex Oscae Num-  
 mis sub Augusto & Tiberio signatis , & ex Hi-

H spa-

Lib. 3.

*Vid. Sam.  
Boch. de Co-  
lon. Phoen l. 1.  
c. 35.*

spanico familiæ Afraniæ apud Fulvium Vrsi-  
num numismate ostendunt, cum eadem capi-  
tis imberbis & decurrentis equitis in altera  
parte effigie, & ignotarum in iisdem littera-  
rum figura. Quod ipsum firmare videntur, quæ  
de non vna litterarum forma apud Hispanos  
veteres, prisca auctores tradidere, ex quorum  
numero Strabo, illos nec vno scribendi gene-  
re, nec vna lingua usos iam olim adseruit. Si  
tamen meum qualecunque iudicium liceat hic  
obiter interponere, aliquot ex iis ad Punicos  
veteris Hispaniæ Nummos, plerisque autem  
rudiores ad Gothicos eiusdem tractus referre  
consultius existimarem. Neque enim soli Ga-  
ditani, aut vicini tractus Nummi, Punicis ac-  
censendi, ut statuunt Viri docti, quasi Pœ-  
norum in Hispania imperium & lingua non  
ulterius sese diffuderit. Vtriusque verò vesti-  
gia non in Bætica solum, sed Tarraconensi  
etiam Prouincia obseruauit eruditi, & vel  
vna Carthago noua, Poeni Amilcaris in ea-  
dem opus, abunde ostendit. Gothis verò adscri-  
bendos plerisque illos argenteos cum equite  
decurrente, aut geminis symbolis, potius quam  
antiquis Oscensibus, multa suadere mihi vi-  
dentur. Talia nempe, diuturna Gothorum in  
Hispania sedes, quæ litteras eorum & lin-  
guam in eandem inuexit, & eam Nummorum  
id genus copiam in eodem tractu subministrat;  
cùm

cùm adfpectus in iis rudioris & recentioris operis, & cum Gothicis aliis Nummis Galliaë aut Italiaë confenfus; tum plurimarum litterarum cum Runicis aut Gothicis affinitas. Neque obftare debet haud diffimilis figuræ, cum prifcis aliquot Hispaniæ nummis contemplatio, quum pateat ad inftar bigatorum & denariorum veterum, aliorumque id genus priorum temporum, aureos & argenteos Gothorum nummos paffim percuffos. Talium certè ingentem quandam copiam, cùm alibi, tum maximè in Thefauro Sereniffimi Electoris Palatini tractare mihi non femel licuit. Neque tamen hæc à me adferuntur, vt me morofum aut iniquum alterius fententiæ patronis præbeam.

*Litterarum* etiam *affectiones* varias in earum alternatione vel permutatione, nummi fuppeditant, quæ ad fcripturæ veteris rationem adfequendam, immane quantum conferunt. Nec enim hic, quod vulgò nonnulli exiftimant, cafui continuo, aut errori adfcribenda plurima, quæ in iis à recepto fcribendi vfu aliena fæpe videntur. Confufas enim nonnunquam, & permutatas varias litteras apud ipfos veteres licet obferuare, cùm ex fontibus aliis, tum vel maximè ex fcripturæ veteris veftigiis, aut recentioris additamentis, aut pronuntiatione litterarum fimilium inter fe & adfinium. Primò

*Circa litterarum Affectiones & Permutationes.*

quidem ex scriptura veteris vestigijs , vt in varijs Græcorum nummis frequens E pro H, vt METΡΟΠΟΛΕΙΤΩΝ, ΑΘΕ, pro ΑΘΗΝΑΙΩΝ; item I pro Y in ΚΙΖΙΚΗΝΩΝ; o pro Ω, in ΙΜΕΡΑΙΩΝ; ΗΡΟC in Nummis Antinoi, & in altero Salaminæ ΕΥΡΥΠΥΛΟC ΗΡΟC . Ita Diphtongi sæpius omiffæ vt I pro EI, O pro OY . Ratio autem petenda ex Platone , Athenæol & priscis Grammaticis , quitallem Scripturam Græcis olim vſitatam tradunt, antequam ſexdecim litteris, quibus conſtabat vetus Alphabetum à Cadmo inductum, octo à Ionibus adderentur . Vnde poſt eaſdem litteras in communi vſu receptas, diu etiam & ab Atticis maximè in monimentis publicis antiquior ſcribendi ratio vſurpata, quod & rectè agnouit alicubi Salmaſius , in eo licet deceptus, quod ὕψιλον vetuſtis illis ſexdecim litteris Cadmæis inferat; quam litteram tamen à Palamede ex gruum volatu repertam & prioribus additam tradunt veteres, & ipſe in ſuperioribus etiam agnouerat . Sed de his aliàs, qui in illa diſputatione de priscis Græcorum litteris ab eodem contra Scaligerum inſtituta, repugnantia id genus varia, & minus accurata eidem feſtinanti excidiſſe, pluribus hic poſſem euincere . Quod verò hic magis ad rem facit, ſcripturæ illius, quam modò notabamus, veſtigia, non in Nummis ſolùm, ſed in Lapidibus etiam

*In Cratyl.*

*In Notis ad  
Inſcrip. Herod. Att.*

etiam & Membranis aliquot antiquissimis occurrunt, qualem in Glossario Bibliothecæ Palatinæ hic in Vrbe inspeximus. Ita apud Romanos pari ratione κ pro C, C pro G, & E pro Diphtongo æ, aliaque eiusdem generis in Cæsarum Nummis, iuxta & Saxis non semel leguntur, ex prisca scribendi apud eos consuetudine retenta. Secundò ex recentioris Scripturæ additamentis, vt H vicissim pro E in Nummo ΗΑΕΙΩΝ EI pro I in ΦΙΛΙΠΠΟΠΟΛΙΤΩΝ, ΤΟΠΕΙΡΟΥ, Ω pro O in ΩΡΘΩΣΙΕΩΝ alibi ΩΡΘΩΣΙΕΩΝ; Z pro Σ in ΖΜΥΡΝΑΙΩΝ. Hoc enim postremú casu non cōtigisse, abúde licet ex Lucano colligere, apud quē in festiuo litterarú Dialogo, Σίγμα queritur de illa vi sibi facta à Ζῆτα in hac ipsa voce Σμυρνάων, δὲ πᾶσαν, inquit, ἀφελόμενόν τιν' Σμίξαν. Vnde etiā præter Númú Magni Ducis ita inscriptú, & in vna Inscriptione Græca apud Gruterú, quod in Indice pag. 314. 1. prætermissum, alijsq; quibusdā Latinis ΖΜΥΡΝΑΕΟΡΥΜ, in altera etiā Athletica Romæ nuper cum geminis alijs reperta hæc vox cū eadem scribendi ratione occurrit. Jones nempe post additas id genus litteras prioribus sexdecim, & Alphabeti viginti quatuor litterarum insertas, easdem postea tanquam proprias libenter quauis occasione admiscere, vnde præterea O in OV; T in Θ, & K in X, sæpe ab illis alijsque conuersa, vt ex prisca Nummorum et La-

& Lapidum monimentis non obscure licet etiamnum colligere. Tertiò *ex pronuntiatione litterarũ inter se affinium aut similitum*, ex quibus frequentē & promiscuā multarũ litterarum cõmutationē, tum alibi, tũ in Nummis maximè licet obseruare. Ita id crebrò accidit Γ, & Ν, quæ eundē sonũ ante Κ efficiunt; vndè sæpius ΑΝΚΥΡΑ ΣΥΝΚΡΑΗΤΟΣ præferunt, quæ aliàs in iisdē ΑΓΚΥΡΑ ΣΥΓΚΡΑΗΤΟΣ scribi solēt. Ita Ν in Μ finale & Κ in Γ conuersa in vetustissimis Marmoribus Arundellianis videre est, & quò referri etiam possunt exempla superius allata ex Nummis, vbi Ε pro Η, Ο pro Ω, Ι pro ΕΙ aut vicissim occurrunt. Huc spectat etiam illa in Romanorum aliquot Nummis scriptura, vt V pro B DANVVIVS in Nummo pulcherrimo Traiani; V pro O in altero Coloniae LAVDICEON & LAODICEON; O vicissim pro V in Nummis I. Cæsaris; DIVOS IVLIVS, eadem ratione qua CONSOLES, HERCOLI aliquoties in faxis; X pro S vt in nummo familiae Sestiae SEXTIVS, & lapidibus MILEX TIGRIX; S post X PAXS in quatuor Nummis æreis Galbæ, Vitellii, Vespasiani & Domitiani, sicut in lapidibus CAPPADOXS, FELIXS; P in B vt FORTVNA OPSEQVENS in Nummo Antonii Pii, & in Marmoribus APSENS, OPSIDES. Sic E longum cum

cum duobus apud antiquiores ſcriptum reperies, vt FEELIX in Nummo Syllæ; Ita geminum A in antiquis aliquot nummis, vnius producti vicem obtinet, vt in VAALA, VAARVS. F verò pro P H crebrò vſurpatum patet in Scriptura ſequioris æui, ex duobus Nummis Aereis maximis *CHRISTINAE AVGVSTAE*, vno Numeriani, TRIVMFVS QVAD. altero Honorii, TRIVMFATOR GENTT. BARBAR. Immo eandem etiam ſcripturam præfert Nummus Domitiani apud Occonem, IOVI IVVENI TRIVMFATORI.

Huc referri etiam debent *Compendia ſcribendi* apud veteres viſitata, ex peculiari quadam litterarum inter ſe copulatione. Talia certe plurima in vetuſtiſſimis Græcorum iuxta & Latinorum Nummis occurrunt, quibus Scripturæ apud veteres ratio non parum etiam illustratur, Singularis id genus artificii ductus, maximè in aliquot Tyri, Amiſi, Panormi, aliisque ineditis Græcorum Nummis notavi ſæpius, in quibus quinque & ſex litteræ in vnam eleganter combinatæ & contractæ ſeſe offerunt. Nec præter vſus alios, inanis ea obſervatio illis videbitur, qui ex antiquis litterarum id genus compendiis, aut non intellectis aut neglectis, plurimos Librariorum errores paſſim in priſcos auctores irrepiſſe, aut Inſcriptio-

*Circa compendia ſcribendi.*

ptiones varias perperam hætenus traditas ; compertum habent . Ita illud compendium litteræ 8 pro ou diphtongo, non scripti solum Græcorum libri, sed Nummi etiam aliquot præferunt, vt recentiorum seculorum librariis, origo illius imputari nõ debeat. In nũmis certè Alexãdri Seueri reperio, ΤΕΧΗΚΑΡΧΕΔΩΝ & in altero Gordiani ΜΕΩΝΙΟΥ ΙΕΡΕΩΣ ΝΥΤΑΕΩΝ vt apud Erizzum videre licet :

Circa Orthographiam.

Sed præter has litterarum apud veteres tum *formas*, tum *affectiones* varias, quibus nimium fortè immoramur, ipsa vera & recta scribendi ratio, vulgò *Orthographia*, non aliunde rursus securius, quàm ex Nummis aut Lapidibus petenda . Nec enim alia supersunt, vt superius monebamus, in quibus integra & primæua veterum scriptura ad nostra vsq; tempora sit transmissa . Vnde hoc ipsum singulare Nummorum beneficium, & eruditi vno ore prædicant, & ii ipsi agnoscunt, qui monumenta id genus parcius alias attigere . In Nominibus quidem propriis, aut appellationibus hominum & locorum tradendis, certa quædam & obuia iis ex Nummis lux adfulget, aut medicina parata . Ita Regina Deorum SISPITAE cognomen adhæsisse, quod perperam quibusdam sollicitare placuit, aut in SICISPITAM transferre, ratiõra quædam Antonini Pii numismata ostendunt, cum Inscriptione ΙΥΝΟΝΙ ΣΙΣΠΙΤΑΕ.

Si



Sisipes nempe antiquis idem quod sospes, unde clarè in hanc rem Festus; *Sispitam Iunonem, quæ vulgò sospitam appellant, antiqui usurpabant.* Ita enim legendum, non *sospitam*, & *sospitem*, vt libri editi vulgò præferunt, apertè hic Nummus docet. Vt mittam leuius illud, IVPPI-TER cum duplici P. perpetuò in Nummis tradi, aut cognomen Herculis DEVSONIENSIS iuncta voce, non duabus DEVSONIENSIS, vt existimabat Goltzius, quod iam ad Sidonium vidit doctissimus Sirmundus. Mitto *Topicas* alias *Deorum*, *Dearumque* appellationes, de quibus infra opportunior dicendi erit locus.

In Barbarorum verò, Romanorumque Nominibus, multa corrupta hætenus apud Auctores tradita, veterum nummorum fide restituenda, qualia ΜΙΘΡΑΔΑΤΗΣ, pro quo vulgò ille terror Maiorū vestrorum, Μιθραδάτης apud Iosephum, Plutarchum, Appianum, Dionem, aliosque adhuc hodie legitur. Annotauit id iam olim ad Dionem ex nummis Vir doctus, neque tamen cum eo improbanda continuò Romana Mithridatis appellatio, vbi nec nummorum, nec lapidum, nec scriptorum librorum auctoritas eam conuellit, & eandem præterea firmare videntur geminæ formationis exempla, quæ in iisdem nummis *Αγεργας, Κατάην, Μαααλία, Agrigentum, Catina,*

Io. Leuncl. ad  
Dion. p.  
1011.

& *Massilia*, suppeditant. Sic *Seleuci*, & *Demetrij* ΝΙΚΑΤΟΡΕΣ dicti ex nummis, vt rectè Strabonis & Appiani Codices præferunt, non verò *Nicanores*, vt cum apud Goltzium, tum apud Iosephum, aliosque vsurpari consuevit. Thraciæ etiam Regis verum ΠΟΙΜΗΤΑΔΚΟΥ, seu *Rhemetalcis* nomen vna cum vultu eruitur ex nummo Augusti, Trifano iam ante, & mihi tum Florentiæ, tum hic in Vrbe inspecto, quod perperam apud Dionem aliosque hæcenus traditur. Vnde & Ρυμητάλης Roberti Stephani ad Dionem, & ad Capitolinum Casauboni Ρυμητάλης, eadem opera exulare iubentur. At enim Regi Regum *Vologesi* genuinum nomen restituere mihi liceat, auctoritate eximij & rarissimi nummi, Romæ non ita pridem reperti, in quo ΒΟΛΛΑΓΑΚΟΥ scriptum occurrit, vnde corrigendi iterum Iosephus, Di alijque, apud quos. vel Βολλαίσις, vel Βολλαίσις, vocari solet, & apud Xiphilinum Ουολόγαισις, nomine ad Romanam Vologesis appellationem formato. De tota vero præclari illius nummi inscriptione paullo infra. *Abgari* etiã familiare Edessæ Regulorum nomen Αβγάρι, non vt hodie apud Appianum Αβγάρι, vel apud Dionem, & Herodianum Αβδαρι, scribendū, nec vt alij voluerunt *Abagarus*, aut apud aliquot Taciti codices *Abbarus*; nummi Antonini Pij, Seueri & Gordiani, in quibus ΑΒΓΑΡΟC ΒΑCΙΛΕΥC.

BACIAEVC abundè docent, quales etiam CHRISTINAE AVGVSTAE & Magni Ducis Thesauri asseruant. Vt mittam inscriptionem à Sirmondo, in votis ad Sidonium vulgatam, cum eodem nomine *Αβία*, & antiquissimum Eusebii codicem Bibliothecæ Mazariæ; Vnde miror nuperum Eusebii editorem, qui principatum hodie harum litterarum cum paucis tenet, & cui hæc eadem erant perspecta, quam olim *Αβίας* ad Dionis Excerpta lectionem adseruerat, passim etiam in Eusebiano textu et in Annotatis prætulisse; quamvis et alteram *Αβγ* non contemnendam fateatur, & vna etiam, aut altera vice in textu Eusebii admisserit. Neque enim video, cur promiscua Reguli illius Scriptura in eodem Auctore tradi debuerit, aut cur Nummorum, Lapidum, & Codicum etiã vetustorum auctoritate firmata, pluribus libris manu exaratis, non debeat hic longè præponderare. Argumentum enim à voce quadam Arabica *أبج* quod potentissimum notat, non eam vim habere potest, vt indubia & coæva testimonia, quæ vulgò lites id genus solent decidere, & in tradendis priscae scripturæ vestigiis, omnium confessione primas teneant. Vt mittam Orientalium, aut Barbarorum nomina Græcè tradita ab origine passim nonnihil deflectere, vt sexcentis exemplis probari id posset, & præter recentiores, à Plu-

lib. de Isrd.  
& osir.

tarcho iam olim obseruatum noui.

Nec ignotum alias varia illustrium Romanorum nomina apud Auctores antiquos passim ex nummis emendanda; vt *Mescinius*, non *Messinius*; *Arrius* non *Arius*; *S. Saranus*, non *Serranus*; *Nassica*, *Messalli*, cum duplicitatis litteris; *Betilienus Bassus* pro *Bellienus*; *Tampius* pro *T. Ampius*, aliaque id genus p'urima, quę in Ciceronis, aliorumque Codicibus corrupta vt plurimū leguntur. Idem verò Cæsaribus aliquot beneficium nummi præstant, quorum auctoritate *Hadrianus* non *Adrianus*, vt vulgò tamen doctissimorum virorum editiones Historiæ Augustæ præferunt; *P. Heluius Pertinax*, non *P. Aelius*, aut *Helius* vt præter alios ad Eusebium existimat *Pontacus*; *Marcus Clodius Pupienus*, non *Caius Maximus Clodius Pupienus*, vt contendebat ad Capitolinum *Salmasius*. Iis possunt accenseri *Cælius Balbinus*, non *Clodius Balbinus*; *Opelius Macrinus* non *Opilius*, aut iuxta alios *Popilius*; *Odenathus*, non *Odenatus*; *Postumus* non vt vulgò *Posthumus*; *Bonosus* non *Bonosus*; *Vetranio* non *Veteranio*, cui tamen patrociniatur ad Ammianum doctissimus *Valerius*; et alia quadam id genus, quæ vt in re magis obuia, præripuit nobis non vnius antiquarii diligentia. Ita ex iisdem nummis accepimus *Delmatium Cæsarem*, non *Dalmatium*

rium

*tium*, vt vulgò apud Auctores, Gordianum *Antonium* non *Antoninum*, vt volebat Capitolinus. Quibus accedunt ex Augustarum seriè *Matidia* non *Martidia*; *Julia Soemias* non *Soemiamira*; *Constantina* Galli vxor, non *Constantia*, vt apud Zozimum tamen aliosque vocatur. Sic vexatum eruditis nomen alterius Antonini *Elagabalum* scribendum, & apud Herodianum, aliosque restituendum, pro quo *Heliogabalum* vulgò, vel *Alagabalum* cum Onuphriò, obtrudere. De quo nomine non hic repetam, quæ in Annotatis ad Iuliani Cæsares, contra doctissimorum virorum sententiam olim monuimus. Ipsa verò *Geographica* Urbium, aut Regionum nomina fœdè passim in libris veterum corrupta, quam ex Nummis, vel lucem, vel medicinam mutantur, infra suo loco trademus. Vt iam alia hic non adferam, *adloqui*, & *adlocutio*, *adsignare*, *adserere*, *Conlegium*, *Fecunditas*, & *Felicitas* sine diphtongo, contra *saeculum* ( non vt quibusdam modernis Criticis placuit *seculum* ) Romanorum more scribenda. Ita certè nummi constanter, ADLOCVTIO, REGNA ADSIGNATA, ADSERTOR LIBERTATIS, COOP. IN CONL. seu coopatus in Conlegium; FECVNDITAS AVGVSTA; SAECVLI vel TEMPORVM vel AVGVSTI FELICITAS, & SAECVLA-  
RES

RES LVDI, aut SAECVLVM AVREVM, vnde priorem Scripturam praeferunt etiam lapides, ADLECTI, ADTENDERE, non vt vulgò hodie *allecti, attendere*. Sed leuiora hæc fortè, & Grammaticis relinquenda, ad rectam tamen & accuratam scribendi formam spectantia, quam & in Vernaculis linguis & in Romana etiam, integris voluminibus tradere, præclaris omnium ætatum, & gentium viris. visum est non inconsultum.

<sup>2</sup>  
IN ETHI-  
CA ET PO-  
LITICA.

Nec ad ornandam MORALEM aut CIVILEM DOCTRINAM, parum etiam conferunt hi reconditi priscæ elegantiae Thesauri. Ridebunt hic fortè homines, nisi exandescant lubentius, qui veterem illam Sapientiam, cum studijs eruditæ antiquitatis communionem ignorant. At ridebis ipse vicissim, Præstantissime OCTAVI, erroris toties confossi temeritatem; qui aliter erga optimas artes affectus, illis ducibus interiores disciplinarum aditus penetrari, haud difficulter largieris. Nosti equidem, præclaris olim morum Magistris, ac Cenforibus, varia placuisse subsidia, quibus singulis hominum ordinibus officij sui leges inspiciendas traderent. Hinc fabulis non solum, præceptis, legibus, sed Symbolis etiam quibusdam, nobilissimam vitæ artem non semel leguntur complexi. Adeò quidem, vt hæc postrema, tanquam ad imbuendos saluberr-

berrimis monitis intuentium animos, magis opportuna, in grauissimarum rerum tractatione, frequentius etiam vsurpasse videantur. Morem illum vtique non Aegyptijs solum, sed Græcis alijsque familiarem, vt alios mitam, docet eximius apud Iamblichum locus. Quid autem sunt obsecro, pleraque illa melioris notæ Numismata Veterum, nisi totidem Symbola, vel documenta potius, ad omnem vitæ vsum feliciter comparata? Et Romanorum quidem laus hæc fateor præcipua, qui primas etiam in hoc veteris memoriæ studio, ac delectu, vulgò apud antiquarios tenent. Quum enim in Græcorum, aut Barbarorum Nummis, frequentius situs, originis, aut religionis quandoque occurrant argumenta, Romani optimo & arcano quodam consilio, non diurnos solum actus principum, sed ipsam agendorum normam, promiscuis & quotidianis Nummorum vsibus, testatam consignatamque voluere. Hoc enim abundè tot præstantissimarum Virtutum effigies passim in iis traditæ ostendunt; quæ nihil aliud, quam pictura quædam loquens, vt Poësin vocauit nonnemo, veram optimi Status, & Vitæ laudabiliter actæ imaginem spectandâ præbet. Vnde illas ipsas regnandî artes, vna cum sacris Cæsarum Vultibus, in iis passim expressas intuemur, vt indiuiduam quandam illarum cum.

cum suprema potestate societatem, iidem religiosè fouendam sibi, & retinendam scirent. Qua in re non minus appositè, illæ Virtutes, quæ maximè Principes decent, & quibus publica salus potissimum incumbit, frèquentius etiam traditæ; ita vt qui Iustitiam, Aequitatem, Clementiam, Constantiam, Fidem, Indulgentiam, Liberalitatem, Munificentiam, Prouidentiam, & bellicæ Virtutis argumenta crebrò in Nummis veterum legit, speculum quoddam in iis Principum, & grauiissimi muneris requisita, eadem opera agnoscere sese fateatur. Vbi verò Augustarum Nummos cõfulet, solemnes Matronarum Virtutes, ac præcipua decora, Fecunditatem, Pudicitiam, Pietatem, Concordiam, earundem oculis oportùnè quoque subiecisse veteres intelliget. Ita eodem consilio cordati homines, optimorum Principum auspiciis, Seculo & Reipublicæ Securitatem, Gloriam, Libertatè, Tranquillitatem, Gaudium, Romam renascentè, Felicia Tempora, Imperio denique Aeternitatem, faustis ominibus, & repetitis votis augurabantur.

Non diffiteor equidem, destituisse non semel hæc auguria, infaustam, & exitialem nō ynus Neronis indolem. Hinc non continuò tamen arguendus amplissimus Ordo, penes quem amissa etiam Republica, signandi æris  
facul-



facultas mansit , qui spes suas & vota monu-  
 mentis id genus consignabat ; immo , qui his  
 veluti tabulis, quum aliter per illorum tempo-  
 rum immanitatem non liceret , Principes offi-  
 cij sui, sub commendationis specie , frequenter  
 admonere non dubitabat . Nec de ea re finit  
 me dubitare , illustris hic apud Dionem locus, Lib. 59.  
 qui in vita Caligulae , refert eum habita ad Sen-  
 natum Oratione, in qua Tiberij vitia perstrin-  
 gebat , & de se multa pollicebatur, Patres veri-  
 tos ne mutaretur , Senatusconsulto iussisse eam  
 quotannis recitari . Vnde planè hic appositè  
 Plinius , in incomparabili Panegyrico; *Sed pa-  
 rendum est Senatusconsulto , quo ex utilitate pu-  
 blica placuit , ut Consulis voce sub titulo gratia-  
 rum agendarum , boni Principes quæ facerent, reco-  
 gnoscerent , mali quæ facere deberent .* Agnoscis  
 opinor duorum Consularium fide , præclaram  
 hic totius Ordinis mentem , & arcanam huius  
 instituti rationem . Spes nempe illi erat non-  
 nulla , posse blandæ huius artis efficacia , illam  
 Caligularum , quam Suetonius hic vocat ,  
 αἰσχρογέλιον expugnari , & fore aliquando , vt  
 vel verecundia immeritæ laudis , vel desiderio  
 pulcherrimi proemij , vel reuerentia posterorū  
 tangerentur . Recusasse certè Tiberium acce-  
 pimus , delatum sibi Patrum iudicio Patris Pa-  
 triæ cognomen , quod nec in Nummis eius ap-  
 paret , gnarus quàm malè arduas tituli illius

K par-

partes quandoque esset impleturus ; immo ne tot patriciorum reum aliquando se ipsum hac appellatione proderet . Accedit, quod frequentius hæc publici gaudij argumenta , in optimorum Principum imaginibus occurrant , quæ in iis tanquam superstitum præmia , & frequentium simul incitamenta proponuntur . Immo non defuere nonnunquam deterioribus Dominis , sua vel belli vel pacis decora , digna etiam quandoque, quæ hac publica civium gratulatione commendarentur .

*Sueton. in Nerone.*

Quod verò hic præcipuum , vel hinc petere iisdem licuit, quibus *inconsulta erat* cum Nerone *perpetuæ famæ & æternitatis cupido* , quibus artibus demum ad eam sibi eniti liceret . Vidissent utique vel in Nummis illis , quos tractabant assiduè , regia virtutum via id gloriæ fastigium demum attingi ; solas quippè vel veteri Romanorum lege, in ijs consecrari meruisse ;

*Tull. lib. 2. de legib.*

non autem Libidinem, Impudentiam, Contumeliam, quibus publici cultus monumenta crexisse Ahenienses, refert simul & arguit Tullius . Docuissent ipsos iisdem , quos tam cupidè sectabantur, Magistri, PROVIDENTIAE destinatione vocatum Principem , ut ipse ad Clauum sedeat , tanquam ORBIS RECTOR; aut ut Sceptrum quasi à Ioue traditum , cum dignitate tueri meminerit . Muneris verò illius partes esse vel præcipuas , ut patrocinium Or-

*Symbola, & Inscriptiones in Nummis.*

bis

bis vel TVTELAM suscipere sese magis quàm imperium norit; PIETATI in Deos, sacrorum cultu & reuerentia præire; FELICITATI REIP. Bilance, seu AEQVITATE quadã vniuersæ vitæ & singularum actionum, ANNONAE cura, & in omni procuratione muneris, ac negotij, assiduis IVSTITIAE officijs, diligenter providere; SALVTI verò singulorum, PACIS commodis, REMISSIONE grauiorum onerum, nec tamen adeò promiscua Frumenti gratuiti, quàm æquabili iudiciorum distributione, feliciter consulere. Instrumenta regnandi secuta eadem esse quæ honesta, exspectatione rerum bonarum erigere ciuium animos, SPEM proinde populorum de se conceptam, fama & opinione CRESCENTIS VIRTVTIS augere; CONCORDIAM AVGG. EXERCITVVM, PROVINCIARVM, vt publicæ incolumitatis pignus, fouere diligenter, FIDEM omnium Ordinum, vt vinculum Societatis, tueri religiosè; HONOREM, & VIRTVTEM indiuidua vtriusque cõmunionem colere; Opes denique imperij, non ad cupiditatem priuatam, aut effusiones indecoras, sed ad LARGITIONES in Ciues, & LIBERALITATES publicas, hoc est, ad præclaram gratificandi facultatem, conferre. Reputare insuper, non vnã Urbem, sed totum Reipublicæ corpus, vt ex Platone

tradit etiam in Officijs Tullius , suæ procura-  
 tionis commissum; **P R O F E C T I O N E M**  
 proinde in subiectas Prouincias suscipere,  
 afflictas restituere; iacentes erigere, ductus  
 in ijs aquarum, deriuationes fluminum,  
 moles oppositas fluctibus, aliaque publica  
 opera prouidè, & sollicitè curare; illumque à  
 subleuatis Prouincijs, **ASIAE, AFRICAE,**  
**ACHAIAE, MAVRETANAE,** aliarumque  
**RESTITVTORIS** titulum, Asiaticis, Africanis  
 Numidicis, Creticis, ab iisdè expugnatis, vel de-  
 letis petitur, longè anteponere. Principem  
 verò sese non solum, sed **IMPERATOREM**  
 etiam meminisse; Bellicam proinde gloriam  
 Pacis artibus miscere; modo Caduceum, mo-  
 dò Hastam gestare; labentem **DISCIPLI-**  
**NAM** restaurare; **ADLOCVTIONIBVS**  
 ardorem militum accendere; Coronis virtu-  
 tem remunerari; Victoria duce, **EXPEDI-**  
**TIONES** aggredi militares; ita tamen vt ea-  
 dem **TERRA, MARIQUE PARTA,** &  
 Iano clauso, in **PACE** quadam **AETERNA**  
**Orbis terrarum** requiescat. Vbiq; verò do-  
 mi, ac foris, **TRANQVILLITATEM** animi  
 & **SECVRITATEM** quandam, omni pertur-  
 batione vacuam, firmo mentis, & corporis ha-  
 bitu præse ferre, metus certe, cupiditatis, aut  
 iracundiæ affectibus immoto. In **CLEMEN-**  
**TIAE** verò, & **INDVLGENTIAE** fama,  
 secu-

securius adhuc praesidium, quam in Muris CASTRORVM, aut PRAETORIANORVM Militum FIDE reponere; & blanda quadam RESTITVTAE LIBERTATIS specie, molestam Quiritium Nepotibus seruitutis imaginem, & intutum Principi tyrannidis odium subducere. Finem verò VTTELAE illius, vel Procurationis, non esse commodum proprium, quod reiciebat Plato, nec iura concedūt, sed VTILITATEM PVBLICAM, SALVTEM REIPVBLICAE, SECVRITATEM eiusdem stabilem & inconcussam; AVREI SAECVLI tranquillum & pacatum statū; LAETAM & virentem TEMPORVM faciem. Mercedem autem tot rerum gestarum, non Coronas solum aureas, vel querneas, non ramū lauri, vel palmæ, vel oliuæ; non Triumphi duntaxat honorem, aut statuas Equestres, Arcus, Tropæa, Columnas, Clypeos, præclara licet illa, & eximia; sed potiora ahuc longè, Acclamationes populorum frequentes, VOTA pro salute Principis cupidè SVSCEPTA; MEMORIAM posteritatis FELICEM, AETERNITATEM denique nominis, & DIVORVM honoribus remuneratam pristinae Virtutis famam.

Dubius certè pendeo, an alibi Poetarum fabulæ, vel Sapientum præcepta, vel Aegyptiorum Hieroglyphica, obscura illa, & inaniarum

rum plena , luculentius exprefferint Optimi Principis , & Felicis Reipublicæ normam , & exēplar. Illud verò scio plurimū eisdē, vel Poetis vel Sapientibus lucis , & splendoris accessurum, si liberet hic in varia singularum Virtutum symbola accuratius inquirere . Lucunda quidem nec inutilis plurimis artibus , ac disciplinis contemplatio , sed quam in antiquariorū libris , & thesauris obuiam, licet huius elegantie cupidis , inde continuò petere . Monuisse id obiter liceat, Spem in Nummis non herbam trifolii , vt existimabat Antonius Augustinus , sed reuera lilium vt maluerunt alii , opportuniori symbolo præferre : quod ex monumentis plasticis Romæ nuper admodum cū eodem illo spei habitu effosis , certò mihi demum licuit . Fidem etiam , & Concordiam , duplicis dextræ symbolo , non immeritò in iisdem Nummis signari , quod summum apud Romanos non solùm, sed apud Barbaros quoq; fidei argumentum ; vt præter alios egregiè illustrat hic Iosephi locus , agens de colloquio Artabani Parthorum Regis, & Romani Præsidis , *Et dextram dedit tanquam maximum confidentiæ argumentum apud omnes illos Barbaros ; neque enim fidem faller quisquam ex ijs data semel dextra , neque fidē habere dubitabit, tale securitatis pignus ab ijs nactus, à quibus iniuriā sibi metuere poterat.* Vt hoc etiā addā MŪNIFICENTIAM

lib. 18. cap.  
12.

TIAM apud Romanos, æuo Cæsarum maximè eam Principum laudem propriè denotasse, quam in Muneribus, seu spectaculis edendis, & solenni ludorum apparatu publicè ostentabant, & quam in Officiis Tullius munerum largitionem vocat. Quæ res, vel ex Nummis Antonii Pii, & Seueri obuia, in quibus Elephantis Symbolo eadem exprimitur, & clarius ex præclaro, & rarissimo nummo Gordiani Pii, inter Cimelia id genus Magni Hetruriæ Ducis mihi inspecto, in quo amphitheatrum, & homo elephanto insidens, & pugnans cum tauro occurrunt, cum inscriptione MVNIFICENTIA GORDIANI. Cuius tamen vocis genuina illa, nec alias arcana significatio non obseruata, eruditis aliquot in explicatione veterum auctorum non semel imposuit.

Immo NATVRALI etiam SCIENTIÆ lumen aliquod ex nummis adfulget, seu PROPRIETATES ANIMALIVM<sup>3</sup>, aut FORMAS eorundem, seu PLANTARVM etiam FIGVRAS consulamus. Hinc enim videre in iis licet Animalia ob insitas singulis proprietates, suo quæque numini sacra, Aquilam, vel Capram Ioui, Pauonem Iunoni, Gallum Mercurio, Cybele Leonem, Tigrim & Caprum Baccho, Porcum, & Serpentes alatos Cereri, Serpentem Aesculapio, Anserem Isidi, Cornicem Apollini, Delphinum, & Equū

Nc-

Neptuno, Ceruum & Canem Dianæ, quæ ex Poetis non solum, sed Antiquariis etiam vulgò iam nota. Sic Noctuam Mineruæ plærique Atheniensium, & Tarentinorum aliquot Nummi; Columbas Veneri, Cypriorum nonnulli rariores; Plutoni Cerberum Trallianorum Nummus pulcherrimus Magni Ducis addicunt. Causas verò adferent Mythologi, & Symbolorum interpretes, nec enim nugari hic vacat. Ita Serpentem, & Draconem Felicitatis, Victoriæ, Salutis symbolum frequenter fuisse, non apud Aegyptios solum, sed apud Græcos etiam, & Romanos, tot Nummi clarissimè ostendunt, ut mirer eruditissimum Geuartium id inficias iuisse. Res enim obuia ex priscis monumentis, quamvis non id promiscuè cum Ioanne Tristano, ad omne Serpentum genus retulerim, sed ad illos maxime quos *ἀγαθὸς δαίμων*, seu pro bonis Geniis habitos, ex Seruio discimus, & de quibus Lucanus meus,

*Vos quoque qui cunctis innoxia numina terris,  
Serpitis aurato nitidi fulgore Dracones.*

Sic Elephantis diuturnitas vitæ præ cætetis animalibus Aristoteli tradita, Aeternitatis nota in iisdem nō semel expressa occurrit. Capricornus, qui non tantum inter signa cœlestia, sed Augusti etiam sigilla, & Nummos locum inuenit, in iisdem, & altero Nummo Hadriani rariore abun-



abundantiam , & felicitatem notat . Apes ob multiplicem industriam , & mellis præstantiam, Sapientiæ etiam , & dignitatis symbola, plurimi Græcorum , Romanorumque Nummi arguunt , quorum aliquos illustrauit non ita pridem huius veteris elegantiae optimus interpres , Petrus Bellorius noster . Aquilâ præterea mitto perpetuum quoddam prouidentiae , & diuinitatis in iisdem symbolum , Ciconiam Pietatis , Bouem autem fertilitatis , aliaque id genus magis trita, quorum etiam causam quis ignorat ?

FORMAS verò ANIMALIVM aquatilium , & terrestrium , vulgò minus notas , aut de quibus dissentiant nonnunquam prisca , & recentiores Naturæ consulti , iisdem Nummi in conspectu ponunt. Sic HIPPOPOTAMVM Philippi , & Otacillæ Numismata , satis arguunt , quare Equi non solum , sed Bouis nonnullis veterum , alijs Porci Marini etiam nomine nuncupetur . Ita enim in ijs expressus est , vt capite & cauda porcum , pedibus autem bisulcis bouem referat , cætera fœdè simus , & ad Aristotelis potius quàm Herodoti , aut Diodori descriptionem comparatus . Neque tamen recentioribus accedo , qui proinde à sola magnitudine , EQVI MARINI nomen illi inditum credunt ; quum disertè Aristote-

*Circa formas Animalium .*

*Hist. Animal. lib. III. cap. XII.*

les & iubam instar equi , & vocem eiusdem , interiora denique equo & asino similia referat ; vnde etiam Hippopotami nomen illi adhæsisse crediderim . **D R A C O N E S** etiam alatos , & coronatos Nummi aliquot selectiores exhibent , de quorum cum Aquilis & Elephantis pugna Nicander & Plinius meminere , & quos diuersos proinde a b ijs intelligimus , quos alias Chamædracontes veteres nuncuparunt . Neque enim patiuntur tot veterum & recentiorū oculata testimonia vt Ammiano Marcellino adsētiar, qui alatos id genus **D R A C O N E S**, fabulosis accenset . Tales fortè illi cōcedā, duos alatos non solum , sed coronatos & barbatos serpentes currum trahentes in rarissimo Nummo Traiani, quem in Aegypto signatum mihi ex litteris numeralibus liquet . De **R H I N O C E R O T E**, nota veterum & recentiorum controuersia , quorum alij fabulosis eundem annumerarunt , alij verò vnum , alij duo cornua , eademque modò in naribus , modò in capite , modò in humeris etiam posita voluerunt . Visum verò Romæ hoc animal , non ex Plinio solum , Suetonio , aut Martiali discimus , sed præterea ex Nummo Domitiani , ex quo patet illud in Sæcularibus ludis exhibitum , & in eius rei memoriam ibi expressum , cum vno-

cor-

cornu e naribus prominente. Vnde mirari subit nuperum Historiæ Animalium Scriptorem, qui cum duobus cornibus in his ipsis Domitiani Nummis depictum refert; quum tamen & ijdem mihi aliquoties inspecti contrarium euincant, & apud Antonium Augustinum, ac Sebastianum Erizzum, vno solum cornu præditum videre potuisset. H Y A E N A M quæque in sequenti ludorum Sæcularium solemnitate, Romæ conspectam, Philippi Senioris Nummi aliquot rariores repræsentant, quod alias ignotum Europæ animal Iulius Scaliger adferebat. Huius verò animalis alias minus obuij figura docebit, quam cum porco, vnde illi nomen, communionem habeat, cuius etiã vis in Magicis apud veteres præ reliquis animantibus celebrata, vnde & hanc in rem Luciano *dura nodus hyene* commemoratur, quem locum perperam à V. CL. ad Solinum explicatum, alibi vindicabimus. P E L A M I D V M celebrata olim Byzantij piscatio, de cuius ratione præter Aristotelem & Plinium prolixè differit Strabo, qui ex ea copiosum reditum Byzantinis Romanisque accedere cõmemorat. Tales autem notavi sæpius in variis Byzantinorum Nummis, qui duos id genus pisces præferunt & Strabonis locum egregiè illustrant. Ut mittam insuper C H E R S Y D R V M Serpentis genus fontibus adhærens; P O T Y-

Ioan Iōston.  
Hist. Quadrup.

Com. ad hist  
Antmal. Ari  
lib. VI. C.  
32.

Plin. l. XX.  
VIII. c. 8.

lib. VII.

P V M; illique inimicam C A M A R A M  
vel L O C V S T A M M A R I N A M, alia  
que id genus quæ Nummi Syracusis, & Ta-  
renti percussi aliquoties exhibent.

Nec pigebit iis annumerare fictitia illa &  
fabulosa veterum animalia, CAPRICOR-  
NVM, SPHINGEM, SIRENEM, HAR-  
PYAM, SCYLLAM, C H I M A E R A M,  
GRYPHEM, P E G A S V M, CENTAV-  
RVM, MINOTAVRVM; P H O E N I-  
C E M denique, quæ non magis inter Poeta-  
rum figmenta, quàm mysteria Gentilium lo-  
cum frequenter habuere, & quorum figuram  
variè nonnunquam auctoribus traditam, Nû-  
mi veteres ob oculos ponunt. CAPRICOR-  
NI quidem vulgaris apud antiquos effigies  
capri cum cauda piscis inuoluta, ex monu-  
mentis id genus eruitur. De SPHINGE, in  
qua tradenda non omnes Oepidi fuere, res ma-  
gis anceps videri possêt. Hanc enim inter  
Aegyptiorum inuenta antiquarii vulgò refe-  
runt; quod tamen ab Agatharchidis apud  
Photium, Diodori, Plinii, aliorumque con-  
stanti relatione alienum; qui eas inter veras si-  
mias recensent, & ex Aethiopia in Aegyptum  
deferri contendunt. In eo nempe discrimen  
statuendum, quod fabulose omnino fuerint  
alatae Græcorum Sphinges, quæ iuxta Aufo-  
niam descriptionem, in Chiorum nummis

*volu-*

volucris pennis, pedibus leo, ore puella, in galea Pal-  
ladis, & simulachris Dianæ Ephesinæ vulgò  
occurrūt; quum Aegyptias Sphinges ab iis di-  
uersas, sine alis, & ex auctoritate veterum, &  
ex monumentis in Vrbe passim adhuc obuiis,  
& ex Nummis etiam aliquot liceat obseruare.  
Ita vt hinc errare pateat, & qui non alias nisi  
alatas Sphinges, quod Græcorum quippe non  
Aegyptiorum fuit inuentum, credidere, &  
qui exinde promiscuè omne hoc animantium  
genus fabulosum adserunt. Nec iuuat, quod  
vulgò tradunt antiquarii, ex Virgine, & Leo-  
ne fictum ideo ab Aegyptis, vt Nili sui in-  
crementa hoc veluti Symbolo adumbrarent.  
Notum enim, cum feracem monstris, vel  
ignotis alibi animalibus Aegyptum, & vici-  
nam Aethiopiam, tum e media rerum natu-  
ra, & obuiis in illa gente animalibus, Sym-  
bola, & figuras virtutum ac rerum caelestium  
vulgò Aegyptios desumpsisse. Nec diffiteor  
tamen illam mixturam hominis & bestiae Ae-  
gyptiis olim familiarem, vt præ aliis docet exi-  
mius apud Porphyrium locus, qui in aureo li-  
bello tradit volucrum, aut ferarum permixta  
ab ijs cum hominibus corpora, vt ostenderent  
ex Deorum sententia, hæc quandam inter se  
communionem alere. Aduersari quidem vi-  
dentur superius adlatis, aliquot Nummi Agip-  
tii sub Cæsaribus, cum vulgatis etiam

De Abstinentia.  
IV.

Græ-

Græcorum Sphingibus alatis, sed qui tot aliis Auctorum, Marmorum, Nummorumque diuersis Sphingum apud Aegyptios monumentis, fidem detrahere nequeunt; SIRENVM verò genuina, quā illis veteres imputarunt, forma ex Nummis demum eruitur; Superior nempe Virginis, reliqua non in piscem vt vulgò, sed in Auem desinens, iuxta Ovidianam descriptionem

*Pluma pedesque auium, cum Virginis ora geratis.*

Errat verò meo iudicio Aldobrandus, qui adserit obiter, Grammaticos Græcos à pectore ad superiora, auis vel passeris effigiem, in inferiori verò corpore formam Virginis illis tribuisse, planè contra Nummorum, & Auctorum veterum fidem. Vellem vt Grammaticorum illorum loca adtulisset, quum & Eustatius & Apollonii Scholiastes & alii id genus id non tradant, nec ab Homeri, Apollonii, Ouidii aliorumque descriptione discedant. Sed facilis fuit hic lapsus homini, qui omnibus aliis præfidiis, potius quàm Græcis litteris apprimè tamen instituto operi necessariis instructus, præclarum alias & victurum opus aggressus mihi vi detur. Errat verò grauius idem Aldobrandus, quum volucres id genus SIRENES non planè fabulosas censet, earumque visa superioribus sæculis in

Nea-

Neapolitanis oris vestigia, quibusdam id tradentibus credit. Nimis certè credulus hic fuit. Quis enim nescit tres illius nominis Virgines Siculas, in totidem canora monstra à Poetis conuersas, fabulæ locum dedisse, quod præter alios docere illum potuisset Seruius, secundum fabulam tres in parte virgines fuerunt, in parte volucres, Acheloi fluminis, & Calliopes Musæ filie. Quod verò tradit idem doctissimus Grammaticus, vnam voce, alteram tibia, tertiam lira cecinisse, firmant ex parte nummi antiqui Neapolitanorum, in quibus Parthenope Siren cum tibia occurrit. Ingenio sè vero doctissimus Bochartus, nomen illud Sirenis ab Hebræorum vel Phœnicum Sir seu Cantico deriuat; nisi placeat potius Græcis post metamorphosin dictas Σειρῆνες à voce Σείρειν, ὡς δ' αἶνον τῆς οἰᾶς, exigui volucris genere apud Hesychiū, quo illas poetæ & Nūmi induūt. Alas certè illis & cantum cum Musis communem tribuunt veteres, vnde Porphirius, Τὰς Μουσῶν ὁμοῦ καὶ τῶν Σειρῆνων. Talem etiam Sirentem nouissimè in Nummo Selinuntis Urbis Siciliæ deprehendi, cum ara, tauro, aliisque Symbolis ibi expressam, vt CL. Gottifredi cum reliqua nummi declaratione, indicasse memini. Vnde patet non solum in Surrentino tractu Capreis vicino, templum olim Sirenes habuisse, quod ex Strabone noueram; sed &

Seruius in  
Aeneid. V.

De Abstinentia  
lib. 3.

lib. I.

cas-

easdem, *SICVLAS* vtpote *VIRGINES* & Proserpinæ iuxta Poetam comites, in vicina Sicilia cultas, immo vltra Pelorum, ad quem alias earum sedes restringebat Seruius Cultū certè illarū ara & taurus in eodem numismate satis arguunt. Nec moror eruditum antiquarium, quem pro Sirene gallum, & sacra proinde Aesculapii in gemino Magni Ducis numismate notasse deprehendi; quum Superior pars Virginis, inferior autem Galli, (qualis canoro huic monstro à multis apud veteres tribuitur) abundè se se prodat. Modernum verò pictorum errorem, in piscem eas conuertentium, refeller poterant pictores antiqui apud Aelianum; quem iam ante Antonium Augustinum iugulasse animaduerti Annibalem Caro, plurimæ elegantie virum in vernaculis Epistolis. *HARPYAM* autem volucris vel monstri genus non dissimile, tradunt nummi Familiæ Valeriæ. *SCILLAM* verò cum latrantibus canibus, obuius Sexti Pompei nummus exhibet, figura ita Maroniane descriptioni conformi, vt illius Nummi circa eadem tempora percussi interpret, diuinus Poeta extitisse videatur. *GRYPHES* verò *PEGASOS*, alata etiam & fabulosa monstra, Græcorum & Latinorum nummi frequenter repræsentant; quamuis de postremis dubitare videatur Plinius, an fictitiis annumeret.



ret. Aethiopiam enim multa monstra similia lib. 8. c. 21.

generare, pinnatos equos & cornibus armatos, lib. 10. c. 49.  
quos Pegasus vocant alicubi agnoscit; alibi ve-

rò, Pegasus equino capite volucres & Gryphas  
aurita adlucitate rostri fabulosos reor, illos in Schy-  
thia, hos in Aethiopia. PEGASI alias nomē ve-  
locibus equis apud Romanos tributum noui,  
sicut AQUILONIS, in faxis, aut VOLV-  
CRIS etiā, cui simulachrum aureum erexis-  
se L. Verū Capitolinus tradit. De Pegaso, Poeta

*Pegasus hinc dexter currat, sibi laeuis Orion*

*Funis & ad quartum det tibi Castor equū.*

CENTAVRI & MINOTAVRI, vt fe-  
ritate, ita sorte nascendi æquales, si Plutar-  
cho credimus & Phlegonti Tralliano, qui ex  
promiscuis hominum & belluarum congressi-  
bus hæc monstra nata credidere. Quæ ratio

fortè vel autoritas, Beatum Hieronymum in Invita S.  
Pauli Eremitæ

eam pertraxit sententiam, vt Centauros ali-  
quando extitisse crederet. Ita verò Nummi  
varii illos exhibent, præter alia prisca monu-  
menta, vt fabulosa monstra facile se se pro-  
dant. PHOENIX autem in Nummis eadem  
forma, qua illum nobis Herodotus, Plinius,  
Solinus, vetus Poeta apud Eusebium, aliique  
tradidere, aquilæ magnitudine cum plumbo,  
apice, seu corona radiata; vt facile ex ea sa-  
crum Soli animal adsequamur. Accedunt præ-  
terea alia quædam in Nummis Monstra, qui-

M bus

*In Thesauro  
Magni Ducis*

*lib. 8. cap. 21.*

*Circa Histo-  
riam Planta-  
rum.*

bus symbolorum , aut Naturæ interpretes ;  
possunt industriam suam ornare luculentius .  
Vnum, quod inter Hieroglyphica Aegyptio-  
rum animalia retulerim, tradit Nummus ra-  
rissimus Hadriani ; in quo cauda , corpus , &  
pedes leonis , pectus Crocodili , caput Isidis  
cum flore , & desuper Sphinx cum rota . Hæc  
enim omnia Aegyptium nummum fatis ar-  
guunt , & meo iudicio , iuxta familiaria illis  
Symbola, Lunæ concordem cum Sole in hæc  
inferiora virtutem , & recurrens stasis vicibus  
Nili incrementum . In vicina alias Aethio-  
pia , non vnum agnoscit monstrum Plinius ,  
ex variis id genus animalium formis concre-  
tum , collo etiam , cauda, pectore leonis, cæ-  
tera diuersum , Aliud verò in Syracusanorum  
Nummis occurrit simile draconi , capite equi-  
no , cauda biforcata , incumbens stipiti . Alte-  
rum in iisdem, alatum, capite equino, cum dua-  
bus tibiis equinis , infra pectus cauda Serpen-  
tina . Plura id genus ex Nummis tradi ad-  
huc possent , vnde ijs, qui monstra vel vera ,  
vel fabulosa congerunt , vberior materia dili-  
gentiæ , & contemplationis suppeteret . Haud  
inanem illam insuper ad mysteria veteris Sa-  
pientiæ , aut obscura auctorum loca illustran-  
da , faciliè quisque intelligit .

Nec in ornâda PLANTARVM HISTO-  
RIA superuacanea omnis hæc Nûmorû vete-  
rum

rum supellex cenferi debet . Ita qualis olim fuerit figura *SILPHII* aut *LASERPITII*, decantatæ adeo apud veteres plantæ, frustra apud Herbarios quæras, nec aliunde hodie quàm ex Nummis disces . Hæc enim planta , quæ vel sola Cyrenaicam regionem, per plura Sæcula nobilitavit , vnde & *Laserciferas Cyrenas* vocat Catullus , & cuius laseris aliquot pondera in publico Populi Romani ærario recondita narrat Plinius , iam ante illius , & Strabonis etiam ætatem , si eisdem credimus , apud Cyrenenses defecerat ; cuius rei causam a hic in barbaros, b ille in publicanos trāsfert . Quod verò Aristoteles , Aristophanis interpretæ, Tzetzes, Hesychius olim tradiderant , Silphium in Cyrenensium Nummis vulgò signatum fuisse , manifestè etiamnum docent argentea & vetusta illius tractus numismata ; qualia aliquoties cùm alibi , tum in Cimelijs Reginæ Augustæ, & Serenissimi Electoris Palatini , non semel inspeximus , Vnde etiam non piguit magnum Solini interpretem, nummos huius generis , non in vno Exercitationum loco adferre ; quò nobilissimæ illius plantæ vulgò ignotæ figuram ex iisdem repræsentaret ; quod iam ante præstiterant duo Antonii , Piso & Augustinus , in collectione veterum Numismatum . Alteram quidem figuram non parùm diuersam ex antiquo Diosco-

a lib. XI.

b lib. 8. cap. 3.

Tom. I. p.

359. T. II.

p. 1058.

Item Bod. in

Not ad Theo.

phr. Amstel.

1644.

ridis codice depromptam exhibet etiam idem Solini Interpres ; sed ita vt adulterinam eandem , aliam certè quàm Cyrenaicam fateri illi sit necesse , & priorem ex Nummis prolatam germanam & genuinam agnoscere . Nā quod alias prioribus curis , nihil in hac Nummi figura simile apio reperiebat , cui similia tamē huius *Lybici caulis* folia veteres Theophrastus Dioscorides , Plinius constanter tradidere , alibi postea producta accuratiori ex duobus alijs Nummis Silphij pictura , feliciter retractauit .

*Exer. Plin.  
Tu.*

Quod verò notat Tzetzes, in iisdem non plantam solūm , sed ipsos signari Cyrenenses Silphium Batto conditori suo offerentes , ( vnde natum etiam prouerbium Βάττου σίλφιου ) fateor in residuis hodie Cyrenarum nummis nondū mihi obseruatum . Nec ideo tamen illustri

*Can. Isag. lib.  
3. p. 300.*

Scaligero accedo, falsi eo nomine Tretzem arguenti ; quod tamen pridem ante illum Græculum Aristoteles tradiderat , sicut rectè ex veteri Aristophanis interprete colligit Salmasius , vt nulla amplius supersit ratio dubitandi . Nec enim quia Nummi eiusmodi hodiè non exstant , labat continuò illorum fides , quasi omnia id genus numismata superessent , quorum veteres meminere , & præsertim Coloniae , & gentis Africanæ ; aut etiam talia quotidie adhuc non eruantur prioribus antiquarijs & ipsi olim Scaligero ignota . Vt mit-

tam

tam nihil in eo alienum aut insolitum, sed familiare in Nummis Symboli genus denotari, quod quidem notius veteris huius memoriae leuiter peritis, quàm vt pluribus hic adstruā. Factum etiam illud Cyrenensium tangit Hefychius, vbi simul meminit Nummorum cum caule Silphii in iisdem expressi, quales hodie tractamus; Βάττε σίλφιον, παροιμία ἐπὶ τῷ τὰς ὑπερβολὰς τῶν τιμῶν ἐνέεισκαμένῳ, μετακλίεται δὲ ἀπὸ τῆς Κυρηνάκης ἐπὶ τῷ βασιλεῦσι μεταδόναι ἐξαίρετον τὸ σίλφιον ὁ τετίμηται παρ' αὐτοῖς, ὥς τε καὶ ἐν τῷ νομίσματι ὅπερ μὲν Ἀμμωνα, ὅπερ δὲ σίλφιον ἐγκυκαλεῖσθαι. Ad quod prouerbum reperisse obseruo celebrem ipsius Cyrenae Antistitem; Τρύφωνι δὲ δῶρα synes. Ep. 133 παρεσκευάσαμεν ὅπῃ σίλφιον πολλὰ Βάττε γὰρ ἁπλῶς αὐτὸ *Triphoni dona parauimus Laserpicium Zuphi coiposum, Batti scilicet Silphium audis.* Locum verò Hefychii integrum adduximus, vt vindicaremus etiam illum à rephrensione alterius Viri eruditione clari, qui postrema verba de Nummo Cyrenensium, cum caule Silphii, nihil ad explicationem prouerbii *Batti Silphium* nec ad honorem Batti quidquam pertinere, ad Solinum tradit. Atqui nihil hic peccauit, aut alienum inseruit summæ accuratōnis Criticus, qui vbi rationem illius prouerbii adtulisset, petitam ex more illo aut factò Cyrenensium præstantissimum Silphium Batto, aut alicui ex eius stirpe offerendi, opportunè causam adiungit, quod hæc planta in tanto apud Cyren-

nenses honore haberetur, vt eam etiam in altera Nummi facie signari curauerint, vnde lux prouerbio non mediocris accedebat. Nec minus etiam lapsus est ibi vir magnus, dum eodem Hesychij loco deceptus, imberbis vulturnum ex Cyrenensium Nummo prolatum, pro Ioue Hammone obtrusit; aut quum sententiam suam de priscis & recentioribus Cyrenensium Nummis, & figuris in anteriori illorum facie expressis adtulit; qua de re infra dicendi erit locus. Alterius verò Plantæ nec minus olim nobilitatæ, luculentam etiam nobis figuram Nummi suppeditant. **LOTVM** Aegyptiam intelligo, quam lilio similem veteres tradunt, & vsibus varijs ac dignitate apud illos populos celebrem etiam docent. Vnde vt alios mittam Aegyptiorum nummos, in quibus flos ille conspicitur, eundem quoque Regum & Reginarum apud illos capita non semel ornasse, Ptolomæorum aliquot selectiora Numismata ostendunt. In ijs certè venusta quadam specie, capitis vertici impositus cernitur, qualis & hic nuper apud eruditæ elegantie Antiquarium, & Florentiæ iam ante, inter Magni Ducis Cimelia contemplari mihi licuit. Huc enim refero Nummum illius argentei, in quo vnus ex Ptolomæis, & Vxoris capita, cum flore priori superaddito exhibetur. Talem etiam Arifinoe Philadelphi,

phi, & alter Ptolomæus in capitis vertice apud  
 Vrsinum præferunt, prior ex nummo aureo,  
 alter ex gemma expressus. Neque enim au-  
 diendus vir doctus, qui in notis ad has Ful-  
 uii Imagines, florem illum de Silphio, non de  
 Loto, accepit & proinde à Cyrenensibus pro-  
 fectum vtrumque hoc monumentum credit.  
 Figura enim illius floris ibi expressa à caule  
 Silphij longius discedit, qui in auersa num-  
 morum parte à Cyrenensibus, vt vidimus, si-  
 gnari solitus, & Lotum reuera lilio haud ab-  
 similem prodit. Ita etiã varia Aegyptiorũ Re-  
 gum diademata eodem flore ornata, aut in  
 illum desinentia, in plurimis id genus Num-  
 mis hodie conspiciuntur. Vnde vt alia mit-  
 tam, (nec enim Comemntarios scribimus)  
 lucem aliquam sceneratur præclarus Athenæi  
 locus, qui coronas plexas ex floribus Loti  
 apud Alexandrinos commemorat; quibus  
 postea Antinöearum suaue cuiusdam poetæ  
 commentum, nomen dedit. Ita vt non opus  
 sit mihi *Laurum, Palmam, Quercum, Hederam,*  
*Myrtum, Pampinum,* obuia alias in Nummis  
 capitis decora, in subsidium huius contem-  
 plationis, quam commendare hic institui, ad-  
 uocare. Alias quidem plantas minus vulgares  
 eadem nobis subministrat, vt *florem*, aut ra-  
 mũ arboris THVREM ferētis, sicut ex Traiani  
 nummo eruit Tristanus; **DICTAMNVM**  
 her-

herbam Crætæ peculiarem haud incelebrem,  
quam non semel illius regionis tradunt num-  
ismata; sicut Phæsti Urbis eiusdem tractus,  
florem quendam latifolium, quem apud  
Golzium videre licet expressum. Vt in hunc  
censum iam non referam LAVRVM ALE-  
XANDRINAM, de qua tamen non vna fuit  
recentiorum sententia; HYPOGLOSSVM  
aliasque id genus plantas selectiores, ex qui-  
bus obiter adsertam Nummorum in hoc con-  
templationis genere vtilitatem, liceret vltius  
euincere.

4  
AD HISTO-  
RIAM PRI-  
SCI AEVI.

Sed fortè maius erit operæ pretium, à bru-  
tis Animantibus, aut Plantis, ad nobiliorem  
rerum gestarum HISTORIAM oculos con-  
uertere, qui præcipuus quidem est, & pulcher-  
rimus, huius Nummorum tractationis Sco-  
pus. Nec tamen operosam huius rei proba-  
tionem à me exigis hoc loco, OCTAVI præ-  
stantissime, quod nec vnus est Dissertationis  
argumentum, & de quo, vt ingenuè fatear,  
minus etiam videtur hic mihi laborandum.  
Vix enim hæc res hodie vllam habet dubi-  
tationem apud eos ipsos, quos vel nullo, aut  
leui admodum vsu antiquariæ huius supelle-  
tilis instructos videas. Vt mittam felicem  
multorum industriam, hic iam luculenter præ-  
luxisse, quorum curæ in hoc genere talium  
cupidis passim tractantur. Quod si tamen  
meum



meam quoque Symbolam ad aliquam susce-  
 pti argumenti illustrationem liceat obiter cō-  
 ferre , non vna certè ratio , singularem hic  
 & mirificam quandam Nummorum vtilita-  
 tem , continuò suadere mihi videtur . Pri-  
 mam quidem subministrat illa iniuria , vel  
 temporum , vel barbarorum , vel epitomato-  
 rum , quos vocant , quæ mancā , & muti-  
 lam magna sui parte Historiam prisci æui , ad  
 nos hodie transmisit . Nec enim vllus igno-  
 rat , quota pars Historicorum veterum ex illa  
 publica litterarum calamitate superstes euase-  
 rit , aut quàm laceri præstantissimi quique ex  
 ijs occurrant . Ruinas vtiq̃ue in ijs agnoscas  
 veterum operum aut ædificiorum , passim hic  
 etiamnum obuias ; in quibus modo atria &  
 vestibula , modo dietas & Lararium , modò la-  
 quearia & concimerationes desideres ; aut si ma-  
 ius familiare exemplum Nauis alicuius decu-  
 manis fluctibus quassatæ , in qua vel puppim ,  
 vel tabulata , vel proram , frequenter requi-  
 ras . Vnde præclara multorum opera , quæ  
 in colligendis reliquijs , aut refarcienda id ge-  
 nus iactura laborauit , in tantum laudem indu-  
 striæ vel inuenit , vel meretur , in quantum  
 priscis illius naufragij tabulis eadem inniti cō-  
 suevit . Altera occurrit , illa crebra repugnan-  
 tia apud Historiæ veteris Scriptores Græcos &  
 Latinos in rebus etiam grauissimis , vt nescias

*Causa illius  
vtilitatis.*

N

quibus

ut si quis  
historiam

quibus non in hunc modum acquiescere aut quorum  
re iudicijs & auctoritati mandare. Ita con-  
fusus aut discrepantia sepius apud eos tempo-  
ra, patria, nomina, & aliaque praecipua rei  
gestae momenta viduas, hinc dum in ijs concu-  
bandis aliquot Criticorum ingenia se exercent,  
eadem ab hoc conatu saniorum crebrius deter-  
reant diligentiam. Hae autem tolli non po-  
tessunt argui diuersitas, iniquitas & praesidium  
illogum, quos ut indubie fidei testes, secundum  
hic liceat convenire. Tercia ex ea potest in-  
telligi, quod multa iisdem Historiarum aut  
Annalium conditoribus, vel odio, vel amore,  
vel incuria sunt perpensa tradita; quae  
emendari hodie, aut reuinci, nisi publicis  
quibusdam tabulis non possunt. Addo ut non con-  
tinuo existimem a liuore profectum illud Vo-  
pisci iudicium, quod hic opportunè se mihi  
ingessit. Neminem Scripseram, quoniam ead  
historiam pertinet non aliquid esse mentium; pro-  
dente me; quin etiam in quo Lilius, in quo Sa-  
lusinus, in quo Cornelius Tacitus, in quo deni-  
que Trogus manifestis testibus convinceretur.  
Quarta accedit, quod omnia multa sunt & pra-  
terita diligentissimis alias Scriptoribus, quae  
tamen ad summam rei gestae, aut historiae in-  
tegritatem, momentum non leue conferre  
videbantur. Nec enim ulli, ut accuratè &  
sedulo historico ea felicitas hactenus contigit,  
omnia

In Aurelia-  
no.

omnia vel adsequi vel tradere in amplissima  
 nunquam materia, aut ab illius ætate lon-  
 go temporum intervallo submotæ. Id verò  
 supplere demum possunt, reliqua eiusdem sui  
 monumenta, in quibus publica fata populo-  
 rum, aut gesta alias digna posterorum memo-  
 ria, opportunè fuerunt consignata. Quarta  
 denique superest, obscure aut obiter multa  
 passim iisdem Scriptoribus tradita, quæ nova  
 & dilucida cuiusdam expositionis face indi-  
 gent, ut legentium oculis quodammodo subij-  
 ci possint, & eorum aviditatem luculentius  
 explere. Ac talium immensa quædam seges  
 in Historiæ veteris examine sese offert, quorum  
 usus vel voluptas vix commodè posset hodie  
 percipi, nisi aliundè lux illis, & euidentiæ quæ-  
 dam maior accederet. Hæc autem singula in  
 veteri Nummorum supellectile adiumen-  
 tum quoddam præcipuum, & singulare præ-  
 sidium agnoscere, non pœnitendi certè bene-  
 ficij accessio censeretur.

Ad HISTORIAM EXTERNAM minus  
 conferre hic Nummi ijs videbuntur, qui Ro-  
 manos solum tractant, & vix aliis peregrinis,  
 Græcis nempe & Asiaticis pretium ponunt.  
 Haud vna tamen in ijs se offert Nummorum  
 utilitas, seu in tradendis Regum vel Ducum  
 apud Græcos aut Barbaros *Appellationibus*, seu  
 in illustrandis præclaris eorum *Natalibus*, &

Ad Hist.  
 Exter-  
 nam.

AD HI-  
 STOR.  
 EXTER-  
 NAM.

*Stirps Ma-  
cedonum, &  
Alexandri.*

*Constant.  
Porphyroge.  
Them. l. 11*

*Factis*. Ita ut vicem hodie fungantur illorum Clypeorum, qui in templis ad memoriam rei gestæ appendi consueverant, & ad quos crebro prouocant antiquæ historiæ enarratores. Apud MACEDONAS quidem fundatores amplissimi illorum imperij, ab HERCVLE Leonicida genus deriuasse, vel eorundem imagines in Nummis cum Leonis exuuiis etiamnum arguunt. Quod ipsum tradit ex eorum fide; non e vulgo sed in purpura editus. Imperator, qui exuuias leonini capitis stirpis auctorem referentes, Macedonum Regibus familiares, & quibusuis apud eos coronis, ac gemmis potiores scribens, addit, καὶ μέγτε, ἀξίον ἐστὶ αὐτῷ νόμισμα τὸ Μανίδου Ἀλεξάνδρου, ταύτῃ εἶδει καλλωπιζόμενον; ac TESTIS huius rei fide dignus est NVMMVS Alexandri Macedonis eiusmodi figura insignitus. Vides hic utique laudatissimum Cæsarem ad Nummos, tanquam ad indubium originis illius ac moris indicium securè prouocantem. Hic verò vir doctus illius editor, (quem locum tuo beneficio inspexi) ipsum profert ALEXANDRI Nummum cum illis leonis exuuiis, detracta etiam omni galea capiti adaptatis; quod postremum singulare & minus obuium in iisdē numismatibus credit. Idem verò capitis insigne in antiquioribus etiam AMYNTAE, & PHILIPPI Nummis adhuc hodie intuemur,

ut

vt præteream *Pharetram & Clauam*, quæ tum in eiusdem Amytæ, Philippi, Alexandri, tum posterioris PHILIPPI numismatibus, eiusdem originis fidem faciunt. Vt facile videas non frustra esse, quæ de vera, & genuina HERACLIDARVM in Macedoniâ stirpe, priusci auctores magno consensu tradidere. Idem certè hic Nummi, quod Tabulæ veteres apud Synesium præstant, quas tradit successionem Regum ab HERCVLE, suo tempore adhuc apud Cyrenses arguisse.

*In Carastasi*

Immo splendidiorum adhuc NATALIVM, qui ALEXANDRVM Herculis non tam traducem, quàm fratrem probarent, CORNIGERI eiusdem in Nummis habitus fidem facit, qui illum scilicet Iouis Ammonis filium non minus arguit, quàm inscriptio eiusdem apud Philostratū ΑΛΕΞΑΝΔΡΟ Ο ΔΙΟΚ, aut altera apud eundem PATΡΙ ΑΜΜΟΝΙ. Ita vt eodem illo habitu se adhuc hodie conspiciendum præbeat, quo illum Clemens Alexand. depictum refert, aut Ehippippo apud Athenæum conuiuia frequentasse innuit, indutum nempe Hammonis Vestæ, CORNVBVS, claua præterea & pelle leonina. Vt nō mirū sit amplius, cur Aera Alexandrina apud Arabas, Epocha *Alexandri bicornigeri*, dicatur, vt obseruat Scaliger, aut cur ille apud eosdem DVLKARNAIM vel ZVLKAR-

*De Numis cornutis Alexandri & Successorū.*

*lib. de Vir. Appollon. lib. 1. c. 6.*

*In Protrepse*

*Deipnos l. 6.*

**ZVLKARNEN**, seu *bicorniger* vocetur. In Prouinciâ certè quadam *Balaxiz*, Reges tanquam ab Alexandro genus ducentes, **ZVLKARNEN** seu Alexandrum (h. e. *bicornigerum*) dici refert Paulus Venetus. Horum autem ratio lateret ferme nos hodie, inopportunè Cornuta Alexandri & Successorum numismata, appellationis illius causam & fontem indicarent.

*l. i. c. 25.*

*2. 2. 2. 2.*

Transiere enim ad eius **SUCCESSORES**, vna cū imperij dignitate, eadem quoque Capitulis insignia; quò se vtrique vel oris & habitus similitudine, legitimos hæredes probarent. Neque enim solum proiectam Alexandri ceruicem & leuitatem oculorum, in aliquot eorum imaginibus spectamus; quod annotauerat iam olim Plutarchus, verum etiam leoninā pellem & **CORNYA ARIETINA**, quæ Seleuci, Ptolomæorum, Lysimachi, aliorumque in nummis capita etiamnum decorant. Nec iam an **ARIETINA** illa, vt modò innui, vel **HIRCINA** cornua fuerint admodū laboro; quod sollicitum habuit virum doctū in Notis ad græca Goltzij numismata, ob Plutarchi caprina Pyrrho tribuentis auctoritatē. Vtriusque enim generis in his monumentis occurrunt, (vt de **TAVRJNIS** iam nihil dicam,) quæ nec grauissimo Auctori fidem detrahunt, nec eadem inter se confunduntur.

*In Pyrrho.*

*2. 2. 2. 2.*

*2. 2. 2. 2.*

*2. 2. 2. 2.*

tur. Tryphonis certè nummum cum CAPRINO cornu protulit. Villalpandus, qualia cornua Iunoni LANUVINAE præbēt Numipi, quàm Arietina frequentius cernas ab Alexandri Hæredibus, tanquam à Ioue Ammonè desumpta. Præ aliis verò obseruo Annianum Persarum Regi, aureum capitis *lib. 19.* ARIETINI fomentum interstinctum lapillis, pro diademate tribuentem. Seruum verò natio, quem ratio hic fugit, apud quem eiusmodi Regum Cornua sunt propriè cincinni; ob affinitatem scilicet vocis *Ad Aen. 12* neque condere, vel etiã ut opinor, exinde, quod cornua illa instar cincinnorum torta in Nummis apparent, unde Lucano tortis cornibus Ammon dicitur. Immo nec moror diuersam Cornuum id genus in Nummis originem, quam refert Appianus, qui tradit ideo Cornua SELEUCI Imaginibus apposita, quod sacra quondam faciente Alexandro, fugientem taurum cornu apprehendisset; quod male Politianus alicubi ad Lysimachum transtulit, ut viderunt iam eruditi. Antiquiorem & diuersam illius moris rationem, præter Alexandri aliorumque Seleuco cœtaneorum Principum Numos, nota MOSES cornua abundè ostentant; ut ab Hebræis ad Syros & vicinas gentes notissimum illud dignitatis & abundantiae Symbolū profluxisse existimem. Ex Oriente enim & Palæstina, ut

eru-

eruditis notum vsus plurimorum rituum, appellationum, insignium, ad Græcos aliasque gentes, dissimulata frequenter aut interpolata origine, transit. Vnde CORNVA quoque apud Gentiles obseruo in iisdē Nummis, cū Diis nonnunquam tributa, vt IOVI AMMONI, IVNONI LANUVINAE, BACCHO, ET PANI; tum vniuerso Bacchi choragio, SATYRIS & Capripedum gregi, vt vulgò notum; tum Heroibus, vt ALEXANDRO & Successoribus; tum Legislatoribus, vt CHARONDAE, qualem nummum edidit non ita pridem vir doctus, & nuper hic in Vrbe nactus sum. Eadem verò ita distin-

*De Abstin.  
lib. 3.*

guit Porphyrius, vt Ioui arietina, Pani caprina, Libero Patri autem taurina tribuat cornua, οὕτω δὲ καὶ οἱ Ἕλληες τῷ μὲν τῷ Διὸς ἀετλῶν περὶ πρὸς ἑαυτοὺς κίεον, τῷ δὲ τῷ Διονύσῳ, τῷ δὲ πᾶσι ἐξ αἰθέρων καὶ αἰσῶν συνίδναι. Ita verò Græci Iouis quidem simulachro arietis cornua, Bacchi verò taurinum adaptarunt, Panem autem ex homine & capra composuerunt. Insignis verò præ cæteris cum duobus Taurinis cornibus prominentibus ANTIGONI nummus ineditus, qualem cū alibi, tum in Thesauro Augustæ Reginae inspexi. Ad eò vt meo iudicio, non minus ΤΑΥΡΟΚΕΡΩΣ dici debuerit, quàm

*in Phocic.*

Attalus ille Apollinis oraculo vocatus apud Pausaniam legitur. Nec ab simili ratione geminum



minum cornu taurinum vna cum proboscide Elephantis AFRICAE Symbolum constituit in Nummo Gentis Norbanę. Ita vt non vni Deorum hominumque ordini tributum olim videamus, quasi eximium aliquod honoris & dignitatis insigne, quod ab Artemidori ætate ludibrij & contumeliæ argumentum etiam apud ignobilissimum quemque euasit. Scilicet posterior ætas *peior auis*; sed me reprimo, neque enim querelarum hic locus, aut villa mihi necessitas.

Immo nec à Dijs solùm & Heroibus Nates aut Insignia, sed NOMINA etiam & APPELLATIONES mutuatos nosti, magnanimos illos Alexandri Hæredes. Neque enim Iouis illa vel Herculis cognatione contenti, ni DEORVM etiam titulos & honores apertè inuaderent. Vnde perstringit alicubi Dio Chrysof., illam eorundem in nominibus Vanitatem, qua Ceraunos seu Fulmina, Aquilas, Poliorcetas, immo Deos quoque, ineptè non minus ac impiè se ipsos nuncuparunt. Tales vtique adhuc hodie in Nummis Ptolomæi, Seleuci, Antiochi, Demetrii, Tryphonis, aliisque, non solùm cum splendidis, NICATORIS, NICEPHORI MAGNI, EYSEBIS, EVERGETIS, PHILOPATORIS, PHILOMETORIS, PHILADELPHI, AVTOCRATORIS etiam

*De Nominibus & Appellationibus à Dijs petitis.*

*Orat. 64. de Fortun.*

*Deo. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

seu *Imperatoris Cognominibus*, verum etiam cum ambigua SOTERIS, EPIPHANIS, CERAVNI, DIONYSI, DEI quoque citra ullas ambages appellatione. Ita quidem ut ijs maxime occurrant insigniti, qui magis in Deos sacrilegi, aut in proximos impij, aut in socios perfidi extitere, aut alias cladibus magis quam Victoriis nobilitati leguntur. Quæ recepta tamen in Oriente inanis & superba titulorum nomenclatio, ad posteros quoque eorum aut hæredes transit, & adhuc hodie obuia in iisdem oris exempla subministrat. Ut iam in hunc censum non referam, minus decora, aut alias à regionibus, quibus imperitabant, deducta cognomenta, PHYSCONIS, AVLETIS, LATHYRI, HIERACIS, SEDETIS, ZEBENNIS, CYZICENI, & COMMAGENI, quæ insuper eorundem Alexandri Hæredum Nummi exhibent. Illud verò vel beneficium vel commodum adfert ampla illa cognominum id genus supellex in Numismatibus antiquis adhuc frequens, ut confusos vulgò inter se Antiochos, aliosque barbaros Reges distinguere, aut illustres eorum appellationes, de quibus silent ferme Auctores, ex iisdemprehendere liceat.

*De cognomine NICATORIS.*

NIKATOPOS quidem nomen SELEUCO in Nummis eiusdem tributum occurrit, à quo

quo incepit SELEVCIDARVM series & regnum, quod illi à Victorijs potius quàm à Nicatorè cæso inditum refert Appianus, & quod Templum eidem mortuo *Nicatorium*, tanquàm *In Syriacis.* Heroi extructum narrat. Quò respexisse etiã Helychium obiter obseruò, Νικατόρ ἥρωος, ὅν τι τῆς τῆς, vbi perperam hætenus Νικατόρ legitur, errore in scriptis & editis veterum libris familiari. Nec audiendus est proinde Scaliger, qui obseruata hac nominis varietate, *Nicanorem* tuetur auctoritate Nummorum, in quibus ΣΕΛΕΥΚΟΥ ΝΙΚΑΤΟΡΟΣ (à Golt. *In Anim. Em- Feb. p. 128.* zio scilicet deceptus) *Nicatore* verò dialecto Macedonica dici demum existimat. Non semel, vt obiter hoc dicam, alienis oculis, virum illustrem nummos veteres inspexisse deprehendo, quorum alias fidei & auctoritati plurimùm solet tribuere. DEMETRIO autem inter Seleuci Successores, idem quoque cognomen Nummi largiuntur, ΒΑΣΙΛΕΩΣ ΔΗΜΗΤΡΙΟΥ ΘΕΟΥ ΝΙΚΑΤΟΡΟΣ, qui corruptè apud Iustinum, & eundem Scaligerum in Excerptis Græcis, *Nicanor* hætenus vocatur. Eadem ratione NICEPHORI nomen ANTIOCHO Epiphani Balæ, vt videtur filio, adhæsisse, docet rarior eiusdem nummus cum inscr. ΒΑΣΙΛΕΩΣ ΑΝΤΙΟΧΟΥ ΘΕΟΥ ΕΠΙΦΑΝΟΥΣ ΝΙΚΗΦΟΡΟΥ, quod *In Thes. Magni Ducis.* vix aliunde constare existimem. Ita non so-

Lib. 16.

Theoph. Sy-

moc. Hist. L. 4.

c. 17.

lūm alius ex Selenci posteris occurrit *Callinicus*, sed & cuiusdam *Nicatoris* Parthorum

Ducis meminit Strabo, ac sequiori ævo inter titulos Persarum Satrapæ ΝΙΚΗΤΗΣ

etiam legitur. Qua ratione præterea apud Romanos VICTOR prænominis loco magno

Constantino vsurpatus, vt ex eiusdem Nummis liquet, in quibus VICTOR CONSTANTINVS MAX. & ad eius exemplum

Filius Constantius VICTOR Terra Marique CONSTANTIVS inscribitur apud

Ammianum; qui alibi Iulianum eius Successorem VICTORINVM per ludibrium dictum obseruat. Notæ verò eiusdem generis,

VICTORIAE, NICE CALLINICE, AGATHONICE, frequentes mulierum appellationes, quas tradunt antiqua Marmora.

Decognomine

SOTERIS.

ΣΩΤΗΡΟΣ vel SERVATORIS cognomē PTOLOMAEO LAGI à Rhodiis primum

concessum, Nummi eiusdem representant, quod illi vtpotē Syriæ euerfori, præter fas

omne tributum contendit Iosephus, & quale aliis pluribus dein cū Lagidis, tum Seleucidis adhæsit. Nec moror hic veteres aliquot,

& recentiorū turbam, qui SOTEREM hunc secundum in serie Lagidarum ponunt, inter

quos vir doctus in explicatione huius nummi ad Vrsini imagines, quem tamen eundem fuisse

cum Ptolomæo Lagi ex Pausania, aliisque plus

Antiq. l. 12.

cap. 1.

In Atticis.

plus satis constat. Id verò illi cognomen, quocunque tandem iure delatum, cum B E R E N I C E vxore commune apud Aegyptios euasit; qui ΘΕΩΝ ΣΩΤΗΡΩΝ nomine post mortem, ambo consecrati, vt ex Inscriptione veteri, præter Theocritum, licet eruere. Huius autem vocis appellatio, à IOVE SOTERE vel SOSPITATORE desumpta (quo nomine illum apud Græcos Romanosque cultum satis liquet) inde ad Conseruatores aut Benefactores Vrbium vel Populorum, ciuium adulatione, aut metu passim translata, vt præter alios docere potest Eusebius. Vnde non mirum præter Castores, quos ΣΩΤΗΡΑΣ omnibus dici obseruat Strabo, Apollinem, Bacchum, Herculem, tanquam benefica numina, sub eadem Soteris nomenclatione olim cultos, vt præter Pausaniam aliosque oculis subiiciunt Lapitharum in Thessalia Númi ΑΠΟΛΛΩΝ ΣΩΤΗΡ; Maronitarum Thraciæ, ΔΙΟΝΥΣΟΥ ΣΩΤΗΡΟΣ; & Thasiolorum ΗΡΑΚΛΕΩΣ ΣΩΤΗΡΩΣ, quam etiam appellationem eidem Herculi, non vt belluas conficienti, sed vt tyrannorum euerfiori, eximie aliquibi vindicat aurea Dionis facundia, qui ob similia beneficia generi humano præstita SERVATOREM eum iure dictum commemorat. Non eodem tamen titulo videntur adducti Athenienses, vt templa Seleuco ΣΩΤΕ-

*Histor. Eccl. l. 8. c. 18. lib. 5.*

*Orat. 2.*

*Athen. l. 6.*

TE-

*Plutarch. in  
Demetr.*

*Idem in Fla-  
min.*

*Polyb. & Liu.  
l. 45*

*Excerpt legat  
ed Reg. p. 188*

TERI erigerent, aut Demetrium & Antig-  
num, graues salutis Græcorum Reges, S O-  
TERES nuncuparent; quo nomine alias Græ-  
ci Flaminium ob adsertam in libertatem Græ-  
ciam in publico Gentis conuentu cohonestar-  
unt; & vniuersos Patres Conscriptos Prystias  
Bithyniæ Rex in aditu curiæ salutauit, XAI-  
PETE ΘΕΩΙ ΣΩΤΗΡΕΣ. Adeo quidem,  
vt Rex Regum Chosroes, auxilii indigus,  
litteris ad Mauritium Imperatorem scriptis,  
eum SOTERIS nomine cum epithetis aliis  
compellet, & Romanos in genere SOTE-  
RES vocare non erubescat. Eadem quoque  
appellatione insignitum ab Atheniënsibus HA-  
DRIANVM probat præclarus eiusdem  
Nummus, ΟΛΥΜΠΙΟΝ ΣΩΤΗΡΑ ΤΟΝ  
ΕΥΕΡΓΕΤΗΝ ΙΔΙΟΝ. At enim maiori cum  
dedecore prodiit ex eadē Lagidarū stirpe, præ-  
ter Soteres alios, illa non SOSPITA, sed *Ae-  
gypti feralis Erynnis* CLEOPATRA, cui ta-  
men ΣΩΤΕΙΡΑΣ cognomen Nummi etiam  
tribuunt; quo scilicet nomine præter Minér-  
uā apud Athenienses, DIANA in Sicilia, CE-  
RES Apameæ, PROSERPINA Cyzici cole-  
bantur, vt selecta illorum tractuum Numisma-  
ta ostendunt, cum nuda etiam appellatione  
ΣΩΤΕΙΡΑΣ, de quibus alibi. Vnde insu-  
per satis liquet, quàm meliori titulo ac iure,  
non vnus Urbis aut Populi, sed vniuersi ge-  
neris

neris humani liberatorem, antiqua Helleni-  
starum pietas SOTEREM salutavit.

ΕΠΙΦΑΝΟΥΣ familiare in iisdem numis-  
matibus nomen occurrit, quo præsentis in  
Mysterijs Deos Gentiles olim prosequabantur.

De cognomine  
ΕΠΙΦΑ-  
ΝΙΣ.

Vnde etiam Epiphaniæ frequentes eorum ap-  
paritiones dictæ, ut eruditis notum. Ita Plu-

In Marcello

tarchus de templo quodam Siciliæ verba fa-

ciens, *Ἰδὲ θεῶν ἐπιφανίαι ἐνδοξοί, αἱ καλεῖται μα-  
ρίαι*, ab illis Dearum loci præsidum Epipha-

nij seu apparitionibus, claritudinem conse-

De Incredul.

quutum docet. Lucianus verò agens de He-

phæstione ab Alexandro consecrato, adulator

res corpore illius combusto, somnia præterea

Hephæstionis; Epiphantias quasdam, aliaque

eiusdem vaticinia præ se tulisse, quod iuuenili

Alexandri cupiditati indulgerent. Hinc au-

tem ad Reges Alexandri successores, tanquam

manifestos quosdam & conspicuos in terris

Deos, Hephæstione certè haud inferiores, &

tum magis visibiles, translata eadem appel-

355

In Syriacis.

la tio, ut præ alijs nummus ANTIOCHI cla-

rè exprimit, cum utroque titulo ΘΕΟΥ ΕΠΙ-

ΦΑΝΟΥΣ. Quod ipsum firmat egregiè Ap-

pianus, qui Antiochum narrat Epiphaniem di-

ctum, quod expulsis e patrio regno tyrannis,

quasi patrius & domesticus Rex illi apparuisset  
*ὡς πατρίος καὶ οἰκίᾳ ἀφ' ὧν*. Epiphaniæ enim illæ Gē-  
tilium, quod obseruo, maximè de patrijs ac  
do

Orat. 33.

lib. 12.

lib. 4. c. 10.

domesticis Dijs & eorum manifestatione, vel  
 presentia ( vt Tullius illam vocat ) sumeban-  
 tur; vt præter citatum Plutarchi locum, au-  
 ctor mihi Dio Prysæus, qui tradit, vulgò cre-  
 di conditores Heroas, ac Deos, vt maximè  
 eos decet, adire frequenter suas ciuitates, &  
 maximè festis ac solemnibus diebus, aliis autē  
 non conspicuos. Sacra quin etiam instituta à  
 Gentilibus, ad prouocandas vel celebrandas  
 illas domesticorum Numinum apparitiones,  
 licet ex Athenæo colligere, qui refert Deme-  
 trium Phaleræum, fratre Himeræo, ab Anti-  
 patre trucidato illius Epiphania celebrasse  
 ὡς τὰ ἐπιφάνια τῷ ἀδελφῷ θύων. Quæ sacrificia  
 scilicet ad indicandam fratris interfecti tan-  
 quam EPIPHANIS, & quasi in Deos relati  
 præsentiam seu manifestationem instituebat  
 Demetrius, haud aliter ac illo Epiphaniæ seu  
 apparitionis argumento consecrationem He-  
 phæstionis mentiebantur amici Alexandri. Ita  
 eadem sacra ΘΕΟΦΑΝΙΑ etiam dicta, ex  
 Philostr. obseruo, vbi Lacones interroga-  
 ti, an ob præsentiam Apollonij Thyanci Theopha-  
 nia agitant, ἐν τῇ θεοφάνια ἐκ αὐτοῦ ἄρχουσιν. Vnde  
 patet ἐπιφάνιας & θεοφάνιας vocē de ipsa appari-  
 tione, ἐπιφάνια verò seu θεοφάνια vsurpata pro fe-  
 stis in earum memoriā agitari solitis, quod discri-  
 men nonnullis etiam Scriptoribus Eccles. ob-  
 seruatum videas. Neque verò his solum in cō-  
 me-



memoratione sacri mysterij, sed Gētilibus quoque *θεοφάνεια*, vocem pro Epiphania promiscuo usu sumptam, vt mirer aliter has voces nonnūquā doctissimis viris acceptas. In Eusebij verò Chronico, ex versione Hieronymi, Caius Cæsar dicitur Petro Petronio Præfecto Syriæ præcepisse, sibi Statuam poni Hierosolymis, sub nomine IOVIS OPTIMI MAXIMI. Hæc autem postrema in Eusebianis Græcis Scaligeri exprimuntur, ΔΙΟΣ ΕΠΙΦΑΝΟΥΣ h. e. iuxta eundem Scaligerum *Iouis Illustris*, pro vulgata scilicet cognominis huius Epiphanis apud interpretes significatione. Quo tamen huius appellationis dignitatem, aut vim vocis non videtur mihi adsecutus, quæ meo iudicio instar Iouis præsentis & manifesti, absens etiā Caius à Iudæis suspici Hierosolymis ac adorari impiè voluit; quæ felicitas reuera paullo ante eidem, sed ingrata Vrbi contigerat, in conspectu vnici & veri vel ΔΙΟΣ vel ΘΕΟΥ ΕΠΙΦΑΝΟΥΣ. Neque enim ideo, quod inter *ἀόρατοι* seu Inuisibiles Deos, primum locum Ioui adscripserit Theologia Gentilium, minus hoc illi EPIPHANIS seu manifesti cognomé conuenire quisquam existimet. De his enim alias nō cōspicuis Deis, nec *φαινομένοις* instar Solis & Lunæ, Epiphaniæ illæ Gentilibus sumebantur, tanquam de singularis cuiusdam & alijs concessi beneficii prærogatiua, vt modò ex

Plutarch.  
Quæst. Rom.

lib. 4.

lib. 12.

Pryſæo vidimus. Vnde facile etiam adſequimur, cur eam vocem Epiphaniæ, non ad fictā aut inanē, ſed veram, vel ΘΕΟΦΑΝΕΙΑΝ, vel ſalutāris, Syderis apparitionem primis Chriſtianæ Reipublicæ Triumviris manifeſtati, Societas Chriſtiana iam olim traduxit. Ad hanc verò ΘΕΟΥ ΕΠΙΦΑΝΟΥΣ appellatiōnem Antiocho in eiufdem Nummis alijsque dein tributam, reſpexiſſe patet Chofroem Perſarum Regem apud Theophylaſtum, qui inter inanes titulos, ambitioſum quoque illud præfert; *inter homines Deos* ΘΕΟΣ ΕΠΙΦΑΝΕΣΤΑΤΟΣ. Nec tamen ut idem Appianus innuere videtur, & nuper adſeruit vir doctus, ANTIOCHVS Magni filius EPIPHANES primū dictus, quamvis frequentius hoc nomine apud veteres Iosephum, aliosque indigetetur, & cui alias EPIMANIS ſeu infani nomen aptius quàm EPIPHANIS conuenire tradit Athenæus, ſicut alibi EVERGETEM ſeu Benefactorem Ptolomæum, Alexandrinis ſeu Malefactorem, dictum obſervat. Eadem enim appellatio SELEVCO NICA-TORI, à quo ut dixi Stirpis & regni origo iam ante conceſſa, ut docet illius Nummus, ΒΑΣΙΛΕΥΣ ΣΕΛΕΥΚΟΥ ΕΠΙΦΑΝΟΥΣ ΝΙΚΑΤΟΡΟΣ, quod fruſtra hodie apud Auctores quæras, nec ad alium Seleucum referri debet. Ab illo verò Antiocho Epiphane

di-

dicta videtur vrbs Epiphania, ex qua oriundus  
Euagrius, & de qua præter Geographos. adie-  
dit Iosephus. Quod verò non prætereundum  
hoc loco, familiare illud **ΕΠΙΦΑΝΙΣ** co-  
gnomen non **ΛΑΓΙΔΙΣ** solum & **ΣΕΛΕ-  
ΥΙΔΙΣ** h. e. primis Alexandri Hæredibus euasit,  
sed ad **ΝΙΚΟΜΕΔΕΣ** Bithynios, **ΤΙΓΡΑ-  
ΝΕΣ** Armenos, & Parthorum **ΑΡΣΑ-  
ΚΕΣ** etiam transiit; quod vix aliunde, quam  
ex eorundem Numismatibus nobis liquet. Do-  
nec posteriori adhuc æuo, non **ΕΠΙΦΑΝΕΣ**  
solum, sed **ΕΠΙΦΑΝΕΣΤΑΡΧΟΙ** dicti eorum  
Successores Persarum Reges, vt modo vidi-  
mus, quando scilicet **ΕΠΙΦΑΝΕΣ** dicti eorū  
Præfecti, vt vel arguit vna inscriptio litterarū  
Varami Satrapæ, apud Theophylactū Simocattā

*Antiq. l. 1.  
cap. 7.*

*Histor. l. 4.  
cap. 7.*

*De Cogno-  
mine GE-  
RANI.*

**ΚΕΡΑΤΝΟΤ** seu **ΦΥΛΜΙΝΙΣ** cognomen-  
tum **ΠΤΟΛΟΜΑΕΥΜ** Soteris filium maiorem,  
& fratrem Philadelphi gestasse, præter Aucto-  
res, Nummus eiusdem docet, **ΠΤΟΛΕΜΑΙ-  
ΟΥ ΚΕΡΑΤΝΟΤ**. A celeritate verò seu vi-  
gnea fulminis, nomen hoc illi adhæsisse tra-  
dit Pausanias; Memnon autem apud Phoritiū,  
ab importunitate morum seu vacordia. Vn-  
de mirum videri posset, hoc contumeliæ iuxta  
Memnonem vocabulum, non a maleuolis so-  
lum, aut ioco militari huic Ptolomæo tribui,  
sed ab eodem etiam in Nummis signari; quod  
Caio & Antonio Bassianos, in Caligula,

*In Atticis.*

aut Caracallæ nominibus haud videmus vsur-  
passe . Quamuis enim AVLETIS , PHYS-  
CONIS , & HERACIS minus decoræ ap-  
pellationes in Ptolomæorum numismatibus  
etiamnum obuiæ, firmare Memnon is senten-  
tiam possent, aliunde tamen potius & à Iouis-  
FVLMINATORIS epithetis , iuxta Soteris  
aliaque id genus cognomina inde petita lubet  
deriuare ; quod firmat etiam Lucianus , qui  
Aegyptios præ gentibus aliis Deorum Co-  
gnominibus ad satietatem vsos notat . Ita sci-  
licet eodem nomine insignitus occurrit vnus  
e Seleucidarum genere , quem C E R A V-  
NVM etiam dictum obseruat Eusebius . Huius  
verò nominis rationem liceat mihi ex Appia-

*In Imag.*

*In Syriacis.*

no eruere , qui Seleucum Nicatorem in con-  
denda Seleucia ad mare , sequutum refert au-  
gurium fulminis , & ideo Fulmen in eadem  
urbe, haud aliter ac instar Numinis consecra-  
tum . Ex quo lucem foeneratur , Hesychius , qui  
Iouē sub CERAVNII nomine Seleuciæ cultū  
obseruat Κεραύνιος ἱμνεύτης & ζῆς ἐν Σελυκίᾳ  
Vnde faciliè iam licet adsequi , cur vnus e Se-  
leucidis , inter alia Deorum & Iouis ipsius  
cognomina vsurpari tum solita , CERAVNI  
quoque appellationem sacram in eodem tra-  
ctu ambiuerit , aut cur obuium fulmen in  
Seleuciæ Nummo aræ impositum , & vittis  
hinc inde pendentibus , cum Inscrip. illius

*In Thesaur  
Regin. &  
Magni Du-  
cis .*

Urbis

Vrbis ; qui mirificè illustrat geminum hunc Appiani & Hesychij locum . Nec minus possunt ex ijs illustrari frequentes in alijs Lagidarum & Seleucidarum nummis , Aquilæ Fulmini insistentes , & duæ nonnunquam cum alis expansis & fulmine , vt in quodam Ptolomæi numismate ; vt nihil de Pyrrhi , Agathoclis, Hieronymi , aliorumque id genus Regum aut Tyrannorum Nummis dicam , cum signato in iis fulmine . Aliud verò statuendum de Alcibiadis symbolo, quem in Clypeo nullum aliud insigne gentilitium expressum gestasse refert Plutarchus , præter Amorem ΚΕΡΑΥΝΟΦΟΡΟΝ .

*In Alcibiade*

At verò Deorum cognominibus non solum , sed Nominibus etiam occurrunt nonnunquam insigniti , vt DIONYSII seu Liberi Patris adsumpto vero nomine , ΑΝΤΙΟΧΥΣ vnus e Grypi filijs, ΑΝΤΙΟΧΟΥ ΕΠΙΦΑΝΟΥΣ ΔΙΟΝΥΣΟΥ ; de quo Iosephus aliique possunt consuli . Annotauit id iam olim Lucianus , qui Deorum appellationes obseruat ab hominibus petitas , vt DIONYSII, Hephæstiones, Zenones , Posidonij ; quæ nec in nomen solum sed cognominum etiam vicem , vt hoc loco transiere . Ita & ΘΕΜΙΣΟ ΗΡΕΚΥΛΕΣ apud Athenæum, & rursus STRATONICIS ΒΕΝΥΣ ab vxore Antiochi Soteris apud Tacitum , & in Marmori-

*De cognomine DIONYSII.*

*In Imaginibus.*

Deipn. l. 6.  
& 13.

De Oracul.  
Def.

moribus Arundellianis; quo honore prosti-  
bula etiam sua decorarunt Græci; vt de PHI-  
LE & LAMIA VENERE, ex Athenæo eru-  
ditis iam notum. Nec mirum tamen, sacris  
vulgaris huius Deæ assidue operatas, ab eadem  
nominis decus reportasse; quum à Deo scili-  
cet, à quo honorem adepti, nomina iam olim  
mutuatos veteres ex Plutarcho nouerim; vn-  
de alium Athenæum, alium Apollonium, aliū  
etiam DIONYSIVM dictum obseruat; qui  
locus mirè hæc & superiora simul illustrat.  
Transiere verò illius insanix exempla ad Ro-  
manos, vnde & in monumentis veterum, IO-  
VIS AVGVSTI, IVLIAE IVNONIS, &  
similium mentio, ac in Nummis, APOL-  
LINI AVGVSTO, HADRIANO HER-  
CVLI COMMODIANO, IOVIO GALE-  
RIO, sicut aliundè IOVIVM DIOCIE-  
TIANVM, & MAXIMIANVM HER-  
CVLIVM dictos accepimus. Ita referre huc  
etiam debent frequentes in iisdem Num-  
mis IVNO, vel CERES, vel VENVS AV-  
GVSTA, cum Dearum habitu, & Augusta-  
rum effigie, vt ex earundem Statuis licet hic  
etiamnum obseruare. Vt mittam frequentia  
in Lapidibus veterum petita à Diis Deabusq;  
Mercurij, Saturni, Phæbi, Dianæ, Palladis,  
Aphrodisiæ, Athenaidis, aliaque id genus nomi-  
na Ipsum verò DIONYSI cognomen, præter  
adle-

adlegatum ex Nummis *ANTIOCHVM* iudicio Tullij Regum post Alexandrum maximo *MITHRIDATI*, præter Appianum tribuit Dio Pryſæus; alius verò vnum e *Pto-* *lomæis* *IVNIOREM DIONYSVM*, ſeu Bacchum nuncupatum tradit. Haud aliter ſcilicet M. Antonius omni eiufdem Dei cultu adſumpto, hedera, pampino, *MINOR DIONYSVS* olim dictus, quem cultum præter Plutarchum, & Dionem, aliquot Nummi eidem tribuunt, & Auguſtum vitio, illi vertiſſe accepimus. Nec minus etiam *ANTIGONVS* verò eiufdem Bacchi habitu inſignitus apud Herodianum occurrit, quò refero *TAVRINA CORNVA* illi in Nummis aliquot tributa, vt ſupra monui; ad exemplum ſcilicet Liberi Patris, cuius florès iuuenta, inuictum robur, longæ peregrinationes, & vitæ hilaritas, hos illi vel cultores vel æmulos Reges conciliarunt.

*Accadem. Lucull.*

*Orat. 37.*

*Menand. Prot.*

*Plutarch. in M. Anton.*

*lib. 48.*

*Idem lib. 50*

*Hiſtor. l. 1.*

Immo nec Superbis Deorum cùm Nominibus, tum Cognominibus contenti, ni ipſa quoque *DEI* appellatione (quò nempe Cœlitibus nihil reliquum facerent,) viui & in terris etiamnum agentes fruerentur. Adeo vt impletum in ſucceſſoribus videatur votum Alexandri, qui vt tradit aureus orator, *DEVS* eſſe noluiſſet poſt mortem, niſi aliorum *DEORVM* Rex eſſet. Quo nomine

*De cognomi- ne DEI.*

*Dio Chyſoſt. Orat. 4.*

exa-

exagitat eosdem præclarus auctor, quod moriendi necessitati obnoxij, Immortalis Dei appellationem ineptè sibi vindicarent. Hinc illa ΘΕΟΥ momenclatio, cognominis loco ab *ANTIOCHO* Seleuci Nicatoris Nepote primum vsurpata, vt vefaniam illam arguit adhuc hodie eiusdem Nummus, cum inscriptione ΒΑΣΙΛΕΩΣ ΑΝΤΙΟΧΟΥ ΘΕΟΥ, & alterius Antiochi, ΑΝΤΙΟΧΟΥ ΘΕΟΥ ΕΠΙΦΑΝΟΥΣ ΝΙΚΗΦΟΡΟΥ. Sic *DEMETRIVM NICATOREM* eiusdem impietatis reum probant illius Numismata ΔΗΜΗΤΡΙΟΥ ΘΕΟΥ ΝΙΚΑΤΟΡΟΣ; quo nomine etiam alterum Demetrium Poliorcetem ab Atheniensibus nuncupatum, Plutarchus & Athenæus tradunt; ita quidem vt solum eum verum Deum agnoscerent, reliquos autem aut dormire, aut abiisse peregre profiterentur. Vnde etiam nonnullam lucem mutuatur Actorum & Iosephi locus, vbi Herodes Agrippa DEVS à circumfusa multitudine proclamatur, iuxta morem nempe in vicina Syria, Aegypto, alijsque Orientis partibus iam familiarem. Adeò vt illius exempla ad mulieres quoque diffusa paulatim fuerint, vt *BERENICES*, *ARSINOES*, *STRATONICAS*, *CLEOPATRAS*; quod vix aliundè tamen, quàm ex Lapidum Nummorumque monumentis licet hodie colligere

De



De BERENICE Ptolomæi Lagi coniuge, supra vidimus, eam ΘΕΩΝ ΣΩΤΗΡΩΝ nomine, vna cum marito apud Aegyptios consecratam. De ARSINOË verò eiusdem filia, fidem mihi facit rarissimus Nummus argenteus, cum duobus capitibus iunctis in vtraque parte, & inscr. ΘΕΩΝ ΑΔΕΛΦΩΝ. Idem enim ad PTOLOMAEVM PHILADELPHVM & ARSINOEN sororem eiusdem & Conjugem, referendum, indicabam nuper, vt nosti, fori huius antiquarij regulo, Francisco Gottomfredi, ab eodem de illius explicatione consultus, & cujus beneficio præclari nummi notitiam debeo, qui Augustæ Reginæ Thesaurum locupletare nouissime meruit. Id nempe suadebant ad primum illius aspectum, & diadematis Regem arguentis, nec ab vno e Ptolomæis alieni, vt mihi videbatur, effigies; cùm infans ejusdem erga sororem Arsinoëm amor, quem & adsumpto PHILADELPHI nomine, & nefariis nuptiis, templis præterea, aliisque diuinis honoribus professum memineram: tum obvia ejusmodi appellationum apud eosdem Aegyptios exempla. Adeo vt quod sola ductus conjectura monueram, & vt verissimum continuò arripuit optimus & laudatissimus Senex, indubitatum postea deprehenderem, ex lectione Monumenti Adulitani,

Q.

mihi

mihi tuo beneficio cognito, quod ex vetustissimo codice edidit iamolim V.Cl. & de literis eximiè meritis Leo Allatius. In eo enim præclara Ptolomæi Evergetæ, filij hujus Philadelphi inscriptio, quam præteritis diebus frustra quæsitam, vir optimus ac omnis Romanæ antiquitatis intelligentissimus Benedictus Mellinus noster, opportune subministravit. Ita autem se habent prima Inscr. verba,

ΒΑΣΙΛΕΥΣ ΜΕΓΑΣ ΠΤΟΛΕΜΑΙΟΣ  
 ΤΙΟΣ ΒΑΣΙΛΕΩΣ ΠΤΟΛΕΜΑΙΟΥ ΚΑΙ  
 ΒΑΣΙΛΙΣΣΗΣ ΑΡΣΙΝΟΗΣ ΘΕΩΝ  
 ΑΔΕΛΦΩΝ, ΤΩΝ ΒΑΣΙΛΕΩΝ ΠΤΟ-  
 ΛΕΜΑΙΟΥ ΚΑΙ ΒΑΣΙΛΙΣΣΗΣ ΒΕΡΕ-  
 ΝΙΚΗΣ ΘΕΩΝ ΣΩΤΗΡΩΝ ΑΠΟΓΟ-  
 ΝΟΣ. Vt hinc etiam intelligamus, non solum Philadelpho & Arsinoë hanc ΘΕΩΝ ΑΔΕΛΦΩΝ appellationem tributam, sed eandem etiam ad Parentis utriusque ΘΕΩΝ ΣΩΤΗΡΩΝ exemplum, de utroque conjugē fratre & sorore formatam. Videtur autem illa nomenclatio ab Apolline & Diana desumpta, iuxta morem Aegyptiorum iam nobis Luciani & Nummorum fide abunde declaratum; ut si mauis à Ioue & Iunone, ex quorum etiam auctoritate & exemplo has Ptolomæi & Arsinoës nuptias defendit in præclaro

*Idyll. XVII.*

alias Idyllio Theocritus. Goltzium certè geminam

minam nummi Inscriptionem vidisse postea ex eiusdem Thesauro deprehendi, sed quam ad Apollinem & Dianam referre illi placuit. Sic alteram inscriptionem Aegyptiam observo apud Gruterum, cum iisdem vocibus Θ Ε Ω Ν Α Δ Ε Λ Φ Ω Ν, & in vltima lapidis parte ΣΥΝΘΡΟΝΟΙΣ ΕΝ ΑΙΓΥΠΤΩ ΘΕΟΙΣ; quæ ad Philadelphum & Arsinoëm sanguine, folio, & eadem hac appellatione iunctos, omnino sunt referenda. Ad alteram verò *ARSINOEN* spectat alius Nummus cum capite velato, gemino cornucopia & inscriptione ΑΡΣΙΝΟΗΣ ΦΙΛΑΔΕΛΦΟΥ. Lysimachi nempe conjugem & huius Philadelphi Filiam, qualem expressit in imaginibus Vrsinus, & nos aureum & argenteum aliquoties vidimus. Idem tamen huius Arsinoës cum priori fatum, si fides Memnoni apud Photium, qui tradit eam post Lysimachi nuptias, fratri etiam, Ptolomæo nempe Cerauno nupsisse. Quin alteri quoque Arsinoë *Lacon. in:* consecratæ templum erectum narrat Pausanias, Lacenæ nempe, non Aegyptiæ, & sorori vxorum Castoris & Pollucis, hoc est totidem rursus Θ Ε Ω Ν Α Δ Ε Λ Φ Ω Ν: vt fatalem quandam in hoc Arsinoës nomine cum huiusmodi appellatione communionem videas. At verò præter has Aegyptias Berenicem & Arsinoëm, *STRATONICA* Syra-

*In Thesaurō  
Magni Ducis.*

vxor primò Seleuci, dein Soteris Antiochi, ΘΕΑ pari ratione vocatur in Marmoribus Arundellianis; quæ appellatio alterius Antiochi, Grypi nempe Matri CLEOPATRAE, tribuitur in Nummis, ΒΑΣΙΛΙΣΣΗΣ ΚΛΕΟΠΑΤΡΑΣ ΘΕΑΣ ΚΑΙ ΒΑΣΙΛΕΩΣ ΑΝΤΙΟΧΟΥ. Quod illustre scilicet monumentum pietatis huius Antiochi in matrem Cleopatram, ut intelligamus cur eidem Regi in Nummo præponitur cum DEAE nomine, aut cur idem Antiochum, non ΓΡΥΠΙ solùm, sed PHILOMETORIS etiam cognomine à Porphyrio in Excerptis Græcis Scaligeri vocetur. Quod verò ferme exciderat, referendum ad Stratonices huius non maritum, sed filium Antiochum nomenclatio illi tributa in vetustissimo Smyrnæ Fœdere Marmorum Arundellianorum, ΘΕΟΣ ΚΑΙ ΣΩΤΗΡ. At corrigendus, ut obiter hoc dicam, Memnon apud Photium, ubi Seleucus Asiam filio Αντιγόνου commendasse dicitur; quum non Antigonus tamen, sed alter Antiochus huius Antiochi DEI parens, Seleuci filius fuerit; quod ut tralatitium miror eruditissimum Schottum præteruisse. Nec tamen intra Aegyptios & Syros, eadem se continuit infania, quin ad vicinos aut hæredes eorum potentiae Reges transferit, Ita MITHRIDATES superstes etiamnum diuinis

diuinis honoribus à ciuitatibus cultus & ΘΕΟΣ præterea appellatus apud Athenæum legitur. Idem de PHRAATE Parthorum Rege obseruat apud Photium Phlegon, θεᾶτης inquit (non θεᾶτης) ὁ ἑπικληθεὶς ΘΕΟΣ Phrates cognominatus DEVS. Vnde successores eorundem Persarum Reges, non Fratres solùm Solis aut Lunæ & participes syderum dicti, ni manifestiorem adhuc Diuinæ & Humanæ naturæ communionem indicarent. Liquet index Epistola Chosroæ Hormisdæ filij χοςρόης βασιλιῦς βασιλέων εἰρλωάρχης τοῖς αἰθερότοις σωτήρι Θεοῖς ἐν ΘΕΟΙΣ μὲν ἈΝΘΡΩΠΟΣ ἀγαθὸς καὶ αἰώνιος, ἐν δὲ θεοῖς αἰθερότοις ΘΕΟΣ ὁσιφανής αὐτός. Chosroës Rex Regum Pacificus, Hominibus salutaris, inter DEOS quidem HOMO, bonus ac æternus, inter DEOS autem Homines, DEVS præsentissimus: Agnoscis impiam ad vnici Seruatoris ΘΕΑΝΘΡΩΠΟΥ, & Sacra Christianorum mysteria allusionem. Athenienses verò & Græci reliqui, præter Antigonum & Demetrium supra memoratos T. FLAMINIVM ob libertatem redditam, non ΣΩΤΗΡΑ solum, sed ΘΕΟΝ etiam declararunt. Id certe ex præclara eiusdem Gemma eruit vir doctus ad Vrsini Imagines. Hinc ad Patres conscriptos translata quidem à Prysia Rege appellatio, quam supra memoravi, ΘΕΩΝ ΣΩΤΗΡΩΝ, sed & Nummi

Theophyl.  
Simoc. l.4.

Orat. 45.

Nummi passim in Græcorum Ciuitatibus percussi, cum inscriptione, quam iidem adhuc hodie exhibent, Θ Ε Ο Ν ΣΥΝΚΑΗΤΟΝ, seu DEVM SENATVM. Donec tandem Vrbs vestra eodem etiam cultu affecta; vnde Θ Ε Α ΡΩΜΗ, non semel in priscis nummis occurrit appellata; sicut à Poeta haud incelebri, *Terrarum DEA Gentiumque ROMA*. Nec mirum proinde sequiori adhuc ætate, propudia quidem Romani nominis, sed rerum Dominos, *CAIVM, DOMITIANVM, DEI* nomen impiè ambiuisse, quo nomine postremum hunc ab vniuersis Græcis appellatum, præ aliis docet & fugillat Dio Chrysosthomus. Idem etiam nomen *CARVM* Cæsarem gestasse, non auctor solum Calpurnius, sed eiusdem Nummi *DEO ET DOMINO CARO AVG.* quod perperam Scaliger ad Carum defunctum iam & consecratum refert; quum desint tamen ibi solita consecrationis vel nomina, vel Symbola. Certe præter rationes aliàs, & coætaneos auctores, qui docent Carum adhuc superstitem id nomen affectasse, vt iam olim ad Iuliani Cæsares monui, *DIVI* non *DEI* nomen consecratis olim Augustis perpetua quadam obseruatione tributum constat; vt præter Auctores, vulgò è Nummis notum, ac vel ipsius Cari apud Occonem cum *DIVI* elogio, &  
Aquila

Aquila aliisque consecrationis notis . Græca enim fuit Θ Ε Ο Υ , vt notum , seu in Deos post mortem relati , non Romana appellatio : sed de consecrationis nomine aut Symbolis infra , & alibi adhuc accuratius .

Minus vesana hic fortè aut importuna *De cognomine*  
MAGNI appellatio , à Prouinciarum aut re- *MAGNI* .

rum gestarum amplitudine desumpta , nec Alexandro solùm , sed eiusdem successoribus nonnunquam tributa . Antiocho non tam ampliata , quàm imminuta à Romanis magnitudine inclyto , MAGNI tamen appellationem iam olim adhæsisse , si non aliundè , certè ex eiusdem Nummis constaret , ANTIOXOY ΜΕΓΑΛΟΥ ΒΑΣΙΛΕΩΣ . Eadem in alterius quoque Antiochi Commageui Numismate occurrit , ΒΑΣΙΛΕΥC ΜΕΓ. ANTIOXOC Ε Π Ι . . . . . ( h. e. ἱπάρχων )

KOMMAGHNΩN . Ptolomæum Lagi alias *In Thesouro*  
*Augusta Re-*  
*ginae.*

Soterem , Magnum etiam vocat Iustinus , ita tamen vt cognomentum illud continuo gestasse inde argui non possit , quod nec Nummi , Lapides , vel antiqui Auctores docent . Ptolomæo tamen Euergetæ , eiusdem nepoti eandem tribuit vetus inscriptio supra adlata , ΒΑΣΙΛΕΥC ΜΕΓΑΣ ΠΤΟΛΕΜΑΙΟC . Transiit verò illa appellatio ad Arsacidas , nisi eandem potius ab antiquis Persarum Regibus mutuati ; vnde & Xerxes ΜΕΓΑΣ vice  
cogno-

Orat. III.

Excerpt. le-  
gar.ed. Reg.p.  
190.

Orat. 45.

Orat. V.

cognominis in Excerptis Græcis Scaligeri vocatur. Eandem verò peculiarem Arfacidis evasisse, vt vulgo notum, præ aliis obseruat Dio Chrysosthomus, ὁ δὲν δὴ καὶ ΜΕΓΑΣ ΒΑΣΙΛΕΥΣ κέκληται μόνος. Vnde etiam MAGNVS REX solus vocatur. Hinc apud Herodianum Artabanus ΜΕΓΑΣ ΒΑΣΙΛΕΥΣ dictus, & Caracalla, litteris ad Artabanum Parthorum Regem scriptis, ΜΕΓΑΛΟΥ ΒΑΣΙΛΕΩΣ filiam ambire sese proficitur; scilicet vt sub blanda affinitatis illius & honoris specie, incautum eundem opprimeret. In Nummis autem Severi, Abgarus Edessæ Regulus Magnus etiam vocatur, ΑΒΓΑΡΟC ΜΕΓ. ΒΑΣΙΛΕΥC; quod in ludibrium Parthorum Regis tributum illi à Severo existimat Trifanum. Ita Chaganus quoque Dynasta litteris ad Mauritium Imperatorem scriptis, Magnum Dominum se ipsum indigitat: τῷ Βασιλεῖ τῶν Ῥωμαίων ὁ χάρις ΜΕΓΑΣ ΔΕΣΠΟΤΗΣ. Quæ alias Δεσπότης seu Domini appellatio, vt obiter hoc dicam, & Domitiano à Græcis quondam tributa, auctore Dione Chrysostomo, & Cambyssi Persarum Regi jam olim vt propria adhæserat, sicut observat alicubi Themistius. Vnde non mirum eundem hunc ΜΕΓΑΛΟΥ ΒΑΣΙΛΕΩΣ titulum, Cæsaribus frequenter ab auctoribus Græcis adscribi, quo nomine & Diocetianum



cletianum designat alicubi Eusebius, alibi vero Constantinum, & Arcadium Synesius, ita tamen ut vulgò Cæsares, ab hac appellatione abstinuisse, ex eorum Nummis satis constet; præter Constantinum, cui *MAXIMI* appellationem Numismata eiusdem haud immeritò largiuntur.

*Lib. de vit. const. l. cap. 12. lib. 1. Præm. Orat. de Reg*

Augustiorem adhuc *REGIS REGVM* appellationem Parthorum Regibus, non vulgò solum Auctores, sed rariores etiam *ARSACIDARVM* Nummi largiuntur, quos adferre hic obiter haud erit inconsultum. Vnum observavi in Thesauro Magni Ducis, diuersum ab eo, quem edidit Tristanus, *ΑΡΧΑΚΟΥ ΔΙΚΑΙΟΥ ΕΥΕΡΓΕΤΟΥ ΚΑΙ ΦΙΛΕΛΛΗΝΟC ΒΑCΙΑΕΩC ΒΑCΙΑΕΩΝ*. Alterum Florentiæ itidem inspexi, in Cimelio Gaddiano, fugientibus & excessis litteris *ΑΡΧΑΚΟΥ ΕΠΙΦΑΝΟΥC ΦΙΛΕΛΛΗΝΟC*. Tertius verò hic in vrbe penes Excellentissimum Principem Augustinum Chigiù adseruatur, reliquis adhuc meo iudicio rarior, *ΒΑCΙΑΕΩC ΒΑCΙΑΕΩΝ ΒΟΑΑΓΑCΟΥ ΕΠΙΦΑΝΟΥC ΚΑΙ ΦΙΛΕΛΛΗΝΟC*. Geminum quidem vidisse Goltzium colligo, sed cuius lectionem non est adsequutus, ita ut apud eundem divinare illam potius, quàm conijcere liceat. Ad hunc enim refero, quem sub corrupto nomine *ΑΝΟΥΑΑΓΑC* pro  
R BOAA-

*De cognomine REGIS REGVM.*

ΒΟΛΑΓΑΚΟΥ cum Epithetis reliquis *Epi-  
phanis*, *Philellenis*, & *Regis Regum*, adduxit.  
Nec felicius idem fuit, in eruendo nomine  
Arsacis, pro quo ARCANOT in ejusdem  
Thesaurō perperam legitur. Ex præclaris  
autem hisce prisci ævi reliquiis, quas quibus-  
vis gemmis potiores ipse sat scio fateberis,  
Arsacidas videmus *EVERGETIS* ac *EPI-  
PHANIS* inter se cognominibus distinctos,  
non aliter ac Lagidas & Seleucidas, à quibus  
nempe imperij simul insignia & potentiam  
sunt mutuati. Id verò quod præsidium ad-  
ferat eruditis ad Historiæ veteris elucidat-  
tionem, & Arsacidarum vel imprimis, quo-  
rum seriem ut confusam aut vulgò ignotam  
tradere refugit Scaliger, iudices fero omnes  
serium litterarum amorem aut cultum pro-  
fessos. *REGIS* quidem *REGVM* appella-  
tionem in iisdem Nummis obuiam, à Persis  
ad Parthorum Reges, & ab his rursum ad Per-  
sas rediisse, tralatitium nimis, quàm ut proba-  
tione indigeat. Græci enim non solum aut  
barbari, sed Romani etiam Scriptores ean-  
dem non verentur Arsacidis tribuere, ut ex  
Suetonio in Caligula, aliisque vulgò iam  
notum. Ita ut eandem præter Auctores &  
Nummos, Marmora quoque illis tribuant,  
in præclara Inscriptione, quam vidit iam  
olim Scaliger; in qua duo Phraatis liberi ob-  
fides

*Vid. Canon.  
Isag. lib. 3.*

*Can. Isag.  
lib. 3.*

fides Romam missi *PHRAATIS REGVM REGIS FILII* Romano etiam sermone, citra ambages vocantur. Immo nec abstinuisse invidiosa alias appellatione Parthorum Reges, in litteris ad Romanorum Duces aut Cæsares etiam scriptis satis constat; ut ex Epistola Phraatis ad Pompeium, alterius Phraatis ad Augustum, Vologesis ad Vespasianum, Saporis ad Constantium, & Hormisdæ ad Iustinianum licet colligere. Nec tamen illis idem titulus à Romanis continuò delatus, ut in responso Pompeij, & litteris Augusti ad Phraatem videre est apud Dionem. Vnum forte excipias Vespasianum, quem à Vologese compellatum (à quo fortè superior nummus percussus) *Rex Regum Arsaces Flauio Vespasiano salutem*, eidem totidem verbis respondisse, nullo ex imperatoriis nominibus adsumpto, auctor est Dio. Illustre quidem exemplum Chotroæ Persarum Regis, sed profugi & opis indigi, apud Simocattam observo; qui litteris ad Mauritium Imperatorem scriptis, non solum ab ea *REGIS REGVM* appellatione sibi temperat; sed filium se illius Augusti & supplicem vocat, & omnia supremæ maiestatis elogia plena manu in eum congerit. Idem tamen alias ad Sergium Martyrem scribens, solitam *REGIS REGVM* retinet appellationem. Nec tamen eadem ita Partho-

*Dio lib. 37.*

*Idem l. 55.*

*Idem l. 66.*

*Am. Mar-*

*cell. l. Me-*

*nand. pro-*

*test. p. 137.*

*ed. Reg.*

*lib. 37.*

*Lib. 66.*

*Theophyl.*

*Simoc. ed.*

*Reg. p. 185.*

*Item lib. 5.*

*cap. 1.*

*Theophyl.*

*l. 5. cap. 4.*

Lib. 12.

In Syriacis.

Lib. 49.

rum aut Persarum Regibus adhæsit, ut ad eorum exemplum alij nonnulli Barbarorum Reges eandem sibi aliquando non vindicarint *PRIAMVM* certe & Antiquos *TROIAE* Dominos, *REGES REGVM* dictos notat Strabo, & *TIGRANES* Armenus, Velleio Regum maximus, Plutarcho in Lucullo, & apud Appianum eodem *REGIS REGVM* titulo cohonestatur. Ita legebam nouissimè apud Photium, *MITHRIDATEM* eandem quoque appellationem ambivisse; quem narrat Memnon, Lucullo, omisso Imperatoris nomine, respondisse, quod ab eodem *REGIS REGVM* titulo prior compellatus non fuisset. Immo illa fax Aegypti *CLEOPATRA*, superbo quoque *REGINAE REGVM* nomine decorata apud Dionem legitur, & eiusdem filius Cæsario e Cæsare scilicet genitus, *REX REGVM* etiam renuntiatus; *ἐκίνλωτε* (scil. M. Antonius) *Βασιλίσσα Βασιλείων καὶ τῶν πολεμίων, ὃν κατὰ τὴν ἐπωνυμίαν βασιλεία Βασιλείων καλεῖται ἐκίνλωτε*. Prioris verò illustre exemplum Nummi etiamnum exhibent, *REGINAE REGVM FILIORVM REGVM CLEOPATRAE*; unde satis liquet errasse eruditos, qui apud Dionem *Βασιλίσσα Βασιλείων* pro *Βασιλείων* seu *Reginam Reginarum*, potius quàm *Regum* legendum contendebant. Nec prætereundus hoc

hoc loco Hannibalianus frater Delmatij, qui Rex Ponticarum gentium à Constantino constitutus, *REX REGVM* in Excerptis Constantini vocatur - Quæ tamen appellatio Indorum illum Regem magis videtur decuif- *Lib. XV.*  
se, qui auctore Strabone ad Augustum in Syriam profectus, sexcentorum Regum Dominum vocare sese non dubitabat.

*PHILELLENIS* etiam titulum vsurpasse videmus *ARSACIDAS*, quod iterum aliunde, quàm ex indubia Nummorum illorum fide vix constare existimem. Mira verò in Darij, Xerxis, aliorumque id genus Hæredibus appellatio, qui Græcorum magis odio, quàm amicitia clari alias extitere. Factum autem id mihi videtur ab Arsacidis, ad demerendos sibi Græcos Asiaticos, Mesopotamiæ, Syriæ, & reliquos illius tractus Parthis viciniore, qui Græcorum coloniis & lingua passim florebant. Vnde apud Dionem observo Nicephorios, Macedonum in Mesopotamia colonos, Romanis vt *ΦΙΛΕΛΛΗΣΙ* sese libenter tradidisse. *κῆς τὸς Ρωμαίους ὡς κῆ φιλέλληνας πολλά ἐπέζοντες.* Eodem enim cum Parthis instituto, majores vestros illam quoque appellationem ambivisse, & hic locus satis arguit, & bella pro Græcis Asiaticis contra Antiochum suscepta, aliaque benevolentiae illorum in Græcos argumenta ambitiosè  
etiam

*De cognomine PHILELLENIS.*

*Lib. XI.*

*Bell. Cinil.*  
*lib. 4.*

*Lib. XIV.*

*Epist. p. 85.*

*De cognomi-  
ne PHILO  
ROMAEI.*

*Lib. XV.*  
*Epist. 2.*

etiam non semel contestata, abundè docent.  
Ita Cassius Cæsaris interfector ΦΙΛΕΛΛΗΝ-  
ΑΝΗΡ ab Archelao Rhodio dictus, apud  
Appianum legitur. Aliàs verò Regibus fa-  
miliare idem nomen evalisse, vel vnus Strabo  
videtur comprobare, qui in genere Regum  
ΦΙΛΕΛΛΗΝΩΝ mentionem alicubi injecit.  
Vnde alias Cicero eiusdem laudis æmulus;  
*PHILELLENA* sese in Epistolis vocare  
non dubitavit. Nèc eo tamen sensu dictus  
apud Plutarchum M. Antonius ΦΙΛΑ-  
ΘΗΝΑΙΟΣ, quippe non tam caritate erga  
Athenienses, quàm ob desponsatam sibi ab  
ijsdem Minervam. Huc accedit *PHILORO-*  
*MAEI* nomenclatio, quæ non tam sponte  
sumpta, quàm à Senatu olim amicis & fociis  
Regibus benevolentiae ergo tributa. Hinc  
eadem occurrit adhuc hodie in nummis  
*ARIOBARZANIS* Cappadociae Regis, vt  
in aureo ac rarissimo nummo Marchionis Ni-  
collini Florentiae observasse memini, cum in-  
scriptione ΒΑΣΙΛΕΥΣ ΑΡΙΟΒΑΡΣΑ-  
ΝΟΥ ΦΙΛΟΡΟΜΑΙΟΥ. Ad has enim  
præclari Musei lautitias adiunxi tua ope-  
ra patuisse, etiamnum opinor recordaris. Ille  
verò Nummus, cum gemino, quem edidit  
Vrsinus, mirificè illustrat Tullij in Epistolis lo-  
cum, vt ego *Regem Ariobarzanem Eusebem ei*  
*PHILOROMAEVM* tuerer, & infra de co-  
dem;

dem; casu incredibili & pene diuino, Regem, quem vos honorificentissime appellastis, nullo postulante, &c. Vides utique PHILOROMAEVVM; ut honorificæ appellationis vocabulum, cum Ariobarzani tributum, teste Tullio, tum ab eodem inter dignitatis insignia, & nomina Regia, vice cognominis receptum. Magni enim illud constituisse barbaris Regibus liquet ex Dione, qui vnum è Ptolomæis immani pretio hunc AMICI ROMANORVM titulum refert à Romanis redemisse. ARSACIDIS quin etiam eandem, sed simulatam amicitiae Romanorum curam, tribuit Memnon apud Photium, sicut de eadem inter Lucullum & Parthos contracta Dio alicubi meminit. Coniunxit verò vtrumque Græcorum & Romanorum amici titulum Strabo, qui Rhodios scribit amicos fuisse Regum ΦΙΛΕΛΛΗΝΩΝ ΚΑΙ ΦΙΛΟΡΩΜΑΙΩΝ. καὶ Ῥωμαῖς ἐγένετο φίλη καὶ τῇ βασιλείᾳ τοῖς ΦΙΛΟΡΩΜΑΙΟΙΣ τε καὶ ΦΙΛΕΛΛΗΣΙΝ. Elegans autem de vtraque hac appellatione & geminis aliis, apud Themisthium locus; κῦρον φιλοπέρσῳ καλῶ, ἀλλ' ἐφίλαίθερον, φιλομανιέδωκα δὲ Ἀλέξανδρον, ἀλλ' ἐφίλελληνα, τὸν δὲ Σεβαστὸν ΦΙΛΟΡΩΜΑΙΩΝ. Cyrum voco amicum Persarum non autem generis humani, Alexandrum verò AMICVM Macedonum non autem GRÆECORVM, Augustum autem AMICVM

Lib. 39.

Lib. XIV.

Orat. X. de pace.

Lib. 36.

CVM ROMANORVM. NI potius dicendi iisdem fuerint, ΦΙΛΟΠΟΛΕΜΟΙ ΚΑΙ ΦΙΛΑΡΧΟΤΝΤΕΣ quibus appellationibus Pompeium alicubi Dio prosequitur. Nec à tota gente, vt florente Republica, sed à Cæsaribus etiam sub eorum imperio, petita nonnunquam ab amicis, aut obnoxiiis Regibus appellatio. Vnde huc referri debet Herodis nummus, quem ex Goltzj indice vt colligo, præfert in Eusebianis Scaliger, ΗΡΩΔΗΣ ΒΑΣΙΛΕΥΣ ΦΙΛΟΚΛΑΥΔΙΟΥΣ. Quo facto scilicet Herodes Agrippa, studium suum & fidem erga Claudium Benefactorem voluit publicis & duraturis monumentis consignari. Fides verò huius Nummi sit penes Antiquarios, qui talem alias nec visum nec auditum mihi ingenuè fateor; nec ea de causa spuris continuò eundem annumero. At non absimili ratione, Parthos ΦΙΛΑΡΞΑΚΟΤΣ vocat alicubi Strabo, ob amorem illum scilicet vel cultum, quo Reges suos, vt ARSACIS traduces prosequiebantur.

Lib. 16.

De appella-  
tione ΑΥΤΟ  
ΚΡΑΤΟ-  
ΡΟΥ

Sed minus fortè obvia in monumentis veterum, ΒΑΣΙΛΕΥΣ ΑΥΤΟΚΡΑΤΟΡΟΣ coniuncta appellatio, vt in Eusebianis agnoscit Scaliger. Vtramque tamen suppeditant duo Nummi Barbarorum Regum, ne postremam hanc Romanorum vel Ducibus, vel Cæsaribus propriam statuamus. Prior est  
ΤΡΥ-



TRYPHONIS DIODOTI, qui se in Seleucidarum seriem & regnum intrusit; cuius effigiem penes me habeo beneficio Cl. Gottifredi nostri, quæ caput imberbe præfert diademate revinctum, & in aversa parte Galeam cum stella & inscriptione, ΒΑΣΙΛΕΩΣ ΤΡΥΦΩΝΟΣ ΑΥΤΟΚΡΑΤΟΡΟΣ. Adeò ut vel hinc intelligamus, hunc modò è famulo Dominum, Regis nomenclatione, quam eisdem Auctores tribuunt, non contentum, alteram IMPERATORIS addidisse; quæ supremis Exercituum apud Romanos Rectoribus ea ætate familiaris, nondum supremi fastigij vocabulum apud eosdem evaserat. Eandem verò inscriptionem præfert alter Nummus Tigranis apud Goltzium; ΤΙΓΡΑΝΟΣ ΑΥΤΟΚΡΑΤΟΡΟΣ ΕΠΙΦΑΝΟΣ ΒΑΣΙΛΕΩΣ. Alium quidem præclarum Tigranis Nummum, in Cimeliis Magni Ducis inspexi, cum sola inscriptione ΒΑΣΙΛΕΩΣ ΤΙΓΡΑΝΟΣ.

Mitto iam alia sexcenta, quæ ad illustrationem HISTORIAE veteris Græcorum aut Barbarorum; Nummi nobis etiamnum ob oculos ponunt. ASANDRVM Bosphorò à Pharnace Mithridatis filio præfectum memorant Historici, à quo postea idem Pharnaces expulsus & acie cesus traditur: Ad quem Asandrum refero aureum Nummum rarif-

Dio lib. 42.  
Appian. in  
Mithridat.

S                      simum

sumum viri amplissimæ dignitatis, sed maioris adhuc elegantix, Camilli Maximi; qui hic vultum illius exhibet, cum aplustro à tergo, ab altera autem parte Victoriæ proræ insistentem, cum inscriptione ΑΣΑΝΔΡΟΥ ΒΑΣΙΛΕΩΣ. Ex quo statim colligas oræ & Victoriæ maritimæ compotem, adsumpto quin etiam regio nomine, in seriem proinde Ponti aut Bosphori Regum inferendum. Unde corrigendus apud Strabonem locus, vbi Reguli hujus minus noti vicem Lyfander hæctenus perperam occupat, errore ab affinitate nominis deducto. Refert enim præclarus auctor, Mithridatem Pergamenum eversum; ὑπὸ Λυσάνδρου τῷ καὶ βασιλέω αἰελοῦσι. Afander enim de quo hic sermo non Lyfander (cui nullus hic locus) auctor illius facinoris, ut iam vidit Casaubonus, & Dio ac Appianus tradunt. At vice versa expungendus Afander apud Photium, qui pro Cassandro aliquoties ibi obtrusus legitur, sub nomine modò Ασάνδρου, modò Ασασάνδρου, cui inter Alexandri successores Cariam contigisse, eundemque cum Eumene pugnasse, auctor Dexippus. Hæc enim omnia ad Cassandrum referenda ex Diodoro, Iustino, aliisque notius, quàm ut probare aggrediar. Vnum præterea hic nec tralatitium obseruo, ΑΣΑΝΔΡΙ nomen familiare dein Bosphori Regulis aut Dynastis posteriori

Lib. XIII.

Pag. 424. &  
alibi.

steriori etiam æuo extitisse : Alterius certè Afandri Bosphoritarum Regis, & eiusdem Filij historiam, narrat Augustus scriptor, Constantinus Porphyrogenneta. Ita ABGARI, cuius meminere Annales Ecclesiastici, familiare Edessæ Regulis nomen, haud aliter ac Ptolomæis, & Seleucis vel Antiochis, in vicina Syria & Aegypto, non aliunde quàm ex Nummis discimus; vt Cl. Viris Tristano & Valesio iam obseruatum, & obiter supra monuimus. Vnde corrigendum patet Lampridij locum, in vita Seueri, vbi *Perfarum Regem Abgarum subegisse* dicitur, pro *Edessæ Regem*; qui locus haud immeritò suspectus Casaubono, alibi tamen vt probus ab eodem adseritur, qui de nomine Abgari agens, *sed & Persidis Regem quendam Abgarum nuncupari Spartiano in Seuero*. At omnino vox ibi *Perfarum* expungenda pro *Edessa* aut *Edessenorum*, quorum Regulis proprium Abgari nomen, non Persis. Præterea obscura tum erat *Perfarum* mentio, quum Parthorum floreret imperium, quibus erant obnoxij, & à quibus deuictis PARTHICI cognomen retulit Seuerus. Persæ verò sub altero demum Seuero Alexandro, regium rursus sibi fastigium vindicarunt. Accedit annexa mentio eodem loco deuictæ Arabiæ, cuius portio quasi quædam erat Edessenorum regnum, quæ omnia

De Admin.  
Imper. c. 53.

Ad M. Aurel.  
Capitol. p. 52.

miror eruditissimis interpretibus ad hunc locum non animaduersa, & quorum certè maiorem lucem acceptam ferimus nummis, Abgarum sub eodē Seuerò referentibus; Nec minus Occo arguendus, cui *Abgarus* in Gordiani pij nummo obuius; pro Parthorum Rege traditur, quo tempore rursus mutatis vicibus, Parthia Persarum imperio accesserat.

Sed magis adhuc his Asandris, & Abgaris, nobilitatum in Asia Pergamenorum Regum imperium. Fundamentum illius iecit *PHILETÆRVS* Eunuchus, & custos Regiæ gazæ à Lyfimacho constitutus; ita tamen ut insigni & nomine regio, eundem abstinuisset doceat Strabo. Hoc ipsum verò egregiè confirmant *PHILETÆRI* eiusdem Nummi, mihi non semel inspecti, cum coronâ laureâ, vice diadematis, & nudâ inscriptione *ΦΙΛΕΤΑΙΡΟΥ*; qualem etiam e penu Farnesianâ, in imaginibus suis adtulit Vrsinus. Strabonem tamen arguere videtur, alter eiusdem Philetæri nummus cum inscriptione *ΦΙΛΕΤΑΙΡΟΥ ΒΑΣΙΛΕΩΣ* à Goltzio in Thesauro descriptus, & qualem se vidisse aliquando, testatur Scaliger. Ut verò non in animum induxi, oculatis testibus temerè fidem detrahere, sic adferentes egregiè Strabonis locum Nummos etiamnum in Cimelij Principum, & Antiquariorum obuios, præterire

Lib. 12.

In Thesaur.  
Magni Ducis.

Canon. Isag.  
lib. 3.

terire hic non debui. Quibus etiam accedit Appianus, qui *PHILETÆRVM* Pergami Dynastam, omisso Regis nomine commemorat, *περγάμης*, inquit, *δυναστεύσας*. Ita alium etiam *ATTALVM* Pergamenum Nummi veteres exhibent, & cum sola quidem inscriptione *ΑΤΤΑΛΟΥ ΒΙΑΝΟΡΟΣ*; ubi & Regis præterita nomenclatio, & *Bianoris* cognomentum eidem tribuitur. Scilicet hic locum habet, quod tradit alicubi Pausanias, Attali & Ptolomei res gestas, partim vetustate temporis, partim incuria scriptorum eorundem temporum, magna ex parte abolitas.

*In Syriacis,*

*In Thesaur.  
Regin.*

*In Atticis.*

Tempus verò; non argumentum me deficeret, OCTAVI eruditissime, si monumenta victoriarum, aut egregiorum facinorum in Græcorum Nummis consecrata, vellem vterius persequi. Modò Tropæa obuersarentur Philippi Macedonis, de Illyricis excitata; modò idem laureatus contra Phocenses sacrilegos expeditionem suscipiens; modò hæud degener filius amore Asiæ accensus, aut Bucephalum domans; modò Demetrius vt vera Neptuni soboles, proræ navis insistent; modò Pyrrhus sub Martis effigie conspicuus; modò illis antiquior Hercules, aut monstra conficiens, aut pomis Hesperidum diues, viam sibi immortalibus factis ad immortalium

lium sedem sternens . Accederent nonnunquam ignota ferme Principum, vt ΒΑΣΙΛΙΣΣΗΣ ΦΛΙΣΤΙΑΔΟΣ nomina & vultus ; anti-quissimi Heroes , & primi Urbium conditores; earūdem immunitates & priuilegia ; erecta in ijs opera ; solennes earum ludi & publici conuentus , de quibus alius dicendi occurret locus . Mitto insignia supremi fastigij , ΔΙΑΔΕΜΑ in Alexandri iuxta & Successorum nummis obuium , de cuius origine consulendus est Diodorus , & vnde patet cur *Diadema Macedonicum* , Herodiano sub initium fermè operis vocetur . *TIARAM* prætereo in Tigra-nc obliquam, in Arsacidarum autem nummis rectam ; qualem his demum propriam & aliis inconcessam , apud duos grauissimos auctores obseruo, Iosephum , & aurei oris Dionem, Synesio hac in parte cautiores, qui in genere *Tiaram* , solis Parthorum Regibus vsurpatam tradit . Sed hæc opinor sufficient , ad sanandam eorum cœcitatē , qui in Græcorum Nummis, nullam aut exiguam lucem ad Historiam prioris æui illustrandam vident .

*Antiq. lib. 20.*

*c. 2.*

*Orat. 114.*

*De Regno.*

*CIRCA HISTOR. ROMANA. ANTE CAESARES.*

In ROMANA verò HISTORIA , quam faciem hic Nummi præferant , minus obscurum fortè aut reconditum . Qui enim hætenus Numismata veterum illustrare sunt aggressi , hunc potissimum industriæ suæ campum delegerunt . *LIBERAE* quidem *REIP*

hoc

hoc est heroica vrbis tempora, multa caligine inuoluta haud ignoras, dum illius scriptores vel mutilos terimus, vel perditos desideramus. Occurrit verò huic incommodo superiori seculo, aureum illud *FAMILIARVM ROMANARVM* opus, à Fulvio Vrsino, ex priscis Numismatibus nescio an laudabilius susceptum, an absolutum felicius. Quæ enim intacta reliquit posteris, aut minus alias adsequutus est, (qualium forte seges non contemnenda) nullam tamen eidem consummati operis gloriam detrahunt. Commodè verò, dum hæc scribebamus, ut nosti, adlatum idem in urbem post longas moras, à Carolo Patino, priscæ huius memoriæ intelligentissimo, feliciter auctum & recognitum. Quo nomine, quantum diligentia illius & industriæ, ac eorum, qui symbola hic sua contulere, Briennæ Comiti, Seguino, Brunotio non antiquaria solùm, sed vniuersa res litteraria debeat, lubenter hic profiteor; quia obuia comitate viri singularis exempli, Francisci Gottifredi; breuem huius voluptatis usum continuò impetraui. Nec fefellit certè expectatio. Talem enim iam ante noueram, vel solam Fulvianam collectionem, in qua non tam liceret agnoscere prisca Romanorum stemmata, quam ipsam cernere veteris Reip. imaginem, & inde simul multiplicem usum  
ad

ad Historiam illorum temporum mutuari .

*Ob Notitiam  
Familiarum  
Romanarum .*

Primum statim arguit ampla illa GEN-  
TIVM , vel FAMILIARVM series , quæ  
Nobilitatem omnem principis gentium po-  
puli , vno quasi obtutu inspicendam præbet .  
Adeo quidem vt funeri te non vnus Con-  
sularis , sed totius Reip. credas interesse , in  
quod ex prisca moris vestigiis , Imagines tot  
clarissimarum Gentium inferri longo ordine  
videas . Nobilius certè funus fatearis , quàm  
illustris illius matronæ , cuius meminit Tac-  
*Annal. lib. 3.* tus : *In funere inquit Iunie sororis , Bruti , Cas-*  
*sii uxoris , viginti Clarissimarum Familiarum*  
*imagines antelatae sunt , Manlii , Quinctii ,*  
*aliaq; eiusdem nobilitatis nomina .* Eædem quip-  
pe hic tibi occurrent IVNIORVM , CAS-  
SIORVM , MANLIORVM , QUIN-  
CTIORVM , tum longè adhuc plurium  
Gentium Imagines , quibus magnanimos  
Remi nepotes etiamnum possunt assurgere .  
Qui enim præter illas Gentes commemora-  
tas , AEMILIAS insuper , CLAVDIAS ,  
CORNELIAS , FABIAS , IVLIAS ,  
SVLPICIAS , VALERIAS , vt tot alias  
mittam , positas ante oculos cernit, frustra ali-  
bi , aut celebritate personarum , aut dignitate  
munerum , aut gestorum gloria , aut caritate  
in Patriam , aut cunctis belli & pacis artibus ,  
illustriores quæret . Flos ille vtique delibatus  
Populi



Populi, Dictatorum, Consulium, Prætorum, & Cæsarum tandem seminarium; qui Reges Legatis Regum, Dei autem Regibus olim videbantur. Neque ergo illorum commendationem hic instituo, nisi ut ex ea pretium accedat ijs monumentis, quæ in illis propagandis aut adserendis in pristinam lucem, hodie feliciter inseruiunt. Peculiares quidem illustrium id genus Gentium Commentarios extitisse olim accepimus, quales *PORCIAE* Familiæ legisse sese profitetur Gellius; *Quum* inquit, & *laudationes Funebres*, & *librum* *Commentariorum de Familia Porcia* legeremus. Vbi obiter obseruo Familiam ibi, sicut frequenter in lapidibus & supra apud Tacitum, pro tota Gente positam, haud aliter ac *γῆρας* nonnunquam Græcis; quam tamen vocis significationem improbasse aliquando viros doctissimos noui. Neque verò ignoras, laudatas veteribus Varronis, Attici, Hygini, Messallæ, Suetonij, in hoc monumentorum genere incubrationes, quas haud insolitum Familiarum illustriorum fatium posteris inuidit. Hanc autem vel Commentariorum, vel Genealogiarum iacturam opportunè supplet illa Consularium, quos vulgò appellant, Nummorum supellex, quæ veteres Patritias & Plebeias, hoc est primæuas & incorruptas Quiritium Gentes, & præclaras earundem affinitates

Noct. Attic.  
lib. X. c. 18.

complectitur. Neque enim adhuc Romanus sanguis cum barbaro commixtus; nondum varietas & confusio generis inducta; nondum duo aut plura nomina in vnum gentilitium coeuntia, omnem successionis, vel ordinem, vel rationem turbarunt. Infusa breui illa sub Cæsaribus varietas & commixtio; qua omnis interrupta gentilium propago; qua noui homines cupidè se intruserunt in veterum Stirpem; qua priscæ Gentes *AEMI-LIAE*, *CORNELIAE*, *IULIAE*, aliæque nouissimæ Nobilitati accessere; qua commercio & affinitate cum exteris, desciiuit à prima origine simul & virtute Romanus sanguis. Posteriori verò æuo sub Christianis Imperatoribus, quasi nempe vna Christi tessera pro omni insigni gentilitio sufficeret, sublatum omne Familiarum discrimen; nullo certo aut stabili Gentis nomine, non turbata amplius sed sublata omnis successio; nec adulterata solum, sed quasi extincta vniuersa Romani huius stemmatis series. Neque tamen huc ego generis controuersiam mouere illis intendo, qui stirpem suam ad *CAESIAS*, *COCCEIAS*, *CORNELIAS*, *IUNIAS*, *MUCIAS*, *VITELLIAS*, aliasque adhuc hodie referunt. Immo gratiam potius ab iisdem expectant id genus monumenta, quorum beneficio generis sui auctores, & Agnitas certè hand

haud pœnitendos, adspicere illis non solùm  
 datur, sed etiam domi eorum Imagines in  
 Atrij, Museis, more veteri, disponere, &  
 adseruare conceditur. Commune verò rei lit-  
 terariæ, non priuatorum aliquot beneficium  
 mecum hic reputas, mi OCTAVI, veteres  
 & recentiores Quiritium *FAMILIAS*  
 Nummorum ope distinguere, (quod utinam  
 cauisset Anton. Augustinus) distinctas iuxta  
 classes disponere, dispositas illustrare, vetustis  
 nouitatem, nuper inuentis vetustatem adde-  
 re. Eò minus enim ludibrium debuerunt ha-  
 tænus Romanorum Stemmatum Collectores,  
 quò his subsidijs magis instructi, rem aliàs  
 præclaram & summæ industriæ sunt aggressi.  
 Vnde etiam post Volaterranum, Sigonium,  
 Ursinum, Anton. Augustinum, Pighium,  
 Panuinium, Schottum, & gentiles suos Strei-  
 nium, Glandorpium, Reinuccium, Reusne-  
 rum, haud ineruditus vel indiligens Germa-  
 nus non ita pridem, nouum & luculentum  
 opus de Familijs Romanis moliebatur, eidem  
 affecto præmaturè immortuus. Quibus verò  
 præsidij potissimùm impulsus, manum operi  
 admouerit, ipse alicubi declarat; *Et quantus*  
*Numismatum numerus est, quæ nec ipsi (Ursino)*  
*nec alijs tentata, spem certam mihi faciunt fore;*  
*ut in istis utiliter laborem, & in multis cibum*  
*sumam mihi præmansum.* Nèc prætereundus

*Epistol. Rup.  
 ad Thom.  
 Reines. p. 64.*

hoc loco Antiquarius superiori seculo haud incelebris, & qui summam hactenus de se apud eruditos expectationem concitauit. Is est Pyrrhus Ligorius, in quem varia ab Ant. Augustino, Panuinio, Vrsino, Annibale Caro, Pignorio, congestas, passim diligentiae & industriae laudes haud ignoro. Inter reliqua autem monumenta eius inedita, quae in Bibliotheca *CHRISTINAE AVGVSTAE* tractare mihi licuit, duo se opera obtulerunt, vnum de *Illustribus viris* apud Romanos, alterum de *Familijs Romanorum*. Ita verò vtrumque ab eo contextum deprehendi, vt non continua aut disposita serie; more Fuluiano, sed singulares aliquot viros & Familias, adductis Nummorum Lapidumque subsidijs, illustrare sit aggressus. Quo successu verò id ab eo fuerit praestitum, non meum hic est temerè definire. Vtinam saltem aut extarent hodie ea monumenta, ex quibus penum suam antiquariam locupletauit, aut de singulis eundi in consilium; Herculei operis institutum eidem permisisset.

*Ob Familias alias ignotas.* Neque tantum illustres iam ex Annalibus & Fastis, sed obscuras etiam & aliunde ignotas *FAMILIAS*, tradunt gentilitia id genus Numismata. Ita *DVRMIAS*, *FABRI-  
NIAS*, *RENIAS*, *SEPVLLIAS*, & nouissimae collectionis *BELLIAS*, *MIN-  
CIAS*,

*CIAS*; *TREBANIAS*, aliasque alibi hætenus quam in hisce Nummorum monumentis obuias, negant docti earum interpretes; frustra certè in vulgatis Familiarum Romanarum Onomasticis quæras. Vt mittam *AEBVTIAM*, *CORDIAM*, *EGNATVLEIAM*, *FARSVLEIAM*, quarum vel obiter fortè aut Cicero, aut Liuius, aut marmor aliquod, memoriam seruant, & quam prope interim ortuam Nummi felicius renouant. Quàm præclarū autè, post longam tot seculorum noctem, excitare integrarum Gentium imagines, vitam & lucem densa temporum caligine oppressis restituere? Neque verò lapidum tacenda alias in Familias id genus merita, quibus Sepulchra Cunarum vicem præstant, quæ nec iacere tamen easdem, sed feliciter resurgere largiuntur. Talium certè amplam segetem, præter Gruterianum Thesaurum, inedita id genus monumenta adhuc recondunt, quibus harum lautitiarum cupidos licebit mihi alias demereri.

Enimuero præter communia GENTIVM nomina, alias etiam PRAENOMINVM, & COGNOMINVM appellationes, quibus Gentes in Familias, & Familiae rursus in plura capita apud Romanos distinctæ, eadem Nummorum Supellex præbet. Quæ eò accuratius obseruanda, quod aut plurima id genus aliun-

*De Prænomi-  
nibus, & Cog-  
nominibus  
Familiarum*

aliunde ignota, aut in designandis viris illustribus, à diligentissimis etiam Auctoribus passim præterita, dum eos vel cum solo gentili nomine; aut solo cognomine frequentius, nonnunquam etiam cum nudo prænomine efferre solent. Quæ diuersitas frequenter obuia cum apud Latinos scriptores, tum inter Græcos Latinosque, vbi eorundem hominum meminere. Accedit, quod eadem nomina apud eos mutata sede non semel transponantur, unde à Velleio alijsque cognomen sæpe gentili præpositum videas; ex quibus frequenter nascitur non exigua legentium vel ignorantia, vel confusio. Quò spectat etiam, quod nata ingens sequutis temporibus appellationum id genus permixtio & varietas, quæ ab usu priorum temporum distinguere debet, & ex eodem illu strari. Ita vel quale nomen Proprium fuerit apud Romanos, non hodie solum, sed iam olim fuisse dubitatum, liquet ex Plutarcho cum Posidonio controuersia. Factum id verò, dum grauiissimi aliàs Auctores, aut non perpendunt accuratè id genus appellationum originem vel gradus; aut non distinguunt diuersa Reipublicæ & Cæsarum tempora; aut propria Personarum, & Familiarum nomina confundunt: quæ omnia commodè possunt ex Nummis Familiarum Romanorum intelligi. Alia nempe illi suppeditant propria

*In Vita C.  
Marij.*

pria Gentium integrarum nomina, vt *ÆMILLAS*, *CLAVDIAS*, *CORNELIAS*; alia rursus propria diuersarum Familiarum in eadem Gente, vt in Æmilia *PAVLLOS*, *LEPIDOS*, *BVCAS*, in Claudia *PVLCHROS MARCELLOS*, in Cornelia *SCIPIONES*, *SVYLLAS*, *LENTVLOS*, & plures; alia rursus propria singulorum eiusdem Familiæ, puta *Paullis*, aut *Lepidis*, *CAIOS*, *LVCIOS*, *MARCOS*. Priora seu *GENTILITIA*, propria scilicet Genti, quibus ab altera Gente distincta, sicut Claudia à Cornelia: Communia verò eadem Plutarcho dicta, respectu nempe Gentilium, Scipionum, Syllarum, Lentulorum, qui omnes ex eadem Gente Cornelia. Altera quæ eidem Auctori *COGNOMINA*, propria Familiæ, quibus ab altera Familia eiusdem Gentis distincta, puta Scipiones, & Syllæ in Gente Cornelia. Communia verò nonnunquam aliarum Gentium Familijs, vt *BALBI*, Aciliæ Antoniaë, Corneliaë; *GRACCHI*, Antistiaë, Semproniaë, Iuliaë. Postrema vulgò *PRÆNOMINA*, propria fratribus eiusdem Familiæ, quibus inuicem discreti; Communia autem cùm in eadem Familia, vt Cnæus Pompeio Patri et Filio; tum alijs Familijs eiusdem Gentis, vt Lucij Scipiones, Lucij Syllæ. Hæc autem primæua  
no-

*InPræfat.*

nominum discrimina nullibi euidentius, quàm in Nummis id genus expressa reperies. Eadem notauerat iam olim Appianus, qui Romanis vnum primò nomen vsitatum scribit, quale illud nempe fuit, quod postea in Prænominis vicem transijt, vt Romulus, Numa; mox duo, hoc est Gentile additum, vt Numa Pompilius Tullus Hostilius; tertium denique repertum, seu Cognomen, à gestis, aut affectibus animi vel corporis, ad maiorem adhuc distinctionem, vt idem tradit, inditum; sicut Lucius Cornelius Sylla, Cneus Pompeius Magnus. Vnde liquet, postremum hoc proprium maximè tum habitum fuisse, quum nempe ex propriis vniuscuiusq: aut notis corporis, aut gestis sumebatur, vt Cicero, Sylla, Magnus. Vnde etiam adoptati, adsumpto prænordine, nomine, & cognomine adoptantis, solum cognomen prioris fortunæ retinebant, vt P. Cornelius Scipio, à Q. Cæcilio, Metello adoptatus, Q. Cæcilius Metellus Scipio dicebatur, sicut præter auctores, in Nummis Familæ CAECILIAE describitur. Quæ satis arguunt meo iudicio, incautius egisse ad Sidonium, doctissimum Sirmondum, qui hæc non distinxit, & proprium nomen Romanis ante Cæsarum tempora, non cognomen, sed prænomen semper fuisse existimat. Vtrumque enim hic suas vices habuit. Illud

Præ-



Prænomini additum, & postremò repertum, vt maximè proprium, & peculiare vniuscuiusque, sicut ex Appiano modò vidimus, & ratio nominis arguebat. Vbi verò idem commune liberis & descendantibus euasit, vt vel Syllæ, vel Magni, vel Ciceronis Cognomen, tum non personis amplius, sed Familijs proprium mansit. Ibi autem prænomen occupauit rursus proprium singulorum eiusdem Familiæ nomen, quibus nempe frater à fratre distinctus, vt *Cneus vel Sextus Pompeius Magnus*, *Marcus aut Quintus Tullius Cicero*. Vnde etiam colligitur & iure Posidonium à Plutarcho reprehensum, contra quàm eidem Sirmondo placuit, si proprium nomen Prænomini perpetuò adscripsit, & errasse etiam Plutarchum, quum perpetuam hanc prærogatiuam cognomini rursus vindicat. Aliàs enim vtrumque diuerso respectu proprium mansit, alterum Familiæ, alterum Personæ. Nec valida eiusdem Plutarchi contra Posidonium ratio, quod ita mulieribus nullum foret proprium nomen, vtpote quæ prænomine apud Romanos carebant. Ad viros enim non mulieres respexisse Posidonium verisimile, quibus frequentius solum gentilitium nomen, vt *Cornelia*, *Porcia*, mox mariti Cognomen, non tam proprium, quàm proprii nominis vicem præstabat, *Cornelia Gracchi*, *Porcia*,  
V                      Bruti,

Bruti, & apud Lucanum Marcia Catonis. Immo aliquando præter Gentis nomen, Cognomen etiam Familiæ ab ijs vsurpatum, quod negabat Sigonius; vt mittam LIVIAM DRVSIILLAM à Patre Druso, ac vel vna illa nobilis inscriptio adhuc superstes *CAECILIAE METELLAE* satis arguit, & crebra sequentium temporum monumenta. Neque minus ante Plutarchi ætatem aut eiusdem ævo decrant Prænominum exempla, Caia, Lucia, Publia, aut antiquiora iuxta Varronem, Marcia, Postuma, & Auctore Valerio, Rutilia, Rodocilla, Burra, aliaque recentiora e lapidibus obuia. Illam enim controuersiam de Mulierum prænominibus, maiorum minorumque gentium antiquarijs agitatam, Sigonio, Robortello, Panuino, Castalioni, & nuper P. Seruio vestrati, commodè componi posse crediderim, vt largiamur vetustis temporibus prænomina mulieribus vsurpata, quod Varro, & Valerius tradidere, paullatim in desuetudinem abiisse, donec postea sequiori ævo frequentior eorum vsus repetitus. Neque enim aliter conciliari possunt tot vetusta lapidum auctorumque testimonia, quibus nituntur vtriusque sententiæ patroni. Ita ut Plutarchus ad morem Romanis matronis magis vsitatum, & hoc loco, & in altero Quæstionum Romanarum respexerit, quo  
rarior

*Lib. 2. de Analog.  
Lib. X.*

*Lib. 2. Analog.  
Lib. 10.*

rarior prænominum vsus apud easdem inuenerat; quod firmant etiam egregiè Nummi eorundem & superiorum temporum, in quibus Liviæ, Agrippinæ, Antoniæ, Messalinæ, Domitiæ, aliæq; plures id genus Augustæ sine prænominibus traduntur, ut mittam obuia sequentium adhuc Augustarum exempla. Frustra certè id instituit Seruius vestras, ut prænomina non omnibus mulieribus promiscuè, sed nobilioribus tantum usurpata existimet, quod vel vna illa inscriptio *CAECILIAE* nobilissimæ Matronæ, & tot Augustarum Nummi satis refellunt. Aliàs verò quod negabat Plutarchus, proprii nominis partes impleuisse prænomina, id verò etiam sub Cæsaribus haud ignotum, constat ex Suetonio, *P. Vitellius*, inquit, *quatuor filios cognomines ac tantum Prænominibus distinctos reliquit*, *In Vitellio.*  
*Aulum, Quintum, Publium, & Lucium.* Hæc opinor satis clara, & tamen doctissimos viros haud semel turbaverunt. Vsum præterea illorum Prænominum florente Republ. parcum arguant eadem Numismata, ut vix aliud, quàm vnum singulis tributum videas. Neq; tamen id perpetuò in Prænominibus eorum temporum obtinuisse, quod Sigonio, Onufrio, alijsque vulgò persuasum, clarè probat Nummus in Familia Sulpicia, **L. SERVIUS RVFVS**,

vbi duo priora vnius viri Prænomena ; postremum cognomen , omisso Gentis nomine , quod in Numismatibus & apud Auctores frequens , vt L. SCIPIO ASIAG . in Nummo Familiæ Cornelæ . Vnde malè ob ignotam rationem eiusmodi duplicis prænominis , *M. Seruium* sollicitarunt eruditi in vita Attici apud Nepotem , vt iam vidit Vrsinus . Quæ nec ignotum vsum arguunt duplicis prænominis ante sequiora Cæsarum tempora , vt non malè censuit nuper vir doctissimus , nec frequentem tamen eundem illa ætate , satis videntur mihi comprobare . Sub Imperatoribus certè , & maximè circa Antoninorum tempora , familiaris vsus plurium Prænominum passim inductus , vt cum ex Lapidibus , tum ex Nummis obuium , ad maiorem differentiam inter gentiles vnius familiæ & prænominis . Patrum enim nomina , non solum & cognomina , sed prænomina etiam frequentius ad filios transibant etiam ante Cæsarum ætatem , vt Cnæi & Marci prænomen Pompeij ac Ciceronis filijs inditum , & obuia in Nummis exempla . Quo casu , vel cognominibus varijs nonnunquam , vel solâ additâ Filij mentione et Patris prænomine , Filios à Patribus in monumentis id genus , citra vsum aliorum prænominum , distinctos olim videas ; vt in Nummis Gentis Antoniæ , *M. ANTONIVS*  
*M.F.*

M. F. M. N. in Claudia TI. Claudius TI. F. & ita reliquis . Quanquam & ad denotandos Maiores suos , eadem hæc Parentum & Auorum nomina addita non diffitear , vnde rursus priscarum id genus Familiarum series haud parum illustratur . Immo in ijs etiam obserues , eadem Prænomena nonnunquam vni Familiæ , aut Genti quoque peculiaria , sicut de Gente Domitia Aenobarborum obseruat Tranquillus . *Nulla prænomena nisi Cnei In Nerone . & Lucij usurpata ; modò continuantes per ternos , modo alternantes per singulos .* Ita in Nummis Gentis Claudiæ , crebri APPII , & in Sulpitia SERVII , nomine etiam integro , præter morem scribendi id genus prænomena , Romanis vsitatum . Factum id verò , quod ab illa frequentia horum prænominum in eadem Gente , APPII , & SERVII , gentili & cognomine omisso , sæpius dicerntur , vt ex Liuiò , Cicerone , alijsque haud ignotum , quod in Gentibus alijs rarius videas accidisse . Hinc factum etiam , vt APPIOS fratres , addito MAIORIS , & MINORIS discrimine distinctos tradat ad Ciceronem Pædianus ; sicut alias ijsdem Claudijs , & maxime æuo Cæsarum , proprium quasi TIBERII prænomen obserues in priscis monumentis . Id verò vt hodie Italis vestris communi sermone , sic Græcis olim scriptoribus nosti familiare , quibus  
bus

bus TITI, MARCI, LVCII, passim solo prænومine vocantur, qui Romanis QVINCTII, AVRELII, & VERI, cum gentis nomine aut cognomine efferri solent. Idem alias LVCII prænomen, quod acceptum hic Genti Domitiæ, vt infaustum in Claudia damnatum refert idem Tranquillus, sicut auctore Cicerone, MARCVM à patritiis Manliis exulare iusserunt eiusdem Familiæ Gentiles :

*In Tiberio.*

*1. Philip.*

*Lib. 9. c. 11.*

*Propter vnius M. Manlij scelus decreto gentis Manliæ neminem Patritium vocare M. Manlium licet . Ita ut hæc prænomena ijs accesserint, quorum alicubi meminit Gellius; Patritiorum malè de Rep. meritorum damnata nomina, quasi defamata atque demortua cum ipsis viderentur . Docebit insuper idem Nummorum adspèctus, aliquando vnum Nomen in eadem Gente prænominis, aliquando Cognominis locum impleuisse . Vnde in denarijs Gentis CAECILIAE, PAVLLVM in Nummo Lepidi prænomen, in M. Aemilio cognomen videas, sicut AGRIPPAM, & TVLLVM cognominum loco in Nummis Gentis Luriæ, Mæciliæ, & Vipfaniæ, quæ prænomena olim fuerant in Tullo Hostilio & Mennio Agrippa. Immo obserues exemplum huius mutationis in eodem viro per adoptionem contigisse; ita ut idem ÆMILIVS, PAVLLVS, postea PAVLLVS ÆMILIVS*

LIVS LEPIDVS dictus sit, à Paulo nempe Lepido adoptatus. Vnde minus mirum frequens id sequentibus temporibus euasisse, vt iidem Paulli, Lucii, Sexti, modò Prenomina, modò Cognomina censerentur.

Hæc autem COGNOMINA prioribus duobus ad maiorem distinctionem addita, Prenomini nempe & Gentilitio, ex Appiano vidimus. Id verò Nummi luculenter arguunt, in quibus distinctè eorum operâ plures vnius Gentis Familiæ, sicuti in Aemilia *SCAVRI*, *PAVLLI*, *LEPIDI*; in Cornelia, *MARCELLI*, *SCIPIONES*, *SYLLAE*, *LENTVLI*, aliq; in Iunia *BRVTI*, *SILANI*; qui non Personas solùm, sed Familias etiam diuersas eiusdem Gentis constituunt. Quod verò apud Plutarchum lego, *sub Cognominibus occultari frequenter Nomina*, iidem Nummi egregiè illustrant, in quibus non solùm *AHALAE*, *AGRIPPÆ*, *MARCELLI*, *BRVTI*, *METELLI*, *CATONES*, aliique illustriores, omisso omni alio Gentis nomine frequenter occurrunt; sed alii etiam vulgò minus noti *ACISCVLI*, *BROCCHI*, *NATTAE*, *NVRCI*, & plures, in quibus ad gentiles suos referendis laborare solet antiquariorum industria. Vnde non mirum passim apud Auctores, Lentulum, Scipionem, Cæsarem, Catonem aliosque præterito prio-

*De Cognominum usu, & origine ex Nummis*

*De Pyth. Oracul.*

Lib. 12. Ep.  
22.

ri aut gentili nomine passim occurrere, qualia plura alicubi congerit Tullius; *Consularium*, inquit, *puta leniorem fuisse Catuli, Seruili, Curionis, Torquati, Lepidi, Gellij, Volcatij, Figuli, Cottæ, Glabrionis, Silani, Murenæ*, ubi præter unius aut alterius gentile nomen, reliqua omnia mera Cognomina. Ita etiam *MAGNI* Cognomine, gentili omisso Pompeium videas in Nummis aliquot designari. Ut mittam hoc loco ignota etiam plurium Familiarum Cognomina in iisdem denariis non semel obuerfari, qualia *NIGRI*, in *Cæcilia*, *PAETI* in *Considia*, *SVRDINI* in *Næuia*, quod postremum etiam *Ræasianorum* Familiae tribuit vetus Lapis à P. Ligorio descriptus, ex quo eadem Familia parum nota in *Gruteriano* opere poterit illustrari.

In MS. Recog.  
gia Aug.

*RAESIANORVM FAM. DD. Q. RAESIVS Q. F. PAC. SVRDINVS MIL. VETER COH VII VIGIL. V. F. SIBI ET SVIS LIBERIS IDEM LIBERTIS LIBERTABVSQ SVIS . . DDXL IN HYPOGHVM TESTACI..*

Reliqua mutila. Nec altera inedita illius Familiae inscriptio cum eodem cognomine, minus præclara, reperta in via Appia.

*DIANAE RAESIANAE  
Q. R AESIVS Q. FIL. SVRDINVS  
CVM*



CVM RAESIA HERCVLANIOLA  
SACRVM.

Eadem verò Cognomina pluribus Familijs diuerfarum Gentium communia, probant aut illustrant iidem Nummi, vt *BEALBI*, *CAEPIONES*, *GRACCHI*, *GALLI*, *RVFI*; alia singulis quasi Gentibus propria, vt Aemiliæ *LEPIDI*, Cornelix *SCIPIONES* aut *SVLLAE*, Manliæ *TORQVATI*, Porciæ *CATONES*, Sulpitiæ *GALBAE*. Immo eadem Cognomina alterius additione nunquam distincta in Familijs eiusdem Gentis, vt in Calpurniæ Nummis *PIONES* & *PIONES FRVGI*; quæ quantum inferuiant ad accuratam collectionem Romanorum Stemmatum, talium periti facile adsequuntur. Ita *PRIMVM* etiam & *SECVNDVM*, non prænomen solum fuisse apud Romanos, vt contendit Sigonius, sed etiam cognomina, vt alia mittam, docet nummus Familiæ Arriæ, *M. A R R I V S SECVNDVS*. Sic in Agnominum, non autem Cognominum classem, malè à quibusdam Antiquarijs reijci; *AFRICANI*, *PII*, aliasque id genus appellationes, non ex Liuiio solum aut Cicerone, apud quos cognomina non semel vocantur, sed ex eorundem Nummis liquet; vbi cognominum locum eadem occupare videas. Illustris certè hanc in rem Liuij

Lib. 31.

locus , de P. Cornelio Scipione Africano ;  
*Primus certè hic Imperator nomine victæ abs se  
 gentis est nobilitatus, exemplo deinde huius ne-  
 quidquam Victoria pares, Insignes imaginum titu-  
 los, claraque COGNOMINA FAMILIAE  
 fecere. Nec prætereundum tamen plures non-  
 nunquam Gentes, omisso omni cognomine,  
 solo priori ac Gentis nomine inclaruissè, vt  
 ex CARISIAE, COPONIAE, CVRIA-  
 TIAE, DIDIAE, denarijs liquet, & in  
 Gente ANTONIA familiare. Haud minus  
 refellere videntur iisdem Nummi, a dsertam à  
 Sigonio, & passim deinde ab antiquarijs rece-  
 ptam sententiam, Gentium nomina apud Ro-  
 manos perpetuò in IVS terminata. Aliter  
 enim suadent ALLIENA, BETILIENA,  
 CAECINA, LABIENA, NORBANA,  
 SATRIENA, quæ sese offerunt in ferie  
 Gentium Romanarum, quas ex Nummis il-  
 lustrarunt eruditi Antiquarij. Nec me mouet,  
 quod nonnulla ex ijs Cognominibus annu-  
 merant, quæ Gentili nomine perditò, huius  
 vicem occuparint; quod ijs omnibus accidisse,  
 haud facile quisquam demonstrabit; quum  
 aliàs in iisdem Nummis cum prænominibus  
 & cognominibus suis efferantur. AGRIP-  
 PAE certè cognomini, & quibusdam aliis id  
 noui accidisse, vt Gentili Vipsianæ omisso,  
 illius locum in posterum impleteret; vnde &  
 ne-*

nepos eius *Agrippa Posthumus*, & neptis *Agrippina*, tanquam Gentili nomine, in priscis monumentis designatae, quod partae ab *Auo* cognominis celebritati concessum.

Ipsa verò Cognominum ORIGO aut appellationis ratio, non minus ex Nummis illustratur. Appianus eadem ab *Affectibus*, aut *Virtute* indita, *Plutarchus* verò, cum ab iisdem *Affectibus*, tum à *Natura*, *Gestis*, aut *Corporis* partibus petita commemorant. Hæc autem singula appellationum genera, notis etiam suis aut symbolis quandoque distincta, in Nummis videas. A *Notis Corporis*, in Gente *Furia CRASSIPEDEM*, ad quem exstant *Ciceronis* Epistolæ, *Pes* signatus notat; in *Pinaria SCARPOS* *Carpus* seu *Vola* manus arguit. Quò referri possunt hausti ex aliis fontibus, quos eadem Nummorum Symbola denotant. Ita in *Aquillia FLOROS*, flos impressus signat, in *Lucretia TRIONES*, septem stellarum seu *Trionum* figura, in *Poblicia MAL-LEOLOS*, mallei nota, in *Manlia TOR-QUATOS*, *Torquis* depictus, in *Numonia VAALAS*, miles pro *Valle* pugnans, in *Accoleia LARISCOLOS*, *larices* expressi, in *Pomponia MUSAS*, *Musæ* singulæ depictæ, non minus ac olim in *Pyrrhi* annulo, & inscr. *HERCVLES MUSARVM*. Adeò vt ex iis veterem Gentiliciorum Insignium

Origo Cognominum In Nummis.  
In Praefat.  
In Vita C. Marij.

Sueton. in Calig.  
16.

Lib. XVI. c.  
16.

In Panegy.  
Auiti.

Lib. 43.

usum & originem adsequamur, & frustra infensum illustrium memoriæ Caligulam, de illis abolendis sollicitum fuisse; *Vetera Familiarum insignia ademit, Torquato Torquem, Cincinnato crinem, Cn. Pompeo Magni cognomen*. Alias enim à *Pedibus*, præter *CRASSIPEDE* M plures quoq; cùm alibi, tum in iisdem Nummis denominatos videas. Talis *AGRIPPA*, quem ab ægritudine, & pedibus dictum refert Cellius, *SCAVRI, VARI, PLANTI, PLAVCI*; A *Capite* aut illius partibus, *CAPITONES, CHILONES, NASONES, PIONES, CAESARES, BARBATI, CRISPINI*. A *Natura* aut aliis circumstantiis corporis, *PVLCHRI, NIGRI, MACRI, CRASSI, LONGINI, BALBI*, & plures. Secundò a *Gestis*, vt in Cornelia *AFRICANI, ASIAGENES*, ita enim postremum nomen legendum, non Asiages, vt existimabat Ant. Augustinus, liquet ex Sidonio, vt iam docuit Sirmondus. Idem verò *AFRICANI* cognomen etiam Fabio Maximo adhæsisse, docet eiusdem Nummus in Gente Cassia, quod aliunde non constat. In Atia *PARTHICVS* Labieno tributus, non à deuictis tamen Parthis more Romano, sicut obseruat Dio, & postea Aurelios, Veros, Seueros, Caros, aliosque cùm aliunde, tum ex Nummis *PARTHICOS* di-

ctos

atos accepimus, sed ab iisdem Parthis defensis, ad quos se contulerat transfuga. In Egnatia & Fabia, *MAXIMI*, in Pompeia *MAGNI* occurrunt, qui postremum hoc ad eiusdem Cnæi successores transisse arguunt, quod iisdem eripuisse Caligulam tradit Suetonius, à Claudio verò restitutum Dio. In Petilia *CAPITOLINI*, vnde Horatio Petilius Capitolinus; In Manlia *TORQUATI*, alique id genus quorum ratio obuia. In Cornelia *FELICIS* nomen Syllæ adhæsisse, probant eiusdem Nummi, vt pateat verè adfer-

Lib. 60.

Lib. 2. Satyr. 4.

Bell. Civil. lib. 1.

tum ab Appiano, illam *FELICIS* appellationem Syllæ ab adulatoribus tributam, postea eidem in cognomen vertisse, & Statuam Equestrem pro Rostris, Senatusconsulto illi cum eodem nomine erectam. *FAUSTI* verò cognomen idem illi concessum innuunt, & firmanant eiusdem Nummi, vt non sit necesse ad Faustum eius filium cum Vrsino, illam appellationem referre. Vtrumque verò Cognomen frequens postea apud Romanos euasit, vnde passim in Marmoribus *FELICES FAUSTI*, *EUTYCHES*, & maxime Mulierum *FELICITAS*, *FAUSTA*, *FORTVNATA*, *TYCHE*, vnde varia quoque earum vel diminutiua, vel composita, *FELICISSIMA*, *FELICVLA*, *FAUSTINA*, & *FAUSTILLA*, *EUTYCHE*,

CAL-

*CALLITYCHE*, aliaque id genus. Tertiò ab *Affectibus*, vnde *PIVS* vocatur in Nummis Scipio Metellus, & præterea S. Pompeius, & ad denotandam vim nominis, Catanenses fratres in aversa parte Nummi eiusdem Pompeii signati, quos EVSEBES nempe seu Pios dictos, Strabo & Pausanias observant. In Antonia verò *PIETAS* L. Antonio cum noto Ciconiæ symbolo conceditur quale nempe cognomen illi à pietate in fratrem Triumvirum indultum refert Dio, vt iam vidit Vrsinus. Non *FELICIS* verò solùm, sed *EPAPHRODITI* etiam seu Venusti cognomen Syllæ tributum et Tropæis suis præfixum docuit Plutarchus, ad quod respexit eiusdem Syllæ Nummus, in cuius parte anteriori Venus, in altera eadem tria tropæa sunt expressa. Id verò male ab Vrsino aliò translatum occupavit non ita pridem Vir doctus, quod tamen non ex Plutarchi solùm loco de Fortuna Syllæ, sed & altero eiusdem Auctoris, in Quæstionibus Romanis, & Appiano præterea egregiè firmatum noueram, qui postremus tradit repertos à se commentarios, qui referunt Syllam eodem Senatusconsulto *FELICEM* & *EPAPHRODITVM*, seu Venustum nuncupatum. Vtriusque alias appellationis Epaphroditi & Venusti frequens vsus postea apud Romanos ex priscis marmo-

ri-

*Lib. VI.  
In Phocic.*

*B. C. Civil. lib.*

I.

ribus haud ignotus. Mitto iam alias à diuersis  
*Affectibus* desumptas in iisdem Nummis ap-  
 pellationes, vt *BRVTI*, *FRVGI*, *BLAN-*  
*DI*, *BIBVLI*, *CATONIS* etiam, quem *In Catone.*  
 à solertia dictum annotauit iam olim Plutar-  
 chus. Huc spectat *NERONIS* in gente Clau-  
 dià cognomen, quo autore Tranquillo, signi-  
 ficatur lingua Sabina, fortis ac strenuus. *In Claudio.*  
 Transière autem hæc omnia Cognomina sequutis  
 temporibus ad posteros simul & extraneos,  
 cum longa accessione non vnius, sed plurium  
 nonnunquam cognominum; & aliunde à  
 Diis puta, Ventis, Fluuuis, aliisque id genus  
 fontibus haustorum. Et hæc quidem præter  
 institutum prolixius, non tamen ultra argu-  
 menti cancellos, cui illustrando haud parum  
 inferuire videbantur. Cæcus enim, vt hoc  
 addere mihi liceat, in campo Historiæ veteris  
 incedit, qui hæc non distinguit, aut præterit;  
 qui nominum, aut appellationum id genus  
 originem, gradus, discrimina, ætates non ob-  
 seruat; qui tempora, & personas non semel  
 confundit; qui inductam paullatim sub Cæ-  
 saribus & labente imperio, eandem nominum  
 confusionem & varietatem, ad hunc priorum  
 temporum canonem non reuocat. Et tamen  
 quoties hic impegerunt oculatissimi alias viri,  
 in via quippe lubrica & perplexa, ignoratione  
 aut incuriâ eiusmodi vel comitû, vel subsidiorû?

Ac-

*Ob originem  
Familiarum.*

Accedunt non Cognominum solum aut Familiarum vnus Gentis, sed GENTIVM ipsarum ORIGO & Insignia, quæ iidem Nummi ante oculos ponunt. Ita ut his ducibus pateant primi Natales Romanæ Nobilitatis, & ipsa discrimina indigenarum ac aduentitiarum in eadem Gentium. Neque enim è Sabinarum magis raptu, quàm ex aliis vicinarum Gentium spoliis conflatum nosti Quiritium genus. Quod pluribus adstruit Canuleius Trib. Plebis apud Liuium, exemplis etiam petitis à Regibus Numa, & L. Tarquinio peregrinis, ac à Gente Claudia, post exactos Reges e Sabinis in Ciuitatem non solum, sed patritiorum etiam numerum adscita; *Nunquam clausa Vrbs peregrinæ virtuti.* Vnde factum etiam vt eadem Gentes ortus sui memoriam, aut loci natalis appellatione, aut Deorum patrię præsidum simulachris, aut Conditorum suorum imaginibus ac notis, voluerint ad posteros propagari. COPONIAM Gentem Tibure oriundam, Claua & pellis Herculis, Tiburtini scilicet Numinis, Vrsino videtur arguere; sicut ANTIAM Gentem Antio profectam, Diis Penates in eadem expressi. *METTIAM* verò, *PAPIAM*, *PROCILIAM*, *ROSCIAM*, Lanuuii municipio traduces, Iunonis Lanuuinæ simulachra euincunt. *CLAUDIAM*, *PETRONIAM*,



**N I A M**, & **T I T V R I A M** & Sabinis profectas docent; in priori adsumptum Neronis cognomen, vt vidimus ex Tranquillo; in altera Feroniæ Sabinis cultæ simulachrum; in postremâ, cùm expressus Sabitarum raptus, tum signata T. Tatij Sabinorum Regis effigies. Sic **ACILLIAM** ab ἀνέλοι seu sanandi virtute, nomen suum adsciuisse, Aesculapius in eadem impressus doctis antiquarijs videtur comprobare. **LEVINEIAM** ab Hercule stemma suum accersere, depicta eiusdem in clypeo effigies ostentat. **I V L I A M** verò ab Aenea & Iulo deductam, non Poetarum magis vaticinia, quàm obuiæ Veneris & Aeneæ Anchisen ferentis, in eadem imagines docent. Sicut rursus **M A M I L I A M** ab Vlysse profectam, Vlysses in eadem pileatus & à cane agnitus tradit. Vt videamus haud insolitum iam olim fuisse fatum illustrium Familiarum, præclaro aliquo & antiquissimo, vtut incerto auctore generis sese efferre. Ita minima quæque vel Nominum, vel Cognominum, vel alterius cuiuspiam casus arrepta similitudo, quæ in communionem eiusdem originis traheretur. Sic M. Bruto idonea visa est eiusdem cognominis ratio, vt vindicem illum libertatis Iunium Brutum, tanquam generis sui auctorem in Nummis signaret, à quo illum tam

Lib. 44.

fari tamen potest, quum non solum cognominis, sed etiam eiusdem gentilis nominis communio utrique intercederet. Vnde nec mirum aut *MEMMIAM* à Romulo expressâ illius effigie, aut ijsdem argumentis à Numa *CALPURNIAM*, ac *POMPONIAM*, à Tullo *HOSTILIAM*, ab Anco *MARTIAM*, originem suam voluisse in Nummis deriuare. Ita ut qui vel Regij nominis umbram morte & ignominia mulctabant, ab eodem titulos mutuari, securum non solum, sed præclarum etiam ducerent. Adeo omnia temerat ambitio, dum aut in alienis sepulchris gloriam, aut similitudinem in ignotis imaginibus quærit.

*Ob Magistratus & Dignitates in Nummis expressas.*

Nec prætereundi hoc loco *MAGISTRATUS*, aut *DIGNITATES* Quiritium omnis ordinis in ijsdem Nummis consignatæ, Pontifices, Augures, Flamines, VII. Viri Epulones, Consules, Prætores, Aediles Curules, Quæstores, ProQuæstores, Aediles Plebis, Dictatores perpetui, Tribunitia Potestas, Triumviri Reip. Constituendæ, Triumviri & Quatuor viri Monetales, Curatores Denariorum Flandorum, Triumviri Valetudinarii, ProTriumviri, Imperatores, Proconsules, ProPrætores, Legati ProPrætores, Præfecti Classi & Oræ maritimæ, Regum etiam Tutores. Vides hic dignitates Sacras, Urba-

Vrbanas, Ciuiles, Patritias, Plebeias, extraordinaria Imperia, Militaria, Prouinciarum, Maritima, quædam etiam ex ijs aliunde ignota. Vt etiam intelligamus, & à singulis quibus tribuuntur, administrata hæc munera, quod aliunde sæpius non constat, & ab iisdem liberâ Reipublicâ, petita in Nummis hæc honorum insignia. Ita *TRIBVNITIA POTESTAS*, non vulgato solum in monumentis veterum ritu, cum appellationibus alijs Cæsarium coniuncta, sed sola & integra, vt præcipuum quoddam insigne Maiestatis, Augusto tribuitur, in auersis aliquot Nummorum id genus partibus; vt in Cassia, Gellia, Plotia, Lucretia, Sempronia, Tarquitia, alijsque. Vnde facile ex ijs sagacissimus Annalium Scriptor illustratur, *M. Silanus*, inquit, *censet vt publicis & priuatis monumentis ad memoriam temporum, non Consulum nomina præscriberentur, sed eorum qui TRIBVNICIAM POTESTATEM* gererent. Liquet etiam cur alibi idem auctor, vbi meminit adsumptæ huius Tribunitiæ Potestatis ab Augusto, addit; *Id summi*, inquit, *fastigij vocabulum Augustus reperit, ne Regis aut Dictatoris nomen adsumeret, & tamen appellatione aliqua cetera imperia præminere*. Vt intelligamus, non confundendam cum eruditis quibusdam Tribunitiæ Potestatis, & Tribunorum plebis prærogatiuam, quorum

*Annal. 3.*

*Annal. 3.*

Lib. 55.

Appian. Bell.  
Civil. 2.

prior, ut hinc discimus, ab Augusto, aut iuxta Dionem, à Julio reperta, omnia alia imperia præcedebat; postremi utut Sacrosancti, infra Consulum & Prætorum fastigium censebantur, ut observat Dio. *TRIVMVIROS* verò, seu Tricipitinam illam Varroni dictam, verè arguunt tria Augusti, Antonij & Lepidi capita in iisdem iuncta, nec *ΑΠΜΟΣΤΩΝ* solum, sed *ΤΡΙΩΝ ΑΝΔΡΩΝ* nomine, iuxta Romanam appellationem, Græcis quoque nuncupatos. Maris imperium ab utroque Pompeio Patre & Filio administratum, sub diuersis tamen titulis, docent illius Familiæ Numismata, in quibus parens Pompeius *PROCOS.* cum prora navis; Sextus filius *PRAEF. CLASS. ET ORAE MARIT.* describitur. Eandem Classis Præfecti dignitatem, M. Antonium positum alias in supremo dignitatis fastigio, videmus etiam adoptasse ex eiusdem Nummo, in quo hinc ille cum Cleopatra, illinc Triremis, & inscr. *PRAEF. CLAS.* Tutelam verò iunioris Ptolomæi à Lepido Reipubl. nomine susceptam, Nummi eiusdem posteris consignarunt, in quibus *M. LEPID. PONTIF. MAX. TVTOR. REG.* dicitur. Vnde præter Valerium & Iustinum Vrsino allegatos, qui Tutelæ huius meminere, Tacitus etiam illustratur, *exemplo quo maiores M. Lepidum Ptolomæi liberis TVTOR-*

Annal. 2.

REM

REM in Aegyptum miserant. Inter ordinaria verò imperia, tot CONSULES in iisdem Nummis signati, quantum ad supplendos aut corrigendos veteres Reipubl. fastos conferant, infra monebimus. PRAETORES, vt Curulem Magistratum, Sella Curulis arguit in Nummis Cottæ, & ad AEDILES PLEBIS annonæ curam spectasse, si non aliunde modicus frumenti, Spicæ, & Cereris caput docerent; quibus Symbolis hanc dignitatis suæ memoriam tradidêre. MONETÆ signandæ curam in Vrbe, modò ad Quatuorviros circa I. Cæsaris tempora; modò ad Tres Præfectos sub Augusto redactam; modò ad Curatores quosdam ita dictos, incerto numero spectasse, candemque vel Denariorum flandorum, vel Auri, Argenti Aeris flandi feriundi, vel Argento etiam publico feriundo titulis signatam; non aliunde luculentius, quàm ex eadem moneta discimus. In ea enim crebrò occurrunt, III. VIR. A. A. A. F. F. h. e. *Triumvir, Auri Argenti Aeris flandi feriundi*, vel IVVIR. A. P. F. h. e. *Quatuorvir Argento publico feriundo*. Immo quod alias ignotum, Lentulus quidam in Cornelia, CVR. X FL. *Curator Denariorum flandorum*. Ita ut eorum etiam nomina, quibus hæc cura incumbibat, adhuc hodie innotescant. Sic mortuo aut absente Triumuiro monetali, alium

alium in eius locum suffectum, cum titulo Pro Triumviri, liquet ex iisdem Nummis C. *MARIVS PRO III VIR*. Ita *PRÆEFFECTVRAM VRBIS*, ut eximiam aliquam honoris prærogatiuam, iam olim in Nummis Famil. Liuiineiæ, & Plautiæ videmus signatam. Ad priorem enim L. REGVLVS PAEF. VRB. ad posteriorem L. PLANCVS cum eodem titulo referuntur. Nec minor lux Sacrorum Antistibus accedet. *PONTIFICIS MAX.* Græcam *APXIEPEΩΣ ΜΕΓΑΛΟΥ* appellationem, nummi Græci Iulii, Lepidi, Augusti arguunt. Neque tamen ideo viro docto accedo, qui grauem duobus grauissimis auctoribus dicam scribit, Dionysio Halicarnassensi, & Dioni Cocceio, quod Pontificiæ huius dignitatis nomen ignorauerint, aut male expresserint; dum hic solo *Ἀρχιερέως* nomine eos designat, ille frequenter vocat *ἱερονόμος*, *ἱεροφύλακας*, *ἱεροφάντας*. Quis enim ferat illi Consulari, vtrique Romani moris & antiquitatis promicondo, crassam illam ignorantiam aut incuriam impingi, vel in iisdem accusandis tam infelix acumen. Quasi verò vel solum *APXIEPEΩΣ* nomen, supremam Sacerdotii dignitatem non designet, aut reliqui illius collegii Sacerdotes, vt Romanis Pontifices, sit Græcis, vt ille existimat, *Ἀρχιερεῖς* vulgò dice-

*Iac. Guth. de  
iure Pontif. l.  
1. c. 8.*

dicerentur ! Immo & alibi ab eodem Dione,  
Iulius Cæsar Ἀρχιερεὺς τῶν Ποντιφικῶν vocatur,<sup>Lib.37.</sup>

quo nomine satis opinor cum à reliquis  
Sacerdotibus distinguebat. Vnde etiam hoc  
nomen Ἀρχιερέως summo Asiæ Sacerdoti &  
Supremo Urbis Magistratui nonnunquam,

præter auctores tribuunt antiqua Numisma-  
ta. Vt mittam præter Dionem, Plutarcho &  
Appiano eundem Cæsarem Pont. Max. Ἀρχιε-<sup>Corint.lib. 11</sup>

ρέα citra appellationem aliam vocari; Lepi-<sup>Bell.Cin. 1.7.</sup>  
dum verò itidem Pont. Max. solo etiam ἱερέως

nomine alibi designari ab eodem Appiano.  
Alias enim eidem Appiano, non μέγας sed

μέγιστος Ἀρχιερεὺς, & eadem dignitas μέγλη ἱερωσύνη<sup>Lib. 1. Bell. Cin.</sup> non semel vocatur; vt Græcam huius

muneris appellationem, diuersis illis nomini-  
bus promiscuè constet vsurpatam. Ita solo  
Pontificis nomine vocatur nonnunquam La-  
tinis scriptoribus, quod ignorare non debue-  
rat Pontificii iuris scriptor. Lilius certè au-  
ctor luculentus; Regem Sacrificulum creant, id

Sacerdotium Pontifici subiecere; qui non alius<sup>Lib.2.</sup>  
quàm Pont. Max. Nec minus incommodè,

aut ex vsu Linguae Græcæ, vel ratione mu-  
neris, ἱεροφάντας, ἱερονόμους, ἱεροφύλακας, Sacrorū  
nempe interpretes, præsides, custodes, eosdem  
vocat Halicarnassensis, quibus nominibus su-  
premos Sacerdotes Aegyptiorum, aliosque  
præcipuos sacrorum Antistites, Veteres au-

res

ctores passim indigitarunt . Sed de his appellationibus alibi accuratius . *AVGVRS* dignitas non lituo solum frequenter designata , sed ipso nomine expressa in Nummis M. Antonii etiam Triumviri , vt vel inde muneris illius prærogatiuam abunde liceat æstimare . *SEPTENVIRI* verò *EPVLONVM* nomen , & symbolum muneris , haud parum illustratur ex nummo Caldi cuiusdam in gente Coelia , cum inscr. *VIIIVIR. EPVL.* & Iouis signo in lectisternio decumbente . Ita inter diuersos Flaminum ordines , munus Flaminis Martialis inter insignia Gentis Corneliæ relatum videas , cum inscr. *L. LENTVLVS FLAMEN MARTIALIS* . Inter externa autem Imperia , occurrit illud *LEGATI PROPRAETORE* , in Nummis Gentis Carisiæ cum effigie Augusti , vbi admitti non debet adlata ab Vrsino Ant. Augustini explicatio . Ille enim Legatos Proprætore, dictos demum credidit , qui Legati primùm in Prouinciã cum Prætoribus missi , dein his discedentibus aut mortuis, eandem eorum loco administrabant . At ratio virum doctissimum hic fugit . Notum enim Augusti æuo , Legatos Proprætore olim dictos , non Prætorum in Prouinciis adessores , aut qui iisdem succedebant , sed supremos Rectores missos ad administrandas prouincias Cæsaris , sicut Proconsules qui

Populi



Populi prouinciæ præseiebantur. Ratio autem nominis obuia, ex usu veteris Reip. quæ Proconsule aut ProPrætore primum dictus, qui Consul aut Prætor destinatus ad regendas prouincias, vel præfecturam militarem, functus Magistratu, in eodem imperio continuabatur. Clarè id docet Dio, qui Proconsules & Proprætores dictos tradit in Castris Pompeij, Cōsules & Prætores prioris anni, aliis non suffectis. Hinc creuit paulatim in eadem Rep. proprætoris militaris appellatio, frequens apud Liuium aliosque; quæ postea ab Augusto ad Rectores militarium Prouinciarum translata, adsignato ijs etiam habitu militari, sicut Proconsules, vt notum, qui præerant pacatis Populi Prouinciis. Neque tamen re-  
Lib. 41.  
Lib. 54.  
perta primum sub Augusto coniuncta Legati Proprætoris appellatio, vt Dio videtur innuere, sed iam recepta liberâ adhuc Republicâ, de ijs, qui vice Prætorum sub Proconsulis aut Imperatoris auspiciis, parti exercitus præerant. Egregiè id præter lapidum auctoritatem, confirmat denarius Gentis *POBLICIAE*, in cuius anteriori parte *G N. MAGNVS IMP.* in auersa *M. POBLICI. LEG. PRO-PR.* vt intelligamus hunc Pobladium, à Pompeio tum Imperatore, ceu supremo exercitus præfecto, adsumptum in partē curæ militaris. Vnde sub Cæsaribus ad horum etiam discrimen,

Z

men,

men, *LEGATI AVGVSTI* dicti *PROPRÆTORES*, quasi totidem Cæsaris in commissis prouincijs Adseffores, vt postremum vocabulum, curam militaris prouinciæ, prius demandatam à Cæsare iurisdictionem argueret. Hinc præter Lapidés in quibus *LEG. AVG. PR. PR.* crebrò dictos videas, in Græcis Cæsarum Nummis Legati & Proprætore Augusti, seu ΠΡΕΣΤΡΑΤΗΓΟΙ ΤΟΥ ΣΕΒΑΣΤΟΥ non semel nuncupantur, vt *AVG.* ibi non Legato sed Proprætori etiam postponatur. Ita enim præter aliquot inscriptiones marmorum, præclarus Traiani nummus ineditus, ΕΠ ΕΙΤΕΙ ΡΟΥΦΟΥ ΠΡΕΣ. ΧΑΙ ΑΝΤΙ. ΤΟΥ ΣΕΒΑΣΤΟΥ ΒΥΖΥΗΝΩΝ, sicut in inscriptione Dola-bellæ Illyrici Legati *LEG. PROPR. DIVI AVGVSTI, ET TI. CAESARIS AVGVSTI*. Eosdem verò Legatos Proprætore, seu Rectores Cæsaris Prouinciarum, Proconsules etiam dictos, rectè negat ad Spartianum Salmasius, nec debuit nuper vir doctus in dubium vertere. Coniuncta enim nonnumquam harum dignitatum nomina in lapidibus antiquis, distinguenda tanquam diuersa munera variis temporibus gesta, quibus fiebat, vt qui Proconsul populi prouinciã administrauerat, vt Legatus Cæsaris eiusdem prouinciæ alias præflet, aut vicissim. Factum vero

*In Thes.  
Mag. Ducis.*

*Grut. Thes.  
p. 396.*

ro sequutis temporibus ; vt iisdem Legati Au-  
 gusti non Propretore solum in iisdem , sed  
 Consulares etiam digniori vocabulo , aut à ge-  
 sto magistratu vocarentur . Hinc inducta rur-  
 sus illa Prouinciarum distinctio , vt Consula-  
 res Cæsaris prouinciæ , Proconsulares verò  
 populi , veteri nempe vocabulo , dicerentur .  
 Clare id exprimit Capitolinus ; *Prouincias ex*  
*Proconsularibus Consulares , aut ex Consularibus*  
*Proconsulares , aut Prætorias pro belli necessitate*  
*fecit* . Qui locus , vt rectè collegit Salmasius ,  
 nihil aliud arguit quàm permutationem Pro-  
 uinciarum populi & Cæsaris factam à M. Au-  
 relio , pro ingruentibus nempe casibus , vt aliàs  
 contigisse Dio obseruat . At male Prætorias  
 eodem loco Cæsaris prouincias interpretatur ,  
 quæ nempe à Legatis non Consularibus , sed  
 Prætorijs regebantur . Quæ explicatio rursus  
 illius loci sensum perturbat . Prætoriæ enim  
 ibi non Cæsaris , sed Populi prouinciæ iuxta  
 ac proconsulares , ex nota distinctione , quæ ab  
 Augusto , inter populi prouincias , duæ Pro-  
 consulares institutæ , decem Prætoriæ . Vnde  
 perspicuè Capitolinus , talem ab Aurelio per-  
 mutationem inductam narrat , vt ex *Proconsu-*  
*laribus* h. e. Populi prouinciis *Consulares* , seu  
 Cæsaris fierent , aut rursus ex *Consularibus*  
 Cæsaris , *Proconsulares* , vel *Prætoriæ* , Popu-  
 li nempe euaderent . Hæc satis perspicua

Lib. 54.

*Lib. 52.  
In Syriacis.*

*Lib. 54.*

*De Vit. Apoll.  
Lib. 1.*

*Lib. 54.*

*Lib. XVII.*

& tamen perspicacissimo viro tenebras offu-  
derunt. Idem verò Proprætore, ἐξαπαλῆκεις  
dicti Dioni, sicut Appiano, à numero nem-  
pe fascium, qui ante illos præferebantur. To-  
tam autem hanc cùm Proconsulùm, tum Le-  
gatorum Proprætore diuisionem, ab Augu-  
sto institutam narrat Dio, sed in cuius expli-  
catione non semel errauit Interpres. Frequen-  
ter enim in tradendis id genus Magistratuum  
nominibus, lapsos videas Appiani, Dionis,  
aliorumque interpretes, & qui sese illis man-  
ciparunt, dum distincta in Prouinciis Procon-  
sulùm, Proprætorum, & Procuratorum no-  
mina non semel confundunt. Sed grauius ad-  
huc ijs omnibus errat interpres Philostrati,  
qui e Romano Syriæ præside, Principem ali-  
quem eiusdem tractus fingit, τῆς Συρίας ἀρχον-  
τα vertit alicubi, cùm Syriæ quidam princeps,  
quo tempore scilicet Syria Romanis obnoxia  
Cæsaris Legato præerat. Commune enim  
Ἀρχοντας & Ἡγεμόνος nomen. Præsidibus Pro-  
uinciarum, quocunque tandem seu Procon-  
sulùm, Prætorum, vel Legatorum Propræto-  
re titulo, eas administrarent. Disertè quidem  
de nomine Ἀρχοντας id obseruat Dio, &  
vtrumque vel ex Græcis Cæsarium Nummis  
obuium, quamuis Ἡγεμόνος nomen Cæsarium  
Legatis Strabo videatur vindicare. Vbi enim  
agit de hac ipsa Prouinciarum diuisione, &  
di-

diuerfis in illis Cæsaris ac Populi Magistrati-  
bus, Καὶ εἰς μὲν τὰς Καίσαρος, ἡγέμονας καὶ διοι-  
κητὰς πέμπει, In Cæsaris quidem Prouincias Præ-  
sides & Procuratores mittit . Ita omnino  
enim corrigi debuit in Græco textu , & verti  
à Latino interprete . Duo quippe vt notum  
præcipui Cæsarum ministri in prouinciis, Le-  
gati, & Procuratores , illi qui Prouinciam  
administrabant , hi qui pecunias Cæsaris in ijs-  
dem colligebant , priores ἡγέμονες, postero-  
res διοικηταὶ eo loco nuncupati , vulgò ἐπιτρο-  
ποι . Vnde præter alios malè eruditissimus  
Schottus apud Photium ἐπιτροπτεύειν h.e. Cæ-  
sarum procuratorem agere, vertit prouinciam ad-  
ministrare, alibi verò de Dione Cassio, Ἀφρικῆς  
ἡγέμονευεν, in Africa Dux fuit, quum vertere  
debuisset Proconsul Africam rexit. Africa enim  
populi prouincia, & inter duas proconsulares  
Dioni & Straboni commemoratur . Vnde  
rursus firmatur promiscuus vsus huius vocis  
cùm apud Auctores, tum in Nummis, ἡγέμο-  
νος & ἡγέμονευεν, de præfectura Prouinciæ  
Populi, vel Cæsaris .

P. 51.

P. 106.

GESTA verò præcipua Faniliarum id ge-  
nus ac Illustrium Consularium, ita iisdem  
Nummi complectuntur, vt in illis adhuc ho-  
die spectare liceat nobilissimorum ciuium  
Tropæa, Triumphos, Templorum aut Lu-  
dorum dedicationes, Fabricas, Leges latas,  
Le-

Ob Gesta illu-  
stria .

Lib. VIII.

Legionum seriem, Adoptionis symbola, aliaque præclara bello aut pace suscepta, multaque ex ijs aliunde vel ignota, vel obscura. Neque enim fidem singulis detrahet, quod de falsis aut emendicatis Familiarum id genus titulis, aut imaginibus, apud Liuium lego; *Nec facile est, inquit, aut rem rei, aut auctorem auctori præferre, vitiatam memoriam funebribus laudibus reor, falsisque imaginum titulis, dum Familia quæque ad se famam rerum gestarum honoremque, fallente mendacio, trahunt.* Africæ certè domitores, Metellum non solum ac Scipionem *AEMILIA* Gens vel *CORNELIA* ostentant; sed *CESTIAE*, etiam *EPPIAE*, *NORBANAE* gentilibus, signatum Africæ caput cum Elephantis proboscide, eiusdem gloriæ communionem adferit. Ita præter signata in ijs *AEMILII* de Perseo, aut *SYLLAE* de Iugurtha, aut *I. CAESARIS* de Gallis, Germanisque nobilissima Tropæa, alia quoque videas haud contemnenda. *M. LEPIDI* certe XV. annorum Adolescentis virile facinus, arguit statua eiusdem Equestris cum tropæo, & præclata Nummi inscriptio *M. LEPIDVS XV. A. PR. H. O. C. S.* iisdem ferme verbis exprimit, quibus à Valer. Maximo describitur, *M. Lepidus Annorum Quindecim prætextatus Hostem interemit, ciuem seruauit.* Immo nec de Iugurtha solum

Lib. III. cap. 11.

tro-



tropæum, sed idem victis post tergum manibus à Boccho Rege, Syllæ in Solio sedenti traditus occurret, ut iâ testis oculatus Plutarcho facile fidem præstes, non semel adferenti Syllam in annulis captivi Iugurthæ imaginem gestasse. Nec commemoro hic, aut *M. MAR-* *In Sylla & Reipubl. Ger. Prec.*  
*CELLVM* ferentem spolia opima Ioui Fere-  
 trio, aut varios Aemiliorum, Metellorum,  
 Scipionum, Iuliorum, aliorumque id genus  
 Triumphos, qui genuinam Romæ Trium-  
 phantis imaginem nobis ante oculos ponunt.  
 L. certè Aemilium triplici Triumpho insi-  
 gnem, præter Fastos, clarè eiusdem Nummus  
 cum inscr. *TER PAVLLVS* inspicien-  
 dum præbet. Haud minus Templorum fre-  
 quentes cernas dedicationes, ut in Gente  
 Cassia templum *VESTAE* à Q. Cassio dedi-  
 catum, quo nomine eiusdem Nummus à  
 Traiano restitui meruit; *VENERIS ERY-*  
*CINAE* in Gente Considia; *HONORIS* in  
 Durmia & Mucia; *CLEMENTIAE* in Iu-  
 lia, aliaque plurima; ut quando aut à quibus  
 delubra id genus erecta sint vel restaurata,  
 non aliunde certius constet. Idem quoque be-  
 neficium aliis publicis Urbis operibus præ-  
 stant, quæ in iisdem denariis occurrunt ex-  
 pressa; ut Basilica *AEMILIA* ab Aemilio  
 Lepido paullo extructa; *ROSTRA* à quo-  
 dam PaliKanto Gentis Lollia; *PVTEAL* à

Li-

Lib. III. Ep. 1

Libone Gentis Scriboniæ, vnde Puteal Libonis Horatio, & forma eius Aræ magis, quàm Prætoris Tribunali similis: *COMITIVM* instar navis cuiusdam cum adiuncto cultu Veneris *CLOACINAE* in Gente Muffidia; *VILLA PVBLICA* in Nummo Gentis Didici; *PONS* denique e sublicio à Lepido Quæstore lapideus factus. Sic celebrem illum ductum *AQVAE MARCIAE*, à Philippo quodam Gentis Marciae erectum videas; *SEPTA* verò cum suis cancellis, Ponte, Cista, Diribitorio, in denario cuiusdam Cocceij Neruæ, vnde legem aliquam de suffragiis ab eodem latam colligebat Vrsinus. Neque enim minus Legum latarum memoriâ, quàm Gestis aut operibus alijs nobilitata illustrium Familiarum insignia deprehendas. Vnde in Cassia occurrit Lex Tabellaria cum *A. B.* seu *ABSOLVENDI*, & *CONDEMNANDI* formula: In Coeliâ Lex Perduellionis, cum Tabella & *L. B.* seu *LIBERANDI*, ac *DAMNANDI* notis; in Porcia, Lex Prouocationis ad populum à Læca Trib. Pleb. lata, cum eiusdem nomine *PROVOCO*. Quò referri etiam debent, & altera Tabella, in qua *SORS* inscripta in Gente Plætoria, & Iudicium Vestalium cum alia rursus Tabella, in Nummo Gentis Cassiæ expressum. Mitto varia adhuc & illustria singulorum gesta, vt Arctam Ar-

bum



bum Regem à M. Scauro pulsum, in cuius rei memoriam in eiusdem Scauri denario **R E X A R E T A S** cum Camelo expressus. Bruti autem & sociorum facinus, **LIBERTATIS** nomen & insigne, Pugiones, Pileum, **EID. MARTIAS** non in Bruti solum aut Cassii, aut Lentuli Spinteris, sed Platorii etiam Nummis signata reperies; ut hinc facile istum coniuratis annumeres, & quæsitam ab ijs omnibus, hanc importunæ societatis vel gloriam, vel tesseram cernas. Nonne verò in Scenam, rursus **M. ANTONIVM** prodire fatearis, ita amores, imperia, Victorias, fœdera, res mari ac terra in Europa, in Oriente contra Parthos, Armenos, aliosque gestas, totam deniq; hominis histrioniam tot superstites illius Nummi ponunt in conspectu. **LEGIONES** certe in Fœdere eiusdem Mutinensi ad XLIII. ascendisse narrat Appianus, post Philippensem autem Victoriâ ad XXVIII. redactas. At enim XXV. continua ferie, & ad XXXIII. eadem interruptâ, distincta totidem Antonij huius Numismata repræsentant. Tradunt etiam ignota aliunde quarundam Legionum Nomina; qualia XIV. **ANTIQUA**, XVII. **CLASSICA**, XVIII. **LIBYCA**, sicut ex earundem Legionum numero **QVINTA** à Vespasiano restituta, **SEXTA** autem à M. Aure-

*Vid. de hoc Nummo Plutarch. in Bruto, & Dion. lib. 47.*

*De Bell. Civil. l. 7.*

lio. & L. Vero. Mitto iam hęc, aut *VOTA* pro salute Augusti communi omnium ordinum consensu suscepta, & eius rei causę etiam expressa, quod *Per Eum Resp. In Ampliori, Atque Tranquilliori Statu esset*. Sellam Curulem apud Romanos, cum Corona in ludis & Theatris, absentibus etiam aut mortuis positam, ut eximium aliquod honoris insigne, notarunt iam eruditi, & non semel auctores meminere. Pręter Liuium verò aut Dionem, ex quibus hunc morem ad Tacitum illustravit Lipsius, & Casaubonus ad Suetonium, clarissima illius argumenta Nummi suppeditant. Hinc in denarijs Gentis Iulię, Sella Curulis spectatur cum corona super imposita, ut viderat ante Lipsiũ Vrsinus, & pręter Dionẽ, annotavit iam olim Appianus. Origo autem illius moris profecta, cum ex honore *ποσειδας* in theatris quęsito, ut obseruarunt iam Viri docti, tum ex simili honore Diis exhibitto, in illis ludorum solemnitatibus. Id clare satis innuit Dio, adserens decretam eiusmodi Sellam Cęsari, *ἐξ ἧς τοῖς τε θεοῖς*. Ludi nempe Gentilium Diis sacri, vnde factum, ut Coronę illis ac Sellę in Theatris, tanquam supremis ludorum Pręsidibus ponerentur, quę postea cum reliquis Deorum honoribus, defunctis & absentibus Cęsaribus; aut Coniugibus Augustorum, ut Faustina apud Dionem,

*Bell. Civil. lib.*  
1.

*Lib. 44.*

*Lib. 71.*

nem, aut eorum coniunctis, vt Marcello, Germanico, alijsque id genus communicatæ. Vnde factum etiam paulatim, vt non vna, sed plures eiusmodi Sellæ, in signum maioris erga defunctum reuerentiæ tribuerentur; sicut tres Sellas aureas in theatris mortuo Pertinaci decreuisse Seuerum refert Dio. Aliàs quod obseruo, nec in Theatris solùm, sed in Templis eiusmodi Sellæ honos Cæsaribus nonnunquam exhibitus; vnde absente Caio, Sellam eius in Templo positam Patres adorasse, apud eundem Dionem lego. Neque iam commemoro hoc loco, aut deductas libera adhuc vrbe Colonias, quarum in iisdem denariis mentio, & de quibus alius occurret locus; aut Italiam & Romam in concordiae signum iungentes dextras; aut Concordiam & Pietatem præclarum Adoptionis in iisdem symbolum. Vereor enim, ne dum argumento hic inseruio, disquisitioni forte minus reconditæ doctis Antiquariis, hæc indulgere videar.

*Lib. 74.*

*Lib. 59.*

HISTORIAM verò AVGVSTAM ita hæc memoria prisca æui complectitur, vt non alterius fermè vsus aut contemplationis gratia, pretium illi vulgò tribuatur. Ea enim felicitas fuit monumentorum in hoc genere, vt ex ea veram imperij omnium maximi magnitudinem, æstimare nobis hodie liceat. Adeo eam ante oculos ponit infinita Nummorum

*CIRCA HISTORI-  
AM AVGVSTAM.*

in hoc genere supellex, mole, elegantia, numero spectabilis, ut hæc sola, multitudine aut varietate, tractantium cupiditatem morari videatur. Hinc felix passim Procerum aut Antiquariorum industria, in colligendis iis & in quasdam classes digerendis, eaque publicis & præclaris monumentis ab iisdem non semel contestata. Neque enim huius utilitatis præstantiam ignorare quenquam patiuntur, aut laudabiles vel Vici, vel Stradæ, vel Hulsii conatus; aut intentior Seb. Erizzi opera; aut diffusa Goltzii industria; aut diligens Occonis cura; aut luculenta Ducis Areschotani penus nummaria; aut Fr. Angeloni haud contemnendi labores; aut præstantior in hoc genere, & fulta maioribus litterarum præsidiis Ioannis Tristani solertia. At verò longe adhuc plura, & potiora fortè, ad illustrationem eiusdem Historiæ Augustæ, latent etiamnum recondita in Principum ac Antiquariorum Cimeliis, aliquando ex iis bono publico depromenda. Talium certè præclaram quandam segetem, cum à Cl. Gottifredi expectamus, tum à præclaris in Gallia viris, quibus Regiæ huius Gazæ custodia feliciter commissa. Hæc enim singula, non inani aliqua prædicatione, sed totidem oculatis testibus probant, Cæsarum Seriem, Coniugia, Titulos, Dignitates, Facta quæque illustria domi

ac foris , nullibi luculentius , quàm in eorundem Nummis consignata reperiri .

Continuam certè , aut minus interruptam *Ad Seriem*  
Cæsarum & Augustorum *SERIEM* , nequid- *Cæsarum & Augustorum*  
quàm alibi in monumentis veterum quæras .  
Eam quippe ita Nummis digestam nosti , ut  
non illos solùm tradant , quorum diuturna  
aut vulgata imperia , sed frequenter etiam , ob-  
scuros illos & minusculos , vel Cæsares , vel  
Tyrannos . Hos enim ut plurimum videas ,  
aut breuitate vitæ vel principatus ; aut lon-  
ginitate locorum , in quibus tanti nomi-  
nis consortes impetu vel factione designati ;  
aut tenui gestorum fama , contrarijs ac incertis  
auctorum relationibus tradi . Hinc hiatus ille  
inter Gordiani III. & Valeriani tempora , in  
Historiæ Augustæ scriptoribus , Eusebii Chro-  
nico , Iuliani Cæsaribus , alijsq; priscis & co-  
uis monumentis obtuius , in quo supplendo  
refulget præcipua quædam Nummorum id  
genus opera . Ex ijs utique *MARCIUM*  
quendam (non Marcum) & *SEVERVM*  
*HOSTILIANVM* Gordiani Pij suc-  
cessores non Zonaras solùm aut Cedrenus ,  
(quod vidit Casaubonus) sed Nummi etiam  
apud Goltzium arguunt . *MARINVM*  
in Pannonia electum post Philippos , & Iota-  
pianum quendam , Zozimus & Zonaras tra-  
dunt . Quo auctore verò dictus sit recentiori-  
bus

bus *P. CARVILIUS MARINVS*,  
 quærit Calaubonus : id verò e Nummis hau-  
 stum , vt nuper annotauit vir doctus . Traia-  
 ni Decij successores duos Nummi suppedi-  
 tant , quorum exigua aut obscura apud Au-  
 ctiores mentio ; *Q. HERENNIVS*  
*ETRVSCVS MESSIVS DECIVS*  
*NOB. CAES.* Alter *C. VALENS*  
*HOSTILIANVS AVG.* vel iuxta  
 alios *C. VALENS HOSTILIANVS*  
*MESSIVS QVINCTVS NOB.*  
 C. qui postremus in Nummo Augustæ Regi-  
 næ *HOTILIANVS* sine S. etiam  
 scribitur. Præter argenteos & æreos vtriusque  
 Nummos mihi non semel inspectos , æreum  
 maximum Hostiliani (vulgò apud vestrates  
*Medaglione*) apud Abbatem Bracefium exta-  
 re intellexi , qui exquisitæ raritatis Nummis  
 meritò debet accenseri. Priorem verò Q. nem-  
 pe *HERENNIVM ETRVSCVM*  
 à Patre Decio Cæsarem declaratum , clarè do-  
 cet Victor Schotti , præter Lapides & Num-  
 mos , Cum Patre etiam eundem in acie ceci-  
 disse , cùm Victor vterque , tum Iornandus &  
 Cassiodorus tradunt , suppresso tamen illius  
 nomine . Eundem proinde non Cæsarem so-  
 lùm , sed Augustum etiam à Patre Decio ad-  
 huc superstitè renunciatum , Nummus argen-  
 teus apud Oconem arguit ; quamuis fatear

Cæ-

Cæsarem tantum vocari in Nummis eius hactenus mihi inspectis. Frustra ergo Onufrius hoc Augusti nomen, mortuo demum Decio, illi Etrusco concessum existimat. De altero verò *VALENTE HOSTILIANO* cum defuncto Decio, Treboniani Galli in imperio Collegam, clarè docet Victor Schotti. *Hæc ubi Patres comperere, GALLO HOSTILIANOQUE Augusta Imperia, VOLVSIANVM Gallo editum Cæsarem decernunt.* Ita Eutropius, prout rectè eum distinxit nuper vir doctus, *Mox Imperatores creati sunt Gallus, Hostilianus, & Galli filius Volusianus.* Hæc verò ex Nummis clara, in quibus hic Hostilianus, Cæsar non solum, sed Augustus etiam vocatur. Illud autem magis ambiguum, an idem Decij gener fuerit, ut post Onufrium existimat *Tristanus*, an verò filius, ut nuper adseruit vir doctissimus ad Eusebium; quorum tamen neutrum ex Victore aut Eutropio licet colligere. Non diffiteor me illi sententiæ libentius accedere, ut credam eum Seueri Hostiliani, paullo ante Cæsaris filium, à Decio autem adoptatum, datâ illi forte in matrimonium filiâ, ut ex edito utriusque Nummo colligit *Tristanus*. Ut verò postremum hunc à doctis quibusdam antiquariis controuerti haud ignoro, sic adoptionem illam Hostiliani, Nummi alii, & Lapid-



*Adam Ru-*  
*pert. obs. Hi-*  
*stor.*

des videntur comprobare , in quibus *VA-*  
*LENS HOSTILIANVS* , gentile  
illi nomen , *QVINCTVS & MES-*  
*SIVS* Decij nomina , adoptionis eiusdem  
memoriam posteris tradidēre . Neque enim  
hæc postrema cognomina , continuò eum *De-*  
*cij* naturalem filium probant , vt existimabat  
vir doctus , qui ab adoptatis parentum appel-  
lationes sumi , non debuit ignorare . Certè  
neque *Victor* , neque *Eutropius* , qui *Decij*  
& *Hostiliani* meminēre , hunc prioris filium  
tradunt ; qui aliàs *Decium* & eiusdem filium ,  
*Etruscum* nempe , vnâ die volunt interiisse .  
*Vtrumque* verò *ETRVSCVM & HOSTI-*  
*LIANVM* , Cæsarem , & Principem Iuuen-  
tutis dictos sub *Decio* , ex amborum *Num-*  
*mis* & *Inscriptionibus* patet . Vnus fortè hic  
turbat *Zozimus* , qui filium alterum *Decij*  
patre & fratre mortuo , à Gallo adoptatum  
scribit , & ab eodem postea e medio sublatum ;  
quæ ad hunc *Hostilianum* *Galli* Collegam  
spectare videntur . Nec alia superest ratio ,  
nisi vt dicantus , aut incautius loquutum *Zo-*  
*zimum* , qui generum vel adoptatum filium  
à naturali non distinxit , quod accuratioribus  
*Zozimo* scriptoribus haud insolitum ; aut ad  
alterum quempiam *Decij* filium nobis igno-  
tum respexisse . Certe nec eodem fato tradit  
eum periisse , quo *Hostilianum* extinctum

nar-



narrat Victor, & ante Gallum, iam sub Decio designatum hæredem imperij Hostilianum; ex reliquis Nummorum Lapidumque monumentis licet colligere, Hostiliano verò demum sublato, VOLVSIANVM Augustum cum patre GALLO declaratum, videtur ex Nummis colligi, in quibus Volusianus Cæsar primùm dictus, postea solus vel cum patre Augustus nominatur. Sed obscuriora adhuc proxima GALLIENI, & VALERIANORVM tempora simul & imperia, quibus certè Nummi dilucidam quandam faciem præferunt. Hic enim aut titubantes passim videas Scriptores Historiæ Augustæ, aut caliginem crebrò lectori offundentes. Id verò & agnovit, & probavit reipsa doctissimus Casaubonus, dum in eadem eruendâ non vnius lapsus reliquit vestigia. Ac primò de VALERIANO IUNIORE, an Augustus vel Cæsar tantùm sit declaratus, hæc refert Trebellius Pollio; *ubi & continuo & frater eius* (h. e. Gallieni) *VALERIANVS est interemptus, quem multi Augustum, multi Cæsarem, multi neutrum fuisse dicunt, quod versimile non est. Siquidem capto iam Valeriano scriptum in ænibus in fastis, VALE-RIANO IMPERATORE COS. Quis igitur alius esse potuit Valerianus, nisi Gallieni frater.* Huic certè Valeriano Iun. Augusti no-

men tribuit Nummus Græcus apud Occo-  
nem, sed qui ad alterum SALONINVM  
VALERIANVM Gallieni filium referri de-  
buerat. Id enim manifestè arguit eius inscr.  
ΠΡ. ΛΙΚ. ΚΑΛΩΝ ΟΥΑΛΕΡΙΑΝΟC  
CEB. & simul eum Cæsarem non solum,  
quod tradit Victor Schotti, sed Augustum  
etiam declaratum. Frustra verò additum à  
Trebellio, quod nullus alius potuerit esse  
Valerianus, nisi Gallieni frater. Tres enim in  
Nummis Valeriani P. LICINIVS VALE-  
RIANVS parens à Persis captus; P. LICI-  
NIVS VALERIANVS filius & frater Gal-  
lieni, Onufrio & Goltzio P. AVRELIVS  
LICINIVS VALER: VALERIA-  
NVS, quem circa Mediolanum sepultum  
vult Trebellius; & P. LICINIVS COR-  
NELIVS SALONINVS VALE-  
RIANVS Gallieni filius. Ita duo in  
iisdem Nummis Gallieni, P. LICINIVS  
GALLIENVS Valeriani filius, alter Q. IVL.  
SALONINVS GALLIENVS NOB.  
CAES. Salonini Valeriani frater minor, &  
proinde Trebellio *Gallienus minor Saloninus*  
haud immeritò dicitur. Unde miror. virum  
doctum, qui nuper observationes Historicas  
ex antiquitate lapidum, Nummorumque  
concinnavit, in tradendis Valerianis & Gal-  
lienis, aliquos confudisse, alios præterisse.

Illos

Illos verò minusculos Cæsares circa eadem tempora exortos, quos sub xxx Tirannorum nomine Trebellius Pollio complexus est, paucissimis exceptis tradunt antiqua Numismata. Ita quidem, ut qui ex iis, vel Augusti vel Cæsares declarati, aut quibus nominibus ac cognominibus distincti, non aliunde certius hodie nobis constet. Neque enim in iis solùm occurrunt *ODENATHI, MACRIANI, QUIETI, POSTHUMI, VICTORINI, TETRICI*, aliique, sed & illi, quorum vnum Trebellium videas obiter meminisse, *CYRIADES, INGENVS, CALPURNIVS PISO*. Hinc etiã patebit Iulio Ateriano apud eundem Trebellium, Iunium Postumum non male vocatum, nec id ex Nummis refelli, ut existimabat Cl. Salmasius, in quibus nempe non Pater, sed Filius *C. IVNIVS CASSIVS POSTVMVS* vocatur. Nec video cur nuper vir doctus aliquoties nominatus, Aterianum accuset, quod Filii prænomen Parenti malè tribuat, quum eius verba ad Postumum iuniorem commodè possint referri, nec vlla in iis senioris mentio; *Victorino*, inquit, *qui Galliam post Iunium Postumum rexit, neminem existimo præferendum*. Vterque enim in Galliis Augustus, Postumus Parens & Filius. Ita *HERENNIANVM, & TIMOLAVM*, Odenathi & Zenobiæ filios,

Augustos declaratos ex Nummis accepimus; vt verè pateat adsertum à Pollione, horum adolescentum nomine imperasse Zenobiam. Negat tamen id Vopiscus in Aureliano: *Hæc quoque ad rem pertinere arbitror, Balbato filij nomine Zenobia, non Timolai & Herenniani imperium tenuisse, quod tenuit.* Ita horum Nummorum fide & Vaballathus in eodem loco Vopisci feliciter à Salmasio aliisque restitutus loco Balbathi, & meritò castigatus error Casauboni, qui fictum hunc principem, nec in rerum naturâ extitisse credidit, aut planè ab hoc Vaballatho diuersum. Nec minus alterum illi nomen *HERMIAE* feliciter iam adsertum à Tristano, pro quo hætenus Occo, Salmasius, alique *ARMENIAE* vocem in huius Vaballathi nummo signari credidère, & in eruenda etiam causâ laborarunt. Geminus certè cum Tristani nummo; alter in Thesau- ro Magni Ducis, *ΑΤΤ. ΕΡΜΙΑΚ ΟΥΑΒΑΛΛΑΘΟΟC ΑΘΗΝΟΥ* L. Δ. in auersa parte Nummi Aureliani, cum capite laurea- to & diademate. Vt pateat Occoni, Goltzio, aliisque temerè fidem non esse mancipandam, vbi Græcos nummos attigère, quod sexcentis exemplis probare hic possem. Illud verò magis ambiguum, cur Tristano placuerit, cum Herodiani filium & Odenathi nepotem, ex ingenio statuère, quem Zenobiæ tribuit Vopiscus,

fecus, aut cur ΑΘΗΝΟΥ ibi in Nummo quasi *Athenis filius* ad eundem Herodianum referat; quam tamen appellationem nec Herodiani ipsius nummi arguunt, nec aliunde licet eruere. Vtinam minus nonnunquam ingenio & coniecturis suis indulgisset in nummorum id genus explicatione vir alias de illis optimè meritis, maximè vbi sine duce à Veterum auctoritate discedit. Neque leuius errat Onufrius, qui eundem hunc *Vbabalatum* vocat, aut quum eundem tanquam tertium Zenobiæ filium cum Herenniano & Timolao, Pollioni designari scribit. Altum enim de hoc Vaballatho apud Pollionem silentium. Id verò minus mirum ijs videbitur, qui sciunt, quid & quantum Onufrij diligentiae tribui in talibus debeat. Haud ignotus verò Tyrannus iisdem temporibus *DOMITIVS DOMITIANVS*, qui à Domitiano Imperatore & Domitilla genus suum deriuabat, & cuius rarissimus nummus olim fuit penes Cl. Gottifredi, cum titulo Augusti, & effigie ac inscriptione *GENII POPVLI ROMANI. FIRMIVM*, etiam & *FIRMIVM* diuersos tradunt iisdem Nummi rariores; alterum Zenobiæ socium, & Augustum dictum in Nummo Græco apud Goltzium, hunc Tyrannum in Africa sub Valentiniano Imperatore, cum inscriptione *D. N. FIR-*

FIRMVS P. F. AVG. Vnde haud malè iam collegerunt eruditi, & priorem malè Vopisco *Firmum* vocari, & posteriorem de hoc Firmo Valentiniani temporibus exorto, omnino esse intelligendum, quamuis aliter doctissimo viro placuisse nouerim. Mitto Diocletiani & Collegarum tēpore exortos, eosq; Augustos in Nummis signatos, *AELIANO* S duos, *AMANDVM*, duos *IVLIANOS*, *ACHILLEVM*, *ALLECTVM*, *CARAVSIVM* quoque, cuius postremi Nummus cū in Thesauro Magni Ducis recōditus tū nouissimè antiquarię Gazę Eminentissimi Barberini accessit. Eiusdem etiam rarissimum nummum, nec alias quod sciam hactenus visum, adseruat Cimelium Serenissimi Electoris Palatini, in quo Carausius cap. radia to, *IMP. C. CARAVSIVS* P. in auersa parte, figuræ duæ cum Sceptro in vnam coalescentes, vna sursum altera deorsum, & litteris exēsis, ab vna parte *VICTOR.* Qui nummus egregiè alium quendam Nummum illustrat, Viri Ill. Camilli Maximi, in quo Crispina Commodi, & in auersa parte duæ figuræ eodem modo medio corpore depictæ, vna sursum altera deorsum, cum inscr. repetita *TITIA TITIA*. Vt facilè pateat replicatam in Nummis id genus figuram aut inscriptionem, monetarii errori adscribendam. Alij verò

to Tyranni, priores sequuti haud longo interuallo viris doctis etiam e Nummis descripti, *ALEXANDER, C. IVLIVS VALENS M. MARTINIANVS*, aut ætate Constantini, duo fratres eidem coniuncti *DELMATIVS, & HANNIBALLIANVS*, prior cum dignitate Cæsaris, posterior cum Regis titulo iam olim à Cl. Valesio ad Ammianum vulgatus. *NEPOTIANVM & VETERANIONEM* Augustos circa eadem tempora declaratos Nummi eorundem arguunt, quales exstant in Magni Ducis Thesauro, cum solitis illo ævo symbolis *GLORIAE ROMANORVM VIRTVTIS EXERCITVVM*. Sic *PETRONIVS MAXIMVS & PRISCVS ATTALVS* in Gaza Farnesiana mihi inspecti, quorum ille Placidio Valentiano cæso imperium arripuit, de quo præter Historicos adeundus Sidonius in Epistolis & Panegyrico Auiti. *LEONEM & ANTHEMIVM* concordēs in imperiō Collegas laudat idem Sidonius, & illustravit ex nummo aureo doctissimus Sirmondus.

*AVGVSTARVM* verò seriem luculentam iisdem Nummis acceptam ferimus, & earum quidem, quarum tenuis, aut nulla etiam mentio, in priscis veterum monumentis. In illis certè videas Cæsarum Vxores, Matres, Auias,

*Ad seriem  
& Historiam  
AVGVSTARVM.*

Auias, Sorores, Filias, Neptes, neque solum Imagines, sed earundem nomina, dignitates, & supremi fastigii vel insignia, vel appellationes. Neque mirum honorem illum habitum Cæsarum adfinibus vel coniunctis, quum & Vxoribus Consularium, Maritorum ornamenta legamus nonnunquam concessa. Eximius hanc in ré, & vnicus Lampridii locus

*In Elagabalo.* Si umquam aliqua Matrona Consularis Coniugii ornamentis esset decorata. Nec facile ququam mirabitur eâ ætate, quâ libertis aliisque fortis vilioris, prætoria aut consularia ornamenta frequenter decreta, iisdem quoque nobiliores Matronas insignitas. Vnde minus adhuc insolitum videbitur, in illustriores adhuc Fœminas congestos sub Cæsaribus honores Augustorum, & eisdem cum earum vultu in Nummis signatos; puta Sacerdotium, Carpenteria, Thensas, Consecrationes, Dearum Epitheta, Matris, aut **ORBIS GENITRICIS MATRIS CASTRORVM**, aut **SENATVS** appellationes, **AVGVSTAE** denique cognomen. Quæ eò magis obseruanda ex more illorum temporum, quibus illa vel cognomina, vel ornamenta non continuo tributa Mulieribus, quæ admissæ videbantur in consortium principalis fastigii. Neque enim Augustæ vel omnes, vel solæ Augustorum Coniuges, aut Matres; sed quæ Cæsarum arbitrio



trio & caritate , ac decreto. Senatus hac appellatione ornabantur . Adeo vt aliquot ex iisdem legamus , illis ornamentis caruisse , dum de moderandis potius , quàm ampliandis illarum honoribus Tiberium , Pertinacem , Claudium etiam , vxorum licet mancipium , sollicitos accepimus . Vnde hoc discrimen hodie non aliunde certius aut vberius , quàm in Nummorum monumentis legas , quibus pars illa HISTORIAE AVGVSTAE , vnicè quasi & luculenter potest illustrari :

Neque refero tamen in hunc censum , omnes illas vel Augustas , vel coniunctas priorum Cæsarum , *MARTIAS* , *AVRELIAS* , *COSSVTIAS* , *SCRIBONIAS* , *LEPIDAS* , *ARRICIDIAS* , aliasque id genus ab Aeneâ Vico in serie Augustarum XII Cæsarum depictas . Has quippe à prioribus curis Andreæ Fuluij , aliorumque acceptas , fatetur ipse sese necdum in Nummis reperisse . Neque enim , aut I. Cæsaris nondum firmata dominatio , aut Tiberij cum vxoribus ante principatum diuortia , aut Caij in Sorores amor , aut Galbæ , Othonis , Vitellij breue imperium , passa sunt Vxoribus vultus nummis consignari . Immo ne *LIVIAM* quidem , nisi ab excessu Augusti in Romanis nummis depictam reperies , qui illam mortuo coniuge , in *Familiam IVLIAE* , nomenque *AVGVSTAE* ad-

*Tacit. Annal. 1.*

Cc

sum-

Lib. 56.

*sumptam*, sub eiusdem *IVLIAE AVGVSTAE* nomine hodie repræsentant. Quod nomen Viris doctis nonnunquam imposuit minus exercitatis in vsu nummarię huius suppellectilis, qui Iuliam Augusti filiam iisdem designari credidẽre. Vtramque verò appellationem Liuię Augusti testamento tributam, & auctor eo loco Tacitus, & ex Tranquillo ac Dione abundẽ licet colligere; vt ad priora tempora vultus illius cum his nominibus signatus referri non possit. Quod miror non obseruasse Cl. Tristarium, qui Græcum nummum Augusti & Iulię, cum ΘΕΙΟΥ & ΘΕΙΑΣ seu *DIVI & DIVAE* nominibus, viuo Augusto percussum existimauit; quod tum illud *Diux*, tum *Iulię* nomen omnino refellit. Nec aliàs minus incautẽ adsertum ab eruditissimo Casaubono ad Suetonium; *de Liuiæ certum & post mariti excessum non Liuiam, sed Iuliam fuisse vocatam*. Vtrumque enim gestasse patet ex priscis monumentis, in quibus aut *LIVIAE AVGVSTAE* ornatrices, vel seruę à cura catellę, ab argento, à potione describuntur; aut coniuncta etiam *IVLIAE LIVIAE AVGVSTAE* appellatio illi tribuitur. Vnum etiam Nummum à se inspectum refert Vicus, in quo *DIVA LIVIA DIVA AVGVST*. sed quem demum circa Alexandri Seueri & Gordiani tempora signatum

tum credit . Vnde sine vllò temporum discrimine , modo *LIVIA* vocatur, cùm Latinis Scriptoribus frequentius , tum Dioni , modo *IVLIA* , vt Iosepho , aliisque. Restitutos verò a Tito aliquot eiusdem Augustæ Nummos rariores aliquoties hic in Vrbe inspeximus .

*In Thesaurò  
Regin.*

*ANTONIAM* etiam , Germanici matrem & Auiam Caii, *AVGVSTAM* dictam S. C. ac *SACERDOTE M DIVI AVGVSTI* ,

*Lib. 59.  
Thes. Græc.  
p. 236.*

non ex Dione solùm, aut antiquo lapide , sed ex præclaro eiusdem Nummo discimus . Qui mirè insuper illustrat locum Suetonij , quem præterierunt viri docti : *Post hæc Antonia auiæ, quidquid vnquam Liuia Augusta honorum cepisset, vno senatusconsulto congeffit . Liuia nempe, vt modò innui , dicta Iulia & Augusta , statim post mortem Coniugis , lectis scilicet tabulis testamenti ; postea eodem consecrato , Sacerdos etiam Diui Augusti à Senatu declarata; vt disertè hæc temporum discrimina obseruat*

Dio , sed cuius locum malè sollicitauit & accepit interpretes, τότε δ' ἐθανατίσαντες αὐτὸν καὶ

*Lib. 56.*

διασώτας, οἱ καὶ ἱερά, Ἱερεῖαν τε, τὴν λιβίαν, Ἰουλίαν τε τὴν καὶ Αὐγυστὴν ἤδη καλούμεν, ἀπέδειξαν :

*Tum verò Immortalium honore Augustum affecerunt , flamines illi & sacra , ac Sacerdotem Liuiam (quæ iam ante Iulie & Augustæ nomina receperat) decernentes . Hic planus loci sensus; nec mutatione illâ indiget νῦν καλούμεν, pro*

ἢ δὴ καὶ μὲν, quæ locū perturbat. Vides autem quā lucem vtrique tum Suetonio, tum Dioni fœneretur hic Nummus, qui congestos Liviæ honores diuersis temporibus, vno S. C. Antoniaë tributos exprimit, Augustæ titulum, & Sacerdotium Diui Augusti. Caii verò Sorores, vel prostibula potius, *AGRIPPINAM, DRVSILLAM, IVLIAM* vulgatus iam Antiquariis eiusdem Caii nummus tradit. At alius occurrit rarissimus nummus Gazæ Farnesianæ, cum inscr. *DIVA DRVSILLA, IVLIA DRVSILLA*, ex quo discimus & consecratam reuera à Caio Drusillam, vt ex Dione licet colligere, qui & *PANTHEAM* dictā eandem refert, & alteram illam de filia potius quā de sorore Caii intelligendam. Clarè id videtur ex Suetonio colligi, qui de Caio refert mortuā Drusillā, quā impotenter ad eò diligebat, & natā illi filiā ex vxore Cætonia; *Infantem autem IVLIAM DRVSILLAM* appellatam per omnia *Deorum templa circumferens*. Vides hic Iuliam Drusillam & in memoriam quidem Diuæ Drusillæ ita nuncupatam. *AGRIPPINAM* etiam matrem eiusdem Caii & Germanici coniugem, *AVGVSTAM* ex eiusdem Nummis acceperimus, vt cognomen illud videamus Matri simul & Auiæ Caium detulisse. Nec *AGRIPPINAM* solum, eiusdem filiam,

Lib. 59.

filiam, sed alteram etiam Claudij coniugem  
*VALERIAM MESSALINAM*, &  
 Neronis *SABINAM POPPAEAM*, no-  
 tas vitæ probro mulieres, tradunt selectiores  
 aliquot Nummi. Priorem vulgarunt iam  
 Erizzo & Tristanus, & hic quidem cum inscr.  
*VALERIA MESSALINA AVG.*

*Lib. 56.*

At negotium hic Dio faceffit, cuius locus  
 merebatur expendi viris doctis & accuratis;  
 qui tradit Claudium eâ vsum esse moderatio-  
 ne, vt neque nato illi Britannico *AVGVSTI*,  
 neque huius matri *MESSALINAE*, appel-  
 lationem *AVGVSTAE* dari passus sit. Vnde  
 nihil aliud hic restat, nisi vt lapsum Dionem  
 statuamus, quod durius mihi videtur; aut  
 quod magis placet, Claudium in vxoris gra-  
 tiam, postea à priori proposito recessisse. Id  
 verò cùm nec in Cæsaribus alijs insolitum,  
 tum in mutabili & vxorio Claudio, minus  
 mirum videbitur. Vt hoc etiam addam, ra-  
 rissimum huius Messalinæ nummum ita malè  
 vt plurimum iniuria temporis acceptum, vt  
 minus commodè erui posset illius inscriptio;  
 quod & in eiusdem nummo Cimelij Magni  
 Ducis probarunt huius antiquarij, & arguit  
 Erizzo, qui mutilam eandem tradit. *PO P-*  
*PAEAE* verò Græcum nummum adtulit Tri-  
 stanus, sed in cuius appellatione malè litteras  
 H P. ad Iunonem refert, quasi in eo Sabina

Pop-

Lib. 20. ca. 7

Thes. Græc.  
p. 245.

Poppæa Augusta Iuno vocaretur : Id. verò alienum , & præter eiusmodi Inscriptionum morem , iuxta quem litteræ illæ ad Urbem Heracleæ , aut similem referri debent , à qua nummus ille percussus . De hac verò Poppæâ illud solùm obseruo , eam à Iosepho vt *ἁγία* *βῆ* laudari. *STATILIAE MESSALINAE* alterius Neronis coniugis , Græcum etiam nummum edidit idem Trifstanus , de quo potest consuli : vt mittam priorem eiusdem coniugem *OCTAVIAM* , quam digniori fato seruarunt eiusdem monumenta . *FLAVIA DOMITILLA* Victori liberta , & Vxor Vespasiani , sed eo adhuc priuato extincta , à filiis eiusdem Tito & Domitiano legitur consecrata . Hinc eiusdem Nummi cum Carpento non solùm & inscr. *MEMORIAE DOMITILLAE* , verùm etiam alter rarior Farnesiani Cimelij , cum fig. stante & inscr. *DIVA DOMITILLA* . Occurrit illius mentio , & filia eiusdem nominis in veteri lapide , qui eadem opera hic supplendus est ; *FLAVIA DOMITILLA FILIA FLAVIAE DOMITILIAE IMP. CAESARIS VESPASIANI NEPTIS* &c. Ita enim legendum ibi nomen illius Augusti , cuius tres posteriores litteræ tantùm describuntur . Eundem honorem *IVLIAE* Titi filia adferunt illius Nummi , in quibus Carpentum & inscr. *DI-*

DI-

DIVAE IVLIAE AVG. DIVI TITI F. Alteri Domitiani Coniugi, DOMITIAE LONGINAE nomen tribuit nummus Magni Ducis, qui vna parte Domitium, alterâ hanc Domitiam refert, ΛΟΝΓΕΙΝΑ ΔΟΜΕΤΙΑ CEBACTH. De hac muliere, quædam non protrita vide apud Triftanum. Huius liberti, ferui, ornatrices aliquoties nominantur in priscis marmoribus, & eadem nonnunquam cum infer. DOMITIAE DOMITIANI. Sequentium verò Auguftarum Hiftoriam non minus illuftrant Nummi. Neruam quidem Auguftum, vxorem habuiffe & filium ex vxore dictum Calpurnium; ex Plinio, Dione, & Victore etiam colligit Triftanus, fed nullo fundamento. Neque enim verba Plinij de Traiani adoptione id arguunt. Itaque, inquit, *adoptatus es, non vt prius alius atque alius in vxoris gratiam; Afciiuit enim te filium non Vetricus, fed Princeps*, quæ nihil aliud quàm diuerfam Traiani & Tiberij vel Neronis, adoptionem probant; quorum ille à Nerua patriæ caritate, hi ab Augufto & Claudio in vxorum gratiam adoptati. Dio verò nihil aliud tradit, nifi Neruæ Traianum, & quidem Hispanum adoptanti, coniunctos non defuiſſe. Nec de filio filuiſſet, vt quam celebrat Neruæ in patriam caritatem, magis conſpicuam redderet. Victorem autem, quem teſtem obiter hic appellat

Lib. 68.

pellat Triflanus; non intellexit, ita enim ille, *Calpurnium Crassum promissis ingentibus animos militum prætendantem, detectum confessumque Tarentum cum uxore remouit, patribus lenitatem eius increpantibus*. Plana hæc de Calpurnio & uxore eius à Nerua relegatis, ob crimen maiestatis, ex quibus tamen uxorem eiusdem Neruæ & Calpurnij matrem commentus est Triflanus, parum certè probabili coniectura. At verò verisimilius quis ignotum ex auctoribus Neruæ matrimonium, colligat ex eius nummo recondito in Cimelijs Magni Ducis, in quo cap. muliebre ornatum diademate cum inscr. *IMP. NERVA CAES. AVG.* in auersa, Globus cum temone; ni tamen insolitus vsus diadematis illis temporibus, ad Deam aliquam, puta Iunonem, eundem Nummum referendum potius arguat. Traiani verò non solum uxorem *PLOTINAM*, sed & *MARCIANAM* sororem, & filiam huius *MATIDIAM*, *AVGVSTAS* ex Nummis & Lapidibus declaratas discimus. Soror verò huius Matidiæ *SABINA*, infauista coniux Hadriani, cum in vulgatis Nummis, tum in rarissimo Farnesiano, vna cum Antinoo mariti catamito depicta occurrit. *FAVSTINAS* Matrem & Filiam, non trita solum numismata, sed rariora nonnulli exhibent. Tale Faustinae Senioris, in cuius auersa parte pubes filius Galerius



lerius Antoninus descriptus simul ac depictus legitur. Primus edidit illum Tristanus, sed qui ex Nummo Magni Ducis ita suppleri debet, Μ. ΓΑΛΕΡΙΟC ΑΝΤΩΝΙΝΟC ΑΥΤΟΚΡΑΤΟΡΟC ΑΝΤΩΝΙΝΟΥ ΤΙΟC. Vnde patet non *Anny* vt existimabat Tristanus, sed *Marci* prænomen fuisse huic Galerio, Antonini Pii & Faustinae filio, cuius obscura alias apud auctores mentio. Nec minus rarior alter eiusdem Faustinae nummus, in quo Sabinæ cum paruulis interuenientes Sabinorum & Romanorum certamini, cuius nummi notitiam mole & raritate inter paucos insignis Cl. Gottifredi acceptam fero. Ad *FAUSTINAM* verò *IVNIOREM* spectat rarissimus eius Nummus nuper mihi inspectus, in quo Cybele inter duos Leones, & Paris alatus ad pedes, vt existimant docti antiquarij. Ad eandem verò refero nummum æreum maximum, sed temporum iniuria male acceptum, in quo eadem illa sub Cybeles habitu leoni insidens spectatur; cui Nummo geminam & præclaram quidē statuatam in Villā Pamphilianā nuper obseruabam. Pertinet etiam ad hanc Faustina, alter eiusdem nummus à Tristano adlatus, ΦΑΥCΤΕΙΝΑ CΕΒΑCΤΗΡCΕΒ. CΕΒ. ΘΥΡΑΤΗΡ, sed quem aliud agens procul dubio, vertit *FAVSTINA AVGVSTA ΠΙΑVGVCTI*

*In Thesauro  
Regina.*

*Tom. 1. p.*

593.

D d CON-

CONIVNX, & ita perperam ad Matrem non ad filiam refert. Nec Commodi solum vxorem *CRISPINAM* Dianæ habitu, sed & eiusdem pellicem *MARCIAM*, Palladis aut Amazonis iustar depictam in Nummis Cl. Gottifredi inspexi, qui Regiæ *CHRISTINÆ* gazæ cum reliquis accesserunt. De hac postrema Lampridius, *Commodus Amazonius Marciam Concubinam in Amazonie pictam diligebat*. Pertinacis coniunx *TI-TIANA* Antiquarijs hæcenus ex Nummis ignota, licet in Nummo quodam Magni Ducis spectetur, in cuius auersa parte naus cum velo. Neque enim silendum, haud immerito suspectum eundem fuisse erudito illius Gazæ custodi Petro Fittonio, quasi Crispinæ caput in anteriori parte referret. Vt enim aliā mittam, Pertinacem certè, vxorem Augustam dici noluisse tradit Dio, quamuis aliunde sciamus, hoc nomen eadem die vtrique coniugi à Senatu delatum. At successoris eiusdem Didij Iuliani, duas Augustas nuncupatas; Vxorem & Filiam, *MANLIAM SCANTILLAM* & *DIDIAM CLARAM*, Nummi earundem probant: vt verè pateat adsertum à Spartiano, *Vxor etiam Manlia* (non vt ibi legitur Mallia) *Scantilla* & *filiæ eius Didia Clara Augustæ sunt appellatæ*. *IVLIA DOMNA* vxor Seueri ex eiusdem Nummis nota, & iam

cx

Lib. 73.

Capitol. in  
Pertin.In Didio Iu-  
lian.

augatus ab eruditis error Rittershufij ,  
 qui ΔOMNAM ab Oppiano per Syncopen  
 pro *Domina* dictam existimauerat. Peregrinum  
 enim id nomen Syrae huius mulieris , sicut in  
 Oriente & Aegypto frequens occurrit apud  
 auctores Ecclesiasticos , *DOMNI & DOM-*  
*NAE* appellatio . Diuersa verò Domni apud  
 Anastasium aliosque coæuos Scriptores ratio ,  
 qui Cæsaribus aut Ecclesiarum Antistibus, vt  
 dignitatis Vocabulum vulgò tribuitur . Ma-  
 le verò eadem , pro Iulia Domna , *IVLIA*  
*DONINA* legitur in veteri lapide apud Gru-  
 terum . Nec minus quis ex eiusdem *IVLIAE* Thes.p.268  
 nummis colligat , eam male ab Eutropio ,  
 Spartiano, & Eusebio in Chronico, nouercam  
 Caracallæ , & postea eiusdem vxorem, non au-  
 tem matrem statui. Certe præter potiore hie  
 longè Oppiani, Herodiani, & Dionis, co-  
 æuorum scriptorum, auctoritatem , *MATER*  
*AVGG.* Caracallæ nempe & Getæ vocatur  
 sine vlllo discrimine , & manifestius adhuc  
 Mater huius Caracallæ in priscis monumentis.  
 Vnde occurrit eiusdem *IVLIAE* mentio in  
 veteri lapide , qui Scaligero alijsque eruditis  
 crucem fixit ;

*I. O. M. ET.*  
*IVNONI REGINAE*  
*PRO SAL. IMP. M. AVR. ANTONINI*  
*PH. AVG. ET IVLIAE AVG. MATRIS*  
*Dd 2 AVG.*

AVG. M. VLP. MV.

MIL. LEG. XIII. GEMVS  
HOROLOGIAR. TEMPLVM  
A SOLO DE SVO EX VOTO  
FECIT

FALCONE ET CLARO COSS.

Nulla enim alia hæc Iulia Mater Aug. nisi eadem hæc Mater Caracallæ, qui M. Aurelius Antoninus Pius passim in Nummis vocatur. Vnde accedere non possum nupere viri doctissimi sententiæ, qui ob repertam sibi in Nummis Iuliam Soæmiam Matrem Elagabali, non parum sibi gratulatur, & ad eandem continuò lapidem hunc refert. Neque enim hanc Iuliam, sine adiuncto *SOÆMIAE* cognomine in priscis monumentis dictam reperiēs; quum Iulia Seueri in iisdem passim *IVLIA PIA*; *IVLIA AVGVSTA* describatur; vt mittam geminam cum hoc saxo aliorum auctoritatem, in quibus iisdem verbis hanc *IVLIAM MATREM AVG.* hoc est Caracallæ vocari videas. De Cōsulibus, qui Scaligerum hic turbarunt, res facilè componi potest, si non pro ordinarijs, sed suffectis habeantur; vt alias idem vir doctissimus rectè obseruauit. Eiusdem verò Caracallæ vxor *PLAVTILLA*, cum in Nummis vulgaribus, tum in altero Græco apud Trifanum, cum prænominē *FVLVIAE* spectatur. Eandem exhi-

exhibet insignis. & raritate nummus *In Thes. Re-*  
*ginae.* Elagabali mater **IVLIA**

**CAEMIAS**, & tres eiusdem vxores, **IVLIA**  
**PAVLA**, **IVLIA AQVILIA**, **ANNIA**  
**FAVSTINA** in selectis numismatibus

etiamnum prostant. Posterioris nomen ex  
 Nummis demum discimus, quam alias à  
 Commodò genus deriuasse tradit Herodianus,  
 Dio verò M. Aurelij Neptem vocat. Vnde

nempe illi **ANNIAEFAVSTINAE**  
 ab Auia cognomentum. Malè verò eadem

prior Elagabali coniux à Tristano statuitur,  
 quum & Herodiano tertia disertè annumeretur, & eadè mariti Pomponij Bassi quæstas *Lib. IV.*

illius nuptias, sed non primas Dio statuatur. *Lib. 79.*

Duas verò priores prænomen **IVLIAE** ge-

stasse, non aliunde rursus quàm ex earum  
 Nummis intelligimus; quarum altera **COR-**

**NELIA PAVLA**, altera sine alio præn-

mine **AQVILIA SEVERA** Dioni vo-

catur. Vnde etiam discimus frequenter id re-

ceptum eâ maxime ætate, vt Augustarum no-

mina mutarentur, aut ornarentur alterius  
 prænominis additione; quod his Elagabali  
 coniugibus, ex earum Nummis videmus con-

contigisse. Exemplum dederat **LIVIA**, cui  
 primæ cognomen **AVGVSTAE**, cum præn-

mine **IVLIAE** concessum vidimus. Hinc po-  
 stea frequens illud Augustarum prænomen,  
 vt

vt *IVLIAE DRVSAE*, *AGRIPPINAE*, *IVLIAE*, *IVLIAE*,  
*IVLIA PIA* Seueri coniuge renouatili. & in  
*DOMNA* ante illud fastigium vocabatur,  
quod alias eandem e familia Iuliorum traxisse  
obseruat doctissimus Reinesius. Ab eâ certè  
translatum ad Augustas & Gentiles eorundem  
temporum, *IVLIAM MAESAM* huius  
sororem ac Auiam duorum Augustorum,  
*IVLIAM SOAEMIAM* Elagabali, &  
*IVLIAM MAMMEAM* Alexandri  
Seueri Matres, & earum exemplo ad vtram-  
que illam Elagabali Coniugem: ita vt eadem  
ætate Augusti *ANTONINI*, Augustæ verò  
*IVLIAE* vulgò dicerentur. Neque tamen  
octo *IVLIAS* intra Seueri & Alexandri tem-  
pora, vt existimabat vir longè eruditissimus,  
sed sex tantum reperiatis, modò commemora-  
tas; Seueri Coniugem eandemque Matrem  
Caracallæ; Sororem eius Auiam duorum Au-  
gustorum Elagabali & Alexandri; Matres  
ytriusque; & duas prioris vxores. Neque enim  
aut tertia vxor Elagabali dicta *IVLIA*, vt pa-  
tet ex eius Nummis, & ideo, vt existimo,  
quod stirpem & clarum nomen duarum Au-  
gustarum iam aliunde ad mariti nuptias adfer-  
ret; neque etiam vlla *IVLIA* Alexandri Seue-  
ri uxor occurrit in priscis monumentis. Alia  
nempe illi in iisdem tribuitur, antiquarijs etiam  
vulgò

vulgò ignota, *SALLUSTIA BARBIA*,  
*ORBIANA*, quæ vt alias sine mariti effigie  
 spectatur; ita occurrit in rarissimo nummo  
 eiusdem Alexandri. Illum enim à se inspe-  
 ctum significauit mihi aliquoties Cl. Gottifre-  
 di, in anteriori parte referentem Alexandrum  
 Seuerum, in altera hanc Sallustiam Orbianam.  
 Vnde illius auctoritate, hæc non Traiani De-  
 cij, vt vulgò hæctenus Antiquarijs persuasum,  
 sed eiusdem Seueri Vxor esset statuenda.  
 Quod ipsum confirmare videntur alij Nummi  
 eiusdem *SALLUSTIAE*, in quibus illa cum  
 coniuge depicta, manus eidem tradens, & in-  
 scr. *CONCORDIA AVGVSTORVM*,  
 quorum ille Alexandrum Seuerum potius  
 quàm Decium referre videtur. Turbat ali-  
 quantum inscriptio marmoris

*In Thesaur.  
 Card. Buon-  
 Compagni.*

*Thes. Grut. p.  
 274. 2.*

*GNÆAE  
 SEIAE HEREN  
 NIAE SALLVS  
 TIAE BALBIAE  
 ORBIANAE AVG.  
 CONIUGI DOMINI  
 NOSTRI AVG.  
 VALENTINIVS  
 TERANIVS  
 VETERES.*

in quâ ea *DOMINI NOSTRI* appel-  
 latio ad Decij magis, quàm Seueri tempora  
 vide-

videtur referenda . Quibus addi posset nummi à Tristano adlati auctoritas , in quo illinc Hostilianus Decij filius aut gener potius , hinc *SALLUSTIA BARBIA ORBIANA* , siue eadem cum hac Sallustia , siue filia illius , vt credidit Tristanus , statuatur . Adeò vt vel alterutrum fateri oporteat , aut duas cum his nominibus Augustas floruisse , alteram Alex. Seueri , alteram Decii coniugem ; aut de fide horù Nûmorum eundû vltèrius in consilium . Diuersam aliàs vxorem eidem tribuit Lamprius , nomine *MEMMIAM* , quam & *MEMMIAM SVLPICIAM* , nescio cuius nummi fide protulit Goltzius . Maximini etiam Coniunx sed tacito nomine ab Apiano & Zonara refertur , quorum iste eandem à truculento marito interfectam narrat . Ea verò vulgò statuitur ab Antiquariis , non Calpurnia quædam cum doctissimo Camerario , sed quæ in veteri numismate occurrit appellata ; *DIVA PAVLINA* & in auersa parte cum Consecrationis nomine & symbolis . Vt verum tamen fatear , leuibus aut nullis potius id coniecturis hætenus nititur ; quum id neque ex nummi inscriptione , aut aliis Veterum monumentis liceat hodie colligere . Immo obstare potius videntur illa consecrationis symbola , quem honorem Tyranni coniugi , & hosti Senatus , ab eodem

Sc-



Senatu habitum parum videtur mihi verisimile. Frustra enim Tristanus illum tuetur exemplo Poppææ, & Sabinæ, quæ quamvis à maritis interfectæ, eorum tamen opera fuerint consecratæ. Neque enim eadem Maximini ratio, cuius & ferocius adhuc ingenium, & breue ac procul ab vrbis conspectu imperium, & cum perpetua Senatus dissensione coniunctum, & infensi denique post mortem successores. Notum aliàs, etiam sub Cæsarum imperio, penes Senatum fuisse consecrandi facultatem; adeò vt difficulter honorem illum Hadriano mortuo extorsisse legatur Antoninus. Mitto leuiores adhuc eiusdem Tristani coniecturas, qui modò *I V L I A M P A V L I N A M*, dictam eandem fingit pro arbitrio, & modò Iulij Pauli I. C. modò Pontij cuiusdam Paulini filiam, modò eandem credit, cuius mentio leg. 34. de legat. *Paulinæ filie meæ legatum*. Hæc enim omnia tam incerta quàm incertissima. Si aliquis coniecturæ hic locus, & Nummi elegantia pateretur, ad *P A V L I N A M* Hadriani sororem magis placeret eandem referre, de qua exstat nobilis adhuc Inscriptio. Id verò postea Occoni in prioribus eius curis placuisse animaduerti, qui dein motus Panuiniij & aliorum auctoritate, dubius tamen in vulgatam sententiam concessit. Inscriptio autem talis,

Capitol in. in  
Anton. Pio.

E c

DO-

DOMINA.  
 PAVLINÆ SO...  
 IMP. CAESAR  
 TRAIANI HADR.  
 AVG.  
 FVND A.  
 D D.

Huic enim exemplo Traiani Sororis Marcianæ, idem Consecrationis honos à Senatu haberi potuit. Verùm obstat vt dixi, Nummi illius Diuæ, rudior pro Hadriani ætate figura & adspectus, tum forte Excerptorum Dionis auctoritas, in quibus fugillatus legitur Hadrianus, quod consecrationis honorem Antinoo catamito, non autem Paulinæ forori deferri curasset. Notior ex iisdem Nummis, Gordiani coniunx *FVRIA SABINA TRANQVILLINA* ita in Nummis aliquot descripta, & Philippi *MARCIA OTACILLA*, quam malè in Optatillam vertebat nuper vir doctissimus. Hæc verò cùm in plurimis nummis obuia, percussis in celebritate ludorum sæcularium, tum in præclaro Farnesiano, cum Inscr. *SAECVLVM FRVGIFERVM*, & in altero cum omnibus eius cognominibus *MARCIA OTACILLA SEVERA AVG.* De Traiani Decij, quæ vulgo hætenus creditur, vxore *SALLVSTIA BARBIA ORBIA*.

*BIANNA*, modo vidimus eandem præclari nummi fide Alexandro Seuero adiudicari. Alteram etiam eiusdem filiam eruit Triflanus cum Inscr. *SALLUSTIA HERENNIA BARBIA ORBIANNA*, quam Hostiliani coniugem credit, ni potius eadem cum matre sit statuenda. Sic alia rursus in Nummis occurrit *HERENNIA ETRUSCILLA*, quæ Decij filia, Herennij Etrusci soror ex utroque nomine, & vxor *VOLVSIANI* vulgò antiquariis statuitur. Turbat tamen hic Onufrius, qui eandem *HOSTILIANI* coniugem censet, & firmat etiam nummi auctoritate, in quo hinc Hostilianus. scilicet, illinc Herennia Etruscilla describuntur. Atqui labat tota Nummi illius, ut ab eo describitur, fides, in quo diuersa Hostiliani & Etrusci nomina confundit. Neque enim Etruscus tulit nomen Hostilij, neque Hostilianus Etrusci, quæ omnia mirè ibi permiscet Onufrius, dum eadem Nummorum auctoritate vult confirmare. Aliàs ut fatear, nihil obstare video, quin hæc Herennia æquè Hostiliani, ac Volusiani vxor censeatur. Nec solum nota ex iisdem, aut Valeriani Patris *MARINIANA*, aut Gallieni *SALONINA*, sed & fratris Valeriani iunioris vxor *CORNELIA SUPERRA* à Triflano ex rarissimo nummo primum producta. Eadem felicitate e nummis *Tyrannæ*, vel *Tyrannides*, sicut vocat eas alicubi

*In Victoria.*

Pollio, *IVNIA DONATA* Vxor Postumi, & *VICTORIA* Mater Victorini, cum inscr. *MATER CASTRORVM*, sicut Pollioni vocatur. Altera etiam Virago, *ZENOBLIA AVGVSTA* in Græco nummo indigitata, vt non filiorum solùm liqueat, quod Vopiscus tradit, sed proprio etiam nomine imperij insignia suscepisse. Probi etiam Vxorem aliunde ignotam Strada iam olim ex Nummo argenteo protulit, in quo coniuncta Probi & Coniugis capita, præterito tamen huius nomine. Talem æreum maximum & exquisitæ raritatis inter Nummos Augustæ Reginæ aliquoties inspexi. Vnde verò dictam eandem *IVLIAM PROCLAM* hauserit non nemo, fateor me cum ignarissimis nescire. Ipsa verò Aureliani *SEVERINA*, Diocletiani filia *GALERIA VALERIA* Maximiani vxor, & Maxentij *MAGNIA VRBICA*; non vt apud Occonem *MAGNENTIA VRBICA*, Augustarum etiam seriem implent. At Constantini sanctius matris nomen, in præclaro nummo Leonardi Agostini celebris in Vrbe Antiquarij occurrit, *FL. IVL. HELENA AVG.* vnde Flauiam Iuliam dictam eandem, sicut ex veteri inscriptione discimus. Ita repetitum in eadem videas nomen *IVLIAE*, Augustis olim familiare. Infauftam verò Constantini vxorem non *FAV. STAM*

*STAM* solum sed *FLAVIAM* etiam & *MAXIMAM* dictam intelligimus, ex rarissimo illius Nummo, in quo duos liberos gestans depingitur, cum inscr. *FLAVIA* *MAX. FAVSTA AVG.* Ita mitto iam aut *In Thefauro Reginae.* eiusdem Constantini filiam & Galli Coniugē, celebrem in priscis Annalibus, cuius verum nomen & vultus ex Nummis demum eruitur, *FL. IVL. CONSTANTINA AVG.* Ut agmen iam hic claudant, duæ magni Theodosii coniuges, in monumentis id genus posteris consignatę, *AELIA FLACCILLA* & *GALLA PLACIDIA.*

Neque minor circa *TITVLOS* & *IGNITATES* Augustorum, lux ex iisdem Nummis adfulget. Alios nempe nostri ex iisdem honoribus, Candidatis Imperii, alios Imperatoribus ipsis tributos. Prioris generis nota *CAESARIS* nomenclatio, quæ antea primi tantum fastigii, mox etiam evasit secundi appellatio; ita tamen ut ab utroque sit retenta. Adhibitum nempe hoc discrimen in iisdem Nummis videas, ut quæ Augusti successoribus ad Vespasiani tempora, cognominis loco cedebat, postea mutata sede, prænominis vicem ut plurimum occupavit, ac pro Cognomento, Augustorum liberis aut apparitoribus, ut vocat eos Ammianus, vulgò sit relicta. Vnde qui ante imperium, *DOMITIANVS*

*De Titulis & appellatione CAESARVM.*

*Lib. XVII.*

*NVS CÆSAR* in Nummis vocatur, eodem  
 adepto *IMP. CÆSAR DOMITIANVS*  
*AVG.* in illis describi solet, & ita reliqui.  
 Quæ observatio eò etiam confert, vt origi-  
 nem adsequamur illius moris, quo diuisa illa  
*AVGVSTI & CÆSARIS* nomina, &  
 quem videas inter veteres ac recentiores con-  
 trouerti. Ita ut errare pateat, & Victorem  
 Schotti, qui à Traiano Hadrianum adoptante,  
 inductam hanc Cæsaris eo sensu appellatio-  
 nem credit; & Casaubonum aliosque erudi-  
 tos, qui e Spartiano colligunt eandem ab Ha-  
 drianò, Aelio Vero primùm concessam; &  
*In L. Vero.* Capitolinum, qui eandem illi prærogatiuam  
 tribuit, vt primus Cæsar sit renuntiatus.  
 Apertè certè iisdem repugnat, & Dio, qui  
 Traianum ipsum Cæsarem à Nerua in Senatu  
*Lib. 68.* declaratum scribit, & idem Auctor, qui Ve-  
*Lib. 66.* spasianum Imperatorem creatum à Senatu,  
 Titum autem & Domitianum Cæsares tradit  
*Lib. 63.* designatos; & cum eodem Dione vel Sueton-  
 ius, qui idem de Domitiano adserit, vel Ta-  
*Histor. lib. 1.* citus, qui iam ante Pisonem à Galba adscitum  
 obseruat; & Nummi denique qui perspicuè  
 originem huius rei indicant. Quum enim mo-  
 mentanea tantùm fuerit hæc adoptio Pisonis  
 in nomen Cæsaris adsumpti, nec tradita pu-  
 blicis eorundem temporum monumentis. hinc  
 à Tiro & Domitiano primùm Cæsaribus,  
 dein

dein Augustis, vsum huius appellationis, & dignitatis liquet ad eorum successores transiisse. Perspicuè id videntur mihi euincere, cum mutata primùm sedes nominis Cæsaris, in Nummis Vespasiani; tum clarius Domitiani Numismata, in quibus *CAESAR* ante imperium vocatur; tum maximè rarissimus nummus æreus sub Vespasiano percussus, in cuius anteriori parte illius effigies, in altera duæ figuræ equitantes, *TITVS ET DOMITIANVS CAESARES PRIN. IVVENTVTIS*, cui similem etiam argenteum Occo in medium adtulit. Ex cuius præclari Nummi inscriptione licet colligere: Primò, inductum pridem hunc morem, vt in designatione Cæsarum, præter solita congiaria & donatiua, facti illius memoria, cum eorum vultibus Nummis traderetur. Hinc id inter prærogatiuas Cæsarum receptum, vt præter luculentam Nummorum congeriem cum imagine Cæsarum, apertè docet Herodianus; qui Seuero tribuit, vt de Clodio Albino Cæsare à se renuntiato fidem faceret, νομίματα τὲ αὐτῶ κοινῶναι ἐπέτρεψε, nummos cum eius effigie signari permisit. Secundò, à Vespasiano aut à Senatu in illius gratiam, institutam hanc Cæsarum designationem, vt firmaret in duobus filiis successionem, exemplo & iisdem verbis Augusti Caium & Lucium Nepotes adoptantis; cuius

*In Thesauris Magni Ducis.*

*Histor. lib. 3.*

rei



rei memoria, obuius illius nummo etiam tradita, cum vtriusque effigie & inscr. gemina *CL. CAESARES AVGVSTI F. COS. DESIG. PRINC. IVVENT.* Aded vt mirer obseruare eruditissimum Casaubonum, quò inventum hoc Caesaris pro Candidato imperii, Hadriano adfereret, eadem mente Augustum Caium & Lucium *PRINCIPES IVVENTVTIS* appellasse; quum tamen alteram *CAESARVM* appellationem præterire ibi non debuerit, in quam eodem fine adscitos ab Augusto ex filia Nepotes constat. Tertiò, omnino restituendam Spartiano antiquam lectionem, *de Aelio verò dicendum est, qui tantum Caesaris nomen accepit*, vbi male primò aut primus tantum, contra rei veritatem, & meliorum codicum fidem inuexit Casaubonus. Quartò, non per *προληψιν* seu anticipationem, vt visum quibusdam eruditis, *CAESARIS* nomen candidatis imperii ab Auctoribus quandoque tribui ante Aelium Verum, quod tamen reuera serius sit receptum. Immo præter fratres *TITVM & DOMITIANVM*, accedit iisdem Domitiani filius adhuc infans *CAESAR* salutatus, & post mortem Diuis adscriptus; vt patet ex matris Domitiæ Nummis, in quorum auersâ parte, *DIVVS CAESAR IMP. DOMITIANI F.* Quintò, non solùm *CAESARIS*,

sed

*In Aelio.*



sed etiam *PRINCIPIS IVVENTVTIS* appellationem, symbolum fuisse futuræ successionis; vnde vulgò in Nummis & Marmoribus, vtrumque Augustorum liberis, aut hæredibus tributum videas. Hunc nempe titulum eo sensu in Caio & Lucio Cæsaribus coëptum; in Nerone & Druso, dein altero Nerone renouatû; in Tito & Domitiano ac in reliquis dein Cæsaribus passim admissum, sicut Aurelio, Commodò, Geta, Diadumeniano, Philippo, Hostiliano, Herennio, Gallieno Salentino, Carino, Numeriano, Maximo, Galerio Maximiano, vsque infrà Constantinorum tempora, Nummi ante oculos ponunt. Eundem certè et Constantino Magno tribuit nummus Augustæ Reginae, & filio eiusdem Constantino Iuniori, nummus æreus maximus Eminentissimi & celebratissimi Cardinalis Barberini. Ita Tiberium nepotem Imp. Tiberij, *PRINCIPEM IVVENTVTIS* *Dio lib. 59* renuntiatum adoptavit Caius, sed quem mox e medio sustulit. Nomen alias illud *PRINCIPIS IVVENTVTIS*, libera Rep. nobilissimis adolescentibus Equestris ordinis concessum; quo etiâ nomine Brutum & Curionem compellat in epistolis Tullius, sicut alias omnium Ordinum, & Cæsarianorum etiam Principes quosdam fuisse, discimus ex priscis monumentis.

F f      In

In hunc etiam ordinem secundi fastigij , re-  
 ferri debet dignitas *SACERDOTIS COO-*  
*PTATI IN OMNIA COLLEGIA*  
*SVPR A NVMERVM* ; ad quam vo-  
 cati in spem successionis , vulgò euehi con-  
 sueuerant . Clarum id ex Neronis Cæsaris  
 nummis , cui adolescenti hanc appellationem  
 ijdem largiuntur ; sicut etiam M. Aurelio Cæ-  
 sari destinato vetus lapis . Vnde. illustratur  
 quoque Lampridij in Commodo locus ; qui  
 de illo vt Cæsare adhuc loquens , *Adsumptus*  
*in omnia Collegia Sacerdotalia Sacerdos Commo-*  
*di* . Malè autem priorem hunc nummum ad  
 Drusum Germanicúm Tiberii fratrem retulit  
 vir doctus , deceptus nominum communione,  
*Neronis Claudij Drusi Germanici* , quæ cum  
 alibi , tum in nummo aureo Claudii , Neroni  
 tribuuntur , cum depicti illius adhuc adolescen-  
 tis effigie , & inscr. *PRINC. IVVENT.*  
 Ratio autem illius instituti petenda ex reliquis  
 Augusti arcanis , quibus vt supremum rerum  
 aliarum arbitrium , ità sacra omnia , & reli-  
 giones Populi Romani , in sua voluit habere  
 potestate . Hinc inter reliquos honores ab Au-  
 gusto admissos , illum quoque Dio alicubi  
 commemorat , vt Sacerdotes quoscunque pro  
 arbitrio constitueret , neglecto etiam numero  
 antiquitus recepto ; quod ab eo præstitum tra-  
 dit , postea in immensum excreuisse . Ita fa-  
 ctum,

*Iac. Guther.*  
*de Iur. Pontif*  
*lib. I. c. 9.*

*In Cimelio*  
*Ser. Principis*  
*Leopoldi.*

*Lib. 51.*

Atum, vt præter receptam Pontificis Maximi dignitatem, auctus sit ab eo Sacerdotum numerus, & in eorum Collegia vnus e proximis ac hæredibus adscitus; quomodo & in filium Caium legitur Sacerdotium contulisse. Vnde *Dio lib. 55.* id quoque præter alia, ab eodem Augusto hauserunt successores, vt omnibus illis Sacerdotij maturè inaugurati, hæredes suos in eadem cooptarent. Quo consilio etiam videas Getæ coniunctas Cæsaris, Principis Iuuentutis, & Pontificis appellationes, in Nummis aliquot tribui, *P. GETA CAES. PONTIF. PRINC. IUVVENT.* vt hæc singula primi fastigij tyrocinia faciliè agnoscas. Ita hoc veluti rudimento, sacris vt Cæsares initiati, Augusti demum supremam Sacerdotij dignitatem, Pontificatum nempe Maximum consequiebantur. Arcanum hoc cum aliis id genus reclusit nobis Dio, sed cuius lo- *Lib. 53.* cum non rectè cepit interpres, ἐκ τε τῆ ἐν πάσαις ἱερωσύναις ἱερῶσθαι, καὶ προσέτι καὶ τοῖς ἄλλοις τὰς πλείους σφῶν διδόναι, ἀρχιερέων τε τινὰ αὐτῶν, καὶν δύο καὶν τρεῖς ἀρχῶσιν εἶναι, πάντων αὐτῶν καὶ τῶν ὁσίων καὶ τῶν ἱερῶν κυριεύουσιν. Ex eo autem, quod omnibus Sacerdotijs inaugurati sunt Imperatores, & quod alios in pleraque illa collegia adsciscunt, semperque vnus eorum, ubi duo vel tres simul imperant, summum Pontificatum erit; continuo fit vt omnium Religionum & Sa-

*crorum domini euadant* . Vides hic apertam huius moris originem , inauguratos omnibus Sacerdotijs Imperatores , & alios in eadem ab ijs adscitos , h. e. Cæsares , & in spem successionis adolescentes , non autem , vt sensum peruerterat interpres , *ac plerosque in ea collegia adsciscunt* , contra Dionis mentem , & totam arcani illius politici rationem . Mitto alias adhuc dignitates Augustorum , cum Cæsaribus frequenter communicatas , Consulatum , Tribunitiam Potestatem , Ius Proconsulare , vt cùm ex iisdem Nummis , tum ex aliis monumentis Historiæ Augustæ licet obseruare . Alias quænam Cæsaris ita dicti partes fuerint ,

*Lib. XVII.* docet eximius Ammiani locus ; *erat enim necesse , tanquam apparitorem CAESAREM super omnibus gestis ad Augusti referre scientiam* . Ab hac verò CAESARIS appellatione , ΚΑΙΣΑΡΙΣΣΑΙ vel *Cæsariissæ* etiam dictæ filia Augustorum sequiori æuo , vt ex Nicetâ , aliisque Bizantinis Scriptoribus licet colligere .

*De Titulis  
AVGVSTO.  
RVM.*

*Lib. 53.*

Prinii autem fastigii appellationes , aliæ communes singulis Imperatoribus , aliæ propriæ & peculiare quibusdam , in eorundem Nummis occurrunt . Priores illas rursus ita apud Dionem distinctas nosti , vt quædam successionis aut splendoris essent vocabula , sicut CAESARIS AVGVSTI , PATRIS PATRIAE

*TRIAE PII*, *FELICIS*; alia insignia  
 dignitatis ac potentiae, vt *CONSVLIS*, *IM-*  
*PERATORIS*, *PONTIFICIS MAXIMI*,  
*TRIBVNITIAE POTESSTATIS*,  
 nonnunquam *CENSORIS*, & labente impe-  
 rio *DOMINI* appellationes. Omnes autem  
 illas ab Augusto aut repertas, aut renouatas,  
 aut ex ciuili vsu Reipubl. desumptas, ad eius  
 successores transiisse, docent eorum Nummi.  
 Ex quibus etiam animaduertas, non solum to-  
 tam honorum id genus congeriem, sed discrimi-  
 na insuper & gradus, quibus iisdem sole-  
 bant conferri. Notum enim decreto Senatus,  
 & per quædam temporum interualla, titulos  
 illos Imperatoribus delatos, donec postea tan-  
 dem vel vniuersos Cæsares ipsi vsurparent,  
 non expectato Senatus decreto, vel iidem vna  
 vice à Senatu illis deferrentur. Prioris moris  
 exemplum inuexit Elagabalus, de quo refert  
 Dio, cum occiso Macrino, in Epistolâ ad  
 S. P. Q. Romanum scripta, Imperatoris, Cæ- *Lib. 79.*  
 faris, Antonini filij, Pij, Felicis, Angusti, Pro-  
 consulis, Tribunitiae Potestatis nomina nec-  
 dum sibi decreta priorem occupasse. Posterior  
 in Alexandro Seuero, illius successore à Sena- *In Alex. Se-*  
 tu inductus; quem refert Lampridius, Au- *ucro.*  
 gusti & Patris Patriæ nomen, ac reliqua pote-  
 statum nomina, deferente Senatu, vno die ad-  
 sumpsisse. Cuius moris vt insoliti causas idem

rra-

tradit, studium Senatus, ut militibus creandi Principem tolleret occasionem, & Populi ac Senatus in eundem Alexandrum propensionem. *Hac igitur causa*, inquit, *festinatum est, ut omnia simul Alexander quasi Vetus iam Imperator acciperet*, & paulò post. *Certatim denique omnia decreta sunt & Nominũ genera & Potestatum. PRIMVS denique omnium cuncta insignia & honorificentie genera simul recepit.* Accedit his obseruatio alterius moris, quo vel cautela, vel moderatione nonnullorum Principum, aut aliqui honores ex iis plane reiecti, aut alij serius ab iisdem admissi. Quæ omnia commodè possunt ex iisdem Nummis intelligi.

Lib. 53.

De nomine  
CAESARIS  
& AVGV-  
STI.

CAESARIS quidem ad declarandam dignitatis, si non generis successionem; seruata ab Imperatoribus nomenclatio; à quâ Vitellium tamen abstinuisse; patet ex eiusdem Nummis: ut verè adsertum sit à Suetonio, *Vitellius Germanici cognomen recepit, Augusti distulit, Caesaris inperpetuum recusauit.* AVGVSTI verò à priori illo Augusto recepta nomenclatio, nouò & ampliori cognomine; quàm Romuli; quod tamen vehementer illum ambiuisse tradit Dio. Religiosam enim AVGVSTI appellationem, & vi illius nominis, viuos quasi & videntes Cæsares consecratos, præter Tranquillum aut Dionem, manifestè

festè Appianus refert . Hinc passim eadem in Nummis Cæsarum retenta , vt proprium insignæ primi fastigij , vnde & *superior potestas* vocatur Ammiano , & Græcis *μεγάλη προσηγορία* , & apud Eusebium , in vita Constantini , *μέγιστον τῆς ἀνωτάτης βασιλείας σύμβολον* , alibi *ἀνώτατος παρὰ Ῥωμαίοις τιμὴ* quibus appellatationibus *AVGVSTI* nomen designatur . Vt videas , cur non solum coniuncta cum reliquis potestatum nominibus , sed sola etiam iisdem omissis , occurrat in multis Cæsarum nummis *CAESAR AVGVSTVS* & eius exemplo , *HADRIANVS AVGVSTVS* ; *M. AVRELIVS AVGVSTVS* ; *ANTONINVS AVGVSTVS* de Caracalla ; *GALLIENVS AVGVSTVS* , & ita in aliis . Vnde non leuiter errat vir doctus , qui illud *AVGVSTI* cognomen , à Tiberio , Caio , Nerone , Galba Traiano ; aliisque reiectum putat , à Pio vero , M. Aurelio , Pertinace primum admissum , *ANTONINI* nomine postea in eiusdem locum suscepto , omissum post Maximinum verò renouatum scribit , à cuius temporibus scilicet Imperatores *AVGVSTI* , non *ANTONINI* dicti fuit Mira hæc omnia in eo viro , qui ex professo de Imperatorum titulis ac dignitate commentabatur , qui prisca Nummorum Lapidumue monumenta debebat hîc ante omnia consulere . In iis enim videre potuisset

*Bell.Ciuit. lib.1.*

*Lib.IV.c.68.*

*I. Cæsar Belling.*

pro-

promiscuè ab Imperatoribus post Augustum, id cognomen *AVGVSTI* adsumptum, ne Tiberio quidem excepto, de quo tamen Tranquillus refert, eum *AVGVSTI* nomen licet hæreditarium, nullis nisi ad Reges aut Dynastas Epistolis addidisse. At enim neque solum *AVGVSTI FIL.* passim in eiusdem Nummis describitur, sed aliquoties etiam *AVGV-*

*In Cimet. STVS*, vt in aliquot nummis aureis, aliisque  
*Card. Barber. TI. DIVI F. AVGVSTVS*, vel *TI. CAE-*

*SAR DIVI AVG. F. AVGVSTVS*. Vnde præter alios Cæsares, à Flauis, Nerua item, Traiano, Hadriano iã ante Antoninum Pium, & post Pertinacem, ab omnibus Antoninis aliisque, ante & post Maximinum, passim receptum illius vsum deprehendas, neque disjunctum ab Antonini nomine. Vtriusque enim diuersa hæc ratio; illud vice gentilis nominis Caracallæ, Elagabalo aliisque usurpatum, istud delatum vt hæreditarium supremi fastigii cognomentum. Neque enim apud Dionem, Caligulam *AVGVSTI*: sed *IVVENIS AV-*

*Lib. 59.*

*GVSTI* appellationem sibi delatam, in contumeliæ argumentum vertisse, res ipsa, & eiusdem Nummi cum Augusti titulo satis probant. Ita neque Galbam & Traianum, ob adsumptum Cæsaris titulum, iuxta Tranquillum & Dionem, ideo altero *AVGVSTI* caruisse, signata vtriusque in Nummis memoria finit

du-



dubitare . Dilatum quidem illud *AVGVSTI* nomen , à Vitellio videas , vt tradit Tranquillus , nec longam tamen eius rei moram agnoscas ex eiusdem Nummis , qui sine hoc titulo & cum eodem prostant . Primus nempe hic honoris gradus electis Imperatoribus à Senatu deferri solitus ; vt constat ex innumeris locis Historiæ Augustæ , & cum aliis Maiestatis insignibus , tum labente imperio , vsu peculiaris diadematis ab inferiori *CAESARVM* fastigio distinctus . Perspicuè hoc discrimen notat Ammianus , qui Iuliano Cæsare à militibus in nomen & dignitatem Augusti adsumpto , loco diadematis frustra quæsi , torquem capiti eius impositum refert , vt coronatus saltem speciem obscuram haberet superioris potestatis . Ita Constantij parenti Constantini , adhuc Cæsari , diadema illi fastigio peculiare tribuere videtur Eusebius . Vix tamen illud discrimen obserues in illius aut reliquorum Cæsarum Nummis , quos cū gemmatâ aut radiatâ coronâ , ante & post consequutum nomen Augusti , promiscuè depictos videas . Ita Crispum Nob. Cæsare ornatū gemmato diademate contemplari licet apud Tristenum , non aliter ac Parentem Constantinum . Promiscuè verò eadem dignitas Augusti in Nummis ; cū *ΑΥΓΟΥΣΤΟΥ* , tum *ΣΕΒΑΚΤΟΥ* nominibus designatur ; vt instar proprii Cæsaris

Lib. XX.

Lib. I. c. I. de  
Vit. Const.Tom. III. p.  
566.

*De vit. Cōff.  
lib. 1. cap. 1.*

rum nominis pateat retentam frequenter à Græcis Romanam appellationem. Vtramque etiam coniunxit non semel Eusebius, vt de Constantino agens, ΑΥΓΟΥΣΤΟΣ καὶ ΣΕΒΑΣΤΟΣ ἀννηγορεύετο, & alibi de Filiis Constantini declaratis itidem Augustis, ΑΥΤΟΚΡΑΤΟΡΕΣ ΑΥΓΟΥΣΤΟΙ, ΣΕΒΑΣΤΟΙ, Βασιλεῖς ἀπεδείχθησαν, & ita in Codice Iustiniani, αἱ ΣΕΒΑΣΤΟΣ ΑΥΓΟΥΣΤΟΣ, inter reliquos Imper. titulos. Neq; verò demum circa ea tempora vocem Αυγούεα à Græcis receptam, vt visum quibusdam eruditis, præter auctoritates alias, varia Hadriani & Antonij Pij numismata ostendunt, cum eodem cognomine ΑΥΓΟΥΣΤΟΡ.

*De titulo  
IMPERA-  
TORIS.*

*Lib. 42.*

IMPERATORIS nomen duplici ratione iisdem Augustis tributum in Nummis videas. Primò vulgò Prænominis instar, pro dignitate illa, quâ supremum belli & pacis arbitrium in eos collatum, quo sēsu πολέμῳ καὶ εἰρήνῃ κυριεῖται vocantur Dioni. Secundò vice Cognomen- ti, ob rem eorum auspiciis bello præclarè gestam, & proinde ob felices eiusmodi successus, sæpius in iisdem Nummis repetitum: Prius illud nouo more, I. Cæsari & filiis eius ac nepotibus, quibus tamen carebat, concessum, in Augusto verò postea renouatum, nemo nescit; vt Dictatorii aut Regii nominis inuidia ciuili vocabulo minueretur, vis tamen impe-  
rii

*Dio lib. 43.  
& 52.*

*Lib. 52.*

rii penes eundem resideret . Hinc verè proprii  
 nominis instar , iuxta Dionis obseruationem , Lib. 43.  
 liquet illud ab Augustis in eorum nummis  
 vsurpatum , non aliter ac eosdem in litteris ad  
 declinandam inuidiam , non Reges sed ΑΥ-  
 ΤΟΚΡΑΤΟΡΑΣ sese indigitasse, docet alicubi  
 Synesius . Aliàs Græcis Scriptoribus, citra am- de Regno  
 bages βασιλεῖς eosdem vocatos nosti , & digni-  
 tatè illam Imperatoriam βασιλείαν, vt præ alijs  
 Herodianus agens de Seuero filios suos Impe-  
 ratores designante, τῶς τε υἱεῖς αὐτοῦ κοινωνῶς τῆς Lib. III.  
 βασιλείας καὶ αὐτοκράτορας ἀπεδείξας. Hinc etiam  
 Μεγάλῃς Βασιλείᾳς appellationē iisdē quandoq;  
 à Scriptoribus tributā supra vidimus, & Diocle-  
 tianῷ πρεσβύτερον βασιλέα seu seniorē Impera-  
 torem , ab Eusebio nuncupatum . Vnde liquet  
 errare passim Græcorum Scriptorum Inter-  
 pretes, qui βασιλεῖς & βασιλίδας, Reges & Re-  
 ginas vertunt , vbi de Romanorum Impera-  
 toribus vel Augustis viriusque sexus occur-  
 rit mentio , & ita lectorem incautum aliò tra-  
 ducunt , vt Interpres Philostrati , cui Ἰουλία βα-  
 σιλίς quædam *Iulia Regina* vocatur; quo nomi-  
 ne viro docto imposuit, quæ tamen non alia ibi  
 quam Iulia Augusta Scueri coniunx . Hinc  
 Roma quoq; βασιλίδος vel βασιλευσσας πόλεως  
 nomine apud Herodianum , Eusebium, aliosq;  
 passim designatur , & in præclaris marmori-  
 bus nuper in vrbe effossis , ΕΝ ΤΗ ΒΑCΙ-

*Lib. I. c. I.*

*Euseb. Histor.  
l. X. c. 9.*

ΛΙΑΙ ΡΩΜΗ', de quibus alibi . Sciendum tamen, vtrumque cūm ΑΥΤΟΚΡΑΤΟΡΟΣ, tum ΒΑΣΙΛΕΩΣ vocabulū, non cū Augustis solūm, sed cū Cæsaribus etiā, seu designatis heredibus nonnunquam communicatum . Prioris fidem facit Eusebius agens de Constantio adhuc Cæsare, in vita filii Constantini, cuius locum iam occupavit vir doctus . Posteriorem apud eundem Auctorem obseruo, vbi Constantinus ad Crispum filium Nobilissimum Cæsarem scribens, *παίδι Κρίστω βασιλεῖ φιλανθρωπο τάττω*, *Filio Crispo Casari clementissimo*, vt rectē hunc locum expressit Cl. Valesius . Coniunctam alias ΑΥΤΟΚΡΑΤΟΡΟΣ ΒΑΣΙΛΕΩΣ appellationem, à Tryphone Diodoto adsumptam, supra ex eiusdem numismate vidimus, quam & Tigrani Armeno tribuit quoque illius Nummus . Illud verò insuper circa hunc titulum Imperatorium, e Nummis obseruandum . Primò neque Prænomen illud à I. Cæsare in nummis receptum, nec ab Augusti successoribus, Tiberio, Caio, Claudio etiam, nisi rarius in iisdem admissum, vt de Tiberio & Claudio constat adseruisse Suetonium, illos à Prænomine *IMPERATORIS* abstinuisse . Certè in magna nummorum copia, qui supersunt eorundem Principum, vix semel tributum illis videas . Vnde etiam eorum exemplo, neglectum liquet eundem titulum ab aliis

alijs Cæsaribus , vt Seuero, Caracalla , Gallieno , aliisque, quorum nummi frequentius carent eo prænomine, donec à Constantinopolitanis Imperatoribus omissum idem obserues in Nummis . Secundò , idem non perpetuò Prænominis , sed etiam vice Cognomenti , quandoque à prioribus Cæsaribus vsurpatum, vt ex plurimis Neronis , Galbæ , & Vitellij Nummis liquet , sicut *SER GALBA IMP. CAES. AVG.* Tertiò , pro Prænomine non ab Augustis solùm , sed etiam à M. Antonio Triumpho adscitum , in aliquot eius Nummis, *IMP. ANTONIVS AVG.* quum alias in eiusdem & Pompeij , Bruti , Cassij , aliorumque denariis postponi soleat ; in quibus nempe pro imperio militari , aut re feliciter gesta vsurpatur . *Posterioris* verò huius appellationis vsu, petitem ex veteri more Reip. & acclamationibus militum , non aliunde certius quàm ex nummis aut lapidibus disces, ita frequenter in iis repetitum legitur id cognomentum . De Augusto id iam olim notauit Dio , cuius locus leui emendatione indiget, *ἐκείνῳ γὰρ πολλακίς μὲν καὶ πρότερον πολλακίς καὶ ὕστερον ἀπ' αὐτῶν ἔργων ἔλαβεν, ὥς ἐν καὶ εἰκοσιν ὄνομα αὐτοκράτορος σχεῖν.* *Hanc etiam* (Imperatoris appellationem) *sepius & antea & postmodum ex ipsis rebus à se gestis reportauit , semel & vicies Imperator dictus.* Ita enim emendari & expli-

*Lib. 52.*

explicari debent illa verba leui traiectione, ὡς ἐν καὶ εἰκόσιν, vt XXI. Imp. nomen retulerit non verò ἐν εἰκόσιν *vicies* vt male legit & vertit Xylander, peius autem vir doctus, illius corrector, qui de *imaginibus* Imperatoris verba illa in margine & in annotatis ad Dionem fumenda contendit. Nec accedo eruditissimo Casaubono, quem deprehendi postea ad Suetonium, legentem hoc loco ἐν εἰκόσι, vt subaudiatur vox ἐργοῖς paullo ante adscripta, in viginti nempe *gestis* aut *vicis*. Perspicue cum Dione Tacitus, de eodem Augusto verba faciens, *Nomen Imperatoris semel atque vicies partum*, & cum utroque Nummi, in quibus *IMP. XXI.* apud Occonem & Goltzium descriptus legitur, ne de veritate huius emendationis liceat dubitare. Ita & Caligulam Imperatorem XII. à militibus dictum & Titum XV. in vtriusque vita obseruat Dio. Prior tamen in Nummis, *IMP. II.* vocatus tantum legitur, quod ideo factum crederem, quia ærea Caij numismata post eius mortem Senatusconsulto conflare iussa, vnde mutila hac in parte Caii in iisdem historia. Posterior verò non XV. solum sed *XVII. IMP.* in eiusdem Nummis traditur. Parabant nempe Cæsaribus, vt notum, has crebras appellationes eorum præfecti; ita ut alios honores victoribus relinquerent, titulum Imperatoris Cæsar

*Annal. I.*

*Lib. 59. & 66*

far referret, ob res nempe suis auspiciis gestas. Hinc apud Dionem legas M. Crassum deuietis *Lib. 51.* Dacis, alia quidem proemia consequutum, non autem eundem Imperatorem salutatum, *Lib. 55.* sed Augustum, quod aliter nonnulli tradiderant, & alibi M. Vinicius Augusto idem nomen parauisse obseruat. Blæso tamen eandem Imperatoris appellationem relictam à Tiberio, Tacitus & Velleius tradunt, quod & aliis concessum nonnunquam sub sequutis Cæsaribus, haud malè ex Appiano colligit Casaubonus. Omnino verò notandum hoc loco, quod de more huius appellationis, idem auctor in Claudio tradidit; eum ob res in Britannia gestas aliquoties Imperatorem salutatum, contra patrium morem, quo non sæpius sed semel tantum id nomen poterat de vno bello reportari, *Lib. 60.* αὐτοκράτωρ πολλάκις ἐπινυμάσθη παρὰ τὰ πάτρια, οὐ γάρ ἐστιν ἐν ὕδασι, πλέον ἢ ἅπαξ ἐκ τῷ αὐτῷ πολέμου τὴν ἐπικλησὴν ταύτῃ λαβεῖν. *Ob hæc aliquoties IMPERATOR dictus est contra institutum Romanorum, neque enim sæpius quàm semel licet uno de bello id nomen adsumere. Vnde intelligimus, quo titulo ac iure Imperator toties, ne impe XXVII vocetur in Nummis Claudius, & inducti ab eo moris imitationem ad alios quoque transisse.*

PON.

*De Titulo  
PONTI-  
FICIS MA-  
XIMI.*

PONTIFICIS MAXIMI nota ex iisdem Nummis appellatio, quâ supremam sacrorum & religionum curam in se transfulerunt Cæsares. Hinc ab Augusto ad Gratianum vsque Cæsarem, transit vsus huius appellationis, vt docent lapides, & annotauit iam olim eminentissimus Annalium scriptor. Nonnulli verò serius eandem, vt à Iustino retentam volunt; cuius exstat inscriptio cum verbis *PONT. MAX.* in quibus tamen non Pontificem Maximum, sed *PONTICVM MAXIMVM* legendum obseruauit nuper doctissimus Reinesius. Coniuncta verò in Cæsarum Nummis Principatus & Sacerdotii iura, eâ ratione quâ quosdam Duumviros & Sacerdotes vocatos legimus nonnunquam in priscis monumentis. Tales nempe Sacerdotes Duumvirales in Codice Theodosiano; & in Gestis Cæciliani, Didymus quidam *SACERDOS* Iouis Opt. Max. & simul *DVVMVIR* Colonie Carthaginensium, quem locum adtulit ad Eusebium Cl. Valesius. Vnde factum, vt Romanorum exemplo, nonnisi functos supremis Magistratibus, *APXIEPEIΣ* seu Prouinciarum Sacerdotes creasse legatur Maximinus. Quare etiam iidem *ΑΣΙΑΡΧΑΙ* & *APXIEPEIΣ*; seu *Asia Principes* & *Pontifices* occurrunt, apud eosdem Gentiles; vt cum aliunde, tum ex aërica Epistola Smyræorum liquet de Po-

*Euseb. Hist.  
Eccl. l. VII  
c. 14.*



Polycarpi Martyrio, in quo illud Sanctissimus Præsul passus legitur ἐπὶ Ἀρχιερέως Φιλίππου, quem paullo ante Ἀσιάρχῳ eadem vocat, ne de muneris communione possis dubitare. Egregiè verò id illustant præstantiores aliquot Græcorum Nummi, qui sicut aliàs Pontificiâ Cæsarum dignitate, ita illo Asiarchæ aut Pontificis nomine nonnunquam signantur. Posteriolem præfert Nummus Cianorum Urbis Bithyniæ, ΕΠΙ ΑΡΧΙΕΡΕΩΣ ΚΛΑΥΒΙΑΝΤΟΣ ΚΙΑ. *Sub Pontifice Claudio Biante Cianorum.* Ita alius nummus æreus maximus Laodicensium, CA. ΕΥΤΥΧΟΥΣ ΑΡΧΙΕ. ΓΙ ΠΟΛ. *Samio Eutyche Pontifice XIII. Ciuitatum,* vt pateat hunc supremum fuisse Sacerdotem Asiæ Ciuitatum, ac proinde iis adscribendum, qui plures ἱερείς seu Flamines sub se habebant obnoxios. Accedit his alius Apameæ Syriæ percussus; ΕΠ. Μ. ΑΥΡ. ΑΛΕΞΑΝΔΡΟΥ ΑΡΧΙ. ΑΠΑΜΕΩΝ; *sub M. Aurelio Alexandro Pontifice Apamensium.* Præter verò præclaros hos Nummos ineditos, referri huc etiam debet inscriptio alterius Nummi Hephæstionis Pontificis Daldianorum, quam videre licet apud Tristenum. Ita haud absimili ratione ΑΣΙΑΡΧΟΥ mentio aliquotiens in geminis nummis, vt Cyzicenorum ΚΥΖΙΚΗΝΩΝ ΝΕΟΚΟΡΩΝ, ΕΠΙ Μ. Α. ΑΤΡΗΛΙΟΥ ΑΣΙΑΡΧΟΥ *Cyzicenorum Neocoron sub M. Lucio Aurelio Asiarcha.* Sic alius

*In Thes. Magni Ducis.*

*In Thesaur. Regina Sued.*

Smyrnæorum , ΕΠΙ Μ. ΑΥΡ. ΤΕΡΤΙΟΥ  
ΑΚΙΑΡΧΟΥ ΣΜΥΡΝΑΙΩΝ ΠΡΟΤΩΝ  
ΑΚΙΑΡΧ. *sub M. Aurelio Tertio Asiarcha Smyr-*  
*næorum Primorum Asiae.* Agnoscis opinor hæc

apertum cum reliquorum, tum Nummi & Epistolæ Smyrnæorum consensum, Asiarcharum nempe ac Pontificum nominibus, ut supremis quibusdam loci Præsidibus, signatam rei gestæ memoriam; sicut aliàs nominibus Consulum apud Romanos, aut Cæsarum eorundemque Pont. Max. Ita in Marmoribus Arundellianis, in inscriptione denariorum Gymnasii eiusdem Urbis, Cherisyphon quidam ΑΚΙΑΡΧΗΣ vocatur. Idem nempe apud Asiaticos, cum Ludorum & publici Concilij totius prouinciæ, tum reliquorum Flaminum principes habebantur. Vnde lux etiam non mediocris accedit celebri Actorum

*Cap XIX. 31* loco, vbi occurrit Asiarcharum apud Ephesios mentio. Liquet enim ex monumentis modo adlatis, Asiarchas id genus non Ephesi solum, ut existimarunt nonnulli, sed modò Cyzici, modò Smyrnæ, modò alibi sedem habuisse; vbi nempe communia Asiæ sacra & publici conuentus habebantur, quibus præerant illi Asiarchæ. Secundò, vnum videri Asiarcham hoc munus eodem tempore sustinuisse, quamuis plurium simul Asiarcharum mentio eodem Actorum loco, & tertium aut  
quar.

quantum Asiarcham electum se tradat alicubi *Orat. IV.*

Aristides . Firmant nempe hîc Nummi , eandem Cl. Valesii sententiam, quam ex commemorato vno Philippo Asiarcha in Polycarpi martyrio iam ad Eusebium tradidit . Adeò tamen vt statuendum sit omnino , aut per vices hoc munus impleuisse , aut vnum Asiarcham vt reliquorum Principem constitutum , à quo petita sit Fastorum , aut rei gestæ memoria .

Ita primi ΑΡΧΙΕΡΕΙΣ in antiquis Nummis non semel signati, vt Cebessi vrbis Lyciæ ΕΠΙ ΑΥΡ. ΜΑΡΚΟΥ ΑΡΧΙ. ΠΡΩ. ΚΗΒΗ ΕΙΚΩΝ. Tertiò, non audiendum hîc Augustum Interpretem , Constantinum Porphyrogenetem , qui Asiarcham Asiæ Proconsulem interpretatur , & hanc suam explicationem firmat hoc ipso Actorum loco . Neque enim aut alibi , aut in productis Nummis Asiarcha, ibi vt Romanus Proconsul , sed vt Praefes publici Asiæ cònuentus , & communium sacrorum producitur . Hinc in veteri Inscriptione , quam nondum excusserunt viri docti , Antonius quidam Hyacinthus ΤΗC ΑCΙΑC CΤΡΑΤΗΓΟC ΑCΙΑΡΧΗC vocatur , vt eosdem habuerint Asiatici, & Magistratus precipuos , & solennium Gentis sacrorum Antistites . Vnde facile adsequimur , cur ἀρχὴς & ἐπαρχίας apud Græcos, & Praefidis ac Praefectura nomine apud veteres Iurisconsultos eadem

*In Thesaur. Magni Ducis.*

*Them. Imp. Orient. p. 19.*

*Thes. Gruter p. 522. 1.*

Annal. III.

Afiarcharum & supremorum Sacerdotum dignitas signetur. Ita nempe coniuncta in ijs occurrūt mūnia Principatus & Sacerdotij, vt ijdē illi Principes dicti & Sacerdotes, non obscuram Pontificiæ Cæsarum dignitatis imaginem præbeant, de quibus illo sensu Tacitus, *Nunc Deum munere summum Pontificem, etiam summum hominum esse*. Illud tamen discrimen hīc obserues, quod non perpetua erat Afiarcharum, vt apud Romanos Pontificis Maximi dignitas, quam perpetuam Cæsaribus nummi largiuntur, nec in ijs proinde renouari videas, instar Cōsulatus, aut Tribunitiæ Potestatis. Notum quippe hoc Sacerdotium fuisse ex eorum numero; quæ non annua erant, aut singulis vel quinquennijs, vel decenniis, vt reliqua Augusti imperia renouabantur, sed *διὰ βίῃς*, vt Græci eadem vocare solent. Vnde quoque in Augusti Numismatibus serius *PONT. MAX.* titulus eidem adscribitur, quod mortuo demum Lepido hanc susceperit dignitatem. Ita factum vt exemplo perpetui huius Pontificatus, alia quoque Sacerdotum Collegia apud Romanos Pontifices suos crearent, *διὰ βίῃς*. Tales præter alios, illi *ΑΡΧΙΕΡΕΙΣ ΔΙΑΒΙΟΥ*, seu Palæstræ Pontifices, quorum cū alibi mentio, tum in Inscriptiōibus Athleticis Romæ non ita pridem reperi-  
tis in ruinis Thermarum Titi. Vnde luculentam

tam

tam ex ijs , ad ipsum lapidem à me nuper cum  
geminis descriptam , non pigebit hîc adferre,  
Η ΙΕΡΑ ΕΥΣΤΙΚΗ ΣΥΝΟΔΟΣ ΤΩΝ  
ΠΕΡΙ ΤΟΝ ΗΡΑΚΛΕΑ ΑΠΟΚΑΤΑΛΥ  
ΣΕΩΣ ΕΝ ΤΗ ΒΑΣΙΛΙΔΙ ΡΩΜΗ ΚΑΤΟΙ  
ΚΟΥΝΤΩΝ Μ. ΟΥΛΠΙΟΝ ΔΟΜΕΣΤΙ  
ΚΟΝ ΔΙΑΒΙΟΥ ΕΥΣΤΑΡΧΗΝ ΚΑΙ ΑΡ  
ΧΙΕΡΕΑ ΤΟΥ ΣΥΜΠΑΝΤΟΣ ΕΥΣΤΟΥ  
ΠΕΡΙΟΔΟΝΕΙΚΗΝ ΠΑΛΛΑΔΣ ΕΩΝ ΕΠΙ  
ΒΑΛΑΝΕΩΝ ΣΕΒΑΣΤΟΥ ΤΟΝ ΕΑΥ  
ΤΩΝ ΠΡΟΣΤΑΤΗΝ ΚΑΙ ΑΥΤΟΝ ΠΡΕ  
ΣΒΥΤΣΑΝΤΑ ΚΑΙ ΑΙΤΗΣΑΜΕΝΟΝ  
ΤΟ ΤΕΜΕΝΟΣ ΤΩ ΣΥΜΠΑΝΤΙ ΕΥ  
ΣΤΩ ΤΗΝ ΤΕΙΜΗΝ ΑΝΑΘΕΝΤΟΣ Μ.  
ΜΕΤΤΙΟΥ ΑΜΕΡΙΜΝΟΥ ΕΠΙ ΑΡ  
ΧΟΝΤΩΝ Α. ΟΥΑΝΝΙΟΥ ΑΓΡΙΠΠΙΑ  
ΝΟΥ ΚΑΙ Μ. ΜΕΤΤΙΟΥ ΑΜΕΡΙΜΝΟΥ  
Dedicatum fuit nempe Hadriani temporibus  
præclarum hoc monumentum, vt eruo ex ge-

minâ Inscr. apud Gruterum, in quâ itidem oc-  
currit mentio huius M. Vlpij Domestici & Le-  
gationis illius ad Hadrianum, nomine Collegij  
Athletarum susceptæ; quæ inscriptio edita mi-  
ram ex ista lucem fœneratur . Sed de his alibi,  
ad has ipsas Inscriptiones . Vnum hîc notan-  
dum , hunc Domesticum vniuersæ Pa-  
læstræ Xystarcham simul & ΑΡΧΙΕΡΕΑ per-  
petuum vocari, ex eo nempe genere , quos  
proinde *Sacerdotes Præsides* à Tertulliano di-  
ctos

*Thef. Inscr. p.*  
315. 9. &  
316. 1.

*De Spectacul.* Etos obseruo; Quid ergo mirum si apparatus ag-  
 num Idololatria conspurcat de coronis profanis, de  
**SACERDOT ALIBVS PRAESIDIBVS**, de  
*Collegiatis Ministris.* Sicut verò Ἀρχιερεὶς διαβίῃ  
 hoc loco seu Pōtifice perpetuū, ita ΙΕΡΕΑ ΔΙΑ  
 ΒΙΟΥ, seu Flaminem perpetuum videas in  
 Nummo, quem edidit iam olim Sirmondus;  
 vt nempe ad illos respexerit, qui *Flamines per-*  
*petui* vocantur in Codice Theodosiano. Nec  
*Lib. de Ma-* absimili ratione Iosephus Oniam Hæbreo-  
*chab.* rum Pontificem vocat ἀρχιερωσύλῳ ἐχοντα  
 διαβίῃ Pontificatum habentem perpetuum, aut  
*Orig. lib. XVI* alibi Herodem Perpetuum Agonothetem ab  
*1. 9.* Olympijs scribit declaratum. Immo nec perpe-  
 tuam solum in eodem Augusto, sed heredita-  
 riam etiam Pontificiam dignitatem reliquo-  
 rum Cæsarum Nummi satis arguunt, cuius  
*Lib. 44.* rei gemina exempla suppeditant nonnunquam  
 prisca Gentilium monumenta. Vnde haud  
 malè apud Dionem, inter honores à Senatu L.  
 Cæsari decretos, ille etiam refertur, vt filius  
 eius, qui nasceretur, aut adoptiuus, euaderet  
 Pontifex Maximus; qui honos certè ad Hære-  
 des eius & Successores transiit. Ita in altera In-  
 scriptione Græcā cum priori reperta, Claudius  
 quidam Rufus, successor declaratur proprii  
 Parentis in eodem munere Pontificis vniuer-  
 sę Palęstrę, non aliter ac apud Philostratum  
 Scopelianus quidā traditur Hæbreorum more  
 oriun-

oriundus ex Sacerdotali genere, & hæredita-  
 rius supremus Asiæ Pontifex; ΑΡΧΙΕΡΕΥΣ *In Vitis Se-*  
 μὲν ἐγένετο τῆς Ἀσίας αὐτὸς τε καὶ πρόγονοι αὐτοῦ, *phist.*  
 παῖς ἐκ πατρὸς πάντες. Pontifex verò fuit Asia  
 ipse & illius Maiores omnes à patre ad filium.  
 Nec omittendum hoc loco, vbi simul plures  
 Augusti regnabant, penes vnum & seniores  
 quidem, hanc Pontificatus Maximi appella-  
 tionem resedisse apud Romanos, vt supra ex  
 Dione notauimus. Id verò rursus perspicuè  
 probant Nummi, in quibus M. Aurelius  
 PONT. MAX. vocatur, non autem  
 Collega eius L. Verus. Aliàs inferior quoque  
 PONTIFICIS dignitas, vt initium quoddam  
 illius fastigij, cum aliis titulis in aliquot Getæ  
 nummis signatur, vt supra monui. Omissa  
 verò cum plerisque aliis mentio huius digni-  
 tatis, à Gallieni temporibus, in sequentium  
 Augustorum nummis. Neque verò titulum  
 illius dignitatis solùm gestasse; sed munia  
 etiam peregrisse Cæsares, docent nonnunquam  
 Auctores, vt de Hadriano Spartianus, *Sacra*  
*Romanorum diligentissimè curauit, peregrina con-*  
*tempnit,* PONTIFICIS MAXIMI  
 Officium peregit. Sicuti verò ΑΡΧΙΕΡΕΥΣ vel  
 ΑΡΧΙΕΡΕΥΣ ΜΕΓΙΣΤΟΙ in Græcis Cæsa-  
 rum Nummis & Lapidibus vocantur, ita  
 etiam Vestalium Maxima, Αρχιερεία apud *Lib. 79.*  
 Dionem dicitur.

De Titulo  
TRIBUNI-  
TIAE PO-  
TESTA-  
TIS.

## DE TRIBUNITIA POTESTATE

supra vidimus, quâ ut summi fastigij vocabulo, annos principatus passim in Nummis Cæsarum distinctos nosti. Ut manifestè ij demum arguant, quàm verè à Dione sit adsertum, iuxta eandem imperij sui annos à Cæsaribus numerari. Perpetuam nempe illam Potestatem semel susceptam gerebant Cæsares, ita tamen ut quotannis eandem cum Tribunis plebis renouarent, sicut cum Dionis auctoritas, tum Nummorum conspectus probat. Adeo ut nec Tiberium, cui ad quinquennium delatam illam scribit Suetonius, abstinuisset ab eadem in singulos illius annos quinquennij & sequentium etiam renouanda, ex iisdem constet, contra quàm viris doctis placuit. De Vespasiano obseruat idem Suetonius, serò eundem Tribunitiam Potestatem recepisse, quod adhuc hodie ex illius Nummis colligas. Communicatam verò ab Augustis eandem dignitatem cum designatis Cæsaribus, quod tradunt nonnunquam Scriptores, ex Aelij, Aurelij, aliorumque Nummis obserues, in quibus *L. AELIVS CAESAR TRIB. POT. COS. II. G. AVRELIVS AVG. PII. F. CAESAR TRIB. POT. COS. II.* Vnde illud etiam eruas, annos Tribunitiae Potestatis in iisdem Nummis non ab imperij exordiis, sed ab initio illius fastigij signa-



signatos, ita Tiberio, Neroni, Commodo, alijsque longè plures anni Tribunitiae Potestatis, quàm Imperii tribuantur. Adsumptum autem illud à Cæsaribus nomen, non Tribunorum Plebis, ex more illorum temporum, quibus Potestas Tribunitia, Censoria, Consularis, pro dignitate Tribuniplex, Censoris, Consulis reperta; quarum prima signatur passim in Nummis Augustorum, altera in Nummis Domitiani. Hinc etiam discrimen huius Tribunitiae Potestatis & Tribunorum plebis obserues. Primò, quod illa Patritiorum, quales necesse erat creari aut fieri Cæsares, hæc Plebeius esset Magistratus, ad quem tamen Equites admissos ab Augusto alicubi tradit Dio. Secundò, quod prior imperia omnia præemineret, vt supra ex Tacito vidimus, hi non item. Tertiò, quod in illa etiam intra primum ab Vrbe miliare præsidium haberent opis illius indigi, in Tribunisplebis autem tantum intra vrbis pomoeria. Aliàs vi illius Potestatis tria maxime Augustis competebant, quorum duo obseruat Dio; Ius intercedendi amplissimum; alterum vt essent sacrosancti, vnde I. Cæsar interfectus Appiano & alibi Dioni ὁ ἱερὸς καὶ ἄσυλος vocatur; quibus quoque accessit Senatus cogendi facultas, Vnde Tiberius apud Tacitum non semel legitur, solo **TRIBUNITIAE POTESTATIS** edicto

Lib. 54.

Dio lib. 51.

Lib. 53.

Lib. 44.

Ii

Pa-

*Annal. lib.  
VII.*

*Dio. l. 54.*

*De Titulo  
CONSVLIS  
suscepti ab  
Imperatoribus.*

*Bell. Civil.  
lib. I.*

*Lib. IV. cap. I.*

Patres in Curiam vocasse & in eadem verba Tranquillus, *Iure autem Tribunitia Potestatis coacto Senatu*. Aliàs ampliata eadem facultas in Augusto, peculiari Senatus decreto, ut quoties vellet Senatum conuocaret, quod iam occupauit ad Suetonium Casaubonus.

CONSVLVM etiam pro arbitrio vsurpatum ab Augustis fastigium, in eorundem Nummis expressum legitur. Origo autem illius moris à Sylla profecta, qui Dictaturæ Consulatum quoque præter morem adiecit.

Vnde factum obseruat Appianus, ut Romanorum Cæsares Imperatoris fastigio, Consulatus quoque adderent dignitatem. Immo quum florente adhuc Rep. Pompeius Consul sine Collega nouo exemplo fuisset renuntiatus, inde etiam hoc Cæsaribus tributum liquet, ut soli Consules nonnunquam designarentur. Ita omnia reperias Imperatoriæ dignitatis incunabula, in liberæ, sed inclinantis iam Reip. sub vnius arbitrium, inductis nouo more exemplis. Neque perpetuum tamen eundem Consulatum præter Fastos, iidem Nummi arguunt; qualem Scipioni olim, sed recusanti delatum scribit Valerius. Vnde quum Cæsari Consulatus continuus esset decretus, aut iuxta Dionem ad Decennium, quantum tantum Consulatum admisisse dicitur à Suetonio; quem tamen refellit nummi inscriptio apud

apud Goltzium (modò illi fides constet) *C. CAESAR COS. QVINCT IMP. SEXT. DICT. PERPETVO*. Ita XIII. Consulatus Augusto illius Nummi cum Tranquillo, non XIV. cum Tacito, & rursus Tiberio V. non III cum Tranquillo, eadem monumenta adiudicant. Vitellio tamen perpetuum Consulatum tribuit vetus lapis, cuius rei index quoque nummi inscr. apud Goltzium *AVITELLIVS L. F. IMPERATOR COS. PERP.* Aliàs eodem honore licet sæpius repetito, ad paucos vel menses, vel dies, vel horas etiam contenti eius successores, mox ad alios illum transferri curabant. Exemplum illius moris Dio lib. 53. inuexit Augustus, quò ad plures Consulatus perueniret. Vnde factum etiam, vt rursus invaluerit nata iam sub I. Cæsare celebris illa Cōsulum ordinariorum & suffectorum origo, & à temporibus Claudii, Augusti bimestres vt plurimùm Consules pro annuis euaserint. Duo nempe hîc mutata sub Cæsaribus, vnum vt Consulatum ante tempus deponerent; alterum vt absentes eundem susciperent; quorum postremum de Augusto notat Tranquillus. Quare etiam, ne extra Consulatum, deessent eidem Augusto & successoribus Consulibus prærogatiuæ, duo iterum sub eodem induta reperio; Vnum vt Consularis potestas per petua cum iure XII fascium illi deferretur.

*Idem lib. 53.* Alterum, vt extra Consulatum, ius nihilominus haberet Relationis, quod Consul alius proprium iuxta Dionem, & postea inter solitos Cæsarum honores receptum.

*De Titulo  
PROCON-  
SVLIS à Cæ-  
saribus ad-  
missi.*

Neque verò à gesto Consulatu PROCONSULES dictos eisdem Cæsares nostri, vt quibusdam tamen placuit, sed ob Proconsulare imperium cum reliquis Maiestatis insignibus iisdem concessum, vt obseruarunt iam eruditi. In Nummis autem Cæsarum eundem PROCONSULIS titulum non videas expressum; qui illis alias & in faxis aliquot, & in nonnullis litterarum inscriptionibus, & aliquoties apud Auctores Historiæ Augustæ tribuitur. Miratur verò non leuiter Casaubonus hoc nummorum, aliorumque silentium, nec causam adsequi sese profitetur, cur præterita sit eadem Cæsarum dignitas in plerisque monumentis prisca æui, quum Tribunitiæ Potestatis constans occurrat mentio; quarum vtraque tamen ex æquo Cæsaribus compete-  
bat. Rationem autem eius vel silentii, vel diuersitatis inde petendam crederem; Primò, quod non semper, aut in vrbe, sed extra pomerium tantum, Proconsulis titulum susciperent Imperatores. Disertè id apud

*Lib. 53.*

Dionem expressum lego; ὑπατοι τε γὰρ παλαια-  
κισ γίνονται, καὶ ἀνθύπατοι αἰεὶ, ὅσῳκισ ἀν' ἑξω τῶ  
πωμηρίῳ ὦσιν, ὀνομάζονται, *Consules enim fiunt*  
*sæpe*

sæpe numero, & quoties *EXTRA* pomerium sunt *PROCONSULES* dicuntur. Hinc Elagabalus apud Dionem, imperium in Syria suscipiens, inter reliquos titulos Proconsulis quoque nomen adsumpsit, procul nempe ab Urbis pomerio positus. Vnde quum non eadem esset huius tituli, quæ Tribunitiæ Potestatis, aut aliorum ratio, inde in Nummis Cæsarum omissa illius significatio, quam iisdem tamen tribuunt nonnullæ Corporum & Collegiorum Inscriptiones. Secundò, quod hæc potestas Proconsularis; infra aliarum fastigium censeretur, quæ in Nummis occurrunt expressæ; vnde nec *PRINCIPIS SENATVS*, (quem titulum præter Augustum, à Tiberio cum Cæsaris & Germanici appellationibus adsumptum tradit Dio,) nec de Iure Relationis, alio appendice principalis fastigij, vllam in iisdem mentionem reperiatis. Neque enim omnibus, sed præcipuis appellationibus superioris potestatis, & iam olim, & hodie Nummi Principum signari consueverunt. Hinc reliquis etiam titulis Imperatoris, Cæsaris, Augusti, Pontificis Maximi, Tribunitiæ Potestatis, *PROCONSULEM* postponi passim videas in priscis Inscriptionibus, & in litteris Galerii Maximini apud Eusebium, Adeò, vt nec expressum eundem reperiatis in antiquis Cæsarum Marmoribus, ante Neruæ & se-

*Eib. 57.*

*Histor. Eccles.  
lib. IX.*

*Thef. Grut.*  
*p. 145. &*  
*251.*

*Lib. 53.*

& sequentia Antoninorum tempora, vbi plenior quædam refertur honorum & titularum congeries, quamuis iam ante Proconsulare illud imperium Augusto tributum constet ex Dione, & Neroni ex Tacito. Neruæ certè & Aelio Cæsari adscribunt etiam hunc titulum Marmora, vt pateat errare Cl. Salmasium, qui in Antoninis hunc primò credit reperisse. Tota nempe aut certè præcipua vis huius potestatis in Imperatoris vocabulo iam erat reposita, cuius auspiciis reliqui præfecti bella suscipiebant, et quo nomine supremum peregrinarum iuxta & Urbanarum rerum arbitrium, omniaque Magistratuum iura in eos translata apertè docet Dio. Additus tamen opportunè, vt iudico, & peculiari de causa, in gratiam Augusti *PROCONSULIS* titulus. Diuisus nempe ab eo fuerat Orbis Romanus in Prouincias Cæsaris & Populi, quorum postremis Populi Magistratus Proconsules præerant. Vnde vt nihilominus eius auspiciis omnes illas Prouincias ex æquo administrari singularum Præsides facilius intelligerent, nec vllas partes orbis Romani imperio illius exemptas, translata illa *PROCONSULIS* aut *IVRIS PROCONSULARIS* ad eundem Augustum & successores nomenclatio. Neque ad eam tamen referri debet ille Zonaræ locus de Augusto, τῶν ὑπάρχων τιμῇ διὰ βίᾳ ἐλα-

βῆ

βε, vt malè obseruat vir doctus, sed ad perpetuam Consularem potestatem Augusto delatam, vt supra ex Dione vidimus. Aliàs eandem dignitatem candidatis imperij, aliisque arbitris supremæ potestatis, frequenter concessam apud Auctores legimus; sicut à Tiberio ad Germanicum, dein ad Seianum, à Claudio ad Neronem, ab Hadriano ad Antoninum, & ab eodem Antonino ad M. Aurelium; ita ut inter Cæsarum tyrocinia eandem quoque dignitatem reponendam constet. Quævis autem huius imperij fuerit, perspicuè designat meo iudicio Tacitus; *Tunc decreto Patrum permissa Germanico Prouinciæ, quæ mari di-* *Annal. lib. 2.*  
*uiduntur MAIUSQUE imperium, quàm his qui sorte aut permissu Principis eas obtinebant.*  
 Illud nempe nihil aliud quàm id Proconsulare Imperium, quale Augusto delatum iisdem verbis describit Dio; *ἐν δὲ τῷ ὑπάρχοντι τὸ πλεῖον* *Lib. 53.*  
*τῶν ἐκαστοῦ ἀρχόντων ἰσχύειν ἐπέτρεψε* vt *MAIOR ipsi in Prouincijs, quàm eorum Præ-*  
*fælis potestas esset.* Ita ampliata paulatim hæc potestas, quæ iam ante in M. Antonio Præ-tore reperta, in Pompeio renouata lege Gabi-nia, quâ permissum ei ad quinquennium, iuxta Dionem, Proconsulare imperium in om-ni orbe Romano, & vt à Velleio describitur *imperium æquum in omnibus prouincijs cum Pro-* *Vell. Patercul.*  
*consulibus usque ad quinquagesimum miliarium a lib. 2.*  
*uari*

*I. C. Buleng:  
 de Imp. Rom.  
 li. 1. c. 16.*

mari , quo Senatusconsulto penè totius terrarum orbis Imperium uni viro deferrebat : Vnde dignitatis huius memoriam , Pompeii eiusdem Nummi cum PROCOS. titulo feruarunt ; vt originem iterum & exempla huius Augustorum fastigij in ipsa Republica obserues . Aliàs aucta eadem potestas in Cæsaribus ; cuius tres obseruo prerogatiuas . Primò , quod non æqua sed Maior illis , quàm Præsidibus Prouinciarum potestas in easdem cederet . Secundò , quod non ad certum tempus , sed perpetua illis deferretur , nec deponi proinde intra pomerium , aut renouari eandem opus esset , vt obseruat Dio , qui alibi docet Proconsulare imperium gerenti , in urbem venire non licuisse . Imperium itaque illud Proconsulare Cæsaribus perpetuum intra & extra pomeria ; vsus autem appellationis PROCONSULIS , extra pomeria solitus ab ijs vsurpari ; quorum vtrumque apertè diuersis licet locis tradidit Dio . Tertiò , quod citra certos maris aut terrarum limites , Cæsaribus in toto Orbe Romano ius illud deferretur . Nihil quippe aliud , vt iam monui , illo seu iure seu imperio Proconsulari , quæsitum , quàm vt æquum vel supremum Cæsaribus in omnes prouincias Cæsaris & Populi imperium , ipso nomine traderetur . Et hæc obiter de illo titulo Proconsulis à Cæsaribus admissi , quem non satis hæc-

Lib. 53.

Lib. 39.



hactenus expenderant viri docti, & cuius nobis occasionem Cl. Casauboni dubium & sollicitudo circa Nummorum silentium suppeditavit.

Frequens verò in iisdem Nummis PATRIS PATRIAE appellatio, quam Ciceroni primùm tributam, & dein ad Cæsares translatam, observat Appianus. Mitto obuiam eiusdem rationem à Dione indicatam, qui non vt potestatis, sed honoris & cautelæ vocabulum iisdem impositum docet; vt meminerint subditos Patriâ caritate diligere, & subditi vicissim eosdem debitâ liberis reuerentiâ prosequi. Illud verò magis hîc ad rem facit, quod notat insuper Appianus, serius eam reliquis appellationibus concedi solitam, & nonnisi post præuia magnarum rerum experimenta. Hinc videas eandem in priscis monumentis Historiæ Augustæ, vt summum quasi honorum apicem, neque statim, neque promiscuè Cæsaribus concessam; quæ discrimina demum, ex eorum Nummis intelligas. Ita I. Cæsari (à quo mos illius cognomenti ad successores transit) post mortem primum delatum existimarunt viri docti, ob columnam illi defuncto ab Antonio erectam, cum inscr. PARENIS PATRIAE, quam alicubi fugillat Tullius. Verùm non repertum primùm, sed renouatum hoc eius cogno-

*De Titulo  
PATRIS  
PATRIAE.*

*Bell. Civil.  
lib. 2.  
Lib. 53.*

*Sueton. in Iul.  
Cæs. lib. XII.  
Ep. ad Cass.  
44.*

KK men-

mentum , præter Dionem aut Tranquillum ; Nummi id satis refellunt, eodem viuo percussi , in quibus *CAESAR PAREN S PATRIAE* vocatur . De tempore eiusdem appellationis Augusto concessæ , maior inter eruditos controuersia ; de quâ paullo infra . De Tiberio , cognomen illud constanter cum recusasse Dio & Suetonius tradût, ac eiusdem Nummi fidem faciunt , qui carent hoc titulo . A Nerone idem sub initium principatus , propter ætatem reiectum auctor idem Tranquillus, ita tamen vt breui post receptum constet ex eiusdem Nummis , qui primis imperij annis percussi , eundem cum reliquis signant . A Vespasiano eandem appellationem cum Tribunitia Potestate serius admistam , auctor idem Tranquillus . De posteriori vidimus ; priorem autem secundo imperij anno iam ab eo susceptam in eiusdem Nummis agnoscas . De Hadriano etiam refert Spartianus , Patris Patriæ delatum sibi nomen statim atque iterum distulisse, quod hoc nomen Augustus serò meruisset . Hanc tamen moram breuem fuisse , rectè ex eiusdem Nummis collegit Cl. Casaubonus ; qui nempe primo eius Consulatu percussi illius cognomenti meminere . Sciendum tamen , plurimos extare eiusdem Nummos , cum sola Inscriptione *HADRIANVS AVGVSTVS* , & memoriâ  
Con-

Consulatus, vt vel hinc *iterum* hoc nomen illum *distulisse*, rectè cum Spartiano colligas. De Pertinace verò, vt singulare obseruat Capitolinus, quod primus eadem die Augustus & Pater Patriæ sit renuntiatus; quod de Alexandro Seuero, & reliquâ honorum congerie annotauit Lampridius. Vbi obseruandum obiter, non tam ratione aut destinato consilio, quàm impetu & acclamationibus Populi aut Senatus, appellationes id genus frequenter concessas. Ita eodem ritu quo Romulus olim Parens vrbis à multitudine declaratus legitur apud Liuium, sic à Populo I. Cæsarem *PARENTEM PATRIÆ* legas apud Dionem proclamatum, ne magis Ciceronis cum Appiano, quàm eiusdem Romuli exemplo, cognomen illud Cæsaribus tributum censeas. Aliàs iam olim Cyrum ΠΑΤΕΡΑ ΑΝΘΡΩΠΩΝ dictum obseruat Pausanias, & eandem etiam appellationem Antoninum Pium Cæsarem meruisse, δοξὴν δὲ ἐμῇ *In Arcadicis.* καὶ τὸ ὄνομα τὸ τῷ Κυρῷ φέροιτο ἂν τῷ παρ᾽ εὐτερέῃ ΠΑΤΗΡ ΑΝΘΡΩΠΩΝ καλούμενος. *Mea verò sententia Cyri senioris nomine insigniri meruisset, vt nempe PATER HOMINVM diceretur.* Quo nomine dicam illi scribit vir doctissimus ad Capitolinum, quasi oblitus sit Pausanias; decreto Senatus *PATREM PATRIÆ* appellatum eundem Antoni-

num, & ita occupatum sit à Senatu, quod ipse decernendum insinuat. At quis non absoluendum hîc videt ab omni censura Pausaniam, quum non eadem sit *PATRIS PATRIAE* & *PATRIS HOMINUM* appellatio; prior angustior, nec soli Antonio Pio, sed promiscuè Cæsaribus communis, ut vel eorundem Nummi arguunt; posterior Ioui Deorum hominumque parenti propria, & Cyro peculiaris. Quod ipsum & res arguit, & confirmat egregiè Themistius, qui mirè Pausaniæ locum & mentem illustrat. Ille enim ubi Cyrum *PATREM*, alios Persarum Reges variis nominibus distinctos commemorasset, addit, *θεία δ' ἐμὸν ἢ τῷ πατρὸς ἐπωνυμία, ΠΑΤΕΡΑ γὰρ ἈΝΘΡΩΠΩΝ καὶ τὸν Δία διωοῖνται ἐπωνομάζουσι.* Sola verò ex ijs diuina est Parentis appellatio *PATREM* enim *HOMINUM* & Iouem ipsum Poetæ appellarunt. Ita voluisset hoc loco Pausanias, Antoninum non *PIVM* solum, aut *PATREM PATRIAE*, quod usu iam tritum, & inferius eius *φιανθρωπία*, sed *PATREM HOMINUM*, Iouis aut Cyri exemplo appellari. Sic in eundem sensum de Augusto loquentem videas Ovidium,

*Orat. V.*

*Fast. lib. I.*

*Salve PATER PATRIAE tibi Plebs,  
tibi Curia nomen  
Hoc dedit, hoc dedimus, nos tibi nomen Eques;  
Res*

*Res tamen ante dedit, serò quoque vera tulisti*

*Nomina, iã dudũ tu PATER ORBIS eras.*

Id verò. Cognomen *PATRIS ORBIS*, quod meruisse pridem Augustum tradit Poeta, gestasse demum videmus, illius coniugem Liuiam, quæ in Nummis *GENETRIX ORBIS* vocatur. Hinc natæ illæ propriæ

Cæsarum appellationes in eorum Nummis, & reliquis monumentis, non solum *PATRIS PATRIAE*, sed præterea *PATRIS CASTRORVM*, *PATRIS EXERCITVVM*, quæ vt summi fasti-

gij vocabula, Augustis tantum solita conferri, aut designatis eorum hæredibus. Quæ illustant egregiè locum Taciti, apud quem inter reliqua crimina Pisoni obiecta, *vitio versum*, quod passus sit vt *PARENS LEGIONVM*

*Annal. 3.*

vocaretur. Nouum insuper in Augustorum gratiam repertum *PATRIS SENATVS* cognomentum, quod Tiberio recusanti consul Vipfanius deferebat, & Pupieno ac Balbino Nummi verè tribuunt, cum inscr. *PATRES SENATVS*.

Repertum illud nempe vice antiquæ illius appellationis *PRINCIPIS SENATVS*; quam ab Augusto susceptam, à Tiberio inter titulos principatus adscriptam, supra ex Dione vidimus. Hinc verò ad Augustas etiam eadem translata

cognomenta, *MATRIS SENATVS*;

*MA-*

tua quadam inter se omnium ordinum caritate. Quo sensu iam olim, & *PIVS* Aeneas apud poetam, & *PII* fratres Catanenses apud Græcos, & præter Oppium, Metellus, ac S. Pompeius *PII* in eorundem Nummis dicti. Ita rursus non liberorum erga parentes, sed parentum in liberos caritate, non solum *PIETAS* in Augustarum nummis, Matris gremio liberos fouentis, aut manus super eosdem extendentis symbolo frequenter adumbratur, sed in altero etiam Antonini numismate, fig. stans cum tribus pueris, & inscr. *PIETATI AVG.* Quò referri etiam debet rara inscriptio Theodoræ Maximiani Coniugis apud Trifanum *PIETAS ROMANA*, cum figura mulieris filium lactantis. Hinc natum vtrumque hoc discrimen in Romanorum monumentis, vt ijs ex æquo celebraretur *PIETAS* Principis, cum erga Deos, tum in liberos ac subditos, pro vtraque nominis illius ratione; & rursus *PIETAS* subditorum erga Principem; vt Parentem nempe Communem, aut Numen tutelare. Posterioris huius moris exempla, cum obuia apud Scriptores, vt in verbis Pisonis apud Tacitum; *vixisse me Caesar cum fide aduersum te, neque alia in Matrem tuam PIETATE;* tum manifestius, in Statua illa erecta L. Vitellio patri cum inscr. *PIETATIS IMMO-*

*Annal. III.*

*Sueton. in Vitell.*

MOBILIS ERGA PRINCIPEM!

Vnde & inter faustas Patrum acclamationes, in inauguratione Pertinacis, ingestum illud *PIETATI SENATVS FELICITER* ; quem Lampridij locum egregiè illustrant præclari nummi Antonini Pij, & Commodi, cum Imperatoris & togatâ Senatus figurâ , ac inscr. *PIETATI SENATVS*

Lamprid. in  
Commodo.

Ita vicissim alius occurrit nummus Galbæ rarissimus , & quem vna nuper apud Illustrissimum Camillum Maximi inspiecibamus , in quo Galba cum sceptro & eadem Senatus figura , capiti illius coronam imponens , cum

In Thes. Regine  
Sued. & Magni Ducis.

inscr. *SENATVS PIETATI AVG.*

Vbi nempe videas , Senatum eodem illo habitu expressum , quo depictum illum in priscis imaginibus tradit Dio . Sic alibi mutua duorum Augustorum Pupieni & Balbini Concordia solito symbolo , duabus nempe manibus iunctis adumbratur , cum inscript. *PIETAS MUTUA AVGG.* Hinc factum etiam , vt labente imperij ævo , inter solita & propria Imperatorum epitheta , *PIETAS* sicut Serenitas , aut Mansuetudo sit recepta , quod notatur in Nouellâ Iuliani . Antonino autem non vt commune illi postea cum reliquis Augustis , sed & propriû cognomen mansit , desumptum ab illius cum in Hadrianum , tum in Deos Pietate . Postremum notat Pausanias ,

Lib. 68.

Nouella 115.

*In Ariadicis.* τῷτον ΕΥΣΕΒΗ τὸν βασιλέα ἐκάλεσαν οἱ Ρω-  
μαῖοι διότι ἐς τὸ θεῖον τιμῇ μάλιστα ἐφαίνετο χρη-  
μενος . Hinc solo PII nomine frequenter desi-  
gnatur, vt apud Lampridium in Alexandro  
Seuero, *quid P I O sanctius* , *quid MAR-*  
*CO prudentius* , *quid V E R O simplicius* ; &

*In Pescen. Ni* ad eum adludens Poeta apud Spartianum;

*gro*

*Cui dederint Superi nomen habere PII.*

*De Titulo*  
*FELICIS.*

FELICIS etiam appellatio , Syllæ  
exemplo à Cæsaribus admissa, quam Commo-  
do, Perenne occiso, demùm concessam , ex  
Lampridio & Nummis eiusdem Augusti mo-  
nuimus . Eandem verò altero nomine P I I  
præterito , à Senatu delatam recepisse Macri-  
num docet Capitolinus ; *Et quum illum Sena-*  
*tus P I V M ac FELICEM nuncupasset,*  
*FELICIS nomen accepit.* Ad quod eius in-  
stitutum adlusisse videtur illius nummus cum  
inscr. *ROMÆ FEL.* Romæ felicitis . Aliàs  
vtrumq; *PIETATIS ET FELICI-*  
*TATIS* elogium Traiano vnâ iam olim  
adscriptum in veteri Marmore . Solliciti nem-  
pe ante alia Cæsares , vt felicitas suorum tem-  
porum non vno acclamationum aut monu-  
mentorum genere posteris traderetur . Hinc  
frequentes illæ in præclaris eorundem Num-  
mis inscriptiones, *FELICITAS AVG.*  
*FELICITAS TEMPORVM* ; *FELI-*  
*CITAS REIPVBL. FELICIA*  
*TEM-*

*Thes. Græc. p.*  
*246.4*



TEMPORA ; FELICITAS SÆCVLI ; FELICITAS PVBLICA , & in eximio Nummo Maxentij AETERNA FELICITAS AVG. Hæc omnia vero varijs in iisdem symbolis expressa , Triremi , seu prosperæ nauigationis cursu ; quatuor pueris & cornucopia , ceu quatuor anni tempestatum felici prouentu ; Oliuæ ramo & Caduceo, ceu Pacis nuntiis; tum figuris Victoriarum nonnunquam , vt Belli feliciter confecti testibus . Vnde paulatim illæ Cæsarum in antiquis lapidibus appellationes , non PII solum aut FELICIS , sed PISSIMI, FELICISSIMI , BEATISSIMI ; quorum vtramque non vnus etiã Diocletiani & Maximiani nummus præfert . Quod minus mirum eã ætate , quã Inuictissimi , Victoriosissimi , Fortissimi , Clementissimi , Maximi , dicti passim Augusti . Sic NOBILISSIMI titulus Cæsarum peculiaris, & frequens iisdem temporibus , in Philippi Iunioris Nummis primùm legitur . Origo tamen eius iam à Traiano repetenda , vt patet ex veteri lapide & æuo Commodi , quo idem adhuc Cæsar PONTIFEX NOBILISSIMVS vocatur . Quod illustrat etiã Nummus eiusdem Commodi cum inscr. NOBILITAS AVG. Aliàs FELICIS illud aut FELICISSIMI Cognomen, quod in Imperatoribus honorificentia,

Thef. Græc. p. 246.3.

Idem p. 260.6

vt loquuntur scriptores Historiæ Augustæ vocabulum, frequens pro nomine proprio illis temporibus habebatur, vt iam supra monuimus, & quâ ratione *FAVSTARVM* ac *FAVSTINARVM* in iisdem Nummis nomina manifestum reddunt.

*De Titulo  
DOMINI.*

Nec præteriri hîc debet recepta sequiori æuo Cæsarum *DOMINI* appellatio, quæ rursus pro Prænominis & supremi fastigij vocabulo, in eorundem Nummis signatur. Origine autem illius tituli à Domitiano inducta, à Carò illius exemplo repetita, vt probant huius nummi cum inscr. *DEO ET DOMINO NOSTRO CARO*, vt ad eum recepti postea in Nummis vocabuli vsus referri omnino debeat. Hinc enim à successore eius Diocletiano traducta postea appellatio, vt satis constat ex eiusdem & successorum Nummis, cum solito titulo *DN.* vel *DN. N. Domino* vel *Domino Nostro*. Eadem aliàs à cautis vel moderatis Principibus repulsa, vt Augusto, Tiberio, & Alexandro Seuero, qui *DOMINVM* se vocari vetuit. Iam enim pridem ante Carî aut Diocletiani tempora receptus vsus erat, vt Cæsares *DOMINI* à necessarijs aut salutantibus compellarentur, vt ex Plinij Epistolis ad Traianum satis notum; ipsi tamen ab eadem appellatione abstinere, vt docent eorum Nummi & Marmora. Vnde &

Au-

*Lamprid. in  
Alex. Sen.*

Augustum ipsum ab hac appellatione abhorrentem, *DOMINI* tamen vocabulo compellat Cleopatra apud Dionem & eundem alibi *Lib. 51.*  
 Licinius. Ita *DOMINAE* vocabulum *Lib. 54.*  
 Romanis olim Matronis à viris aut amicis tribui solitum, notarunt iam eruditi; vnde de Claudio refert Tranquillus, eum interfecta illius iussu vxore Messalina, paullo post tamen in triclinium decumbentem rogasse, *cur domina non veniret*. Hinc de Elagabalo omnium Virorum muliere notauit etiam Dio *Γυνή τε Lib. 79.*  
*καὶ ΔΕΣΠΟΙΝΑ, Βασιλὶς τε ὀνομαζέτο. Mulier verò & DOMINA & Augusta etiam vocabatur*. Aliàs idem *DOMINI* vocabulum, vt Cambyfi proprium iam olim adhæsisse, supra ex Themistio notauimus. Factum verò paullatim, vt pro *DOMINIS* postea *DOMINI* dicti sint Cæsares & Ecclesiarum Antistites, vt obuium ex Anastasio & Scriptoribus eorum temporum.

Vnum verò hîc superest *CENSORIS* *De Titulo CENSORIS Tacit. Annal. XI. Lib. 53.*  
 munus, quod non omiserunt Cæsares, *cum-  
 Eta Legum ac Magistratuum munia in se tra-  
 hentes*. Adeò quidém vt Dio obseruet, vi il-  
 lius Potestatis, in vitam & mores Senatorum inquirendi, census agendi, in Equestrem aut Senatorium ordinem adscribendi, alios ex iisdem remouendi plenum imperium eosdem habuisse. At verò alibi vim quid em agnoscit  
 illius

illius Magistratus penes Cæsares fuisse, sed eosdem tamen sua ætate, præterquam in agendo censu, nomine aut Magistratu Censorio abstinuisse. In quo discrimen notat sui æui, & priorum aliquot Cæsarum, qui Censoris nomen ab iis nonnunquam susceptura, à Domitiano certe gestam Perpetuam Censuram tradit. Ita nempe se habuit Censura sub Cæsariibus. I. Cæsari & Augusto cum reliquis honorum titulis, oblatum etiam perpetui Censoris munus. Prior admisit sub nomine Præfecti Morum, sicut Cicero ac Tranquillus eum vocant. Posterior tenax semper callidi propositi, Perpetui Censoris titulum recusavit, ita quidem ut crearet Censores, more veteri, ipse *munia Censoria usurpans*, ut etiam de Claudio loquitur alicubi Tacitus. Aliàs & Censuram gessit Augustus cum Agrippa, ne promiscuè Censoris nomen æque ac Dictatoris refugisse illum cum doctissimo Casaubono statuas, sed alterum illud munus obnoxium invidiæ Perpetui Censoris. Factum verò postea, ut Magister Morum idem crearetur in quinquennium, cum *POTESTATE CENSORIA*; ut omisso nempe titulo rem teneret, haud aliter ac Tribunitiæ & Consularis Potestatis reperta illa ætate vocabula. Eiusdem quoque Censoriæ Potestatis mentionem videas apud Tacitum, quam L. Vo-

*Annal. XI.*

*Annal. III.*

Volusio tributam narrat legendis Equitum decuriis . Hinc postea penes Cæsares mansit illa Potestas Censoria , ita ut eâ contenti , à Censoris nomine frequentius abstinere ; quod Dio tradidit , aut tantum in agendo censu idem usurparent . Hoc modo factum , ut obscura euaserit mentio gestæ Censuræ in Historiâ Augusta , nomen certè eiusdem à Flauijs admissum , post Domitiani verò tempora vix in publica monumenta Cæsarum sit adsumptum . Obstare tamen hîc videtur fragmentum veteris lapidis apud Gruterum , qui Caracallæ tribuitur , & ubi inter reliquos titulos Censorem illum dictum video , contra morem eorum temporum Dioni obseruatum . Sed imposuerunt hîc nobis eruditi Collectores , quum lapis ille non ad Caracallam , verum ad Vespasianum omnino sit referendus , ut ex collatione alterius Inscriptionis mihi sit manifestum . Prius fragmentum tributum Caracallæ ,

....PONTIFICI MAX.

TRIBVNIC. POTESTAT.

IMP. XVII P. P.

COS VIII DESIG VIII CENSORI  
CONSERVATORI CAEREMONIARVM  
PVBLICARVM ET  
RESTITVTORI AEDIVM SACRARVM  
SODALES TITI.

*Thef. Inscr.*

*p. 270. 2.*

Alte-

eundem vnum *CENS. PER.* seu *Censorem Perpetuum* passim in iisdem vocari; reliquos verò Cæsares vulgò ab eâ Censoris appellatione abstinuisse. Claudij etiam Censuræ, cuius præter Tacitum aut Tranquillum, Plinius & Sidonius meminere, testes etiamnum inscriptiones, cum in nummo eiusdem Claudij, tum in veteri lapide. Eximium præterea Censuræ monumentum exstat in præclaro Nummo Vitellij, in cuius auersâ parte *L. Vitellij Parentis actio Censoria* luculenter expressa; Censor nempe in fuggestu, ante quatuor figuræ stantes, ex quibus vna supra tres reliquas sublata, prima Cæsari aliquid porrigit, Nummi verò inscriptio *L. VITELL. CENSOR. II. S. C.* Qui nummus abundè docet dignitatem muneris Censorii, cuius gesti memoria ab Imperatore filio renouari in Nummis meruit. Ut pateat non absurdè Plutarcho, Censuram honorum omnium apicem vocari; aut cur Pollio tradat Valerianum antea Censorem, postea Imperatorem fuisse. omisâ aliarum dignitatum nomenclatione; quod non debuit ibi magnò interpreti negotium facessere. Certè quum tres Consulatus præter Censuram gesserit hîc Vitellius, ab hac tamen potius, vt per se eximiâ, & sub Cæsaribus singularis exempli, quæsitum honoris apud Posteris monumentum. Ut constet etiam cur Tacito, Vi-

*In Catone.*

*In Valeriano.*

*Histor. III.*

M m

tel-

tellius Imperator, *CENSORIS Vitellij & ter  
 Consulis filius* dicatur, quem alibi ab eodem  
 Parente omnem suam claritudinem conse-  
 quutum docet Tranquillus. Ita longè felicior  
 huius Filij in Patrem Pietas, illo honore Sta-  
 tuæ, quam eidem L. Vitellio pro Rostris à Se-  
 natu erectam supra ex Suetonio tradidi, cum  
 titulo *PIETATIS IMMOBILIS ER-  
 GA PRINCIPEM*. Nota nempe ex aucto-  
 ribus illorum temporum exquisita huius Vi-  
 tellij adulatio, quâ sub impuris principibus  
 summos honorum apices adeptus est, & inter  
 reliquos Censuram sub Claudio gessit, ut  
*Annal. XII.* cum aliunde, tum ex Tacito constat; *Igitur  
 Vitellius nomine Censorio seniles fallacias obte-  
 gens*, qui & Silanum Praetorem per edictum  
 Vitellii (Censoris nempe) ordine Senatorio  
 motum tradit in sequentibus. Immo liquet  
 etiam ex eodem Nummo, quale fuerit illud  
*Lib. 54.* Tribunal Censorium; cuius meminit Dio, &  
 quod eadem die narrat corruisse, quâ illud  
 conscenderunt duo creati ab Augusto Censo-  
 res, Aemilius Lepidus & Munatius Plancus.  
 Quod verò eodem loco Dio id in omen tra-  
 hit, quod factum nempe fuerit, ut ab eo tem-  
 pore non duo amplius priuati homines Cen-  
 sores fuerint, sed iidem postremi vna hoc mu-  
 nere sint functi, hinc etiam obiter potest in-  
 telligi, & conferri cum altero Tranquilli loco  
 de

de Claudio; Gessit & Censuram intermissam diu In Claudio.  
post Paullum Plancumque Censores . Duo

nempe circa Censuram mutata sub Cæsaribus;  
Primum , quod non vt antea perpetua , sed  
intermissa fuerit Censura, in agendo censu &  
pro arbitrio Principum solita renouari ; vnde  
neglecta eadem ab æuo Augusti ad Claudium,  
& postea nonnisi per varia temporum inter-  
ualla repetita . Secundò , quod eo casu etiam  
non amplius duo Censores e Consulibus vi-  
ris crearentur more veteri, sed Cæsar vel so-  
lus Censuram gereret, vel eam in alium tran-  
sferret, sicut sub Claudio hîc Vitellius , &  
sub Deciis Valerianus Censores extitisse le-  
guntur . Postremi itaque sub Augusto, Paul-  
lus Aemilius & Munatius Plancus duo Priua-  
ti simul veteri Censura defuncti, cuius etiam  
malè ab iis gestæ meminit aliàs Velleius . *Diolib. 51.*  
Hęc mens Dionis , vnde eximiè illustra-  
tur alter Trebellij Pollionis locus , vbi indu-  
cit Valerianum, onus Censuræ recusantem:  
*Hæc sunt propter quæ Augustum nomen tenetis*  
*apud vos Censura desedit , non potest hoc implere* *Lib. 53.*  
**P R I V A T V S.** Vides paria facientem cum  
Dione, Censuram nempe à priuatis ad Principem  
referentem . Insolitum illud itaque acci-  
dit sub Deciis , vt decreto Senatus , & Principum  
auctoritate , priuatus adhuc Valerianus  
solus Cenfor crearetur , & cum amplissimâ



*Epistol. lib. 4.*

Censuræ potestate , tam circa mores quàm censum ; ita ut ab eius censurâ soli immunes relinquerentur Præfectus Urbis, Consules Ordinarij , Rex Sacrorum , & Maxima Virgo Vestalium. Omissus aliàs & ante & postea sub Cæsaribus hic vsus saluberrimi Magistratus , quatenus maximè in censurâ morum versabatur, & quem auctore Symmacho nequicquam reuocare voluit Theodosius. Accedit præterea & altera observatio, quod non semel sed bis Censuram gessisse Vitellium constet ex hoc Nummo , quod omissum à Scriptoribus, qui in genere Censuræ Vitellij, & trium eius Consulatum meminere. Vnde liquet etiam errare viros doctos , qui post Marcum Censorium nullum bis Censorem adscitum credidere. Ut mittam iam Domitianum , qui non CENSOR solum , in vulgatis Nummis , sed in aliquot etiam rarioribus CENSOR XII. describitur. Et hæc de Censurâ sub Cæsaribus, cuius rationem non videntur satis adsequuti viri docti, & in quâ tradendâ, haud contemnendum occurrit Nummorum beneficium .

*De Titulis  
alijs speciali-  
bus à Deis pe-  
titis .*

Accedunt his peculiariâ quædam nonnul-  
lorum Augustorum Cognomenta , à Diis pu-  
ta , Titulis deuiotarum Gentium , aut Affini-  
tatibus nonnunquam ac Affectionibus desumpta.  
Prioris generis est. *OLYMPII* nomencla-  
tio; quo nomine cultum à Græcis Hadrianum  
non

non aliunde , quàm ex rariffimis eius Nummis conftat . Vnus æreus maximus Laodicenſium , cum inſcr. ΑΥ ΚΑΙ ΤΡΑ ΑΔΡΙΑΝΟC ΟΛΥΜΠΙΟC . Vidit iam olim geminum nummum Erizzo , ſed cuius genuinum ſenſum aut lectionem integram non eſt aſſequutus , vt videre apud eundem licet . Alter Ephęſiorum . ΚΑΙ CΑΡ ΟΛΥΜΠΙΟC ΑΔΡΙΑΝΟC . Cum Ioue nempe Olympio communis illi hæc appellatio, occaſione Templi , quod illi pariter ac ſibi Athenis dicauit eo nomine Hadrianus , vt ex Dione & Spartiano licet colligere . Vnde præter eoſdem non parùm illuſtratur Pausanias , qui huius templi ab Hadriano conſecrati meminit , in eoq: ſingulas Vrbes Statuas illi poſuiſſe commemorat; quas nempe erectas ſub titulo *HADRIANI OLYMPII* ex præclaris his Laodicenſium & Ephęſiorum nummis liquere videtur . Hinc factum etiam , vt plures occurrant adhuc hodie Nummi Græci eiufdem Hadriani , cum Iouis effigie in auersâ parte , quos non magis Athenis , vt Erizzo exiſtimauit , quàm alibi percuſſos hinc diſcas . Periclis aliàs exemplo Athenis primò ſuſceptum id cognomen ab Hadriano , quod vt arrogantiam plenum in ſugilla priori Plutarchus . *HERCVLIS* etiâ nomen eidem Hadriano tribuunt aliquot nummi , qualem vnum edidit Triſtanus cum inſcr.

*HERC.*

*In Theſ. Regina & Magni Ducis. Diſcorſ. ſopra le Medagl.*

*In Atticis.*

*Annal. 3.*

*In Pericle.*

*In Not. ad  
Spartian.*

*Lamprid. in  
Commod.*

*In Thef. Reg.*

*HERC. GADIT.* seu *Herculis Gaditani*. Huc etiam referri debet inscriptio Græca alterius nummi, prolata iam olim à Cl. Casaubono e penu Thuaneâ, in qua *HERCVLES ROMANVS* vocatur; ΑΥΤ. Κ. ΑΔΡΙΑΝΟC CΕΒΑCΤΟC ΗΡΑΚΛΗC ΡΩΜΑΙΟC; & altera in qua *HERCVLES SERVATOR* idem dicitur ΗΡΑΚΛΕΙ ΣΩΤΗΡΙ ΑΥΤ. Hercules etiam cùm habitum tum nomen gestasse Commodum prisca auctores tradidêre, qui eandem quoque illi *ROMANI HERCV-*  
*LIS* appellationem largiuntur, *Appellatus est etiam ROMANVS HERCVLES* quod feras *Lanuuij in amphitheatro occidisset*; & alibi accepisse statuas in Herculis habitu, & mensem Septembrem *HERCVLEM* etiam sub eodem dictum tradunt, sicut aliàs Urbem Romanam ab eo *COLONIAM COMMODIANAM*, & Senatum *COMMODIANVM* nuncupatum; vt mittam classem quoque Africanam *COMMODIANAM HERCVLEAM* ab eo denominatam. Præclaram verò huius rei fidem adhuc hodie præstant, cùm Statuæ aliquot Commodi in Vrbe conspicuæ cum illo Herculis habitu, tum adhuc luculentius nonnulla eius Numismata cum habitu & ornamentis Herculeis ac inscr. *HERCVLI ROMANO AVG.* Accedit alter Nummus, in quo figura ducens plaustrum cum boue &

VAC-

vacca, solito Coloniae ducendæ symbolo, ac  
 inscr. *HERCVLI ROM. CONDITORI P.*  
*M. TR. P. XVII. COS. VII. P. P.* vt mittam  
 alterum cum inscr. *HERCVLI COMM-*  
*DIANO* quod nempe de eo tanquam altero  
 vrbis conditore Roma *COLONIA COM-*  
*MODIANA* diceretur. Idem alias *HERCV-*  
*LIS* nomen à Maximiano adsumptum liquet,  
 vnde non solùm *HERCVLIVS* dictus in pri-  
 scis monumentis, sed & rarissimus nummus  
 in eiusdem honorem percussus sub figura Her-  
 culis Hydram occidentis & inscr. *HERCV-*  
*LI DEBELLATOAI*; de cuius symboli ra-  
 tione paullo infra. Nec aliena ab eodem ap-  
 pellatio *HERCVLIS VICTORIS*, cùm Ma-  
 ximino Cæsari, tum magno Constantino  
 nondum Christiano in aliquot eorundem  
 Nummis concessa. Haud aliter nempe Aemi-  
 lianus Aug. *HERCVLIS CONSERVATO-*  
*RIS* nomine in veteri lapide, aut Seuerus  
*HERCVLIS DEFENSORIS* elogio designa-  
 tus in antiquo numismate. *IOV II* verò nomen  
 à Collega eius Diocletiano receptum docent  
 antiqua marmora, quod ad successores eius  
 Galerium Maximum, aliosque transiisse ex  
 præclaris aliquot eorundem Nummis liquet,  
 vt suprâ iam monui. Hinc vtrumq; etiam Dio-  
 cletianum & Maximianum *IOVIS & HERCV-*  
*LIS* nominibus designatos videas in præclaro  
 Nu-

*In Thes. Reg.*

*In Thef. Reg.* Numismate, in quo tres monetæ cum Inscr.  
*MONETA IOVI ET HERCVLI AVGG.*  
 Ita Licinius August. & Maximinus Cæsar IO-  
 VII dicti in eximiis aliquot eorum Nummis,  
*Vid. Euseb. Hist. Eccl. l. IX. c. 9.* *IOVIVS LICINIVS AVG.* aut *IOVIVS*  
*MAXIMIVS NOB. CAESAR.* Vnde  
 Themistius etiam in Panegyrico ad Iouianum,  
 adludit ad eandem huius Augusti inde petita no-  
 menclationem. Mitto arreptas à Caro *DEI &*  
*DOMINI* appellationes, quarum ali quoties  
 iam meminimus & quas præter alios tribuit  
 illi rarus nummus, in quo duo capita Cari &  
 Solis cum inscr. *DEO & DOMINO CARO*  
*AVG.* In auersâ parte verò figura stans, *FE-*  
*LICITAS REIPUBLICÆ*, quibus vl-  
 terius confoditur error Scaligeri nummos Ca-  
 ri cum *DEI* inscriptione ad Carum mortuum  
 & consecratum referentis.

*De Titulis* A Victorijs aut Titulis deuictarum Gen-  
*Victoriarum.* tium nota ex iisdem cognomina, *GERMA-*  
*NICI*, *BRITANNICI*, *SARMATICI*,  
*DACICI*, *ARMENIACI*, *ARABICI*,  
*ADIABENICI*, *PARTHICI*, *MEDICI*,  
 Drusis, Germanicis, Caiis, Claudiis, Neroni-  
 bus, Vitelliis, Domitianis, Neruis, Traianis,  
 Antoninis, Seueris, Maximinis, Diocletia-  
 nis, Caris, in eorundem Nummis vsurpata.  
 Vnde patet quàm verè per intervalla tempo-  
 rum decreta hæc iisdem narrent Historiæ Au-  
 gustæ

gustæ Scriptores , nec *Armenici* vt vulgò apud eosdem legitur, sed *Armeniaci* reponendum esse vocabulum. Aliàs exceperunt eosdem Titulos sequiori ævo , cognomina *ALAMANNICI*, *FRANCICI*, *GOTHICI*, *PONTICI*, quæ in Valentiniani, Iustini, aliorumque illius ætatis Augustorum Inscriptionibus, & Monumentis passim leguntur. In vicem nempe *GERMANICI* amati adeo pluribus Augusti Cognominis, vt vel eorundem nummi arguunt, inductû postea nomen *ALAMANNICI*. Vtrumque tamen simul iam olim receptum, quum nondum Alamannia nomine Germania integra, sed pars quædam & veluti appendix censebatur. Hinc de Probo Vopiscus, testes *Germani* & *Alamanni* longè à *Rheni submoti littoribus*, & de Caracalla Spartianus; Nam quum *GERMANICI* & *Parthici* & *Arabici*, & *ALAMANNICI* nomen adscriberet; nam *Alamannorum gentem deuicerat*. Coniuncta ibi vides *GERMANICI* & *ALAMANNICI* vt diuersa adhuc nomina, donec posterius vniuersæ Germanorum gentis locum occupauit, vnde iterum Vopiscus in Probo; Nam *ALAMANNOS* qui tum adhuc *GERMANI* dicebantur, non sine gloriæ splendore contriuit. Eadem nempe ætate inductæ *ALAMANNIAE* & *FRANCIAE* pro Germania & Gallia vocabula. Posterioris

meminit Nummus aureus & rarissimus Magni Constantini, cuius e&typum & insignium aliquot aliorum nuper ad me curare non est dedignatus *LEOPOLDVS* Etruriæ Princeps, omni laudum genere cumulatissimus. Prioris nempe nummi facies refert Constantinum Magnum; posterior iacentem mulierem solitum subiugatæ Prouinciæ symbolum, cum inscr. *GAVDIVM ROMANORVM*, infra *FRANCIA*. Vix aliud monumentum illustrius videas huius appellationis, quamuis *FRANCORVM* non obscura sit apud Ammianum aliosque mentio in rebus Constantini filiorum ac Iuliani, & iam ante *FRANCICI* cognomentum Probo tribuat Vopiscus; *Tu FRANCICVS*, *tu Gothicus*, *tu Sarmaticus*, *tu Parthicus*; vt faciliè pateat æuo Valentiniani non primum illud repertum, vt quibusdam eruditis placuit. Aliàs omnia id genus Cognomina deuictarum Gentium vno nonnunquam titulo complexi, *DEBELLATORI GENTT. BARBARARVM*, sicut in præclaro Nummo Constantii, aut *TRIVMFATOR GENTT. BARB.* in altero Honorij argenteo, mole & raritate insigni. Quo spectat geminus titulus *DOMITORIS GENTIVM BARBARARVM*, in veteri lapide p. 1086. 9. Valentiniani Augusti,

Adfinitatis verò aut Adfectus nomina suscepta

*Inthesauro  
Regin.*

*Thes. Inscr.  
p. 1086. 9.*

pta nonnunquam à Cæsaribus parandæ benevolentia, aut in grati erga Deceffores animi significationem . Huc spectat *ANTONINORVM* nomen celebratum adeò in monumentis Historiæ Augustæ , & quod sex Cæsaribus vulgo Nummi tribuunt Antonino Pio; M. Aurelio , Commodo, Caracallæ , Diadumeniano & Elagabalo . Vt pateat quàm verè inter reliquas Senatus acclamationes , hanc in Alexandro Seuerò referat Lampridius *MONETAE* nomen *ANTONINI* reddatur , aut alibi adsumpto à militibus in nomen Antonini Diadumeniano , *ANTONINVM* habemus , omnia habemus . Ab Antonino Pio nempe ad M. Aurelium & reliquos dein transit vsus huius appellationis , pro more illorum temporum , quo adoptati Cæsares Decefforum nomina retinebant , vnde & *NERVA TRAIANVS*, & *TRAIANVS HADRIANVS* , & ipse Antoninus *HADRIANVS ANTONINVS* in eorundem Nummis & Marmoribus vocantur . Ita *PERTINAX SEVERVS* frequens in Seueri nummis , ut esset Imperator verè nominis eius , verè *PERTINAX* , verè *SEVERVS* , & idem Auctor paullo ante , se quoque *PERTINACEM* vocari iussit , quamvis postea id nomen aboleri voluerit querimonia amicorum . Quod discrimen notant adhuc hodie eiusdem Seueri Nummi

*Spartian. in Severo.*



cum appellatione Pertinacis & sine eadem frequentes, ita ut hos etiam reliquis posteriores constet ex hoc loco. Aliàs affectatam ab eodem cum M. Aurelio adfinitatem, & erga memoriam Commodi propensionem, egregiè illustrant rariores eiusdem ac filij Caracallæ Nummi; in quibus aut Seuerus *DIVI MARCI FIL.* cum reliquis titulis describitur, aut Caracalla *COMM. MODVS* etiam vocatur, ut in veteri nummo Laodicensium apud Tristat-

*T. II. p. 185.* num. Huc referri etiam debet expressa illa adfinitatis significatio in nummis Maxentij *DIVO MAXIMIANO PATRI MAXENTIVS AVG.* & in alio *IMP. MAXENTIVS DIVO MAXIMIANO SOCERO* ut eundem Socerum & Patrem vocet.

*De FACTIS* Cæsarum verò *FACTA* quæque illustria domi ac foris, ubi luculentius, quàm in eorundem Nummis depicta reperias? Abundè id euincunt cùm Tituli Nummorum aliquoties commemorati, tum eorum lucubrationes, quos ex iisdem Historiam Augustam aut tradidisse duximus, aut illustrasse. Adeò ut hîc locum habeat, quod Dio oris aurei docet alicubi, non aliunde magis Græciæ magnitudinem, quàm ex ruinis eiusdem constare. Neque enim hîc leuia, turpia, indigna denique Maiestate illius Imperij vel Fastigij se tibi offerunt, sed eximia quæque & magnifica bel-

li ac

li ac pacis decora ; selecta nempe opportunè  
quæ posterorum memoriæ commendarentur.  
Accedit defectus aut hiatus Historiæ Augu-  
stæ, dum centonem eiusdem tractamus ex va-  
riis laciniis consutum; quo fit vt aut vita plu-  
rium Cæsarum negligentius tradita sit, alio-  
rum etiam tota interierit. Neque enim licet  
hodie consulere aut Ephemerides eorundem  
Cæsarum, aut libros linteos, aut Maximi,  
Fabij, Marcellini, Dexippi, Valentis, Ma-  
rij, aliorumque Βιογραφων laudata iam olim  
monumenta. Iacturam hinc eorundem sup-  
plet Nummorum id genus supellex, ex qua in-  
tegritas mutilis, lux obscuris, ignotis verò  
Cæsarum Actis fides & veritas constat. Nec  
iuvat hinc ire per singula, aut quæ in hoc ge-  
nere nobis seposuimus non pauca ad supple-  
mentum Historiæ Augustæ aliis etiam inta-  
cta; operosè coaceruare. Id enim alteri & ope-  
re & loco reseruamus. Aliqua tantum obiter  
delibabimus, quæ in vberriam messe tenuis  
alicuius spicilegii vicem præstabunt.

Neque verò (vt hoc moneam in anteces-  
sum) quæ modo adtuli de argumenti delectu  
& præstantiâ eleuat nummorum aliquot ad-  
spectus, qui Philænidis schemata, aut impu-  
ros libros Elephantidis, nobis rursus ante ocu-  
los ponunt. Tales nosti veteres illos nummos  
rariores, quos vulgò Antiquarij Spintrijs Ti-  
be-

*De Num-  
mis vul-  
gò Spintrijs  
Tiberij.*

berij annumerant, idque ex Suetonio colligunt tradente de Tiberio; *Cubicula plurifariam disposita tabellis & sigillis lasciuissimarum picturarum & figurarum adornauit, librisque Elephantidis instruxit, ne cui in opera edenda exemplar imperatæ schemæ deesset.* Hinc Nummi adhuc superstites cum *obscænis* id genus *tabellis* damnatis Propertio, & quarum aliâs meminit vanissimæ artis Magister, non malè ad hunc Tiberium referri hætenus videbantur. Neque sic tamen, vt verum fatear, certò colligi posse existimauerim Nummos illos percussos sub Tiberio, quum neque id tradat eo loco Suetonius, nec vlla imago aut memoria Tiberij in iisdem sit expressa, sed tantùm litteræ numerales L. II. &c. Accedit abhorrens ab eiusmodi instituto Tiberij ingenium, qui in Capreeni secessu & remotus ab hominum conspectu, impuras id genus voluptates sibi seponebat. Vnde coniciebam eosdem ad Nummos illos theatrales commodè posse referri, qui in publicis & lasciuis spectaculis, in vulgus magno numero spargebantur. Fundus mihi huius moris & instituti Martialis,

Epigr. I. *Nunc veniunt subitis lasciuia numismata nimbis*  
VIII. 77. *Nunc dat spectatas tessera larga feras.*

Vides hæc *L A S C I V A N U M I S M A T A* & simul copiam ac rationem eorundem, quæ veluti *subitis nimbis* ad spectatores theatra-

li

li licentiâ proiiciebantur. Vt omnino huc spectare videantur lasciui illi nummi Romanorum adhuc superstites , qui vsu & argumento iisdem certè accedunt . Firmant id ipsum egregiè notæ illæ numerales , quales geminæ occurrunt in aliis nummis eiusdem molis & formæ, cum quadrigis vel effigie Augusti in anteriori parte , in auersâ numeri varij inclusi coronæ laureæ , & quos non malè ob Circæsiū aliorumq; ludorū celebritatem percussos colligas . Vnde cadit etiam eorum argumentatio qui ideo *lasciua* id genus *Numismata* Tiberio adscribunt , quod occurrant nonnulli eiusdem nummi , illinc cum eius effigie ; hinc cum Numeris id genus . Neque tamen negauerim , ex impuris illis schematibus Tiberij aut libris Elephantidis desumi potuisse lasciuas illas Nummorum figuras , qui reliquæ spectaculorum infamiæ accesserunt . Certè eò firmior nobis videtur hæc de Nummis illis coniectura , quod eandem tuo calculo , & Cl. Gottifredi iudicio probatam noui . Quum verò & numero pauci sint iidem nummi , & rarissimè occurrant in tanta & parata copia illorum , qui egregia quæque & salubria facinora habent depicta, nihil inde certe nummorum præstantiæ & vsui detrahi, haud difficulter largieris. Adeò vt non minus commodè adaptari illis possit , quod apud Sidonium le-

go :

*Lib. II. Ep. 2.* lego ; *Non hic per nudam pictorum corporum pulchritudinem turpis prostat HISTORIA, quæ sicut ornat rem, sic de venustat artificem.*

Duodecim quidem priorum Cæsarum vitas, ita Suetonius præter Dionem & Tacitum complexus est, ut varia tamen aut sponte neglecta, aut aliàs accuratam eorundem industriam fugerint. Non commemoro hæc COLONIAS, sub Iulio, Augusto, Tiberio, Claudio deductas, de quibus silent fermè Auctores, & quas Nummi exhibent, ut alibi videbimus. *ASYLORVM* ius & morem, quæ usquam erant, aboleuisse Tiberium tradit Suetonius. At verò incautè id ab eo adsertum liquet ex fide veterum Nummorum, in quibus non obscura eiusdem iuris mentio post Tiberiana tempora. Mitto enim antiquiores & præclaros vel Tyri nummos, cum inscr. ΤΥΡΟΥ ΙΕΡΑΣ ΚΑΙ ΑΣΥΛΟΥ, aut Apameæ ΑΠΑΜΕΑΣ ΤΗΣ ΙΕΡΑΣ ΚΑΙ ΑΣΥΛΟΥ. Recentiores Nummos hæc reputo, qui non vni ciuitati idem priuilegium sub Cæsaribus adiudicant. Talis sub Tito percussus, ΠΑΡΑΙΤΩΝΙΩΝ ΤΗΣ ΙΕΡΑΣ ΚΑΙ ΑΣΥΛΟΥ, quem adtulit Seldenus ad Marmora Arundeliana. Nec absimilis nummus Samosatæ Comagenæ Metropolis Φ. CAMOC. ΙΕΡ. ΑΥΤ. ΑΥΤΟΝΟ. ΜΗΤΡ. ΚΟΜ. h. e. *Flauia Samosate sacra, Inuiolabilis, suis legibus viuens, Me-*

*In Thes.  
Magni Ducis.  
In Thes. Reg.*

*Metropolis Commagenæ*. Geminus Nummus  
 Cæsareæ sub M. Aurelio KAIC. CEB. IEP.  
 KAI ACT. ΤΠ. ΠΑΝΕΙΩ. Cæsarea nempe  
 Philippi, vel *Paneas* hîc designatur, in num-  
 mis Titi CAESAREA PANIAS di-  
 cta, quæ non minus IEPA KAI ACTAOC  
 vocatur hoc loco, ac altera illa HIERO-  
 CAESAREA, quæ in contentione Urbium  
 de iure Asylorum, apud Tacitum legitur. Al-  
 ter Gabalitarum apud Goltzium, TABAΛI-  
 ΤΩΝ ΤΗΣ ΙΕΡΑΣ ΚΑΙ ΑΣΥΛΟΥ. Vnde  
 satis constat rectius Tranquillo, & ex fide Hi-  
 storix pronunciasse Tacitum, qui non ius  
 omne Asylorum sublatum, sed modum tan-  
 tum præscriptum docet. Nec illud ius solum  
 Asylorum, sed LIBERTATEM etiam  
 Græcis alijsque Ciuitatibus, à Cæsaribus non-  
 nunquam concessam, præter Auctores cele-  
 brant etiam eorundem Nummi. Ita Amisus  
 Vrbs Cappadociæ libertate donata ab Augu-  
 sto, auctore Strabone, vnde præter alios Pli-  
 nio iuniori vocatur *Amisenorum Ciuitas LI-*  
*BERA & Fæderata*. Hinc eadem occurrit  
 in nummis Caracallæ, cum inscr. AMICOY  
 EAET ΘEPAC. Aliàs ante Augustum, iam  
 olim ab Alexandro, & dein à Sylla eadem  
 Vrbs LIBERA relicta legitur apud Appia-  
 num, & à Lucullo apud Photium. Lacones  
 etiam ob eandem prærogatiuam Ελευθερολα-

*Annal. III;*

*Lib. XII.*

*Lib. X. Epist.*

*In Thes. Magni Ducis,*

*In Mithridat.*

Οο

κωας

*Lib. VIII.* *In Thes. Magni Ducis.* *novas* vocat Strabo, & Pausanias non aliter ac Rhodii in veteri nummo ΕΛΕΥΘΕΡΟΤΗΤΟΣ ΡΩΔΙΩΝ vocatur ob libertatem nempè iisdem adsertam à Romanis, vt ex Strabone, Appiano aliisq; notum. Alias non Vrbes solum singulas, sed Græciam etiam vniuersam *LIBERAM* à Nerone pronuntiatam, præter Historicos, Pausanias & Philostratus meminere, quod beneficium eidem postea ademit Vespasianus. In memoriâ gemini beneficii, Iupiter ΕΛΕΥΘΕΡΙΟΥ seu *LIBERATORIS* nomine cultus apud Syracusanos, vt constat ex veteri nummo illius urbis, in quo cap. Iouis & inscr. ΖΕΥΣ ΕΛΕΥΘΕΡΟΥ. seu ΕΛΕΥΘΕΡΙΟΥ. Sic cum Libertate ΑΤΤΟΝΟΜΙΑΝ seu patriis legibus viuendi arbitrium, variis Urbibus ac locis, Romanos olim permisisse, memorant non semel Auctores. Vtramq; Atheniensibus relictam meminit Strabo, ἐφύλαξαν τε καὶ ΑΤΤΟΝΟΜΙΑΝ αὐτοῖς καὶ τὰ ΕΛΕΥΘΕΡΙΑΝ, qui alibi Spartianis, Rhodiis Acarnanis, aliisque eandem conseruatam docet: vt mittam quod de bello illa de causa inter Romanos & Antiochum suscepto, ex Appiano aliisque satis constat. De Græcis in genere *Lib. I. Ep. ad Attic. 6. & Lib. VI. 3.* Tullius, *Græci verò exultant, quod se ΑΥΤΟΝΟΜΙΑΝ adeptos putant.* Explicat ius illud *Lib. XVII.* alicubi Strabo, κατὰ τινὰς πατρίδας νόμους, seu facultatem viuendi iuxta quasdam patrias leges, alibi:

alibi verò (vbi agit de simili iure Massiliensi- *Lib. IV.*  
 bus relicto, ) immunitatem à iurisdictione  
 Romani præsidis interpretatur . Scilicet eo  
 prærogatiuæ genere Vrbs vna altera nobilior  
 censebatur . Vnde Argiuos à Spartanis nobili- *Strabo lib.*  
 tate superatos narrat idem Strabo ; quod se *VIII.*  
*Αυτονομίης* conseruassent ; quod priuilegium  
 pretio proinde redimebant , vt de Ty- *Lib. XVI.*  
 ro memorat idem Auctor . Hinc intelligimus  
 cur eadem prærogatiua , vt insigne aliquod  
 beneficium , adscripta sit , non in vetustis so-  
 lùm Marmoribus , sed etiam in priscis aliquot  
 Nummis , vt Seleucię , ΣΕΛΕΥΚΕΩΝ ΤΗΣ *In Thes. Ma-*  
 ΙΕΡΑΣ ΚΑΙ ΑΥΤΟΝΟΜΩΝ . Alterius vr- *gni Ducis .*  
 bis mutila Nummi inscriptio . . . ΕΑΤΩΝ  
 ΤΗΣ ΙΕΡΑΣ ΑΥΤΟΝΟΜΩΝ . Cappadoci-  
 bus aliàs idem ius *Αὐτονομείσθαι* à Romanis  
 concessum , idem ille Cappadox tradit , quod *Strab. l. XII.*  
 tamen , (nata quippe gens ad seruiendum ,) non  
 admisere .

LIBERALITATE S verò , vel gra- *De Remissio-*  
 tuita beneficia Vrbi aut Prouinciis à Cæsari- *ne Onerum*  
 bus concessa , seu in largiendis opibus , seu in *aut Tributo-*  
 tributis aut oneribus remittendis , seu in sub- *rum.*  
 leuandis collapsis Ciuitatibus , iidem Tiberii,  
 Neronis , Galbæ & sequentium aliquot Cæ-  
 sarum nummi abundè prædicant . Galbæ cer-  
 tè , vt alia mittam , pulcherrimum facinus  
*Quadragesimam Remissam* , nō aliundè quàm ex



præclaris eiusdem Nummis hodie nouimus . Tales duo occurrūt eiusdem Galbæ, vnus cum viro ferente spolia , & inscr. XXXX REMISSA S. C. Alter rarior cum Arcu , quem aliquoties inspexi in Cimelio Ill. Camilli Maximi , *QVADRAGENSUMA REMISSA* . Geminum huic postremo vidit iam olim Casaubonus, quem adtulit ad Suetonium , & pluribus commendat , *Galbam reuocasse abolitionem Quadragesimæ docemus nos inuictō argumento Nummi veteris, qui ex S. C. ad tradendam posteris eius beneficij memoriam & honorem Galbæ, fuit percussus; eum nummum infra subiecimus* . Principum nempe breuioris æui facta negligentius ab Historicis tradita, vt rectè ibi obseruat vir eruditissimus , & plures huius Galbæ & successorum nummi ostendunt . Hinc omissa omni Galbæ mentione, malè huius portorii abolitionem à Nerone repetit Tacitus ; *Manet tamen abolitio quadragesimæ quinquagesimæque* : quum Galbæ præcipuum hoc fuisse beneficium constet inuictō huius nummi argumento . Neque enim audiendus vir doctissimus , qui nuper in Epistolis hanc abolitionem Neronis de quadragesima summæ litigantium , inuecta à Caio Imp. interpretabatur . Clarè enim eo loco Tacitus de Vectigalium abolitione , & coercitis sub Nerone publicanis ; vt non alia ibi quadragesima

*Annal. XIII.*

*Sueton. in Calig.*

simâ , quàm ea de qua agit Quintilianus ;  
*Præter instrumenta itineris omnes res quadragesimam publicano debeant* , aut Suetonius , qui pu-  
 blicum Quadragesimæ in Asia memorat, vt eadem loca iam olim ad Tacitum notauit Lip-  
 sius . Aliâs inscriptionem veterem **QVIN-  
 CTIO AVG. TABVLARIVS XXXX.  
 GALLIARVM** , verè de Tabulario Quadra-  
 gesimæ interpretatur alter vir ille eruditissi-  
 mus, & priorem sententiâ suam iure reuocat, de  
 mutandis illis denariorum notis in IIII. quasi  
 de Quatuor Galliis ibi esset mentio . Egregiè  
 nempe hunc & lapidem & sensum illustrat  
 prior ille Galbæ nummus, in quo XXXX pro  
 Quadragesimæ portorio, eadem ratione signa-  
 tur . Hanc verò Quadragesimam à Galba re-  
 missam, Symmachi æuo iterum persolui soli-  
 tam, ex eiusdem epistolis notarunt iam erudi-  
 ti . Vt verò Quadragesima hoc loco , ita Vice-  
 sima , Quinquagesima , Centesima , Ducen-  
 tesima , aliaque id genus Portoria & Tribu-  
 ta ; haud ignota ex priscis Romanorum mo-  
 numentis . Sic de Vigesiinâ abolendâ Augu-  
 stum cogitasse , aut saltem ad Senatum retu-  
 lisse auctor Dio Cocceius .

Declam. CCC  
LIX.

In Vespas.

Lib. 56.

Ad simile genus Beneficentiæ , pluri-  
 ma referri possent in nummis eorundem  
 Augustorum consignata . Talis **VEHICV-  
 LATIO ITALIAE REMISSA** à Ner-  
 ua ,

Lib. XXI.

Lib. 66.

ua, quem nummum iam excusserunt eruditi Antiquarij, & ad Spartianum in vitâ Hadriani Casaubonus. De Pio aliâs eundem cursum vehicularium subleuasse tradit Capitolinus, & de Seuero Spartianus, illud à priuatis tandem ad fiscum reduxisse. De Constantio verò refert Ammianus, eum in id intentum fuisse vt *rei vehiculariæ succideret nervos*. Sic alia præclara eiusdem Neruæ facinora, Fisci Iudaici calumnia ab eo sublata; Plebi Vrbane frumentum constitutum; Congiaria Populo data; Annona procurata; Adlocutio militaris; Colonia Cassandrea deducta vel restaurata; vix alibi hodie, quàm in præclaris eiusdem Nummis leguntur. Ad eandem verò Beneficentiam spectat quoque liberalitas illa insignis Hadriani, quâ remissa fisco Principis, aut ærario Pop. Rom. debita ab annis sexdecim, syngraphis in foro incensis, sicut Dio & Spartianus in eius vitâ tradidêre. Huius præclari facti memoriam conseruauit eximius eiusdem nummus, in quo Imp. sinistrâ sceptrum, dextrâ face accensâ fasciculum comburit, cum Inscr. *RELICVA VETERA HS NO- VIES MILLE ABOLITA*, vt etiam summam illius largitionis, de qua silent Auctores, cùm ex veteri lapide apud Gruferum, tum ex hoc nummo intelligamus. Viderat iam olim similem nummum Ill. Scaliger, sed quem male

malè in Aufonianis lectionibus, ad Traianum non Hadrianum refert; deceptus, ut puto, lectione illius nummi, in quo iste *TRAIANVS HADRIANVS* vocatur, ut posterius nomen, quod sæpe accidit, in nummo vix amplius comparuerit. Vnde cadit omnis eiusdem Scaligeri sollicitudo; *Mirum est quod & Aufonius & Numisma tribuunt Traiano*, quod Hadriano nempe concedunt Scriptores Historiæ Augustæ. In Aufonio enim, aut Hadrianus pro Traiano omnino reponendus, ubi huius facti in Panegyrico ad Gratianum meminit, aut id inter *μνημονικά ἀμαρτήματα* Aufonij referendum; Nummus autem index eius facti sub Hadriano, non Traiano percussus. Hadriani verò exemplum æmulatus M. Aurelius, qui ampliori adhuc munere debita fisco aut ærario ab annis quadraginta sex remisit, syngraphis eodem modo combustis, ut in vitâ eius tradit Dio, & de quo aliâs refert Capitolinus, *tributa & vectigalia ubi necessitas cogebat remisit*. Nec absimili consilio de Aureliano Vopiscus; *Tabulas publicas ad priuatorum securitatem exuri in foro Traiani semel iussit*. Aliâs cum temporarias, tum perpetuas eiusmodi largitiones Cæsarum in condonandis residuis tributorum, vel vectigalium, aut abolendâ eorum parte, commendant sæpe Auctores, ut de quartâ parte tributorum remissa à Constantino Eusebius, ac Themistius; de quinta à

Lib. 70.

De vit. Const.  
lib. IV. c. 2.

Iu-

- Orat.V.* Iuliano Ammianus, & ipse in Misopogone, &  
*Orat. XVII.* in genere de remissa vestigalis portione, Con-  
*Lib. XVI.* stantium laudat idem Themistius. De Iuliano  
 aliàs obseruat Ammianus, *Iulianus tauet ne per*  
*Indulgentias, quas appellant, tributariæ rei conce-*  
*deret RELIQUA*. Indulgentiæ nempe  
 dictæ illo æuo id genus beneficentiæ, vt ca-  
 sdem vocat in commemorato loco Ausonius.  
 De Rhodiis vt singulari facinore, meminit  
*Orat. XXXI.* Dio Prysæus, Remissionem omnium de-  
 bitorum iis à Romanis concessam, quam ii-  
 dem tamen admittere detrectarunt. Eiusdem  
 verò aut Hadriani, aut decessoris Traiani, aut  
 aliorum priorum iuxta ac sequentium Cæsa-  
 rum *LIBERALITATES; CON-*  
*GIARIA DATA POPULO ROMANO,*  
 vix aliunde rursus, quàm ex præclaris eorun-  
 dem Nummis intelligas; in quibus sæpius  
 repetita illarum largitionum memoria, adeò  
 vt in Antonini PII Numismatibus, eiusdem  
*LIBERALITAS VIII* reperiatur. Ex  
 contemplatione verò eorundem discas ratio-  
 nem omnis huius moris, qui non semel viris  
 doctissimis imposuit, & præ aliis Cl. Salma-  
 sio. Iste enim in Amphitheatri gradibus, om-  
 nes illas argenti & tesserarum largitiones, & pa-  
 num diuisiones fieri solitas existim<sup>at</sup>, & de iis  
 interpretatur inscr. *QVAE DIUISAE*  
*SVNT POPULO PER GRADVS &*

locutiones frequentes in Codice Theodosiano, de gradibus, in gradibus; & gradibus panem distribuere. At verò hanc eius sententiam præter alia, Nummi abundè refellunt, qui ob solemnitatem eiusmodi largitionum percussi, ostendunt erectum Tribunal, & Gradus quibus conscendebatur, sedentem in illo Imperatorem & stantes in eodem pro Gradibus unam aut plures figuras, cum Congio aut Testera, frumentum aut æra distribuentes singulis per illos gradus eadem recipientibus. Foro autem vicinum fuisse illud Tribunal, & eandem simul harum diuisionum rationem firmat illustris apud Iosephum locus, malè ab eodem viro illustri acceptus, vbi inter alia de illo Tribunali loquens, *ὕψηλόν τε ἐξί τὸ ἐξέως* *Antiq. l. XIX. c. I.*  
*εἰς τὴν ἀγορὰν φέρον;* *sublimis verò est ille suggestus ducens ad Forum.* Quæ satis ante oculos ponunt, quid sibi velint locutiones illæ *PER GRADVS*, aut *PANVM GRADILIVM* obuiæ in Inscriptione veteri, aut Codice Theodosiano, quæ non aliò quàm ad Gradus erectos ante illud Tribunal respiciunt. Antonini Acta in Dionis Codicibus periisse testatus est iam olim Xiphilinus, ac proinde Historiam eius ignorari; quam aliunde tamen supplet Capitolinus, & copiosa in illius Nummis earundem Liberalitatum penus.

Mitto iam tot alia eiusdem Hadriani, Anto-



ninorum , & sequentium Cæsarum facinora ,  
 in Nummis expressa ; Aduentum in Urbem ,  
 aut ab eadem Profectionem ; Expeditiones  
 militares ; actos Triumphos ; Dados Reges ;  
 Restitutas Prouincias ; Ludos celebratos ; Sa-  
 cra peracta ; erecta Opera ; Adlocutiones Co-  
 hortium ; Vota suscepta , aliaque de quibus  
 nulla aut obscura apud Auctores mentio . In  
 Mauritaniam Expeditionem suscepisse Ha-  
 drianum colligit ex Spartiano doctissimus  
 Reinesius . Certum verò id ex eius Nummis ,  
 vbi *ADVENTVS MAVRETA-*  
*NIÆ* legitur . Nec Achaiam , Africam ,  
 Arabiam , Asiam , Bithyniam , Galliam , Hi-  
 spaniam , Italiam , Iudæam , Macedoniam ,  
 Phrygiam , Siciliam , Thraciam lustrasse so-  
 lum aut restituisse docent eiusdem Nummi ,  
 sed Ciliciam quoque, vt liquet ex rariori prio-  
 ribus numismate, quod nuper Gazæ Augustæ  
 Reginae accessit, *ADVENTVI AVG. CILI-*  
*CIAE* . Vt pateat quàm verè à Dione sit ad-  
 fertum , neminem Principum tantum terra-  
 rum peragrassè, quo nomine *HERCVLEM*  
 etiam dictum eundem existimauit Casaubo-  
 nus . Tacitum verò Augustum , etiam extra  
 Urbem profectum ac Romam reuersum , vix  
 aliunde quàm ex præclaro eiusdem Nummo  
 colligas , in quo Imperator equitans , ante Vi-  
 ctoriam, à tergo miles & signa legionum cum  
 in-

inſcr. *ADVENTVS AVG.* Triumphos varios, aut Victorias ſexcentas, hîc non refero paſſim in iſdem Nummis obuias. De Quadis Carum & Numerianum triumphaſſe, quod liquet ex Ammiano, c larè arguit inſignis nummus, in quo vterque triumphans depiçtus, cum inſcr. *TRIVNFV. QVA-* *In Theſ. Reg. Sued.*  
*DOR.* Sic mentio deuictæ Germaniæ occurrit non ſolùm in Nummis M. Aurelij, Commodi, aliisque, ſed in altero etiam inſigni Maximi, in quo fig. equeſtris ſternens hoſtem præcedente Victoria, cum inſcr. *VICTORIA* *In Theſ. Magni Ducis.*  
*GERMANICA.* Nec de Germanis ſolùm, *In Theſ. Reg. Sued.*  
 Quadis, Sarmatis, Britannis, Parthis, Armenis, aliisque hoſtibus Populi Romani erecta in Nummis Tropæa videas, ſed de deletâ etiam ac triumphatâ Chriſtianorum gente. Huc enim referri debet præclarus illiſſimus Maximiani ſupradiçtus, in quo Hercules Hydram occidens, cum inſcr. *HERCVLI DEBELLATORI.* Per Hydram enim impiè renaſcentem ſemper poſt tot funera Chriſtianorum ſectam deſignari voluit nouus hic Hercules, vt bene obſeruauit Cl. Gottifredi, cui primam præclari illius nummî notitiam debeo. Gemina laus nempe illi & eiſdem Collegæ Diocletiano quæſita iam olim in veteri lapide, quem adtulit etiam eminentiſſimus Annalium ſcriptor,



DIOCLETIANVS IOVIS ET  
 MAXIMIAN HERCVLEVS  
 CAES. AVGG.  
 AMPLIFICATO PER ORIEN.  
 TEMET OCCIDENTEM  
 IMPER. ROM  
 ET  
 NOMINE CHRISTIANORVM  
 DELETO QVI REMP. EVER  
 TEBANT.

Ad geminos Diocletiani eiusdem Triumphos  
 refero nummum aureum eximiæ raritatis, qui  
 Cimelium *LEOPOLDI* laudatissimi Etruriæ  
 Principis exornat, & cuius insigni comitate  
 ectypon eiusdem possideo. In eo quippe cap.  
 Diocletiani laureatum, & in auersa parte tres  
 Mulieres stantes cum cornucopiis & inscr.  
*FATIS VICTRICIBVS S. C.* Vides hinc  
*TRIA FATA*, vt easdem *Parcas* vocat  
 Fulgentius, ne Græcis solùm illo Fatorum  
 nomine tetricas Deas nuncupatas quispiam  
 putet. Insolitus verò illarum habitus in eo-  
 dem Nummo, ac diuersus ab eo, quem My-  
 thologi, vel Catullus in Pelei Epithalamio iis  
 adscribunt, de quibus alibi ad Religionem  
 Gentilium. Cur autem *VICTRICIA* eadem  
*FATA* dicantur in hoc Nummo, & per se  
 obuium, & alibi accuratius expendemus.

Nec

Nec alienę ab hoc loco Conciones illę Militares, quarum memoriam & ritum tot præclari Cæsarum Nummi conseruarunt. Hinc nempe in suggestu Imperator exerto brachio, infra milites cum signis militaribus, & inscriptiones *ADLOCVTIO*, vel *ADLOCVTIO COH.* seu *Cohortis*, *ADLOCVTIO MILITVM*, *ADLOCVTIO AVGVSTI*, vel *AVGVSTORVM*; tot enim modis designantur. Eundem ritum sæpius præ aliis tangit Ammianus; *Constantius Sarmaticus dictus Tribunal insistsens signisque ambitus & aquilis, & agmine multiplicium potestatum, his exercitum adlocutus est.* Nec frustra *ADLOCVTIONES AVGVSTI* dictas easdem in Nummis videas. Peculiaris enim illa Augustorum vel Imperatorum prærogatiua, non autem inferiorum Potestatum, milites per concionem adloqui, vt clarè docet eximius eiusdem Ammiani locus; *Iulianus Cæsar e Tribunali ADLOCQVI milites noluit, quia obstabat grauioris inuidie pondus, ne videretur id affectasse, quod sibi SOLI deberi AVGVSTVS existimabat.* Vnde lucem quoq; haud exiguam fœneratur Appianus, vbi inducit M. Antonium pace cum Parthis factâ in concionem præ pudore non prodiisse, Domitio verò Ahenobarbo id muneris demandasse, quo nomine pluribus indignationem, quasi spreto & fa-

*De Adlocutionibus Augustorum,*

*Lib. XVII.*

*Lib. XVI.*

*In Parthicis*

facto conciliauit ; Δομέτιον δ' Ἀλωβαρβον ἐκέλευσε τῷτο πρῆσαι, καὶ τινὲς μὲν ἀγανάκτου, ὡς ὑπερφώμενοι , Vides hīc præclarum vtriusque Auctoris cum Nummis id genus consensum . Ad similes verò Conciones spectant alij Nummi, in quibus Imperator modò pro suggestu, modò equitans milites compellat, cum inscriptione Exercitus, quem adloquitur . Tales rari aliquot in Nummis Hadriani, in quibus legitur *EXERCITVS DACICVS, BRITANNICVS, RHETICVS, SYRIACVS*, & reliquis adhuc rariores mihi inspecti *EXER. CAPPADOCICVS*, in Cimelio Ill. Camilli Maximi; *GERMANICVS*, & *MAVRETANICVS* in Gazâ Farnesianâ , ac *NORICVS* in Thesauro Christinae Augustæ . Ita in aliis Decij nummis *EXERCITVS ILLYRICIANI*, Postumi, *EXERCITVS VAC.* seu *Vacensis* & apud Tristinum in eodem *EXERCITVS ISC.* seu *Ischanus*. Diuersus ab iisdem nummus Vitellij, in quo fig. armata gradiens cum hasta & signo militari ac inscriptione *CONSENSVS EXERCITVVM* à quibus nempe ille Imperator renuntiatus .

*In Thes.  
Reg. Sued.  
& Magni  
Ducis.*

*In Thesauro  
Regin.*

Neque minus celebratas *PACIS* artes in iisdem Nummis reperias . Hinc non solum *CLAVSVMIANI TEMPLVM*, aut *PAX AVGVSTA* in vulgatis Neronis

nis numismatibus , sed in aliis selectioribus  
 Philippi *PAX FVN DATA CVM*  
*PERSIS* , & in nummo aureo Galliceni *VBI-*  
*QUE PAX* , ac in altero aureo Othonis  
*PAX ORBIS TERRARVM* , quam  
 laudem Hadriano verius tribuit Spartianus ,  
*Tenenda per ORBEM TERRARVM*  
*PACI* intendit. Vnde *PAX AETERNA*  
 occurrit in Nummis eiusdem Hadriani , &  
*PAX AVG. PERP.* vel *perpetua* in veteri  
 nummo Tiberij apud Tristandum . Huc spe-  
 ctant Pacis opera , *LVDI SAECVL A-*  
*RES* sub Domitiano, Seuero & filiis, Philippis,  
 vario spectaculorum genere celebrati , quæ  
 eorundem Cæsarum Nummi præbent con-  
 spicienda. Inter reliquos vnus occurrit Philip-  
 pi , percussus ob eandem celebritatem, in quo  
 sæcularia sacra , septem nempe figuræ ante  
 aram sacrificantes, cum inscr. *SAECVLVM*  
*NOVVM* ; vnde satis liquet fabulis annu-  
 merandum, quod de hoc Imperatore, vt Chri-  
 stiano, Eusebius aliique tradidère . Sub Hono-  
 rio quidem celebratos eosdem sæculares , sed  
 sacris sæcularibus omiſſis , solo Circensium ,  
 aut Theatralium ludorum apparatu tradide-  
 runt auctores . Constat id verò ex præclaris  
 eiusdem Nummis , in quibus Quadrigæ &  
 Victores cum coronâ & palmâ , ac inscr.

*In Cimet.*  
*Princ. Leo-*  
*poldi .*  
*In eodem .*

*In Thes. Re-*  
*gin. & Ma-*  
*gni Ducis.*

*In Thes. Re-*  
*gin. Sued.*

*NIVS*

## NIVS ACHILLIS , SIDEREVS.

Opera varia non commemoro ab iisdem Cæsaribus erecta , aut restaurata , quorum formam aut nomina , sola hæc Nummorum supellex præbet . Talia tot Tempia Iani Quadrifontis , Iouis Tonantis , Sospitatoris , Capitolini , Vltoris , Victoris ; Fortunæ Reducis , Martis Vltoris , Veneris Felicis , Romæ Aeternæ , aliaque quæ cum auctoribus suis , Augustis , Neronibus , Domitianis , Caracallis , Alexandris Seueris , aliisque Cæsaribus in eorundem Nummis depicta sese offerunt . Ita Templum *MEMORIAE AETERNAE* in Diui Romuli numismatibus , & *IVNONIS MARTIALIS* in nummis Volusiani conspicitur . Sic nonnunquam structos Arcus circa eadem Tempia , aut statuas in fastigio Templorum positas , aliaque veteris Romæ decora , Circos , Arcus , Theatra , Pontes , Portus , Vias , Aquarum Ductus , Macellum Neronis , non aliunde quàm ex his nummorum monumentis , antiquæ Romæ enarratores tradere solent , & in conspectu legentium ponere . Præter notam in hoc genere . Panuini , Donati , aliorumque industriam , docebit id ipsum Nardini *ROMA ANTIQVA* , quæ tuo beneficio breui sese publicè conspiciendam dabit . Ita Amphiteatri à Gordiano restituti memoria non alibi quàm in præclaro eiusdem Nummo conseruatur .

tur . Sic in exortâ nuper inter eruditos Vrbis Antiquarios controuerfiâ , de Arcu *Portugalliæ* , nosti me iis continuò accessisse ; qui non Claudio cum Ligorio , aut Domitiano vel Philippo cum aliis , sed M. Aurelio eundem adiudicabant . Id enim mihi non minus ac optimo vindici Romanæ antiquitatis Benedicto Mellino nostro , fide veteris nummi comprobatum, in quo Faustina Minor victorię alis in coelum sublata cernitur , haud insolito consecrationis ritu ; cui gemina planè in illo Arcu figura eiusdem Augustæ spectatur . Nec quod ferme omiseram , præclara minus celebratissimi illius Templi Pacis memoria , quæ vt præcipuum olim Vrbis decus , spectatur in aliquot rarioribus Vespasiani & Titi Nummis , qui ornant Gazam Farnesianam . Præcipuum verò & vnicum Gazæ illius ornamentû addere hoc loco liceat, celebrem illum Pescennij Nigri Nummum , mole & raritate plane singularem , & quem cum aliis eiusdem Cimetij nummis , Serenissimi Parmæ Ducis comitate tractare mihi licuit . Ab vnâ parte nempe exhibet Pescennium , ΑΥΤΟ.ΚΑΙC. ΠΕCΚΕΝΝΙΟC ΝΙΤΕΡΟC CΕΒ. in auersâ verò mulierem cû spicis, face & serpente ANTIOXΕΩΝ ΝΕΟΚΟΡΩΝ, vt Antiochiæ percussû illum constet , in quo tractu susceptum à Pescennio, sed breue & infelix imperium constat.

Qq

Sed



*De Vtilitate  
in Chronologia  
& Geographia.*

Sed opportunum iam foret, ab Historiâ, ad duas eius Ministras, CHRONOLOGIAM & GEOGRAPHIAM, ex eadem penu illustrandam, ingenij aciem conuertere. Amplius quidem & obuius industriæ campus, sed quem decurrere mihi in præsens, non venit concessum. CHRONOLOGIAE certè aut Doctrinæ Temporum vtilitatem satis ante oculos ponunt, tot Consulatum, Tribunitiæ Potestatis aut Imperij anni in iis signati, ex quibus Fastos veteres supplere licet ac emendare. Viam illam ingressi iam olim clari Scriptores, Goltzius, Panuinius, Baronius, Pighius, Scaliger, sed in quâ premendâ penuriâ aut minus accurata inspectione eorundem subsidiorum, non semel à recto tramite aberrarunt. Accedit cùm ratio annos notandi peculiaris in varijs Græcorum Asiaticorum, aut Aegyptiorum Nummis, tum Acræ singulares Antiochensum, Alexandrinorum, Tyri, aliarumque Urbium aut Populorum, quarum accuratâ obseruatione non parum iuuari potest eadem Temporum Doctrina. Sed de his alio loco agemus diligenter, vbi simul diffusam & singularem Numismatum præstantiam ad ornandam GEOGRAPHIAM veterem non perfunctoriè trademus. Paratam enim huius rei copiam nobis præbet, cùm ampla nummorum Siciliae, Græciæ, aut Asiæ seges, qui  
ante

ante Cæsarum tempora percussi , tum infinitus quidam numerus Coloniarum , vel Urbium Græciæ Asiæque, qui in Cæsarum nummis traduntur , & quarum ultra quadringentas , indicem cofecimus , collectum hîc nobis ex ineditis plerisque Numismatum monumentis . Horum verò fide & beneficio singulari , Conditores Urbium ac Heroas , earundem Sacra , Ludos, Publicos Conuentus, Primatum , aliaque vulgò parum nota , aut inter eruditos etiamnum controuersa , inde petere licebit ac illustrare. Ita non Epheso aut Smyrnæ perpetuum Asiæ Primatum adscribendum, vt placuit viris magnis, satis arguunt Nummi, in quibus modò ΕΦΕCΙΩΝ modò ΣΜΥΡΝΑΙΩΝ vt ΠΡΩΤΩΝ ΑCΙΑC signata memoria; modo etiam SIDON ASIAE METR. seu Metropolis vocatur . De iisdem Ephesiis , Smyrnæis, aliisque; vt Neocoris, obuia ex iisdem Nummis memoria , quibus mentio Εφεσίων Νεωκόρων in celebri Actorum loco vnice illustratur ; de quibus agemus alibi diligenter & accuratè , post doctissimos viros , & maximè Samuelem Petitem, qui in explicatione huius rei non parùm hallucinatur . Mitto symbola varia , quibus facta quædam singularia earundem Urbium designantur . Sic , vt alia præteream , Apium nuper cum symbolis aliis notabam in nummo Selini Urbis Siciliæ , sicut

*In Thes. Regin. & Magni Ducis .*

*Cap. XIX.*



*Lib. de Pyth.  
Oracul.*

Cl. Gottifredi eundem exhibenti indicasse me-  
mini . Egregiè verò eodem illustrabam Plutar-  
chi locum , qui Selinuntios aureum Apium  
Delphis tradit dedicasse . Adde his insuper cor-  
rupta apud Auctores Vrbium & Locorū nomi-  
na , aut varias Εθνικῶν formationes ; quibus  
non aliunde certior lux aut emendatio , quàm  
ex incorrupta priscorum numismatum lectio-  
ne accedit . Hinc in sanando & restituendo  
Stephano de Vrbibus , aut potius eius Epito-  
matore Hermolao , nuper in Vrbe litteratæ  
Germaniæ decus Lud. Holstenium diligentem  
adhibuisse Nummorum tractationem , nec ipse  
ignoras , & conspectus illius operis aliquando  
docebit . Neque pauca sunt certè aut leuia ,  
quæ primi in hoc genere notauimus , dum  
vberior nobis forte quàm eidem Holstenio ,  
nummarix huius penus cōtigit contemplatio .  
Ita ( vt id vno vel altero exemplo doceam in  
anteceßum ) præteritis diebus offerebat sele-

*Lib. 36.*

*In Thes. Reg.  
Sued.*

*Lib. 51.*

mihi mentio apud Dionem in rebus Creten-  
sium, Vrbium Ελευθέρας καὶ Ιεραπύδνας . Vtrum-  
que verò nomen corruptum eo loco docent  
duo nummi rariore earundem Vrbium, quos  
paullo ante tractaueram ; vnus ΕΛΕΥΘΕΡ-  
ΝΑΙΩΝ, alter ΙΕΡΑΠΥΤΤΝΙΩΝ . Sic alibi idem  
Auctor narrat ab Augusto Cydonios & Λαμ-  
παί'ας eiusdem Insulæ Populos, libertate aliisq;  
beneficijs affectos, vbi λαππαί'ας legendum, ite-

rum

rum constat ex veteri nummo ΛΑΠΠΑΙΩΝ, *In Thes. Reg. Lib. 36.*

vnde alibi rectè eadem Vrbs Cretæ Λάππα ci-  
dem Dioni vocatur . Ita apud Strabonem Πο-  
λυρρώιοι Populi eiusdem Insulæ occurrunt ,  
vbi πολυρρώιοι restituendum constat fide veteris *Lib. X.*

nummi ΠΟΛΥΡΗΝΙΩΝ. Apud eundem Dio-  
nem in vita Hadriani mentionem videas vrbis  
cuiusdam ab eo fabricatæ in Μοεσιᾷ & à stu-  
dio venationis dictam Ἀδριανῶ θήρας , cuius *Lib. 69.*

etiam meminit Spartianus . Memoriam ei-  
usdem loci conseruarunt aliquot nummi rario-  
res, vnus eiusdem Hadriani ΑΔΡΙΑΝΟΘΗΡΗ-  
ΤΩΝ cui geminus alter Antonij, & alius Phi-  
lippi senioris ΑΔΡΙΑΝΟΘΗΡΕΙΤΩΝ, vt vna

voce apud Dionem Ἀδριανοθήρας , idem Vrbis *In Thes. Ma-  
gni Ducis.*  
nomen scribendum constet , nec *Adrianuthe-*  
*ras* , vt voluit Salmasius , sed *Hadrianotheras*

legendam eandem vocem apud Spartianum ,  
sicut Hadrianopolis, aut apud Strabonem Πομ-  
πιόπολις non Πομπηϊόπολις, vt arguunt veteres  
nummi ΠΟΜΠΗΙΟΠΟΛΙΤΩΝ & inter *In; Cimel Ca-  
m. II. Maximi.*

alios præclarus cum ipsa Pompeii effigie .  
Οὐλίας Hispaniæ Vrbs nomen rectè apud  
Dionem expressum , malè Interpretes in οὐλ-  
λία vel *Vlli* mutare voluerunt, eandemque se-  
cus apud Melam emendare nuper coacti sunt  
viri doctissimi . Verum enim nomen huius  
Vrbis VLLIA, in quam Coloniam sub Augusto  
deductam constat ex præclaro eiusdem Vrbs

nu-

*In Cimbrico  
Ill. Camilli  
Maximi.*

*In Thes. Re-  
gin. Sued.*

*In Thes.  
Reg. Sued.  
& Magni  
Ducis.*

*Lib. xxvii.*

numismate mihi ante paucos dies inspecto, quæ vox & apud Hirtiū debet corrigi & apud Pto-  
lomæū *ὀυλία* pro *Ουία*, vt ibi perperam legi-  
tur. *Calpen*, & *Carteiam* distinctas Vrbes ei-  
usdem Hispaniæ in Antonini Itinerario videas.  
Corruptum tamen illum Itinerarij locum cen-  
set Casaubonus ad Strabonem, & cum eodem  
viri doctissimi, non ita pridem nullum op-  
pidum Calpes nomine agnoscunt, sed cum  
Carteia, à montis vicinitate à quibusdam Au-  
ctoribus confusum volunt. At verò distinctas  
Vrbes Carteiam & Calpen probant superstites  
nummi vtriusque, & postremæ quidem num-  
mus sub Philippo percussus, C. I. CALPE  
h. e, *Colonia Iulia Calpe*, ne illius nominis Vr-  
bem extitisse amplius dubites. *Stobensium* Urbis  
Macedoniæ municipium legas in aliquot Cæ-  
sarum nummis Vespasiani, Traiani, Caracal-  
læ, & Elagabali cum inscr. *MVNICIP.*  
*STOBENSIVM*, vnde corrupta vox eadem  
apud Stephanum *Στρόβος*, aliosque Auctores  
debet emendari. Sic *Odessus* Mylestiorum Co-  
lonia in Ponto, *ὀδυσσὸς* Diodoro & Straboni  
vocatur. Nummum illius adtulit Tristanus e  
penu Ducis Aurelianensis *ΟΔΗCΙΩΤΩΝ*,  
qui doctissimo viro imposuit ad Ammianum,  
qui eiusdem Urbis meminit. Vera enim lectio  
illius Nummi *ΟΔΗCCEΙΤΩΝ*, qualis occur-  
rit in Thesauo Magni Ducis. *Nisibis* aut  
Ne-

*Nesibis* nummum produxit iam olim Scaliger, IOY CEP. ΚΟΛΩ. NECIB. MET. h.e. *In Anim. Euseb. n. 232.*  
 iuxta eundem Ιαλία Σερία Κολώνια Νέσιβις Με-  
 τρόπολις; & explicat Σερία pro Σιρά quasi à Iu-  
 lia Soæmia vel Syra, ita hæc Vrbs fuerit deno-  
 minata. Sed decepit virum illustrem praua  
 nummi illius lectio, qui sub Philippo demum  
 percussus, cum inscr. IOY. CEP. ΚΟΛΩ. *In Thes. Magni Ducis.*  
 NECIBI. METR. h. e. *Iulia Septimia*, non  
*Seria*, quale nomen malè ibi ex *Syra* detorsit  
 Scaliger. Sic eadem ratione. *Septimia* dicta Vrbs  
 Resanensium Mesopotamiæ in præclaro num-  
 mo Decij, CEP. ΚΟΛ. PHCAINHCIΩN; & *In Tres. Magni Ducis.*  
*Tyrus Colonia Septimia* vocatur itidem in ve-  
 teri nummo Elagabali, COLON. SEPTIM-  
 TYRO; & Eradus in Nummis Caracallæ  
 SEPT. VRBS METR. COLONIA ERA- *In Thes. Reg. Sued.*  
 DIA. Vt verò illæ Vrbes à Septimio Seuero  
 SEPTIMAE, ita quæ aliàs ab eodem SEVE-  
 RIANÆ, aut ab aliis Cæsaribus IVLIAE,  
 AVGVSTAE, CLAVDIAE, FLA-  
 VIAE, VLPIAE, TRAIANÆ, HA-  
 DRIANÆ, ANTONIANÆ, AVRE-  
 LIAE, COMMODIANÆ, ALEXAN-  
 DREAE, denominatæ sint, idem Nummo-  
 rum adspectus docet. Sic à Nerone Rhodus  
 dicta NERONIANA in veteri nummo;  
 quem vidisse aliquando memini; & a Galbâ  
 Hispania Clunia denominata *Sulpicia* in præ-  
 claro

*In Cimel.  
Cam Maxi.*

*Dial. VIII.*

*In Thes.  
Magni Ducis.*

claro nummō eiusdem Cæsaris , *HISPANIA CLVNIA SVLP.* ne cum Antonio Augustino de veritate huius Cognominis ; *SVL* (vt legit Vicus in hoc nummo) liceat dubitare . Immo coniuncta plurium nonnunquam Cæsarum nomina gestasse videas , vt Mytilene *Vlpia Seueriana* dicta in veteri nummo *ΟΤΑΠΙΑC CEΟΥ. ΜΥΤΙΑΗΝΗ* & *Tarfus Antoniana , Seueriana , Hadriana* *ΑΝΤΩΝΕΙΝΙΑΝΗC CΕΤΗΡ. ΑΔΡΙΑΝ. ΤΑΡCΟΥ.* in nummis Caracallæ . *NESIBIS* alias & *NI-SIBIS* dicta Vrbs supra commemorata , vt agnoscit Stephanus , iuxta vsum nempe antiquum *διττογραφίας* variarum Urbium , quem Strabo iam olim agnouit , & Nummi omnium maximè euincunt , in quibus pro Dialectorum nempe aut Temporum varietate , non vno modo prolata Urbium aut Regionum nomina reperias . Vnde legas in iis *ΒΙΖΥΗΝΩΝ* *ΒΥΖΥΗΝΩΝ* & *ΒΙΣΣΗΝΩΝ* de eadem Vrbe Thraciæ ; *BRETTANIA* & *BRITANIA* ; *ΒΕΙΘΥΝΙΑ* , *ΒΙΘΥΝΙΑ* ; *ΚΑΙΣΑΡΕΙΑ* , *ΚΑΙΣΑΡΙΑ* , & sexcenta id genus.

*CONCLUSIO  
DIS-  
SERTATIONIS.*

Sed hæc alibi expendentur accuratius , & simul quæ ad deductas Colonias , Religionem Gentilium , Consecrationem , & Supellectilem veterum spectare videbuntur . Dam enim suscepto semel argumento libenter hîc inferio , longius me paulatim prouectum video , quam

ab initio instituti tecum sermonis constitue-  
ram ; vnde pedem etiam referre haud erit iam  
inconsultum . Neque difficulter missionem  
mihi largieris , OCTAVI nobilissime , qui  
voluntati tuæ obsequutus, minus iam illiben-  
ter conspectu Urbis ac Italiae vestrae breui mi-  
hi carendum intelligo . Habebit enim hæc  
opera , leuem quidem , sed dulcem tamen ne-  
cessitudinis tecum contractæ recordationem ,  
quam Florentiæ bonis auspicijs cœptam , ma-  
gna studiorum animorumque consensione hîc  
voluisti coalescere . Eâ quippe libentius affi-  
cior hoc loco , quàm vel Generis vel In-  
dolis aliâs tuæ , florentis vtriusque cumulati-  
simâ laude , quam non in Vrbe solùm , sed  
apud externos latè iam diffudisti . Meminisse  
enim potes , primam me illius notitiam acce-  
ptam ferre præstantissimis & amicissimis Viris  
Capellano Heinſioque , qui de tua singulari  
virtute ac eruditione,profectionem in Urbem  
fufcipientem, litteris suis certiolem fecerunt .  
Verùm illam ingenij tui aut litterarû præſtan-  
tiam luculentius arguet aliquando non Roma  
solùm à Nardino restituta , & tuo beneficio  
breui datura se hominum conspectui , sed ei-  
dem Vrbi splendor propriis ingenij tui moni-  
mentis adſertus . Multa quidem,vt noſti,deco-  
ra,veterem me quodammodo nec incurioſum  
planè Urbis hoſpitem detinuerunt , Regine

R r

quon-



quondam Terrarum adspēctus, Tiberis, Col-  
 les Septem Domini, Loci Genius, Cœli cle-  
 mentia, Incolarum comitas, Bibliothecarum  
 copia, Vestigia denique Clarorum hominum,  
 ac Memoria locorum nullibi gentium magis  
 conspicua. Haud ullæ tamē hīc mihi aut in aliis  
 Italię oris potiores illecebrę, quā vſus & con-  
 ſuetudo cum decoris eiuldē Cēli ingeniis, *MA-  
 XIMIS, OLIVIS ALLATIIS, GRATIA-  
 NIS, BONIS, FERRARIIS; GOTTI-  
 FREDIS, POLLINIS, FAVORITIS,  
 DATIS, REDIIS, GRADIIS, CHIMEN-  
 TELLIS, MELLINIS, RICCIIS*, ac  
 dulcibus mihi Parthenopēs ac Floræ amo-  
 ribus, *ATVRRE* Duce & *LVDOVICO  
 STROZZA*, minus clarissimæ profapiæ,  
 quā conspicuis ingenij, fidei, ac industriæ  
 dotibus commendandis. Alios mitto in altio-  
 ri fastigio positos, ne dignitatī personarum  
 tribuere videar, quod meritis eorundem, &  
 perspectæ erga me benevolentię vnice debeo.  
 Vnum tamen amplissimi ordinis præterire hīc  
 non possum, *SFORZAM PALLA-  
 VICINVM*, qui cauet ne hodie desint  
 Italiæ Phœnices ingeniorum; aut ne in crudi-  
 tā eius consuetudine, quæ literatæ Romæ  
 compendium præbet, nouus ego Tiberis ac-  
 cola, veterem Tullij facundiam, aut Varronis  
 scientiam desiderarim. Sed aut eorum meritis,

aut

aut tuis in me beneficiis enarrandis non immoror hîc vltcrius . Vnum illud te rogo per coniunctionis nostræ necessitudinem , vt si amori in me tuo plusculum quàm mereor , indulsisti hactenus , aut largieris in posterum ; non magis tamen , quàm fides in te mea postulat , concessisse existimes . Ita nullo gratiori viatico procul à tuo , & Urbis conspectu discedentem prosequeris .

F I N I S.





# Series & Conspectus Dissertationis.

**O**ccasio Dissertationis.  
pag. 1.  
Propositio & Diuersitas iudiciorum circa Nummos. p. 3.

Prima Commendatio à DIGNITATE 1. ob Antiquitatem pretia rerum antiquarum apud veteres ex varijs Auctoribus. Pausanias illustratus. Admirandis Præpositi. p. 5.

Pretium & Antiquitas Nummorum, Dio Pryseus & Suetonius illustrati. p. 8.

2 Ob Durationem comparatam cum alijs monumentis antiquitatis Theatris, Tropæis, Libris, Picturis, Statuis, Dio Eusebius, Plinius iunior illustrati. Salmasius explicatus. p. 10.

3 Ob Argumenti Præstantiâ. Religio circa Nummos Cesarum. Philostratus illustratus. Argumenta Nummorum. p. 15.

4 Ob Splendore & Auctoritatem Nummos tractatum Cesarum, Regum, Principum, & Illustrum virorum per Italiam, Hispaniam, Germaniam, Belgium, Galliam, Angliam. p. 17.

Alterâ Commendatio à VOLUPTATE. De Materiâ Num-

morum & Nummis Electreis & Aeris Corinthij. p. 24.

2 Ob Artis præstantiam. Eius laus à subtilitate, elegantia cum alibi, tum in Numis. p. 25

3 Ob Imagines Illustrum. Commendatio illius voluptatis. Alphonsi Regis dictum. Cicero illustr. Series illustrum Græcorum, Barbarorum, & Romanorum in Nummis. Vultus ad libitum effecti. Cicero illustratus. De Nummis vulgò Contorniat: p. 29.

4 Ob alia Vestigia prisce cui in Nummis, eorum laus & enumeratio. Lucianus illustr. p. 42

Tertia Commendatio ab UTILITATE. Illius in Nummis præstantia. p. 43.

In Grammaticis Nummi libris scriptis vetustiores. p. 4.

1. Circa Formas Litterarum Græcarum & Latinarum. Varia litteræ Græci Alphabeti obiter e Nummis excussæ. Salmasius, Seldenus, Scalliger refutati. Dio Pryseus & Philostratus illustrati. If. Vossii P. Seguini laus. p. 45.

2 Circa Litteras Phœnicum. Earum vestigia in Nummis Sidonis, Tyri, alijsque. Diuersitas aut similitudo cum Ebrai-

- Ebraicis litteris. Samu. Bocharti laus.* p.49.
- 2 *Circa litteras Hebræorum, & Samaritanorum. De Con-  
trouersâ vetustatis earundem  
& Nummorum ad eam subsi-  
dio.* p.53.
- 4 *Circa veterem scribendi ratio-  
nem à dextrâ in sinistram e  
Nummis illustratam. Pausa-  
nias illustratus. Tristanus ca-  
stigatus.* p.54.
- 5 *Circa litteras & Nūmos vete-  
res Hispanorū aut Gothorū.  
Expensa obiter sententia Ant.  
Augustini & aliorum.* p.56.
- 6 *Circa Litterarum Affectio-  
nes, & Permutationes. Ea-  
rum causæ indicate. Salma-  
sius refutatus.* p.59.
- 7 *Circa Compendia scribendi  
apud veteres.* p.63.
- 8 *Circa Ortographiam. Iuno-  
nis Sispite, Mithridatis, Ab-  
gari vera nomina. Festus em.  
Euseb. illustratus. Alia nomi-  
na Romanorum emendata ex  
Nummis.* p.64.
- II. *In Ethica & Politica.  
Nummi symbola virtutum.  
Mos Senatus e Dione & Pli-  
nio illustratus. Civilis & Mo-  
ralis scientia in Nūmis obiter  
ostensa. Iosephus illustr. Muni-  
ficentia quid sub Cæsaribus.*  
p.70.
- III. *In Physica circa formas*

- Animaliū Hippopotami, Dra-  
conum, Rhinocerotis, Hyæna;  
Pelamidum, Chersydri, Polypi  
Circa Animalia fabulosa,  
De Sphinge, Syrenibus. Ety-  
mon earum indicatum. He-  
sychius illustratus. De Pe-  
gasis. Plinius illustratus.*  
p.81.
- Circa Plantarum Historiam.  
De Silphio & figura eius ex  
Nummis. Scaliger castigatus,  
Hesych. Synes. illustrati. Sal-  
masius refutatus. De Loto in  
Nummis* p.90.
- IV. *In Historia. Causæ utilita-  
tis nummorum ad eandem in-  
dicatæ.* p.95
- Ad Historiam Externam. Ori-  
go Mæcedoniæ Regum ab  
Hercule e Nummis. Constan-  
tinus Porphyrogen. illustratus.  
De Nummis Cornutis Ale-  
xandri & Successorum. Athe-  
næus illustratus. Cornua A-  
rietina, Hircina, Taurina, in  
Nummis; quibus concessa  
apud veteres. Appianus, Por-  
phyrius, Pausanias illustrati.*  
p.101.
- De Appellationibus à Dijs pe-  
ritis. De Cognomine Nicato-  
ris in Nummis. Appianus il-  
lustr. Hesychius emendatus;  
Scaliger refutatus.* p.105.
- De Cognomine Soteris illius ori-  
go & usus ostensus.* ΣΩΤΗ-  
ΡΑ

PA quibus in Nummis tribuitur. p.108.

De Cognomine Epiphanis. origo indicata. Appianus & Auctores varij illustrati. Voces Επιφανεα & Επιφάνια distincta. De voce Θεοφανεας Eusebius contra Scaligerum explicatus. Epiphanis nomen quibus tributum, ex Nummis. p.111.

De Cognomine Cerauni. Origo indicata. Pausanias, Dio, Photius Hesychius & Appianus illustrati. p.115.

De Cognomine ΔΙΟΝΥΣΟΥ. Lucianus & Plutarchus illustrati. Nomina à Dijs petita Dionysi dicti Antiochus, Mithridates, Ptolemaeus, Antigonus, & M. Antonius. p.117

De Cognomine Dei & ΘΕΟΥ quibus concessum. Explicatio, Nummi Christinae Augustae ΘΕΩΝ ΑΔΕΛΦΩΝ. Monumentum Adulitanum illustratum. De nomine ΘΕΟΥ vel DEI ex Nummis ineditis varia. Teophylactus Simocatta illustratus. Carus virgatus DEVS dictus in Nummo contra Scaligerum. p.119

De Cognomine Magni e Nummi traditi. Alijs prater Parthorum aut Persarum Reges usurpatum. Caesaribus quomo-

do tributum. p.127.

De Cognomine Regis Regum. Arsacidarum Nummi rariores, cur hoc titulo traditi & explicati obiter. Parthis an à Romanis concessum. Commune alijs prater Parthorum aut Persarum Reges. Nummus Cleopatra illustratus. Dio adfertus. p.129.

De Cognomine Philellenis & Philoromæi, cur ab Arsacidis alijsque illud usurpatum. Strabo Cicero illustrati. Nummus Ariobarzanis explicatus. Strabo, Themistius illustr. De Nummo Herodis. Alia. p.133

De appellatione ΑΥΤΟΚΡΑΤΟΡΟΣ in Nummis Tryphonis ac Tigranis Nummi. p.136.

Alia singularia ex Nummis id genus. Asandri Nummustraditus & illustratus. Dio, Appianus illustrati. Strabo, Photius emendati. Const. Porphyrogen. illustratus. De Abgaro in Nummis. Lamprid. emendatus. Occo castigatus. p.140

De Philetæro & Attalis. Nummi eorum obiter indicati. Strabo, Appianus, Pausanias expensi. p.140.

De Factis alijs in Nummis Graecorum aut Barbarorum. De Diademate, Tiara Parthorum ab alijs diuersa. Dio &

*Iosephus illustrati. Synesius expensus* p.141.

*Ad HISTORIAM ROMANAM ante tempora Caesarum.*

*I. Circa Familias Romanorum. Vrsini opus laudatum à Patinè recognitum.* p.144.

*Ob Notitiam Familiarum Romanarum. Familia pro Gente apud Tacitum & Gellium. Familiarum Romanarum scriptores. Beneficium Nummorum in ijs tradendis. De Pyrro Ligorio.* p.148.

*Ob Familias aliunde ignotas, quam ex Nummis.* p.148.

*De Prænominibus & Cognominibus Familiarum. De Nomine proprio, quale fuerit, Sirmondus castigatus. De Prænominibus Mulierum, Sigonius, Pàuinius P. Seruius castigati, Suetonius aliquoties illustratus. De Prænominum usu & varietate ex Nummis.* p.149.

*De Cognominum usu et varietate ex Nummis, Plutarchus et vetus lapis illustrati. Livi expensus.* p.159.

*De Cognominum origine in Nummis. Appianus & Plutarchus illustrati. Vrsinus refutatus.* p.163

*Ob Originem Familiarum. Origine et usus Gentiliorum Infi-*

*gnium ex Nummis indicatur.* p.168.

*Ob Magistratus & Dignitates in Nummis expressas; De Tribunitia Potestate, Tacitus illustratur. De Triumviris, alijs. De nomine Græco Pontificis Maximi. Dio Cassius & Dionys. Halicarnassensis, contra Iacob. Gutherium adserui. De Legatis Proprætore Dio illustratus. Capitolinus explicatus contra Salmasium de prouincijs consularibus et pratorijs. Interpretes Dionis, Appiani, Philostrati, Photij, castigati. Strabo emendatus.* p.170.

*Ob Gesta Illustrium, Linius Val. Maximus illustrati. Appianus circa Legionum numerum illustratus. Mos Sellæ curulis mortuis & absentibus data, ex Dione pluribus illustratus.* p.181.

*II. AD HISTORIAM ROMANAM sub Caesaribus. Nummographi laudati.* 187.

*I. Ob Seriem Cesarum & Augustorum. De Hostiliano & Erennio Heirusco, Victor, Eutropius, Zozimus alijs obiter expensi. Valeriani, Gallieni, XXX Tyranni ex Nummis excussi. Occo, Goltzius castigati. Varij Tyranni & Augusti ex Nummis*

mis illustrati. Nummus Carausii expensus. p.189.

- 2 Ob Seriem & Historiam Augustarum. Mose Lampri-  
dio expensus. Nummi Liuiæ  
illustrati. Suetonius & Dio  
adferri & illustrati. Num-  
mi Sororum Caligula, item  
Messalinæ, Poppeæ expens.  
Tristanus refutatus. Alia  
Augustæ ex Nummis illustra-  
te. De Neruæ Vxore contra  
Tristanum. Plinius Dio &  
Victor explicati. Faustina-  
rum Nummi rariores illu-  
strati Tristanus refutatus.  
De Iuliâ Domnâ vetus in-  
scriptio cōtra Scaligerum &  
Reinesium adferri. De Vxo-  
ribus Elagabali. De Sallustia  
Barbia Orbiana, noua  
sententia ex Nummis. De  
Paulina vulgò uxore Maxi-  
mini. Tristanus castigatus.  
De Probi Vxore et Nummo  
Magni Ducis. De alijs Ma-  
tribus & Vxoribus Augusto-  
rum ex Nummis. p.199.
- 3 Ob Titulos et dignitates  
Candidatorum Imperij. De  
nomine Cæsaris. Noua il-  
lius observatio ex nummis in-  
dicata. Origo eius et ratio  
contra Casaubonum aliosque  
eruditos expensa. Sp. rtiauns  
emendatus. p.221

De Titulo Principis Iuuentu-

tis, illius origine & quibus  
concessus. p.125.

De Titulo Sacerdotis cooperti  
in omnia Conlegia. Lam-  
pridius illustratus l. Guthe-  
rius castigatus. Dio illustra-  
tus et explicatus. Cæsariæ  
apud Byzantinos scrip. ores.  
p.226.

De Titulis Augustorum. Mos  
eos conferendi. Dio & Lam-  
pridius ex Nummis illustrati.  
p.230.

De Titulo Augusti, et varia il-  
lius appellatione. Quibus in  
Nummis usurpatus vel omis-  
sus. I. C. Bulengerus casti-  
gatus. Dio explicatus. De  
diademate peculiari Augusto-  
rum ex Ammiano & Euse-  
bio. De usu nominis AY-  
TOY & TOY & ΣΕΒΑΣ-  
ΤΟΥ. p.230.

De Titulo Imperatoris. Quot  
modis Cæsaribus in nummis  
tributus. De primo Dio, Sy-  
nesius, Herodotus illustrati,  
Philostratus explicatus. Cæsa-  
ribus vel Candidatis imperij  
concessus. A quibus Augustis  
admissi vel reiecti ex Nū-  
mis. De posteriori nominis  
usu, Dio emendatus & expli-  
catus. De multiplicato nume-  
ro, mos e Dione expensus.  
p.234.

De Titulo Pontificis Maximi.  
Inscr.



*Inscr. illustrata . Coniuncta apud Romanos Imperij & Sacerdotij iura . Codex Theodosianus, & Eusebius illustrari . ACIAPXAI & APXIEPEIC ex Nummis . Constantinus Porphyrogen. castigatus . Locus Actorum XIX illustratus . Inscriptio Græca adlata, nuper in Vrbe reperta . Tempus illius obiter indicatum . Tertullianus, Iosephus Dio, Philostratus, illustrati .*  
p. 240.

*De Titulo Tribunitiæ Potestatis in Nummis & illius prærogativa; Dio & Tacitus illustrati .*  
p. 248.

*De Titulo Consulis suscepti ab Imperatoribus . Origo ex Appiano . Lapidis expensis .*  
p. 250

*De Titulo Cesarum Proconsulis, Casauboni dubium expensum, cur in nummis Cesarum omissus . Dio illustratus . Origo illius dignitatis indicatur . I. C. Balengerus castigatus . Tacitus, Dio, Velleius explicari .*  
p. 252.

*De Titulo Patris Patriæ ex Appiano . Quibus Cesaribus & quando concessus ex eorum Nummis . Patris Hominum titulus ex Pausania & Themistio illustratus . Prior defensio contra Casaubonum . Alij Tituli Patris aut Matris*

*orbis, Exercituum, Castrorum, Legionum, Senatus ex Nummis indicati . Caius Filius Castrorum ex Suetonio .*  
p. 257.

*De Titulo Pij . Origo . Lamprius, Suetonius & Themistius illustrati . De duplici huius ratione in Nummis, & Titulis in ipsdem Pietatis Augustorum, Romanæ, Senatus, mutuâ Augg. ex Nummis . Auctores nonnulli illustrati .*  
p. 262.

*De Titulo Felicis . Capitolinus illustratus . Tituli varij Felicitatis in Nummis . Origo tituli Nobilissimi Cesaris ex ipsdem et lapidibus indicata .*  
p. 264.

*De Titulo Domini . In Nummis quando usurpatus . Lamprius, Dio illustrati .*  
p. 266

*De Titulo Censoris sub Cesaribus & à quibus usurpatus . Tacitus et Dio illustrati . De Præfectis morum, Censoriâ Potestate, Censore perpetuo ex Auctoribus, Lapidibus et Nummis . Lapis Caracallæ falsò tributus et Vespasiano adsertus . Nummus L. Vitellij cum titulo Censoris expensus, Dio et Trebellius Pollio illustrati . De repetita Censura sub Cesaribus contra eruditos .*  
p. 267.

- De Titulis specialibus à Dijs petitis Olympij in nummis Hadriani, Dio & Spartianus & Pausanias illustrati; Herculis in nummis Hadriani, Commodi, Maximiani. De Iouio et Deo Caro. p.276.*
- De Titulis Victoriarum aut deuictarum Gentium in Nummis. De Alamannici & Francici usu et discrimine. Nummus Ser. Principis Leopoldi ibiter illustratus, in quo FRANCI A. p.280.*
- De Titulis Adfinitatis aut Adfectus in Nummis. De Titulo Antoninorum. Lampadius illustratus. p.282.*
- 4 *Ob Facta Caesarum in Nummis contenta. p.284.*
- De Nummis vulgò Spintrij Tiberij, noua Auctoris coniectura. Mos lasciuorum numismatum in Theatris, e Marciali illustratus. p.284.*
- De Asylorum iure sub Caesaribus, Suetonius castigatus. Mentio eorum in Nummis. De liberis Ciuitatibus, et liberà Amis, & Rhodo in Nummis. De Αυτονομία in iisdem, Cicero, Strabo alijque illustrati. p.283.*
- De Remissione onerum aut Tributorum in Nummis Nummus Galbe, Quadragesima Remissa illustratus. Tacitus et vir doctus castigatus. Inscriptio vetus laudata. p.292.*
- De Vehiculatione in Nummo Nerue. Ammianus illustratus.*
- De nummo Hadriani. Reliqua vetera &c. Dio et Spartianus illustrati, Aufonius emendatus, Scaliger notatus. Ammianus illustratus. p.293.*
- De Liberalitatibus et Congiarijs. Mos eorum notatus contra Salmasium. Inscriptio et Cod. Theodos. explicati p.296.*
- De Aduentibus, Triumphis Quadorum in Nummis, Victorijs Germanicis. Christiani per Hydram designari in nummo Maximiani. Nummus Diocletiani Fata Victicia. p.298.*
- De Adlocutionibus Augustorum in Nummis. Mos earum ex Ammiano et Appiano illustratus. Exercitus varij in Nummis rarioribus declarati, Dacicus, Britannicus, Rheticus, Syriacus, Cappadocicus, Germanicus, Mauritanicus, Noricus, Illyriciani, Vacensis, Iscanius. p.301.*
- De Pacis Titulis et ludis secularibus in Nummis etiam*

Honorij. De Operibus varijs,  
 Templis, alijsque in usum  
 De Arcu Portugallix. De  
 Nummo insigni Pescennij Ni-  
 gri Gaze Farnesiane. p.304.  
 V. De Chronologiâ & Geo-  
 gsaphiâ Prioris utilitas obi-  
 ter indicata & aliò dila-  
 ta. Specimen posterioris ex  
 Nummis illustrata. De Pri-  
 matu Asia et Neocoris er-  
 rores doctorum obiter indica-  
 ti. In restituendo Stephano  
 nummorum utilitas; variarum  
 Urbium nomina restituta ex  
 ijs. Dio quatuor locis emenda-  
 tus. Eius Interpretes notati.

Mela, Ptolomæus, Hirtius  
 emendati. Calpe et Carteia  
 Vrbes diuersæ contra viros  
 doctos adsertæ. Stobensium  
 Vrbs emendata in Stephano,  
 alijs. Odessi verum nomen ex  
 Nummis traditum cōtra Tri-  
 stanum. De Nummo Urbis  
 Nesibis et nomine Septimiæ  
 quibus tributum in Nummis  
 Scaliger notatus. Urbium no-  
 mina a Caesaribus pēta, e  
 Nummis declarantur. Δι-  
 τουργαφία Urbium in Num-  
 mis. p.306.

Conclusio Dissertationis.







# AVCTORES

## EMENDATI, ET ILLUSTRATI.

- A**cta Apostolorum pag. 120.  
242. 307.  
 Ammianus Marcellinus pag. 47.  
221. 228. 230. 233. 224. 296.  
301.  
 Antonini Itinerarium. pag. 310.  
 Apollonij Scholiast. p.66.  
 Appianus notatus . p.103. illustr.  
111. 116. 117. 134. 137. 152.  
165. 183. 249. 250. 257. 289.  
302. emendatus p.65.  
 Aristoteles . p.88.91.  
 Aristophanis Schol.p.91.  
 Artemidorus . p.16.  
 Athenæus . p. 10. 15. 101. 118.  
 emend.p.112.  
 Ausonius emend.p.295.  
 Capitolinus explic. 179. illustr.  
264.  
 Carullus p.300.  
 Cicero 11.31.134.160.225. 290.  
 Clemens Alexandrinus p.101.  
 Codex Theodosianus. pag. 240.  
246.297.  
 Constant. Porphyrogen. pag. 100.  
139.notatus p.243.  
 Digesta p.9.  
 Dio Chrysosthomus p.8. 13. 25.  
46. 109. 111. 119. 126. 142. 296.  
 Dio Cassius p. 14. 119. 131. 132.  
133. 140. 165. 169. 171. 174.  
177. 186. 205. 211. 225. 267.  
emendatus p.65.66.237. bis 308.  
309. explicatus 203. 237. defen-  
sus p. 174.  
 Diodorus Siculus p.310.  
 Dionysius Haliarnass. defensus p.  
175.  
 Eusebij Chronicon explic. 113 no-  
tatum 211.  
 Eusebij Historia ill. p.14.17.105.  
231. 233. 234. 235. 236. 295. no-  
tata 203.  
 Eustathius p.66.  
 Eutropius p.191, notatus p.211.  
 Excerpta Græca Eusebij. p.136.  
 Excerpta Constantini p.133. 134.  
 Excerpta Legationum. p.110. 128.  
 Festus emendatus p.65.  
 Gellius p.9. 145. 158. 164.  
 Herodianus p.119. 128. 211. 215.  
235. emendat. p.66. 69.  
 Herodotus p.89.  
 Hesychius p.16.87. emendat. 107.  
 defensus 93.  
 Hieronymus p.89.  
 Hirtius emend. p.310.  
 Inscriptiones veteres p. 149. 203.  
204. 211. 215. 116. 143. 251.  
264. 265. 269. 282. 296. 300.  
 Inscr. Ineditæ 164. 236. 245.  
 Iosephus p.115. 120. 142. 168. 206.  
246. 297. emendat. 65.  
 Iulianus p.  
 Iustinus p.172.  
 Lampridius p.200. 210. 229. 262.  
263. 266. 278. emendatus 149.  
 Liuius p. 162. 168. 175. 182. 259.  
 Lucanus p.83. 103.  
 Lucianus p.40. 61. 63. 111. 116.  
 Martialis explicatus. p.286.  
 Marmora Arundelliana p. 242.  
 Mela p.7. emendat. p.312.  
 Monumentum Aduliranum. pag.  
 122.

Nice-

- Nicetas p. 228.  
 Nouvelle Justiniani. p. 267.  
 Nummi inediti obiter illustrati  
 aut declarati  
 Ex Cimeljs  
 Barberini Cardinalis  
 Buoncompagni Cardinalis  
 Camilli Maximi  
 Chigij Principis  
 Feliciae Rondinini  
 Francisci Gottifredi  
 Gaddi Florentini  
 Leopoldi Principis  
 Magni Ducis  
 Mutinae Ducis  
 Nicollini Marchionis  
 Palatini Electoris  
 Parme Ducis  
 Oppianus p. 260.  
 Ovidius p. 66. 260.  
 Pausanias p. 5. 114. 115. 264. de-  
 fensus, & illustratus p. 259.  
 Philostratus p. 7. 9. 16. 46. 180.  
 Photius p. 115. 123. 138. 181. 283.  
emend. 124. 125.  
 Plinius p. 27. 40. 89.  
 Plinius minor p. 13. 31. 207. 289.  
 notatus 26.  
 Polybius p. 110.  
 Plutarchus p. 25. 105. 110. 111.  
119. 159. 175. 163. 277. 308.  
 notatus 153. emendatus, 65.  
 Porphyrius p. 87. 104.  
 Procopius p. 7.  
 Propertius p. 286.  
 Quintilianus p. 293.  
 Seneca p. 16.  
 Seruius p. 87. notatus p. 103.  
 Sidonius Apoll. p. 199. 258. 273.  
 Solinus p. 89.  
 Spartianus p. 210. 211. 258. 277.  
281. 285. 303. emendatus 224.  
309.  
 Strabo p. 83. 180. 290. 291. 310.  
312. emend. 138. 181. 309.  
 Stephanus p. 312. emendatus pag.  
312.  
 Suetonius p. 8. 46. 155. 164. 203.  
230. 233. 248. 258. 264.  
 Symmachus p. 8. 276.  
 Synesius p. 101. 125. 135.  
 Tacitus p. 144. 171. 172. 201. 238  
239. 244. 250. 255. 261. 262.  
264. 267. notatus 292.  
 Terrullianus p. 245.  
 Themistius p. 123. 135. 260. 263.  
267. 280.  
 Theocritus p. 122.  
 Theophylactus Simocatta p. 109.  
 Trebellius Pollio p. 23. 193. 195.  
273. 276.  
 Tzezes p. 92.  
 Valerius Maximus p. 183.  
 Varro p. 172.  
 Velleius Paternulus p. 239. 255.  
 Virgilius p. 28.  
 Victor p. 191. 208.  
 Vopiscus p. 196. 220. 281. 282.  
 Xiphilinus emendatus p. 66.  
 Zozimus p. 192.

## ADDENDA, ET EMENDANDA.

pag. 10. **A** Nnibalem Caro Parmensem; dele Parmensem, et emenda Picentinum.

Id monuit me continuò Eminentiſſimus Cardinalis Sforza Pallavicinus, leſtis primis huius opusculi paginis. Il Signore Spanheia che con l'aureo suo ſar conuerſe in oro prezioſo tutte le Medaglie, e col ſuo amor ſuo attribuiſce ſpeſſo à me que' pregi che non mi ſono dounti; diſfonde ancora queſto parziale aſſerto verſo la Città, dalla qual' io traggo l'origine. Onde aſcrive per ſuo figliolo à Parma il famoſo Annibal Caro, il quale ſecondo la verità, nacque in Città nuova, Terra della Marca ſotto il Dominio de' Signori Ceſarini.

pag. 50. Nummus Sidonis: omiſſe inſcriptiones horum Nummorum et aliorum id genus, quos penes me habeo, inopia caracterum.

pag. 65. Teſti locum, ut eum correxi, ita emendatum poſtea deprehendi apud Fulurum Viſinum in opere Familiarium Romanarum.

pag. 11. Eandem originem vocis Epiphanius indicauit iam obiter ad Eusebium Cl. Valensius.

pag. 134. ΜΕΡΑΛΟΥ adde, vel ΜΕΡΙΣΤΟΥ. Ita

enim Pontifices Maximi diſti paſſim Caſares in Nummis.

Re accuratius expenſa, pag. 179. Salmaſij interpretatio ferri poſſe videtur circa Prouincias Conſulares, & Prætorias apud Capitolinum.

Pecunias Caſaris colligebant, adde, & diſtribuebant militibus. Vtrumque enim Procuratorum Caſaris officium liquet ex Strabone, Appiano, alijs.

Eadè originē Iuris Procoſularis conceſſi à me tradita uidiſſe Petrum Marcum in noua editione operis de concordia Sacerdotum & Imperij, monuit me V. Cl. Oſtavius Falconerius noſter.

Tiberio dele, & ſcribe pag. 261 Claudio. De eo enim Tacitus id notat Annal. XI.

Nerue Ita lapis apud Gruterum, qui Nerue Traiano tamen videtur adſcribendus, ex adinſecto cognomine Dacici.

Ante illa verba, Hadria pag. 295 ni verò exemplum, ſcribes hunc morem Syngrapharum qui Reip. debebant, comburendi ab Auguſto videtur hauſiſſe Hadrianus, de quo ſimile factum reſert Dio lib. 53. & Appianus Bell. Civil. l. IV.

Λαμπρός legendum pag. 309 Vtrumque tamen ſcribi notat Stephanus Λαμπρός &c

Errata verò Typographica ita emendanda.

pag.9.v.28.memini . p.11.v.22. *temporariam*. p.12.  
v.18.Anadyomene. p.13.v.1.elufisse. p.14.v.12.Pra-  
xitelis . p.29.v.28.conuenio . p.30.v.6.tot. p.36.  
v.Coorum. p.37.v.17.Aefchyli. A.27.Ariftoteles.  
p.52.v.19.Phoenici p.55.v.28. *Αρτεμης*. p.93.v.15.  
*γάρ*. v.16.Silphij v.17.copiofum. p.101.v.2.Amynta  
v.11.Cyrenenfes. p.105.v.25.Tryphones aliique. p.  
116.v.14.Seleucidarum v.22. *Κε αὐνός*. p.118.v.20.re-  
ferri . p.122.v.1.cogniti. p.125.v.5.Phraates. p.131.  
v.25.diēti ſint . p.131.v.20.Chofroæ . p.132.v.21.  
*Τὸν ἰτὲ Κατάρτεια ἐπαινομαίω* p.144.v.19.magnanimi p.  
151.v.7.Sullas.p.163.v.24.Vallo.p.170.v.17.Quiritū p.  
p.173.v.9.modius.p.174.v.8.PRAEF.p.175.v.14.*μεγα-*  
*λη*.p.180.v.20.suberat. p.184.v.18.AC.v.21.LD. p.  
190.v.24.Iornandes . p.227.v.8.Sacerdotijs. p.245.  
v.9.ΠΑΡΑΔΟΞΟΝ. p.235.v.20.vtriuſque. p.241.  
v.14. *transpoſita* ΓΓ. ΠΟΛ. p.277. fugillat in priori. p.  
p.279.v.13.DEBELLATOR1 . p.301.v.29.co faēto .  
p.302.v.1.concitauit . p.309.v.13.Antinoi . v.26.co-  
nati ſunt . p.312.v.28.argumento .





